

# 武昌革命史正編目錄

一、辛亥（一九一一年即宣統三年）八月十九日（十月十日）	武昌起義……	一
二、八月二十四日	武漢之戰守……	九〇
三、八月二十六日	各國宣告中立……	一〇九
四、九月初一日	湖南光復……	一三七
五、九月初二日	九江光復 陝西光復……	一四二
六、九月初七日	貴州光復……	一六二
七、九月初十日	黃興宋教仁等抵鄂……	一七二
八、九月十一日	山西雲南光復……	一七九
九、九月十二日	漢口失守 湖南兵變殺焦陳舉譚延闓爲都督 湘軍援鄂……	二〇八
一〇、九月十三日	黃興任戰時總司令 上海光復……	二二三

一一、九月十四日	湘軍抵鄂	浙江光復	一二二五
一二、九月十五日	蘇州光復		一二三〇
一三、九月十六日	民軍固守漢陽	吳祿貞被刺	松江清江光復
			汪兆銘
	等出獄		一二三三
一四、九月十七日	廣西光復	鎮江光復	一二四五
一五、九月十八日	安慶光復	福州光復	一二五四
一六、九月二十日	黎元洪通電請組臨時政府	袁世凱遣使議和	一二六二
一七、九月二十一日	黃興在漢陽籌攻守	山東獨立旋即取消	一二六七
一八、九月二十二日	廣東光復	廣西改舉陸榮廷爲都督	煙台光復
			一二七三
一九、九月二十三日	民清兩軍在武漢相持		一二八〇
二〇、九月二十六日	清廷命袁世凱組閣		一二九一
二一、十月初二日	蘇滬聯軍開始合攻南京	重慶光復	一二一〇

一三二、十月初三日	民軍仍堅守漢陽……………	三一七
一三三、十月初六日	奉天獨立……………	三三五
一三四、十月初七日	漢陽失守 成都光復……………	三四〇
一三五、十月初十日	各省推湖北軍政府爲中央政府……………	三六五
一三六、十月十一日	民清兩軍停戰……………	三六八
一三七、十月十二日	南京光復……………	三七五
一三八、十月十四日	舉黃興爲大元帥黎副之……………	三九〇
一三九、十月十六日	清攝政王辭職……………	三九四
一四〇、十月十八日	伍廷芳唐紹儀奉命議和……………	四〇一
一四一、十月十九日	袁調馮國璋赴京以段祺瑞爲清軍總司令……………	四〇六
一四二、十月二十日	南京進行組織臨時政府 蒙古獨立 鄂方以吳兆麟任 總司令官……………	四一二
一四三、十月二十七日	王正雅收復荊州……………	四五一

三四、十月二十八日 伍唐兩代表在上海正式開始和議談判……………四五六

三五、十一月初一日 黃興辭大元帥改舉黎黎亦辭不就……………四六四

三六、十一月初二日 黎允任大元帥但以黃興在寧代行職權……………四七一

三七、十一月初三日 民軍殺川督趙爾豐……………四七七

三八、十一月初四日 段祺瑞在漢口漢陽布置軍事鄂方電伍代表請抗議……………四七九

三九、十一月初五日 廣東改舉陳炯明為代理都督……………四八二

四〇、十一月初六日 孫文歸國始抵上海……………四八六

四一、十一月初九日 清廷諭開臨時國會 伍唐議決召集國民會議辦法四……………五〇三

四二、十一月初十日 十七省代表舉孫文為臨時大總統……………五〇七

四三、十一月十二日 十七省代表特派正副會長赴滬迎孫……………五一五

四四、中華民國元年一月一日 孫文就臨時大總統職 中央政府成立於南……………五二〇

四五、十一月十三日 孫文就臨時大總統職……………五二〇

四六、十一月十四日 孫文就臨時大總統職……………五二〇

四七、十一月十五日 孫文就臨時大總統職……………五二〇



京改用陽歷·····	五一七
四五、一月二日 清代表唐紹儀辭職照准袁世凱與伍廷芳直接電商和議·····	五二八
四六、一月三日 十七省代表舉黎元洪爲副總統 南京內閣成立 又由十	五三一
七省代表定五色旗爲中華民國國旗·····	五三八
四七、一月五日 清軍退出漢陽·····	五四一
四八、一月六日 漢口清軍亦退·····	五四八
四九、一月七日 新疆光復·····	五五一
五〇、一月八日 武昌仍主繼續北伐·····	五六四
五一、一月十一日 黎大元帥下令準備北伐·····	五七一
五二、一月十二日 北伐第一軍總司令官吳兆麟辭職黎委孫武繼任旋改由	五七八
杜錫鈞代理·····	
五三、一月十四日 聞鐵良良弼等組織宗社黨·····	

- 五四、一月十五日 黎元洪仍準備北伐……………五八三
- 五五、一月十六日 袁世凱被刺未中……………五八九
- 五六、一月二十日 伍廷芳唐紹儀開始議清帝退位條件……………五九七
- 五七、一月二十六日 袁世凱授意段祺瑞請清帝退位 彭家珍炸良弼斃之……………六一一
- 五八、一月二十七日 良弼被炸後之北方局面……………六一八
- 五九、一月二十九日 段祺瑞贊成共和已徵實……………六二六
- 六〇、二月一日 章太炎主張以袁世凱爲臨時大總統仍都北京……………六三三
- 六一、二月二日 段祺瑞派代表與武漢接洽國體問題……………六三六
- 六二、二月九日 孫文表示共和告成卽辭職從事實業……………六五一
- 六三、二月十二日 清帝退位北京遍懸五色國旗……………六六四
- 六四、二月十三日 孫文向南京參議院提出辭職書并推袁世凱爲大總統……………六七三

六五、二月十四日	武漢開始收束軍事……………	六七九
六六、二月十五日	南京參議院一致舉袁世凱爲第二任臨時大總統	六八五
六七、二月十七日	南京臨時政府派蔡元培汪精衛迎袁南下就職……………	六九三
六八、二月二十日	南京參議院仍一致舉黎元洪爲副總統……………	六九九
六九、二月二十七日	袁世凱無意南下黎元洪通電仍主建都北京……………	七二〇
七〇、二月二十八日	袁世凱秘嗾第三鎮兵變焚掠甚慘因藉口不肯南下……………	七三〇
七一、三月三日	天津保定駐兵亦繼北京譁變……………	七三五
七二、三月四日	蔡元培通電主臨時政府設北京袁即在北京就職	南京參
	議院決議承認之……………	七三九
七三、三月十日	袁世凱在北京行正式受任禮……………	七五三
七四、三月十一日	孫大總統公布臨時約法於南京……………	七五五
七五、三月十三日	袁世凱從速組織內閣決以唐紹儀爲國務總理……………	七六四

七六、三月十九日 甘肅新疆均宣布承認共和……………七六七

七七、三月二十九日 唐內閣各部總長通過臨時政府決四月二日北遷……………

……………七八三

七八、四月一日 孫大總統解任……………七八六

附錄

武昌首義人名表

補遺

# 武昌革命史正編插圖目次

黎元洪先生遺像	三四後
武昌諮議局起義時之都督府	三六後
蔡濟民像	七二後
駐漢各國領事佈告中立之告示	一一〇後
武昌執法支部告示	一三六後
焦達峯像	一三八後
馮國璋統兵攻漢口之告示	一六八後
蔡鍔先生遺像	一九二後
張君文光遺像	一九六後1
楊君振鴻遺像	一九六後2
雲南軍政府組織系統及人名表	一九八後

袁世凱攻漢口時之告示	一二二後
陳其美遺像	一二四後
吳祿貞先生遺像	一三四後
袁世凱反對革命之告示	一四六後 <sup>1</sup>
林述慶先生遺像	一四六後 <sup>2</sup>
馮國璋抗順之文告	三〇二後
藍天蔚先生遺像	三四〇後
伍廷芳唐紹儀二先生合影	四〇〇後
程璧光先生遺像	四〇二後
南京臨時政府	四一六後
黎委吳兆麟爲總司令官之委札	四二四後
王鴻猷先生遺像	五三二後
馮特民先生遺像	五四八後

馮大樹先生遺像·····	五四九前
黎大元帥委吳兆麟任北伐第一軍總司令官之委札·····	五五六後
準備北伐之各軍·····	五六〇後
黎大元帥準備北伐之命令·····	五六四後
黎委吳兆麟爲參謀總長之委札·····	五七六後
黎元洪準備北伐之命令·····	五八四後
黎元洪準備北伐之命令·····	五八八後
黎元洪準備北伐之命令·····	六二〇後
黎元洪準備北伐之命令·····	六二二後
黎元洪準備北伐中之訓令·····	六二四後
南京參議院舉袁世凱爲第二任臨時大總統畢之攝影·····	六八四後
孫中山祭明孝陵畢之攝影·····	六九二後 <sup>1</sup>
孫中山讓臨時總統於袁世凱後在孝陵攝影·····	六九二後 <sup>2</sup>

孫中山祭明孝陵畢出陵時之攝影……………六九二後3

孫中山祭明孝陵畢將歸時之攝影……………六九二後4



# 武昌革命史 正編

一、辛亥（一九一一年）即宣統三年八月十九日（十月十日）

## 武昌起義

辛亥八月十九日（即西曆一千九百十一年十月十日）天曙。瑞澂命將革命黨彭楚藩、劉堯激、楊洪勝三人斬決。後又令各城門一律緊閉，不許開城，致人心恐怖，謠言蠭起。城外百姓聞城內大殺黨人，莫不心驚膽顫。又謂此次革命黨甚多，學生新軍均在其內。瑞澂欲斬草除根，令人聞之悲痛。蓋學生與新軍皆屬漢人，且俱係本省子弟。各家父老親戚皆爲之憂心如搗。至正午，瑞澂又召集軍警巡防水師及各機關長官會議，謂革命黨謀反叛逆，反對我朝，非搜殺盡淨，不無後患。特責成部屬嚴爲防備，盡力搜捕，以絕其根株爲要。但黨人自十八日各機關破案後，被捕者既數十人，文弱者皆避匿遠颺，營內同志外斷消息，又禁止兵士出入，極抱不安。灰心者則曰：革命事業，真難成功。屢起屢蹶，損失太大。此次破案，又不知流血多少，徒遭大劫，殊屬無謂。膽怯者聞之，即徘徊觀望，不能

勇猛直前。如果瑞澂假仁假義。示以寬大。速出佈告。不究既往。自認過失。早開城門。從此開誠布公。不用宵小。各方勸慰。使兵士安心。革命大事。或無形暫息。亦意中事。孰知益肆兇橫。毫無忌憚。嚴令各機關長官。不得稍存姑息。務按所獲名冊。一一搜捕。而一般寡廉鮮恥之小人。復借此逢迎。捏造是非。謂革命黨如何如何可惡。人數如何如何衆多。并有至鐵忠處投効討差。以能搜捕革命黨自任。借此升官發財。如瑞澂鐵忠稍明事理。決不能用此人羣敗類。到處招搖撞騙。陷害善良。無如滿人素無知識。愛人逢迎。遂特別嘉獎。令若輩竭力搜查。事後當頒重賞。一般小人奉命之後。卽四處恐嚇。揚言革命黨名冊在其手中。必須一一拿辦。逢人便問。意在使革命黨聞之納賄除名也。不意有挂名於革命黨中。粗知革命黨內容者。竟向清吏告密。謂某處革命黨有幾許人。某學堂某軍營共有幾許人。此風一播。聞者皆驚。營內同志。以爲名冊抄去。按名拿捕。萬難倖免。又聞瑞澂確已派巡防營至各處圍搜。謂某也難逃。某也不免。同志聞之心爲之裂。甚至與革命黨有杯酒之歡。一面之緣者。亦呈不安之色。大衆既禁止出營。又不能與營外同志通聲氣。且均係本省土著。年貌籍貫。保人底冊。一一有案可稽。亦無可潛逃。正值危疑震撼之秋。而

鐵忠得意揚揚。以爲得此一般爪牙。爲其効力。革命黨決難漏網。於是命一般小人分途向各營傳諭。令各營長官認真搜捕。不得陽奉陰違。致干重究。同志聞之。與其待縛。不如奮鬥。死裏求生。莫若早爲起義。有謂發難之後。或無人附和。或各營不響應。又將奈何。於是又暗中秘議。設法派人至各營遞信。約定今晚起事。并言有不從者。卽令失敗。被其拿獲。亦當一律供出。正在密議之中。忽瑞澂派巡防營到步隊第十五協營內。將排長張廷輔拿去。該協中之同志。都起恐怖。拿解張廷輔時。又路經工程第八營。該營同志。卽證實瑞澂派巡防隊至各營按冊捕人。而發難救人之心更堅決。於是飲酒誓盟。準備槍枝。天黑卽發。時武昌城內新軍不多。步隊第十五協二十九標僅一二兩營。三十標皆係旗兵。較步兵多一營。步隊第十六協三十一標開往四川。三十二標只一營在城外。步隊四十一標僅第三營在城內。其餘均已開往他處。合計城內步隊共三營。工程一營。而旗兵三營。督署教練隊一營。及巡防數營。兩相比較。革命軍決無勝算可言。溯自八月初二砲隊第三營因激生變後。砲無引綫。不能施放。旋卽潰逃。同志有鑒於此。遂分途運動各營經管軍械之人。適天心佑漢。胡運將終。各該管理軍械人員。均願贊助。於是密運子彈。分發

各營同志。同志得此實彈。即脅各新兵及一班觀望不前之士。謂不贊同。即槍斃之。該新兵等不敢不附。同志中并有運動第八鎮司令部之管軍械者。暗將機關槍內之小零件撤去。使其臨時不能施放。當時機關槍僅督署及第八鎮司令部有之。

城內楚王台設有軍械局。漢陽槍砲廠二十餘年所製造之槍砲子彈。及歷年所置之外國槍枝。皆儲藏其內。防守該局。乃工程第八營。是夜防守。又係工程營左隊隊官吳兆麟。吳兆麟湖北參謀學校卒業。乃日知會幹事。深謀遠慮。素懷大志。遂因時乘勢。早將該局防禦嚴密。旋瑞澂倉皇出走。即聞楚王台爲革命黨所有。不得不爾也。

是晚七時。工程營後隊排長陶啟勝。查有該排兵士程正瀛。槍內裝有子彈。又查有該排副目金兆龍。亦擦槍裝彈。遂傳諭金兆龍爲何如此。金兆龍曰。準備不測。陶啟勝大怒。謂爾輩豈有此理。預備謀反。這還了得。立命左右與我綁之。金兆龍云。今日之事。乃我爲政。今日之人。俱我同胞。誰也不能綁我。而程正瀛在後。即用槍柄向陶啟勝頭腦猛力一擊。腦即擊破。立時倒地。同時該營左隊兵士方興。潛在營外向營房擲一炸彈。響聲大震。營房玻璃窗多爲之碎。後隊正目熊炳坤借此一轟。羣起譁變。該營督隊官阮榮發及右隊隊

官黃坤榮、司務長張文濤、拔刀阻止。均爲兵士所殺。於是一般軍官見此情形。不敢攔阻。紛紛逃避。衆兵士即將營內子彈搬取一空。但均不敢出營。時有左隊司書生周定原。謂爾輩既已發難。卽不應仍守營內。當速到楚王台集合。衆兵士聞之。齊喝一聲。響如雷。應一哄而出。向楚王台而去。少頃卽至。他營尙無動靜。大衆恐無響應。頓現恐慌。而膽小者當卽散匿。共計工程第八營不到三百人。又慮瑞激來襲。危險萬狀。衆兵士平時皆依賴長官指揮。此時秩序忽亂。見無長官。皇皇無主。雖有代表。而兵士仍不信仰。故隊伍不能整齊。於是衆兵士公舉左隊隊官吳兆麟爲總指揮。并懇求爲大衆作主。吳兆麟不肯受總指揮之職。衆兵士涕泣哀求。謂隊官道德學問。皆擅優長。不獨本營同志敬仰。卽全軍亦素所推尊。我輩今日之舉。實出於萬不得已。蓋因清廷無道。滅我國土。殺我人民。今瑞激來鄂。又遇事壓迫。任用私人。奴我漢族。久仰隊官是日知會幹事。夙懷革命。今日倡義。卽隊官立功報國。光復皇漢。艱難締造之河山。挽救同志。此其時也。吳兆麟曰。爾等既有大志。今日之舉。是我本願。但爾等自首難後。頗形紊亂。非常喧囂。最犯兵家之忌。況夜戰以肅靜爲主。否則不可指揮。既云革命。對於軍事。須嚴守軍紀。絕對服從命令。方操勝算。

瑞澂之凶殘。滿清之不道。我甚恨之。今既發難。我有守軍械之責。各處均無響應。爾等務速自衛。不然。惟有同歸於盡而已。我萬不能受總指揮之任。爾輩另請高明可也。衆兵士執不可。非公舉吳兆麟爲總指揮不行。衆兵士曰。隊官既云軍隊要服從。此是一定之理。如有不服從命令。或有臨陣脫逃者。即請總指揮以軍法從事。我等在此之人。均願遵守命令。即赴湯蹈火。皆所不辭。於是吳兆麟即令各隊重整隊伍。到楚王台西南凹地集合。先說明當時處置情形如左。

一、目下我工程營舉動。約一時許。各處尙未響應。其危險萬狀。北有三十標。西有憲兵營。均是旗人。近在咫尺。我須先發制人。以猛烈火力擊散之。

二、本軍械局乃我根據地。須竭力保守之。

三、砲隊內同志極多。現在城外。夜間如無步隊掩護。行動危險。我應派隊促其響應。掩護入城。以壯聲威。

四、所有附近電綫。一律割斷。

五、今晚口號興漢。

六、各營同志。均派二人。分途遞信。促其響應。

七、一俟砲隊入城及各營同志響應後。然後一齊進攻督署。

吳兆麟將以上處置說畢。衆兵士均極贊成。當下口演命令如后。

命令 八月十九日午后八時三十分

一、步隊三十標旗人。及憲兵營旗人。與本軍相距咫尺。據報目下尙未舉動。

一、本軍擬固守軍械局。以先撲滅憲兵營之旗人。并以猛烈火力擊散三十標之旗人。

三、派馬榮金兆龍二人各帶兵一排。由本地即時出發。馬榮向憲兵營東面前進。金兆龍向憲兵營西南面前進。即撲滅之。

四、曹飛龍帶兵一排防禦本軍械局西北端。黃楚楠帶兵一排防禦本軍械局東北端。均向三十標猛烈射擊。

五、熊炳坤率楊金龍徐兆斌汪長林帶兵一隊。即時出發。出中和門。促砲隊響應。并掩護進城。先到本軍械局集合。

六、程正瀛楊雲開孫元勝羅炳順各帶兵六名。將附近所有電綫一律割斷。

七、陳有耀帶兵三名。到通湘門附近偵探情形。唐榮斌帶兵三名到中和門街附近偵探情形。

八、其餘一隊。爲預備隊。在本軍械局西端集合待命。

九、本總指揮在軍械局南端。

總指揮吳兆麟

以上命令發下後。各照命令出發。約半點鐘。馬榮來報告。已同金兆龍將憲兵營內旗兵十餘名斬決。當佔領該營。吳兆麟又命馬榮出中和門接濟砲隊之掩護隊。又命金兆龍防禦中和門。

少頃。第八鎮與督練公所。派參謀吳兆祺。軍務幫辦李克果。科員劉繩武。馬祖全來軍械局。查問情形。李克果聞警。當已潛逃。劉馬二員。已爲革命軍拿獲看管。吳兆祺乃吳兆麟之兄。當留贊助。四員無一回報。是以第八鎮與督練公所皆無由得知革命軍之情形。是晚天將黑。武勝門外第二十一混成協輜重隊與工程隊亦首先發難。并將營房燒毀。而在其附近駐紮之砲隊第二十一營營長張正基。用電話報告第二十一混成協協統黎



元洪。黎元洪即用電話通知鐵忠。鐵忠即電飭該砲隊營長張正基勦滅。并令好爲維持該營。否則以誅滅九族脅之。蓋此時電話電報綫尙未剪斷也。但輜重工程兩隊首難後。即攻擊武勝門。守該城門警兵奉巡警道命令。不准開城。該輜重工程二隊無法入城。折回營內。促砲隊響應。而砲隊又無動靜。不得已復沿城外經小東門賓陽門到通湘門。始聞楚王台槍聲。遂在該城門外叫城。城內偵探問是何處隊伍。該輜重營代表李鵬升說明原由。即開城迎入。共約七十餘人。均到楚王台集合。領彈待命。但吳兆麟所派熊炳坤等出中和門迎接第八標砲隊時。一到砲隊營房。即向空中施放排槍。該砲隊代表程國貞。即派同志問明原由。始知城內工程第八營已首義。并已佔領楚王台軍械局。極爲歡悅。遂密囑衆同志齊到操場整隊。將大砲拖出。并裝砲彈。向空中施放一砲示威。所有長官均行逃避。不敢阻止。衆砲隊兵士整齊出隊。由工程營派去同志掩護進城。惟馬隊第八標與步隊第三十二標均在砲隊第八標附近。聞砲隊全體兵變。遂各飛報鐵忠。鐵忠嚴令追勦。不期馬步兩標。雖未響應。亦慮不穩。不敢派兵追擊。僅各維持本標秩序而已。又鐵忠電催步隊第三十二標統帶孫國安。急派步隊追勦。謂貴標統若能從速將土匪撲

滅。我當稟明大帥重賞。如觀望不前。卽行問罪。孫國安不得已。卽派隊官楚英（旗人）

帶兵一隊。追擊砲隊。楚英帶隊行至中和門外武泰閘。卽不敢前進。只令兵士在該處放槍。當爲馬榮所知。馬榮卽帶兵一排。奮勇接戰。楚英大懼。仍退回三十二標營內矣。於是砲隊第八標。遂由工程營掩護安全入城。先到楚王台附近集合。該砲隊代表程國貞係一司書生。與吳兆麟同鄉。見吳在楚王台。極爲愉快。旋方興帶測繪學生持槍約八十人。亦到楚王台。同時步隊二十九標二營排長蔡濟民帶兵二十餘名。亦來楚王台。各隊代表等均齊集軍械局門外。彼此接洽。卽由程國貞蔡濟民等向大衆宣布。公舉吳兆麟爲革命軍總指揮。衆鼓掌贊同。吳兆麟辭不獲。於是向大衆演說曰。諸君同志不棄。公舉兄弟爲革命軍總指揮。兄弟與諸君當此起義之衝。均處危險地位。爲民請命。亦屬義不容辭。自滿清蹂躪我同胞已二百六十餘年。近又派瑞澂督鄂。無知無識。驕橫已極。殘殺我愛國同志。實爲人神共憤。今晚首義。雖屬瑞澂激成。實爲清罪貫盈。天佑漢族。自此以後。卽與滿清勢不兩立。倘諸君不齊力奮鬥。一旦失敗。我輩皆同歸於盡。但是天下事有志者事竟成。是在諸君之一德一心耳。昔武王伐紂。數千人一德一心。卒誅無道。同志今日

與武王伐紂正同。但宗旨抱定。舉動更要文明。使中外人民共仰。知革命軍爲仁義之師。則外人必表同情。卽瑞澂亦無所藉口。以派兵抗順。我輩只求成功。不要權利。革命大義。卽革去惡劣強權。順天之命。以救國救民。處處從大者遠者做去。未有不成功者。方今世界文明。各國都稱軍人爲頭等國民。既是頭等國民。吾輩當爲中國一切軍人之模範。諸君素有大志。當深明革命宗旨。今爲時倉卒。戰機緊急。無庸兄弟多談。既承諸君公舉。兄弟爲總指揮。關於軍事動作。不能不與諸君先約。諸君能服從命令。兄弟卽犧牲一切。與諸君相終始。否則仍另請高明。茲將與諸君共守約章如下。

一、各隊受命後。彼此嚴密監視。不准有一人擅離隊伍。

一、各隊受命後。必須照命令實行。如有不照命令而自由行動者。共處死刑。

一、不准侵害中外人民。

一、各財政機關不准破壞。

一、與我表同情之軍隊卽歡迎之。否則奮力擊滅之。

以上所約各條。諸君如表贊同。兄弟卽下命令施行。共同殺賊。如將瑞澂等拿獲。佔領督

署。我輩大事成矣。云云。大眾聞之。僉表同意。於是吳兆麟當下如左之命令。

革命軍總指揮命令 八月十九日午后十時三十分

一、據蔡君濟民報稱步隊三十標旗兵均已逃避。憲兵營已爲我同志撲滅。又據第八鎮參謀官吳兆祺來軍械局通知。督署并未出兵。仍以教練隊一營及馬隊一隊巡防一營防禦之。但督署有機關槍六桿。由李襄林指揮。因內部機件損壞。已不能施放。

二、本軍擬進攻督署。以佔領該署及武昌城爲目的。

三、鄺杰爲第一路隊長。率工兵一隊。即時出發。經王府口向督署進攻。

四、馬榮爲第二路隊長。率工兵一隊。即時出發。經水陸街向督署進攻。

五、熊炳坤爲第三路隊長。率工兵一隊。即時出發。經保安門正街向督署進攻。

六、砲隊第八標歸程國貞指揮。即時在中和門城樓及蛇山兩處布置放列。向督署開始射擊。

七、蔡濟民率步隊二十九標已響應之一隊掩護砲隊在蛇山放列後。即將電報電話兩局電綫割斷之。

八、方興任正亮率測繪學生一隊防禦中和門正街及通湘門。

九、其餘二十一混成協輜重隊及工程隊爲預備隊。歸李鵬升指揮。在楚王台兩端空地待命。

十、總指揮在楚王台。

總指揮吳兆麟

以上命令發出後。各隊均照命令所指定地點同時分途出發。但砲隊程國貞已派一營先在中和門城樓放列。卽向督署射擊。時當深夜。砲彈響聲極爲猛烈。瑞澂聞之甚爲惶恐。心驚膽落。不能自主。統領陳得龍在旁曰。卑職保護大帥。瑞澂云。砲彈利害得很。設使落一顆下來。可不得了。於是左右均無言可答。少頃。果有砲彈落在督署。瑞澂云。往那裏避。陳得龍云。往城外兵船上去。瑞澂不敢往督署大門出。遂命差役等將督署後圍牆打穿一洞。帶巡防內守衛兵一排潛逃。出文昌門上楚豫兵船。一面傳諭守文昌門兵士。不要說出。惟鐵忠及連甲等見瑞澂出城。亦跟隨而出。同到楚豫兵船。當命陳得龍派巡防營與革命軍抵抗。陳雖應命照辦。無如巡防營暮氣已深。兵皆殘破。又聞砲隊已變。故不

敢冒昧遵行。統制張彪在文昌門內公館。始聞城外工輜兩隊兵變。以爲無關重要。繼聞城內工程第八營發難。憂心如焚。當用電話傳諭各營。竭力維持。終聞砲隊全體響應。頓起恐慌。不知所措。加以身旁馬弁及其四姨夫人。又謂各營均有革命黨。一經動手。無可挽回。哀求張彪暫避。甚至有第八鎮司令部親信職員來張彪公館請見。亦疑其與革命黨相通。令門役馬弁拒絕。少時電話均不通。張彪一人坐守愁城。束手無策。亦不知何營未變。而馬弁等報告全體皆響應革命軍。於是張彪不能安枕。又不敢出。惟緊閉大門。以待末路而已。而第二十一協協統黎元洪。聞該協輜工兩隊之變。恐慌異常。該協之兵皆駐紮在外。城內僅有步隊四十一標第三營。當囑該營管帶謝國超嚴爲防備。無奈四十一標原與步隊三十標留守兵同住一兵房。三十標留守兵亦變。黎元洪極恐四十一標第三營附和。親鎮營內。適吳兆麟派往三十標及四十一標傳信之同志周榮棠。越牆而入。爲黎元洪所見。問明是革命黨。卽拔刀親手將周榮棠斫死。其刀尙染血痕。後爲其衛侍所佩。曹亞伯曾親見之。然三十標留守兵既變。而蛇山砲聲又震動如雷。黎元洪焦灼萬分。其左右護兵馬弁見勢危急。卽請黎元洪潛走。以避營中革命黨爲周榮棠復仇。黎

遂偕其參謀劉文吉竄至黃土坡劉文吉家。閉門而匿。旋謂劉曰。汝乃我親信參謀。人又誠實。我身居協統。部下兵變。如革命黨失敗。我必受處分。若革命黨成功。我能否逃命。不得而知。我有金錢幾許。存於某處。田地若干。均有契據。更有金錶一隻。現款幾何。暫爲拜託。我若不幸。我之家屬兒女。煩君照料。劉文吉聞之。卽請黎元洪安心。謂方今大局變遷無定。每每出乎意料。萬一不測。決不敢負統領付託之重。時有執事官王安瀾在側。亦請黎元洪放心。謂執事官與劉參謀二人。總可替統領効力。隱避在此。可無意外。請黎元洪暫爲休息。於是又派護兵等換穿便衣。出外偵察究竟。俟天明再爲詳報。而黎元洪卽以劉宅爲遁逃藪矣。

是晚城內工程第八營起義後。響應者僅砲隊第八標。城外輜重工程兩隊。測繪學堂學生及步隊二十九標約一排。共約二千餘人耳。其餘馬隊第八標。步隊三十二標。及二十一混成協之砲隊營。步隊四十一標。均未響應。秩序如常。如瑞澂張彪黎元洪王得勝等。持以鎮靜。死守不逃。待至天明集合。未響應之各營。與革命軍決一雌雄。勝敗之數。尙不可知。無如瑞澂等皆逃避一空。全城無主。羣相猜忌。各以部下不穩爲疑。故革命軍得以

從容布置。推倒滿清。亦天數也。

是晚七八時許。工程第八營槍響時。測繪學校學生八十餘人。皆十四五歲青年。恐慌異常。哭泣呼喊之聲不絕。李翊東正在自習室。即傳言曰。此乃革命黨起事。予即革命黨人。今日聽吾言者。請站隊。吾當保全汝等性命。於是全校肅然。一律聽命。李翊東即偕方興甘績熙三人率全體學生往楚王台。聽吳兆麟總指揮官支配。并助攻督署及防禦通湘門一帶。

是晚十二時。天微雨。各處電綫均已割斷。黑雲密罩。全城無光。北風漸起。慘聲刮耳。革命軍之砲隊迷於方向。碍難描準。各路進攻督署之隊伍。亦因督署教練隊在牆內鑿有槍眼。防禦極嚴。甚難前進。而第一路之鄺杰帶兵一隊。逗留不前。旋退歸楚王台。其餘各路亦停止進攻。槍聲漸息。總指揮吳兆麟因無報告。特派兵赴各路偵察。據回報云。各隊伍因天黑不能展開。前進射擊亦失効力。大眾束手無策。吳兆麟大怒。令將鄺杰槍斃以示警戒。衆同志懇求寬免。吳兆麟允之。復傳令各隊伍均在原地準備進攻。一面將在楚王台之預備隊挑選勇敢者百人。派周定原曹飛龍黃楚楠各帶兵一排。親自督率前進。楚



王台之軍械局暫令方興李鵬升嚴守。吳兆麟行至工程營後街。即令兵士將該處之雜貨店內煤油買取數罐。又取引火物多件。經王府口到督署後側。即命衆兵士縱火。俄頃火光燭天。吳兆麟令兵士猛烈射擊。又派兵分途送信。令砲隊向火光附近射擊。各路隊伍見火光忽起。士氣大振。喊聲齊進。而督署守兵見督署後面起火。頓起恐慌。即派員至瑞激處請示。不知瑞激早已遠揚。不明下落。一般差役人等紛紛越牆而遁。因墜落受傷者不少。獨教練隊兵士仍固守牆垣。致令革命軍前進困難。吳兆麟因巷戰傷人太多。復轉回楚王台。專令砲隊猛烈向督署火光施放。又命砲隊分班向未響應之各營射擊。少頃。風益猛。火益烈。革命軍士氣愈久愈振。第三路隊伍又捕獲督署摺差馬某一人。送至楚王台。據稱瑞制台一聞砲隊全體變了。即由督署後牆穿洞逃走。說是出文昌門到兵船上躲避。是實等語。吳兆麟聞之大喜。即將瑞激潛逃出城之事傳知各隊。一面仍令各隊前進。將督署佔領。各隊知瑞激已走。恨不能將瑞激擒獲。首立大功。然更精神百倍。勇猛向督署攻擊。但是晚未響應各營在城外者尙多。見城內火光融融。又聞砲聲隆隆。均膽驚心悸。而電話又斷。不知如何處置。馬隊第八標喻化龍派人徵求步隊三十二標孫

國安同意。彼此往返磋商。遂帶其馬步各隊退往李家橋集合。再偵察城內動靜。而混成協之砲隊營張正基。亦帶其隊伍退往青山集合。但未響應。各營既退。革命軍已無敵人。雖城內有步隊十五協。然三十標旗兵早已擊散。逃避無餘。只有二十九標第一營管帶何錫蕃。將該營帶至賓陽門內之一菜園。既不響應。又不敢與革命軍爲敵。至於步隊四十一標第三營。因協統黎元洪潛走。該營亦乘機響應。該營管帶謝國超亦聞風潛逃。隊官胡廷佐遂集合該營。亦帶至楚王台。聽總指揮吳兆麟調遣。吳兆麟卽命胡廷佐帶隊經城內各街道搜索擊散之旗人。如有俘虜。則均解至中和門內孤兒院看管。夜五時許。督署火熄。各路進攻督署之隊伍。包圍更緊。天將放曉。遂將督署佔領。該署守兵皆棄槍逃竄。時守督署之騎兵隊長朱明超。帶馬兵二十騎。逃至文昌門內張彪公館報告云。督署已被革命軍佔領。砲火又猛。請統制暫避等語。差役轉報張彪。張彪知大事已去。又不能決。卽與其四姨夫人磋商。急將細軟首飾及存款底摺帶着出城。到漢口日本租界覓大倉經理菊三郎設法避匿。正準備時。又有平湖門外輜重第八營督隊官安祿華亦到張彪公館報告。謂輜重營內無一革命黨。極爲安穩。請統制先到輜重營再想辦法云云。

張彪聞之甚喜。遂命安祿華朱明超二人帶馬隊全體兵士護送張彪及其家眷出城。當派船將其家眷送往漢口。張彪本人即到輜重第八營。該營管帶蕭安國即請示辦理。張彪不能決。於是蕭安國朱明超安祿華三人進言。謂目下瑞制台已走。聽說到了楚豫兵船。現在楚豫又不知開往何處。全城失主。城內已被革命軍佔領。革命黨勢甚盛。預料輜重一營亦非其敵。且人心難測。設此營兵士受革命軍波及。反受危險。不若將輜重營全體帶至漢口清靜地方集合。再從長計議。張彪頗以爲然。即命輜重營整隊開至漢口劉家廟集合。一面派人往各處探聽情形。此張彪出走之現狀也。張彪瑞澂既棄城遁走。黎元洪等又皆已潛匿。而未響應之各營。又因電話不通。內外隔絕。均按兵不動。勉維秩序。更因革命軍砲火猛烈。楚王台軍械局之彈藥。儲積如山。隆隆之聲。震動四野。若輩不肯響應。又怕砲彈危險。且所帶兵士均屬漢家子弟。究竟能否可靠。不得而知。只有暫將隊伍帶至後方野外曠地集合。再派人覓張彪請示。孰知張彪早已出走。請示無由。惟有集合待命而已。革命軍自佔領督署後。無兵爲敵。聲威漸大。天旣明。即用白布爲旗。白布爲記。徧插城上。又趕造軍旗。滿城樹立。吳兆麟即派隊將各城門防守。仍令砲隊威嚇各處。

又一面派人到各行政機關及各學校并各營速急響應。否則以砲火擊之。除未響應各營被各長官帶走外。其餘城內外各學校及各營留守兵士均紛紛向順。各手纏白布。齊集楚王台待命。茲將辛亥八月十九終夜武昌城內外駐紮新軍人數及革命軍首義數目揭示如左。以徵滿清滅亡之氣數。

武昌起義時湖北之兵力。

第八鎮。統制張彪。司令部在大都司巷。

步兵第十五協協統 王得勝。

步兵第二十九標標統 張景良。

步兵第二十九標第一營管帶 何錫藩。

前隊隊官 吳長懷。

左隊隊官 胡家賓。

右隊隊官 張文著。

後隊隊官 徐國瑞。

駐武昌中和門內。

步兵二十九標第二營管帶 戴鈞南。

前隊隊官 景福祥。

左隊隊官 劉炳福。

右隊隊官 李廷福。

後隊隊官 賓士禮。

駐武昌中和門內。

步兵二十九標第三營管帶 張楚材。

前隊隊官 龐成功。

左隊隊官 劉風同。

右隊隊官 張勝祥。

後隊隊官 胡效騫。

開往襄陽

一 辛亥八月十九日 武昌起義

步兵第三十標標統 楊開甲。

步兵第三十標第一營管帶 邵翔震。

前隊隊官 重光。

左隊隊官 張正祥。

右隊隊官 德煊。

後隊隊官 羅家炎。

步兵第三十標第二營管帶 任光耀。

前隊隊官 杜錫魁。

左隊隊官 殷增勝。

右隊隊官 金善。

後隊隊官 楊子文。

駐武昌中和門內。

駐漢口

步兵三十標第三營管帶 杜錫鈞。

前隊隊官 德培。

左隊隊官 謝元愷。

右隊隊官 王少甫。

後隊隊官 薩炳圖。

步兵第十六協協統 鄧承拔。

步兵第三十一標標統 曾廣大。

步兵三十一標第一營管帶 陳漢鐘。

前隊隊官 曹德全。

左隊隊官 楊永斌。

右隊隊官 李洪陞。

後隊隊官 羅錫炎。

一 辛亥八月十九日 武昌起義

駐武昌中和門內。

步兵三十一標第二營管帶 李錦標。

開往四川。

前隊隊官。

左隊隊官。

右隊隊官。

後隊隊官。

開往四川。

步兵三十一標第三營管帶 蕭國斌。

前隊隊官 安永年。

左隊隊官。

右隊隊官。

後隊隊官。

開往四川。



步兵第三十二標標統 孫國安。

步兵第三十二標第一營管帶 黃鸞鳴。

前隊隊官。

左隊隊官。

右隊隊官。

後隊隊官。

開往四川。

步兵第三十二標第二營管帶 楊正坤。

前隊隊官。

左隊隊官。

右隊隊官。

後隊隊官。

開往四川。

一 辛亥八月十九日 武昌起義

步兵三十二標第三營管帶李玉魁。

前隊隊官。

左隊隊官。

右隊隊官。

後隊隊官。

馬隊第八標標統喻化龍。

開往宜昌。

第一營管帶吳連慶。

駐南湖。

第二營管帶馬德才。

開往襄陽。

第三營管帶孫長林。

駐南湖。

砲隊第八標標統龔光明。

第一營管帶卓占標。

駐南湖。

第二營管帶姜明經。

駐南湖。

第三營管帶 楊起鳳。

駐南湖。

工程第八營管帶 王永泉。

(時赴永平秋操。)

前隊隊官 李占魁。

革命黨目兵代表 徐兆斌 容景芳 管心源

左隊隊官 吳兆麟。

革命黨目兵代表 馬榮方 興任正 亮張玉山  
羅炳順 孫元勝 汪長林

右隊隊官 黃坤榮。

革命黨目兵代表 楊金龍

後隊隊官 羅子清。

革命黨目兵代表 熊秉坤 金兆龍 程正瀛

輜重第八營管帶 蕭安國。

駐武昌城內黃土坡。

憲兵第八營(旗人)。

駐武昌平湖門外輜重營。

第二十一混成協協統 黎元洪。

駐武昌楚王台附近中和門內。

第四十一標標統 易甲鵬。

協司令部賓陽門內。

第一營管帶 戴壽山。

開往宜昌。

一 辛亥八月十九日 武昌起義

第二營管帶 羅洪陞。

開往岳州。

第三營管帶 謝國超。

駐武昌賓陽門內。

第四十二標 標 統

張永漢。

第一營管帶 陳鍾林。

駐漢口居仁門。

第二營管帶 樊毓英。

駐京漢鐵路。

第三營管帶 汪炳山。

駐漢陽兵工廠。

馬隊第二十一營管帶 王祥發。

駐南湖。

砲隊第二十一營管帶 張正基。

駐武勝門外塘角。

工程第二十一隊隊官 劉佐龍。

駐武勝門外凱字營。

輜重第二十一隊隊官 張子襄。

駐武勝門外凱字營。

當時武昌城內之兵力。

步兵第二十九標 第一營。

第二營。

步兵第三十標。 (旗人)

工程第八營。

憲兵第八營。 (旗人)

測繪學堂學生八十名。

步兵第四十一標。 第三營。

瑞澂衛隊駐督署。

教練隊一營。

巡防隊內衛一營。

馬隊一隊。 機關槍一隊。

武昌城外之兵力。

步兵第三十二標。 第二營。

馬隊第八標。

砲隊第八標。

通湘門內。

賓陽門內。

望山門內。

望山門內。

望山門內。

望山門內。

(將開四川)

輜重第八營。

馬隊第二十一營。

砲隊第二十一營。

工程第二十一隊。

輜重第二十一隊。

武昌城內之兵力。十九夜首義與響應者。

步隊第十五協司令部。統領王得勝。

步隊二十九標第一第二兩營。除第二營蔡濟民一排響應外。（餘未響應）

步隊三十標。（旗兵）

步隊四十一標第三營。（天明響應）

工程第八營。（首義）

督署教練隊一營。（與革命軍對敵）

測繪學生八十名。（夜間約十二時後響應）

以上武昌城內革命軍首義之兵力。僅工程第八營。合計響應者亦不過步兵一營及一排。并測繪學生八十名耳。與旗兵三十標及憲兵旗兵一營比較。衆寡懸殊。武昌城外之兵力。十九夜首義與響應者。

步隊三十二標第二營。（未響應）

馬隊第八標。（未響應）

混成協馬隊第一營。（未響應）

砲隊第八標。（已響應）

混成協砲隊第一營。（未響應）

混成協工程一隊。（首義）

混成協輜重一隊。（首義）

輜重第八營。（未響應）

以上城外革命軍兵力。不過砲隊第八標及混成協工輜二隊。其餘全未響應。綜上以觀。辛亥八月十九夜革命軍在武昌之倡義。人數可謂極少。自天黑至天明。佔領

督署時。合計步砲工輜測繪各同志。不過二千餘人。況砲隊夜間行動困難。瞄準又不易。若革命軍不先佔領楚王台軍械局爲根據地。不先擊散步隊三十標之旗兵及憲兵營。則僅此一標之步兵。足爲革命軍之勁敵。而作心腹之患。瑞澂鐵忠必有所恃而不恐。何肯棄城逃走。瑞澂若不走。督署之教練隊必不退。而未響應之各部隊既無宗旨。又成觀望。必與革命軍爲敵。而手無寸鐵之營外同志。及倡義袍澤。又不知流血幾許。戰場鬼哭。思之悚然。異族凶暴。永作列強虎俵。漢族滅種之禍。不知何法挽救。然卒能振臂一呼。四方皆應。人心思漢。國魂歸來。則滿清之亡。可永作千秋鑑戒矣。

八月二十日午前九時。中和門外陸軍中學堂計學生約千名。整隊荷槍入城。到楚王台集合。城內外各協標營留守兵。亦齊集楚王台。又步隊二十九標第一第二兩營亦至。所到隊伍均無官長。均由目兵帶領集合。楚王台聽總指揮編制。吳兆麟立將城垣各門劃定區域。布置如下。

一、命各部隊分守各區。即將各城門開放。免得交通。

二、命砲隊另行配置各城門。協同各步隊防禦。



三、派陸軍中學堂學生編爲數隊。防守藩庫、官錢局、造幣廠、各財政機關。

四、命工程第八營仍回軍械局防禦。

布置既定。而步隊三十標之旗兵。雖於十九夜被革命軍擊散。其殘部尙潛在賓陽門內附近。及蛇山東部各處。又派革命軍圍擊。擊死旗兵四百餘名。其餘均逃出賓陽門外。又俘虜旗籍人員約三百餘名。均收押於武昌模範監獄。此滿清入主二百六十餘年來。凡屬旗籍。只知虐殺漢人。旗人殺人。亦無官府敢究。今始知天道之好還也。自十九天黑首義至二十日正午。即將武昌全城完全光復。是役也。革命軍共死傷二十餘人。督署守兵死四十餘人。傷三十餘人。旗兵共死五百餘名。俘虜三百餘名。

吳兆麟復派人分途敦請各機關之熱心革命同志。及城中之紳耆父老。齊集諮議局開會。討論進行一切緊急應辦各事宜。少頃。馬榮程正瀛二人報告。謂第二十一混成協協統黎元洪尙在武昌城內。現拿有黎元洪之護兵前來爲證等情。吳兆麟當命馬榮程正瀛等帶兵一排。由所獲之黎元洪護兵作嚮導。引至黃土坡劉文吉家中搜索。將黎元洪挾至楚王台軍械局。革命軍自十九天黑首義至二十日正午全城光復時。大眾皆枵腹。

奮鬥。疲困已極。嚴守紀律。無一兵入民家之房。無一人奪民家之食。戎馬倉皇。又無法歸營用膳。吳兆麟卽命工程營伙夫陸續作飯。送至各隊伍接濟。以慰疲勞。而伙夫等亦努力急公。忙送茶飯。不覺其苦。全軍感激。引起相親相愛之情感。士氣益爲之興奮。

馬榮程正瀛等帶隊至黃土坡劉文吉家。先將其家前後包圍。然後闖門而入。其勢洶洶。劉之護兵。問來此何爲。大衆謂來請黎協統。護兵不敢指示。又不回答。於是大衆直至臥室搜查。斯時黎元洪心已失主。焦灼之狀。露於顏色。黎問何事。馬榮曰。特請統領到楚王台。奉總指揮吳兆麟命令。卽有要事相商。黎無可如何。隨帶其執事官王安瀾同馬榮等向楚王台而去。抵楚王台時。革命軍總指揮吳兆麟。卽命在該處所有隊伍舉槍吹號爲禮。黎此時穿一灰呢長夾袍。面帶愁容。極形煩惱。與吳兆麟晤面時。卽謂吳兆麟曰。你爲甚麼要革命。這是要全家誅戮的事。你學問很好。資格很深。你萬不該與革命黨共同革命。你若不革命。你在軍隊進級很易。請你快叫大衆各回各營。事情太鬧大了。更不得了。馬榮在旁。聞黎元洪出言如此。遂大怒曰。我們同志很抬舉你。你反不受抬舉。叫我們回營。待瑞澂派人來殺。你昨夜親手殺了我們傳信的同志周榮棠。我們尙未問你的罪。今

請你來。仍是反對我們。你就是一个漢奸。我們就要殺你。即拔刀向黎元洪來斫。吳兆麟喝止之。王安瀾又從旁謂馬榮不應如此野蠻。馬榮又拔刀斫王安瀾。吳兆麟又攔阻之。吳當向馬榮等解釋云。黎統領素來是很愛我們的。剛纔所說的話。是關照我們。看我們同志太辛苦了。暫請回營休息。黎統領自有維持之法。一面吳又低聲向黎云。請統領暫且容忍。因昨晚殺人太多。此時都是一鼓奮勇之氣。稍不如意。即動起手來。反於統領面子不好。黎從此不再發言。吳又謂黎曰。瑞澂自督鄂以來。措置乖方。激起湖北軍隊全體革命。足證清廷無道。今聞瑞澂與張統制等均已出走。僅統領一人在武昌城內。統領素愛軍人。甚得軍心。事已至此。實屬天意。只好請統領出來維持大計云云。黎亦無語。先是吳兆麟在參謀學堂肄業時。黎元洪亦在該校附學。與吳同學有四年之久。黎平時極欽佩吳之學問。所以與吳晤面時。即責其不應革命。以爲吳不革命。即易進級。且黎實無革命思想。料革命事業萬難成功。故不贊成。少頃。吳兆麟即請黎元洪到諮議局會議。討論辦法。黎亦無可如何。吳命備馬數匹。仍派馬榮帶兵一排護送。午后一時四十分。吳與黎同至諮議局時。吳所派人敦請之同志父老等已至局內。有湯化龍、胡瑞霖、張振武、李作

棟、陳磊、陳宏誥、邢伯謙、李翊東、趙學魁、楊玉如、蘇成章、畢鐘、向訐謨、劉公、蔡濟民、徐達明、王文錦、吳醒漢、鄧玉麟、高尙志、周定原、高振宵、方定國、李國榮等齊到諮議局會議廳公推湯化龍主席。

湯化龍發言曰。革命事業。鄙人素表贊成。但是此時武昌發難。各省均不曉得。須先通電各省。請一致響應。以助大功告成。況瑞澂自遁走後。必有電報到京。清廷聞信。必派兵來鄂。與我們爲難。此時正是軍事時代。兄弟非軍人。不知用兵。關於軍事。請諸位籌畫。兄弟無不盡力幫忙云云。吳兆麟發言。謂湯濟武先生所說極是。武昌既已首義。瑞澂棄城而逃。必圖報復。此必然之勢。然武昌業已光復。軍政學商各界。均表同情。即以軍事而言。湖北兵力雖不甚大。而在中國已爲先進。聲威所至。清廷必聞而破胆。只要能持久時日。天下必聞風興起。我們財政充裕。武器甚足。從速擴充兵力。以武漢軍資豐足之地。努力整備。卽清廷派兵來與我爲難。比較上我勝算亦多。請諸君不要畏懼。此次革命。非從前之無根據地可比。我們既據武昌形勝。爲天下中心。具有獨立資格。不患不能達到目的。但起義後。軍民兩政實繁。兄弟擬在座諸位同志先生公舉黎元洪統領爲湖北都督。湯化

龍先生爲湖北民政總長。兩公係湖北人望。如出來主持大計。號召天下。則各省必易響應云云。衆皆贊成。拍掌之聲。洋溢滿座。黎元洪答謂此事體太大。務要慎重。我不能勝都督之任。請你們另舉賢能。我家中聞此事變。不知如何。我暫回家一視。衆不可。謂統領家中無事。有兵保護。請放心可也。黎再三要回家一走。大衆只好遷就。遂由吳兆麟派兵一排護送黎元洪到其公館。暗囑程正瀛等務嚴爲防備。不可令其出城。（一說黎元洪既被擁入諮議局。卽開衆議。推爲都督。黎曰勿害我。勿害我。固執不允。李翊東卽持長槍指黎曰。汝作滿奴。當殺。今不殺汝。反舉汝爲都督。而汝猶不允。汝甘心爲滿奴耶。予當殺汝。另舉吳兆麟爲都督。黎大駭。陳磊蔡濟民卽將李翊東阻止之。於是衆議禁黎於一室。仍用黎名義出示。）於是大衆在諮議局商議進行各事宜。茲將是日進行之事揭示如左。

- 一、以諮議局爲軍政府。
- 二、稱中國爲中華民國。
- 三、改政體爲五族共和。
- 四、規定國旗爲五色。以紅黃藍白黑代表漢滿蒙回藏爲一家。

五、稱中華年號爲黃帝紀元四千六百零九年。

六、當以黎元洪爲都督。佈告地方。

七、移檄各省。并照會各國領事。宣布滿清罪狀。

八、佈告全國國民并軍民長官。

九、佈告湖北各府州縣。

十、軍政府緊要諭令。

十一、致書滿清政府。

十二、佈告漢族同胞之爲滿州將士者促其覺悟。

十三、軍政府暫設機關四部。

(甲)參謀部。

(乙)軍務部。

(丙)政務部。

(丁)外交部。

#### 十四、設立招賢館。

以上各事議定後。卽分途託人辦理。是晚得各方報告。謂陳得龍之水師巡防營在襄河者。均集合漢陽小河口附近待命。鐵忠囑陳襲擊陳懼。不登岸指揮。

是日午后五時。因各事皆準備不及。暫維秩序。大衆商議先在藩庫取銀十萬兩。到諮議局。派向一清爲軍需。分發各軍隊。以便購買糧秣。一面仍以革命軍總指揮名義。命令各軍隊防禦武昌城。并先傳諭各城門。晚間一律關閉。無論何人不得准其出入。茲將是晚所下命令列左。

革命軍總指揮命令 八月二十日午后六時於諮議局發

一、據報聞瑞澂欲派兵襲武昌城。

二、本軍今晚以戰鬥隊形澈夜固守武昌城。

三、步隊二十九標第一第二兩營附砲六門。歸姚金鏞指揮。防禦賓陽門通湘門小東門一帶。

四、步隊四十一標第三營及第一第二兩營留守兵并步隊三十標留守兵附砲六門。

歸胡廷佐指揮。防禦漢陽門平湖門文昌門一帶。

五、混成二十一協工程輜重二隊附砲二門。歸李鵬升指揮。防禦武勝門一帶。

六、工程第八營附砲四門。歸李占魁指揮。防禦望山門中和門一帶。及楚王台軍械局。  
七、砲隊第八標歸程國貞指揮。除派附屬各部隊外。其餘在蛇山黃鶴樓楚王台布置放列。

八、馬榮帶兵一隊防禦諮議局。

九、總指揮在諮議局。

總指揮吳兆麟

注意本晚口號 義軍 獨立。

是晚命令發出後。吳兆麟卽偕蔡濟民徐達明吳醒漢等到各城門查視防禦情形。并勸諭各兵士務宜堅苦忍耐。嚴守軍紀。夜間不可懈怠。尤須切實保護百姓。以不負革命初志爲要。吳兆麟查畢。先返諮議局。蔡濟民等卽往各監獄。釋放瑞澂所拿之革命同志。及從前日知會破案後被禁之一班同志。可憐辛苦經營武昌革命之惟一先哲劉敬安先



生已於辛亥五月十六日瘦死於武昌模範監獄。不克親見此壯烈之舉。爲之主持大局。悲哉。李亞東已於是日克復漢陽時放出。并據漢陽府事。胡瑛放出時。將獄中所有犯人一律帶至諮議局集合。并云都是同志。很可利用。當編成間諜隊。由胡瑛陳宏誥帶領作巡查街道之服務。

是晚十時接得程正瀛報告。謂黎元洪又由其公館轉回協司令部。聞黎元洪已安排家眷往上海。其自己因被監視。亦未說如何。但對於革命似不贊同。目下跟隨保護兵士。除派六名保護黎之家眷外。餘均跟至協司令部。誠恐兵力單薄。致有不測。究竟如何辦理。請示決定等語。吳兆麟卽與張振武等商議。無論如何。決不許黎元洪逃遁。張振武曰。此次革命。雖將武昌全城佔領。而文武大員。均已潛逃一空。未殺一個。以壯聲威。革命軍對於清臣。未免寬容過度。但革命非澈底將清廷餘孽大殺一次。將來必爲國家之禍。革命仍是有名無實。依我愚見。黎元洪既不贊成革命。又不受同志抬舉。放其出去。恐其害人。好在我們用黎元洪之名。所擬通電。尙未發出。不如先將黎元洪斬首示衆。以揚革命軍神威。使一班忠於異族清臣。皆爲膽落。實爲直截了當。且昨晚首義總指揮既是吳先生。

就以吳先生爲湖北都督。可以貫徹到底。早爲成功。豈不妙甚。吳兆麟曰。此事萬不能行。兄弟資望太淺。即以湖北軍隊而論。多數尙未響應。而帶兵官位居我上者。必不肯服從。卽與我同級者。亦未必悅服。欲收新軍全體來歸之効。非借黎元洪資望不可。至於各省。若聞革命軍領袖係一小官。必少附和。吾輩欲革命速成。借黎元洪之名。以號召天下。一則使各省可表同情。二則使外人不敢輕視。望諸位同志勿懷二心可也。云云。張振武又曰。吳先生主張未必盡然。卽以外國而論。拿破侖以一中尉而爲歐洲盟主。只求才略。不在資格。中外皆然。於是陳磊李作棟等。皆以張振武之主張爲是。并謂黎元洪素非同志。必不能爲國出力。用之何益。吳先生乃日知會老同志。出爲首領。名實相符。計甚得也。吳兆麟執不可答曰。中國歷史習慣。向以成敗論人。最講資格。而本省人又最不欽仰本省人。所以滿清成例。不用本省人在本省作官。兄弟官卑職小。決不能負此重任。如諸同志強我所難。只有一走而已。大衆恐吳兆麟過於謙讓。羣相感泣。又秘商一法。仍以黎元洪居都督名義。如黎元洪不幹。卽派兵看守起來。公舉吳兆麟爲湖北軍政府總理。代行都督職權。吳更不可。謂軍事緊急。可以幫忙。他事非其所長。萬難負責。望諸同志不要多費。

研究。仍以黎元洪爲都督。明日卽請其到諮議局。派兵看守可耳。卽彼不作一事。亦無妨碍。大衆均不得已。勉強贊成。於是吳兆麟卽令程正瀛等俟天明卽請黎元洪到諮議局深居。不得再出。

先是瑞澂逃至楚豫兵船。卽開泊劉家廟。旋復泊至德租界碼頭。欲圖報復。苦於無兵可調。遂與其左右計議。張大其詞。奏電清廷。謂湖北新軍結合革命黨全體叛變。懇乞卽派重兵來鄂。平此大亂。一面又派人分途散播謠言。謂清廷已派大兵南下。革命黨不日卽可消滅云云。瑞澂又移過張彪。謂其維持不力。請旨將張彪正法。

張彪自到漢口劉家廟後。卽與四十二標統帶張永漢、輜重營管帶蕭安國商議。均無辦法。於是派張永漢到日本租界請日人寺西秀武（寺西秀武是湖北軍事顧問）往劉家廟代爲計畫。寺西云。爲張統制計。惟有兩策。一、請張統制集合現有兩營多兵力。卽輜重一營及四十二標第三營馬隊一隊。許以重賞。親自帶領。由劉家廟渡江到青山。繞至洪山。乘夜至賓陽門。詐稱響應。革命軍必歡迎入城。然後襲取諮議局。勝則奏請皇上。自請處分。皇上必將功抵過。所有失職之罪。全加於黎元洪身上。敗則一死而已。二、不能行上

逃策畧。卽改名換姓。潛往日本。一面派人登報。詐稱張彪已死。以上二策。張彪似以前策爲然。然終不敢行。卽令成功。功亦歸於瑞澂。於張彪終無所利。況人心已去。無可如何。計遂中止。旋聞清廷派陸軍大臣蔭昌統大兵南下。張彪卽囑蕭安國飛報蔭昌。謂張統制現帶有可靠軍隊數營。在漢口劉家廟枕戈待命。一俟大臣大兵南下。卽合力進攻武昌。勦滅土匪。（蕭安國乃漢陽人。德國留學生。早拜蔭昌稱門生。故張彪用之。向蔭昌報告。）又有未響應之步隊第三十二標統帶孫國安。馬隊統帶喻化龍。早將軍隊帶至李家橋。距中和門外三十里。各命其執事官將關防標旗藏入身內。以待張彪之命。不料待至二十日深夜。杳無音信。又不敢回營。衆兵士在李家橋給養起居。均不方便。馬匹亦無草料。於是羣有怨言。該標統等誠恐兵士生變。發生危險。孤軍野外。亦非長久之計。進退維谷。遂集合兵士會議。先說明困難情形。然後問兵士如何。衆兵士答曰。長官說如何就如何。該標統等云。目下瑞制台張統制均已出走。我們亦不知其到那裏去了。武昌城又爲革命軍佔領。砲彈更直接射擊我們營內。回營其勢不能不回營在此。又令衆弟兄吃苦。我們不便勉強。衆弟兄願意在此吃苦亦可。願回營回家亦可。衆兵士聞之。卽曰。在此無宿。

營處。我們暫且回營。俟天明回家再說。說畢相哭而散。於是各回營中。商量決定天明響應革命軍。全體入城。

至於混成協砲隊一營。退至青山時。其困苦亦然。故於二十一日仍帶回本營。亦入城響應革命軍。其管帶張正基走。

二十晚各同志在諮議局計畫各事宜。及擬各種通電。異常忙碌。直至天明。即派人將電綫恢復。所有各部辦事人員。均未規定。且亦寥寥無幾。幸皆齊心協力。各盡所能。誠恐重要事務太繁。進行困難。遂擬電請上海黃興宋教仁等從速來鄂。并請轉電孫文。早回中國主持大計。

李翊東素剛直。當推爲湖北都督府銓叙長。以司賞罰。是晚有部管帶某率兵百餘人。攻都督府。黎元洪同李作棟匿於蛇山後之山脚。張振武更衣出走。李翊東見而叱之曰。汝更衣何往。欲逃乎。張駭而返。幸當時都督府守衛者。有陸軍測量局學生數十人。李翊東遂指揮之。擊退部兵。否則不堪設想矣。

廿一早六時。吳兆麟等即派人至電報局將所擬檄文佈告。皆借黎元洪名義拍出如下。

## 佈告全國電

四六

粵維我祖軒轅。肇開疆土。奄有中夏。經歷代聖哲賢豪之締造。成茲文明古國。凡吾族今日所依止之河山。所被服之禮教。所享受之文物。何一非我先人心血頸血之所留遺。故觀城邑宮室。則思古人開土殖民之惠。觀干戈戎馬。則思古人保種敵愾之勤。觀典章法制。則思古人貽謀教誡之殷。駿譽華聲。世世相承。如一家然。父傳之子。祖衍之孫。斷不容他族干其職姓。何物胡清。敢亂天紀。挽弓介馬。竟履神皋。夫胡清者非他。黑水之舊部。女真之韃種。犬羊成性。罔通人理。始則寇邊抄虜。盜我財物。繼則羨我膏腴。耽我文繡。利我國土。遂窺神器。惟野蠻之不能統文明。戎狄之不能統華夏。少數之不能統多數。故入關之初。極肆凶威。以爲恐嚇之計。我十八省之父老兄弟諸姑姊妹。莫不遭逢淫殺。靡有子遺。若揚州。若江陰。若嘉定。屠戮之慘。紀載可稽。又復變法易服。使神明衣冠。淪於禽獸。而歷代相傳之文教禮俗。掃地盡矣。乃又焚毀書籍。改竄典冊。興文字獄。羅致無辜。穢詞妖言。尊曰聖諭。戴仇養賊。諺曰正經。務使人人數典而忘其祖。是其害乃中於人心風俗。不但誅殺已也。嗚呼同胞。誰無心肝。卽不憶父老之遺聞。且請觀夫各省駐防之誰屬。重要

職權之誰掌。其用意可揣知矣。二百六十年好淫苛忍之術。言之已不勝言。至今日則發之愈遲。而出之愈刻也。今日者。海陸交通。外侮日急。我有家室。無不圖存。彼以利害相反。不惜倒行逆施。故開智識。則爲破其法律。尙術技。則謂擾其治安。於是百術欺愚。一意壓制。假立憲之美名。行中央集權之勢。借舉行新政之虛說。以爲搜刮聚斂之端。而乃日修園陵。治宮寢。賚嬖倖。賞民賊。何一非吾民之膏血。飢民遍野。呼籲不靈。哀鴻嗷嗷。是誰奪其生產而置之死地。且矜其寧送友邦。弗與漢族之謬見。今日獻一地。明日割一城。今日賣礦。明日賣路。吾民或爭持。則曰干與政權。曰格殺勿論。甚且將吾民自辦之路。自集之歟。一網而歸之官。嗚呼。誰無生命。誰無財產。而日託諸危疑之地。其誰堪之。夫政府本以保民。而反得其害。則奚用此政府爲。况乃淫德醜類。有玷聲華者耶。本軍政府用是首舉義旗。萬衆一心。天人共憤。白麾所指。瓦裂山頽。故一二日間。湘、鄂、贛、粵。同時并舉。皖、寧、豫、陝。亦一律響應。而西則巴蜀。已先克復。東南半壁。指顧告成。是所深望於十八省父老兄弟。戮力共進。相與同仇。還我邦基。雪我國恥。永久建立共和政體。與世界列強并峙於太平洋之上。而共享萬國和平之福。又非但宏我漢京而已。將推此赤心。振扶同病。凡文明

之族。降在水火。皆爲我同胞之所必憐而救之者。嗚呼。機不可失。時不再來。想我神明貴族。不乏英傑挺生之士。曷勿執竿起義。共建鴻勛。期於直抵黃龍。叙勛痛飲。則我漢族萬萬世世之榮光矣。我十八省父老兄弟其共勉之。

### 布告海內人士電

今日是我漢人脫離地獄更生之秋。滿奴惡孽貫盈之日矣。今元洪用十八年之心力。爲十八省親愛父老兄弟諸姑姊妹報二百六十年之仇。雪二百六十年之恥。想我同胞憶昔我祖宗被其淫殺。遭其苛虐。盜我財物。啜我心血。種種被害之情形。能勿切齒。想我漢人在漢唐時代。若何榮譽。奈何爲奴二百六十年。奇哉奇哉。豈吾漢人都不復有羞恥之天良耶。雖然。元洪起事之日。觀民心之樂從。兵心之附合。可見當時之甘心爲牛馬者。亦出於不得已耳。英雄英雄。此時不挺身而起。尙待何日。念元洪一片之苦心。我漢人四萬萬之生命。死活在此一舉。成則與十八省親愛父老兄弟諸姑姊妹再享萬萬世世之福。否則墮於地獄中永無超生之日矣。英雄英雄。迅速奮興。萬不可失此機會也。雖然。還有吾半反對之當道的英雄。諒爲富貴利祿所牽累。有騎虎難下之勢。黎元洪畫虎不成反



類狗耳。此則大謬之見也。蓋元洪今日之舉。是合十八行省諸英雄倡此義舉。與同胞復仇。天下先得我心之同者。非止鄂省一處也。十餘年臥薪嘗膽。今日始舉。豈可等於草莽寇盜輩徒逞一己之私同日而語哉。嗚呼。吾海內諸英雄。其速起哉。何尙戀戀不捨。或且殉滿人之節乎。元洪今日所痛告者。念諸英雄皆懷經世之才。此時正可同扶漢族以救同胞。何尙觀望如此。若慮元洪之無成。財命之難保。此則非識時務者耳。吾海內諸英雄。其勿以吾言爲河漢。

#### 諭湖北各府州縣政務及自治公所電

諭飭遵辦事。照得軍政府憤滿清政府佔據中華。政治昏亂。喪失主權。暴斂橫征。朘削脂膏。強奪吾民已成之公共財產。籍吾民之熱心義舉。斥志士爲亂黨。目公論爲囂張。逮捕株連。殺人無算。本軍奉軍政府命。特於八月十九日倡義。征討民賊。驅逐滿清貪污殘酷官吏。瑞澂連甲等。克復武昌漢陽等處地方。元洪不德。謬膺推舉。爲中華民國軍政府鄂軍都督。勉圖報稱。光復舊物。查舊日滿清流毒之由。在於政體專制太甚。民氣不揚。以致利無由興。弊無自除。亟應將全鄂地方改爲共和政體。所有各府州縣政務及自治公所。

妥籌辦法。移請各該地方官施行。各該地方舊治官吏。應一律呈繳偽印。聽候支配錄用。不願者。繳印後聽其所之。如官吏有人地相宜。民間倚重者。准該自治公所具稟詳叙情由。連同偽印。資送來轅。經本都督核奪。頒給民國新印。卽留原任。以從民望。各該公所應辦事務。以警政民團爲第一要着。應卽日興辦警察。以維持秩序。清查奸宄。懲治痞匪。保衛閭里。爲主。團練以驅逐亂民。抵禦外侮。爲主。均不准藉端訛詐。擾累無辜。并於外人生命財產切實保護。以酬其嚴守中立之誼。爲此諭仰該自治公所各員知悉。迅將警察團練二項開辦方法。及舊日官吏偽印。并願否投効情形。刻日稟復。勿得遲延貽誤。有敢與舊吏結黨。勾通滿清政府。反抗義師。違誤新政。或乘機擾害良民。擅作威福。或官吏有志投誠。而該公所各員阻撓挾持者。大兵一到。必以軍法懲辦。該員等爲桑梓造福造福。皆在今日。幸勿觀望徘徊。坐失機會也。切切此諭。

#### 通告城鎮鄉自治職員電

爲通告事。鄂軍告捷。中原響應。人心如此。天意可知。本軍政府負光復之重任。爲祖宗雪大仇。且爲吾同胞子孫立萬年永固之基。理當傳檄海內。尅期大舉。唯念東南各省。疊遭

水旱之災。吾同胞流離顛沛。猶未能自復其生機。若義旗一舉。則飢寒無告之民。必有乘機竊發。一施其搶刼之技者。而本軍政府當軍事旁午之際。勢不能并謀兼顧。爲吾鄉僻同胞盡完全保護之責。若因其勢所必至而付之無可如何。坐視吾同胞受擄掠之害。則又負本軍政府弔民伐罪之初心。因未得萬全之策。致暫緩撻伐之師。而兵心抱憤。躍躍欲試。勢又不能復緩時日。再四思之。惟有通告各城鎮鄉自治團體。速籌自保之計。趕辦團練。守衛鄉里。貧者効力。富者輸財。既使游手無事之民。有謀食用武之地。而富足之家。得因此保全。計之至善。無逾於此。若慮發起之資無所自出。現今滿政府之顛覆。計日可待。不妨將應納錢糧。即日停解。卽以此款爲開辦團練之需。唯滿清官吏。徒知賊民。斷不能復假槍械以助吾同胞。只得暫用別種器械。先行操練。待義師收復各縣城時。卽當按照各縣城所附屬城鎮鄉之已經辦有團練者。給與相當之槍枝。本軍政府爲不忍吾同胞受累起見。舍此別無良策。唯各城鎮鄉區域名稱調查難週。恐未能遍行通告。祇得請貴城自治公所代爲遞發。俾咸聞知。各城鎮鄉不乏熱心公益之士。必能納此忠告。尅日興辦。本軍政府亦當慰撫士卒。暫展起事之期數日。爲各城鎮鄉預備之地。唯大勢所迫。

萬難久延。此當爲吾親愛同胞所能共諒者也。特此通告。卽維施行。

### 檄各府州縣電

昊天不弔。漢祚中衰。山鬼潛號。中華讓渡。從此胡清竊據。逾二百六十餘年。統系相傳。幾十餘世。窺竊我神器。誅鋤我人民。姦擄我婦女。攬攝我政權。變亂我禮俗。侵奪我膏腴。直使神聖冠裳。淪於牛馬。馨香俎豆。汙於腥羶。滿漢之界限於以分。狼毒之行爲遂日熾。獄成文字。累及無辜。鋤絕根株。不留餘種。故揚州之殺。江陰之屠。嘉定之傷。嘉興之慘。金華之變。廣州之危。此皆天地所不容。人神所共憤。現今時局艱難。而彼則深宮晏樂。強鄰逼迫。而彼則高處嬉娛。名藉改良。假稱變法。政雖立憲。實欲集權。不急新政之振興。惟事寢園之修補。不問民間之疾苦。惟思財政之搜尋。不畏外侮之頻陵。恒恐內亂之奮起。所以各處駐防也。以清賊守之。內外重權也。以清賊握之。男不耕而食。女不織而衣。直以國家爲其私產。以人民爲其奴隸。鐵路經營。統歸國有。河山錦繡。認作家私。四萬萬罹於強迫手段之中。數百年伏於專制政體之下。嗚呼同胞。能不撫心踴地。疾首呼天哉。本軍政府痛彼酋之無狀。哀漢胄之式微。特舉義旗。振此困厄。白麾指去。羣醜倒戈。黃鉞揮來。罪魁

遠竄。一鳴驚人。四方響應。湘鄂皖豫。不約而同。粵贛陝黔。不謀而合。其餘諸省。均有同心。此誠天亡清賊之關頭。使漢族吐氣之機會也。爾府廳州縣。各盡其職。無事倉皇。士農工商。各守其常。無容驚畏。其餘軍學農工各界。應知敵愾。雪恥復仇。共播神威。洗冤雪恨。已尅者竭力守成。未尅者竭力進取。告宗敬祖。爲我漢族增輝。建業立功。爲我河山生色。時不可失。一刻千金。願我族協力同心。復黃帝衣冠之舊。執戈起義。啟中華禮教之源。我同胞其勉旃。

### 檄各督撫電

黃漢與清賊不兩立。吾不殺彼。彼必殺吾。本軍政府爰舉義旗。剿除胡賊。軍興以來。義聲所播。萬姓歡迎。貴大臣亦黃帝子孫。雖暫任封疆。未必不見疑於韃靼。觀岑袁已事。可以明矣。而岑之此次赴川。主和平辦理。已不容於清賊。故今日派袁。無非使吾自戕同類。而清賊坐享其成耳。貴大臣深明大義。洞燭奸謀。此中利害。當已盡知。卽不爲一身計。何獨不爲子孫一計之乎。漢族興亡。在此一舉。幸貴大臣勿拘君臣小節。而貽萬世殷憂。盡歸乎來。共襄民國。拯同胞於水火。復大漢之山河。爲此檄告。

## 通告各省城鎮鄉地方巡警電

爲通告事。武昌起義。各省響應。雪仇之心。不約而同。人心如此。天意可知。本軍政府擔光復之重任。指日卽率師大舉。深恐飢寒無告之民。乘間竊發。施其搶劫之手段。而本軍政府軍事旁午之際。勢難兼謀并顧。所有保護人民之生命財產。維持地方之安寧秩序。皆惟我同胞巡警是賴。理應通告各省巡警父老兄弟共謀同胞之幸福。方不負本軍政府弔民伐罪之本意。凡我義師所到之處。爲地方巡警者。上至長官。下至巡警。左手均纏以白布。局中高懸白旗。曉諭安民。以示誠意。其守巡邏之規則。官弁長警之薪餉。概照向章辦理。至義旗將到。切勿自相驚恐。畏縮不前。是爲切要。倘臨事之時。官警棄局先逃。置人民於不顧。致使同胞受擄掠之害。本軍政府惟有派探拿獲。從重治罪。深望親愛同胞巡警所鑒諒者也。特此通告。卽維施行。

右通告各省城鎮鄉地方巡警公鑒。

黃帝四千六百零九年八月二十一日。

電告漢族同胞之爲滿洲將士者

天運辛亥年中華國民軍南軍都督奉軍政府命。布告於我國民之爲滿清政府逼迫。以爲其軍之將校及兵士者。我輩皆中國人也。今則一爲中華國民軍之將士。一爲滿洲政府之將士。論情誼則爲兄弟。論地位則爲仇讐。論心事則同是受滿洲政府之壓制。特是一則奮激而起。一則隱忍未發。是我輩雖立於反對地位。然情誼俱在。心事又未嘗不合也。然則今日以後。或斷兄弟之情誼。而變爲仇讐。或離仇讐之地位。而復爲兄弟。亦惟我國民之爲滿洲將士者。已自擇之。而自國民軍起。移檄天下。國民主義。炳如日月。凡爲國民。無不激昂慷慨。敵愾同仇。誠以國民軍者。以國民組織而成。發表國民之心理。肩荷國民之責任。以主義集合。非以私人號召。故民歸之。如水就下。我國民之爲滿洲將士者。非其本欲。特爲滿洲所迫。不得已而爲之。此時滿洲政府。方又出其以漢人殺漢人之手段。驅之與國民軍爲敵。願我國民深思之。本中國人而當滿清兵。以殺同胞爲職。撫心自問。寧能不愧乎。我國民勿謂爲滿洲盡力。乃所以報國也。中國亡於滿洲已二百六十餘年。我國民而有愛國心者。必當撲滅滿清。以恢復祖國。倘反爲滿洲盡力。是甘爲仇讐。而與祖國爲敵也。其身分爲奴隸。其用心爲梟獍。豈有人心者所忍爲乎。我國民又勿謂既食

滿清之祿。當忠於所事也。須知中國者。中國人之中國。及爲滿洲所奪。收中國人之財賦。以買中國人之死力。中國効力滿洲而食其祿者。譬如家財既爲強盜所奪。復爲強盜服役以求得傭值。境遇既慘。行爲又賤矣。是故我國民爲清政府將士者。須以大義自持。知託身滿洲政府之下。乃由一時之束縛。當懷脫離獨立之志。際此國民軍大起之日。正宜倒戈以向滿洲。而與我國民軍合爲一體。方不失國民之本分也。彼滿洲以五百萬民族。陵制我四萬萬漢人。而能安坐至二百六十餘年者。豈彼之能力足以致之。徒以中國人不知大義爲之効力。自殘同種。彼滿人得以肆志耳。試觀滿洲入關以來。每遇漢人起義。輒用漢人勦平。殺人盈野。流血成河。皆漢人自相屠戮。而於滿人無所損。舉其大者。如嘉慶年間。漢人王三槐等舉義四川。湖南湖北陝西諸省相繼響應。滿清政府勢垂危矣。八旗之兵。望風奔潰。禁旅駐防。皆不可用。乃重用綠營招募兵勇。於是漢人楊遇春楊芳等爲之効力。屠戮同胞。死者億萬。川湖陝諸省。遂復歸於滿洲主權之下。又如咸豐年間。太平天國起義廣西。東南諸省。指日而定。西北則張樂行等風馳雲捲。天下已非滿清所有。其督師大臣賽尙阿和春。一敗塗地。事無可爲。及漢人曾國藩左宗棠胡林翼李鴻章等。



練湘軍淮軍。以與太平天國相殺。前後十二年。漢人相屠殆盡。滿人復安坐以有中國。凡此皆百年來事。我父老兄弟想皆熟知者也。漢人不起義則已。苟其起義。必非滿人所能敵。亦至明矣。所最可恨者。同是漢人。同處韃虜政府之下。同爲亡國之民。乃不念國恥。爲人爪牙。自殘骨肉。彼楊曾胡李左諸人。是何心肝。必欲使其祖國既將存而復亡。使其同胞以將自由而復奴隸乎。自經諸役以後。滿人習知以漢人殺漢人爲上策。故近來怵於革命之禍。日謀收天下之兵權。以滿人任統御。以漢人供驅役。一旦有事。則披堅執銳。冒矢石。當前敵。斷頭流血者皆漢人。而策殊勳。受上賞者。則滿人也。我國民之爲滿人將士者。苟一念及身爲中國之人。當知助滿洲殺同胞爲天下所不容。可無待躊躇而斷然決心者。且我國民苟助滿洲。豈止國家之罪人而已。卽爲一身計。亦無所利。蓋滿洲之待漢人。不過視同奴隸。卽爲盡力。亦毫不愛惜。嘉慶年間川湖之役。綠營鄉勇立功最多。事後八旗受上賞。綠營諸將僅沾餘唾。至於鄉勇解散之後。窮困無聊。半世當兵。戰功盡爲八旗所冒。口糧復爲上官剋扣。出營之後。工商諸業久已荒疏。無以謀衣食。窮而爲盜。則被殺戮。於是蒲大芳怨望作亂。楊芳楊遇春念其戰功。誘以甘言。使之降服。而滿洲政府震

怒黜楊芳。使率蒲大芳等遠戍伊犁。其後密使人盡殺蒲大芳等數百人。無一留者。咸豐同治間。湘軍遍於十八行省。所至努力破敵。敵軍既盡。湘軍解散。尅扣糧餉。飢寒不免。其至豐者。不過給三月口糧。不敷歸家盤費。因此流離者。父母妻子終身不得相見。而他省之人。以其當兵殺人。畏之如蛇蝎。視之若寇仇。見其落魄。反斥爲流氓。窮無所歸。則相聚結會以相依賴。而滿洲政府。惡其結黨。捕拿殺戮。不可數計。是故川湖陝之氛告盡。而鄉勇失所。太平天國既覆。而湘軍無歸。乃知滿洲政府之用漢人也。猶農夫之用牛也。既盡其力。則殺而烹之。無一毫人心相待。此其故何也。蓋以同胞殺同胞。實爲天下至賤之事。不惟爲萬國所鄙棄。同胞所切齒。卽滿人亦未嘗不輕賤之。以爲漢人相殺。乃其種性若此。宜其甘爲奴隸。萬劫不復。既存輕賤之心。故對待之手段刻薄如此。卽使身居重鎮。屢立戰功。而偶忤廷旨。緹騎立至。其他將校。受文官呵叱驅使。甚於僕隸。而於兵士所發口糧。尤朝不保夕。而一有戰事。卽責其死敵。直視之如虫蟻耳。世人見清廷刻薄寡恩。不重軍人。皆知歎恨痛息。豈知歐美日本各國。所以尊重軍人者。以其爲國努力。倚若長城。故軍人之名譽。軍人之身分。皆爲社會所矜式。至於滿人使漢人當兵。非以爲國家之干城。

不過專防家賊。故其軍人以擁護國仇爲天職。以誅戮同種爲立功。禽獸之行。宜爲世界所不齒。我國民之爲滿洲將士者。若猶有人心。當不待勸告。而決然反戈歸順。惟恐不速也。何用遲徊審顧爲。意者或誤會國民軍之旨。以爲國民軍既與滿洲政府爲仇。則凡爲滿洲政府之將士者。皆所不容。雖欲反正。而無路可投乎。然同是漢人。地位雖殊。情誼固在。且國民軍當未起義以前。處於滿洲政府之下。與我國民之爲滿洲將士者。固無所差別也。嗟乎。宗國之亡久矣。舉我同胞。悉隸於滿洲之下。不能互相庇翼。而使寄食於仇讎。又不能速拯之出於水火。斯已大負國民矣。何忍復較量前眚。自相携貳乎。爲此布告天下。凡我國民之爲滿洲將士者。若能顧念大義。翻然來歸。軍政府必推誠相與。視爲一體。其以城鎮鄉村或軍旅反正者。及剪除敵軍。心腹將校來歸者。暨以器械糧食來歸者。皆爲國立功之人。當受上賞。其軍至卽降者。亦予優待。此皆償典恤典。略地規則等所一一規定者。其各激發忠義。以滌舊污。以建新猷。若猶有包藏禍心。怙惡不悛。甘爲國民軍之蠱賊者。則是自絕於中國。其罪不赦。方今民族主義。國民主義。磅礴人心。舉國之人。皆知明理仗義。固非若昔日人心否塞之時。軍政府提携義師。肅將天討。期與四百兆人平等。

以盡國民之責。亦與昔之英雄割據有別。固將使禹域之內。無復漢奸之迹。其滿洲將士有敢奮其螳臂以相抵抗者。必盡剪除。毋俾漏網。特慮其中容有心懷反正而遲疑未決者。亦有身擁兵權。心懷助順。而觀望取巧。思徐覘國民軍之強弱。以爲進退者。凡此皆不勝其禍福之見。故就義不勇。今開誠布公。明示是非順逆之辨。其各自擇。毋得徘徊如律令布。

黃帝四千六百零九年八月二十一日

宣布滿清罪狀檄

爲弔民伐罪。誓衆出師。昭告於天下曰。嗚呼。皇天不造。降亂中邦。滿清以塞外胡種。濶據神皋。越二百六十有七年。覆我宗社。亂我陵寢。殺戮我父母。臣妾我兄妹。喪昧人道。罔有天日。九萬里宗邦。久淪傷心慘目之境。五百兆臣庶。不共戴天履地之仇。閱及近茲。益逞凶悍。毒屠誅殺。不遺餘力。舉天下之膏血。盡貺四隣。割神州之要區。歸之萬國。淫凶酷虐。熾於其前。刀鋸鼎鑊。隨於其後。立足無地。偷生何從。罪惡滔天。奇仇不赦。普天同憤。草木皆興問罪之師。動地興悲。魚龍亦感風雲之會。況復黃炎神胄。忍墮獄城。爰舉國民義兵。

殲除大盜。擇日出師。當天誓衆。鐃歌初唱。漢幟齊張。河南旣克。兩粵旋恢。義師已據武昌。南軍直來湖上。戈矛十萬。同揮賤虜之頭。子弟八千。共啖胡王之血。山河依舊。先人之廬墓可親。冠帶奚存。九世之仇讎宜復。凡我同志。努力前驅。揮日揚鞭。一蕩中原之腥穢。擒王克敵。重贍上國之衣冠。驅胡羣於關外。定霸圖於亞洲。內洗三百年滅國之辱。外當六十國逐鹿之衝。義戈所指。天地廓清。民命堪憐。秋毫無犯。須知爲國復仇。并非許民作亂。守萬國公同之約。勿害邦交。值六雄并峙之秋。各盡天職。嗚呼。黃冠草履之民。誰無尊親之血氣。四海九州之內。何非故國之山河。秉爾白矛。報爾先德。重新九鼎。再奠神京。滅此朝食。與諸君同爲黃龍之飲。建茲民國。俾萬邦共覩赤日之光。一念血誠。千秋偉業。傳檄天下。用布皇言。

昔拓跋氏竊號於洛。代北羣胡。猶不敢陵轢漢族。滿清入關以來。恐吾漢人心存光復也。凡屬要害。悉置駐防。監視我漢人之耳目。使漢人永遠降爲滿清之奴隸而後快。心如蛇蝎。行同虎狼。其罪一。

清廷昔創一條鞭之法。謂以後永不加賦。乃未幾而厘金之制起。雜稅之制興。近更變本

加厲割吾民之膏吮吾民之血使吾民死於囹圄葬於溝壑者蓋不知幾千萬外竊仁聲內存饕餮其罪二

流寇肆虐遺黎凋喪東南一隅猶自完具清廷謂漢人死不盡滿人不得安於是下江南所過城邑肆意屠殺讀揚州十日記嘉定三屠錄凡屬漢人當無不沈沈淚下也漢人無罪盡膏清兵之刃其罪三

前世史書之毀多由直筆書其虐政苦在舊朝一無所聞清廷恐人心思漢焚毀書籍八千餘通自明季諸臣奏議外上及宋末之遺書靡不焚燒令漢人忘祖永習爲奴其罪四世奴之制普天所無胡清竊據中國視漢人如豬羊漢人小有過失卽發八旗永與滿人爲奴有潛逃者罪及九族雍乾時東南名士如莊廷鑑戴名世呂留良查嗣庭陸生楠汪景祺之家族發往胡域者幾千萬家背逆人道苛暴齊民其罪五

滿清爲滅絕漢人計嚴其刑罰苛其條例吾民一觸其網羅則有死無生歷觀數年來尋常私罪多不覆按府電朝下囚人夕誅好惡因於郡縣生殺成於墨吏私刑毒殺暗無天日刑部不知按察不問遂令刑章罔撓呼天無所其罪六

犬羊之性。父子無別。胡酋以盜嫂爲美談。以淫妹爲法制。其他淫烝。史不絕書。使華夏清嚴之地。一變而爲狐狸之鄉。遺臭中原。傳笑萬國。其罪七。

垂狗尾以爲飾。穿馬蹄以爲服。衣冠禽獸。其滿清之謂。入關之初。強漢族蓄尾。不從死者。徧天下。至今受其束縛。貽九洲萬國羞。使吾衣冠禮樂。夷爲牛馬。其罪八。

### 致滿清政府電

滿政府諸執事公鑒。邇來軍務倥傯。未遑肅啟候祉。臨風懷想。惶愧莫名。特諸執事視明聽聰。諒必洞悉本都督起義之苦衷。不我峻責也。夫兵凶戰危。古訓昭昭。本都督才雖不敏。曷嘗罔知。然所以如此披甲厲兵枕戈飲血者。非好爲首先發難。徒負光復漢家之虛譽。實以祖仇所在。人心所趨。事勢有不得不然耳。夫中原之土地。皆我漢族祖若宗。暴露斬荆棘。以有此神州大陸也。中原之人民。皆我黃帝之苗裔。萬世一系之血統也。中原之政教禮俗。衣冠文物制度。皆我聖哲賢豪之腦力之心血所組織之。而莊嚴之者也。歷代相承。未之或易。雖中間蒙古以夷猾夏。不百年而朱明卽起而攘復之。降及末葉。闖賊篡竊。僞朝假應援之美名。標討賊之大義。破走闖賊。遂據燕都。於是衣冠文物之邦。淪於

胡虜。華夏神明之胄。陷於腥羶矣。本都督每讀史至此。未嘗不掩卷太息。椎心泣血也。及觀多爾袞與史可法一書。猶云我朝撫有燕京。得之於闖賊。非取之於明朝。噫。斯言也。將誰欺。欺天乎。譬之一室之內。有家賊盜竊。主人不能箝制之。同里之人起而援助。未始非爲義勇。及入其室。家賊甫除。旋乘其隙而驅逐其主人。盤據其家室。攘奪其財產。其爲害也較家賊有什百千萬者。而猶曰我得之於盜賊。非取之於汝家。有是說乎。僞朝之盜竊中原。得毋類是也耶。嗚呼。殺父之仇。不共戴天。春秋之義。有死無二。我漢族痛念祖國淪亡。欲光復舊物。無奈天不祚漢。卒致許多忠臣烈士。流涕頓足。一死以報國。若文天祥。史可法。黃道周輩。不亦大可哀乎。他若顧亭林。黃黎洲。王夫之。三先生。皆以明末大儒。懷復仇之大義。轉徙流離。一不得遂。卒竄於窮山荒谷間。著書立說。以終其生。蓋亦足悲矣。夫春秋一書。內中國而外夷狄。所以嚴夷夏之防也。僞朝以夷亂華。盜竊神器。縱能一視同仁。勿分畛域。而我炎黃帝胄。尙欲復仇雪恥。殄彼胡虜。況乃假襲其政教。更易其衣冠。變亂其禮俗。文物制度。各省要隘。遍設駐防。文字興獄。株連無罪。其任官也。內而閣部。滿奴十居八九。外而督撫。漢族十僅二三。其收賦也。漢族抽捐納糧。取盡錙銖。滿奴坐食公餉。



用如泥沙。其定制也。滿漢顯分畛域。無通婚之典。其頒律也。滿殺漢族。罰金二十四兩。漢傷滿奴。賠抵殃及妻孥。諸如此類之不平等。屈指而計。不可勝數。此仁人志士所以益憤惋而不平者也。猶幸洪楊起義。志在恢復。東南半壁。無復賊有。漢家山河。將復我舊。詎料曾左李駱諸巨奸。不辨救民愛國之義。誤解食毛踐土之言。羣爲僞朝效走狗。競先驅。出死力以戰勝疆場。自殘種族。大江南北。蹂躪何堪。設想湘楚軍弁。死亡不勝枚計。血流漂杵。肝腦塗地。戕同胞以媚異族。久爲天下譏訕。此凡有血氣之倫。每一念及。莫不髮指眦皆裂。引爲深恨者也。厥後胡后垂簾。穢亂宮禁。奕助專權。鬻賣爵位。英明賢哲之士。黨錮海外。卑污惡劣之徒。彈冠朝中。猶復標榜維新。大肆搜刮。歛民膏而侈修宮苑。借外債而抵賣路礦。虐政密如蛛網。生民墜於塗炭。人神同嫉。天地不容。以致水旱迭臻。彗星示警。禍亂無已。盜賊縱橫。天人之向背。不待智者而後辨也。是故慷慨激昂之士。仰觀天象。俯察人事。咸欲殄滅滿族。以雪乃祖乃宗之恥辱。誅戮漢奸。以登億萬生靈於衽席。吳樾、徐錫麟、史堅如、溫生才、汪兆銘之暗殺尙已。廣州今年三月二十九日。我同胞志士。爰舉義旗。轟擊奴署。事雖未成。其精忠義氣。震爍乎天地。昭耀乎日月。未幾川人反對路歸國。有乃

愛國之愚衷。諸執事茫焉不察。一則曰格殺勿論。再則曰民氣囂張。其尤奇者。昏庸貪狠之瑞澂。竟聲言鄂軍悉不足恃。勒繳槍彈。轉給旗兵。晝夜防禁。如臨大敵。本無事也。而彼故爲驚張以震駭耳目。人心爲之大憤。加以網羅無辜。立予極刑。我同胞素懷光復之志。值此殘惡不仁之秋。振臂一呼。彈如雨注。義旗以立。而滿奴以竄。而漢奸渠魁以潛逃。時八月十九日事也。此固我漢族之義勇奮發有以致之。要亦見僞朝命運之已盡也。當此之時。天地爲之開顏。山河爲之含笑。野叟老嫗。庸人孺子。爲之踴躍歡呼。聲聞數十里。天心與人事相倚伏。人事與天心相感召。天與人歸。千載一時。我祖若宗。含垢忍辱。屢欲報復之而不遂者。今乃始得見之矣。本都督既承同胞推舉。不能不和衷體國。以堅同仇之志。伸討賊之義。顛覆惡劣政府。建立共和國家。上爲祖宗雪恥。下爲生民請命。各省檄文未傳。而羣率響應。列強通告甫至。即默認戰團。我軍士氣憤風雲。勇撼山岳。天塹不難飛渡。投鞭足以斷流。驅逐小醜。人自爲戰。逐北軍前。所向無敵。現在軍氣憤勇。竭力備戰。迭請北渡黃河。直擣燕京。本都督默念僞朝亦屬人類。豈忍大加誅戮。無奈衆軍士深恨胡虜。非我族類。勢必殄滅無遺。且已竊據中原幾三百年。坐享福祿已十一世。諸執事倘篤

念種族。厚愛逆豎。宜勸令削號歸藩。稱臣納幣。則滿洲之老巢猶存。附庸之保護仍舊。諸執事庶可免滅族之慘。本都督亦不居屠殺之名。若其眷戀窮城。徘徊棧豆。汽笛一聲。大軍瞬息雲集。天戈所指。醜族必無噍類。勝負之數。無待蓍龜。惟諸執事實利圖之。諸執事服政有年。主持至計。必能深維利害。寧忍隨俗浮沉。去就從違。應早審定。種族存亡。在此一舉。本都督誓師宣志。有進無退。衆軍士破釜沉舟。前仆後繼。願諸執事急以保種爲心。毋貪個人富貴之利。而重種族絕滅之禍。本都督有厚望焉。雲天寫闕。延企爲勞。書不宣意。

黃帝四千六百零九年八月二十一日。

又公請胡瑛携帶照會渡江。送至漢口各國領事館。

### 照會各國領事

中華民國軍政府、鄂省都督、爲照會事。我軍政府自廣東之役。團體潰後。乃轉而向西。遂得志於四川。在昔各友邦未遽認我爲與國者。以惟有人民主權而無土地故耳。今既取得四川屬之土地。國家之三要於是乎備矣。軍政府復祖國之情切。憤滿清之無狀。復命

本都督起兵武昌。共圖討賊。推倒專制政府。建立民國。同時對於各友邦。益敦睦誼。以期維持世界之和平。增進人類之幸福。所有國民軍對外之行動。特先知照。免致誤會。

一、所有清國前此與各國締結之條約。皆繼續有效。

一、賠款外債照舊擔任。仍由各省按期如數攤還。

一、居留軍政府佔領地域內之各國人民財產。均一律保護。

一、所有各國之既得權利。亦一體保護。

一、清政府與各國所立條約所許之權利。所供之國債。其事件成立於此次知照後者。

軍政府概不承認。

一、各國如有助清政府以妨害軍政府者。概以敵人視之。

一、各國如有接濟清政府以可爲戰事用之物品者。搜獲一概沒收。

以上七條。特行通告各友邦。俾知師以義動。并無絲毫排外之性質。參雜其間也。相應

照會貴領事。轉呈貴國政府查照。須知照會者。

黃帝四千六百零九年八月二十一日。即一千九百一十一年十月十二日。

二十一晨。各同志所擬之電拍出後。午前八時。吳兆麟即命馬榮程正瀛等請黎元洪到諮議局。但黎元洪來諮議局時。極不願意。於是大衆議定。以黎元洪在前樓東端房間安居。派兵監視。同時吳兆麟又商議黎之執事官王安瀾。多方勸請黎元洪歸順民軍。蓋所勸之人甚多。而黎元洪終不回答。飲食亦不進。其心殆憂如焚也。少頃。步隊三十二標第二營。馬隊第八標。均進城。混成協馬隊之一營亦響應。吳兆麟當派張福麟照料馬隊。派胡效騫照料步隊。同時混成協砲隊亦響應。當以段天一照料之。

是日正午。而六年前日知會破案後被禁於漢口禮智司監獄之同志殷子衡。自行出獄。并將獄中一切被禁者放出。而新入獄之詹大悲。何海鳴等。皆同時得自由矣。

是日因往來諮議局人員極雜。軍政府特設軍法偵探。稽查間諜。各處規定徽章。以便出入易於分別。又派同志王憲章等渡江至漢陽兵工廠。勸其響應。守該廠者乃步隊四十二標第三營。該營隊官宋錫全。即集合隊伍。說明歸順軍政府。衆兵士一致贊同。當舉宋錫全爲全營代表。仍保守兵工廠。該營管帶汪炳山走。

步隊四十二標第一營在漢口居仁門。亦於是日歸順軍政府。該營管帶陳鍾麟走。衆兵

士以排長吳勝元爲代表。仍在漢口防禦。

是日所有在武漢之新軍。除步隊四十二標第二營及輜重第八營外。均已爲軍政府所有。聲勢更爲浩大。於是吳兆麟於午後二時卽用黎元洪爲湖北軍政府都督名義。先通知武漢各軍隊。自行解除總指揮之職。以後命令各軍隊。俱用都督名義。直接命令之。茲將所發命令列左。

湖北軍政府都督命令 八月二十一日午後二時於諮議局發

一、據各方面偵探報告。瑞澂在楚豫兵輪。率楚材江清二兵輪。在日本租界下面停泊。張彪率輜重第八營在劉家廟。似欲圖襲武昌之勢。

二、本軍政府自本日起。擬防禦武昌省城漢口及漢陽兵工廠。一俟軍隊組織就緒。卽向京漢鐵路前進。佔領武勝關。

三、胡效騫率步隊二十九標第二營。卽赴漢口防禦大智門一帶。

四、吳勝元率步隊四十二標第一營。防禦漢口各街市。但派一隊沿街游擊。

五、宋錫全率步隊四十二標第三營。固守漢陽兵工廠。

- 六、姚金鏞率步隊二十九標第一營、砲六門。仍防禦通湘門、賓陽門、小東門一帶。
- 七、胡廷佐率步隊四十一標第二營、砲六門。防禦漢陽門、平湖門、文昌門一帶。
- 八、李鵬升率混成協工輜二隊、砲二門。防禦武勝門一帶。
- 九、謝元愷率步隊三十標第三營、砲四門。防禦望山門、中和門一帶。
- 十、程國貞率砲隊續行前任務。
- 十一、段天一率混成協砲隊一營。防禦鳳凰山。
- 十二、李占魁率工程第八營。防禦楚王台軍械局。
- 十三、張福麟率馬隊第八標。在混成協營房內待命。
- 十四、王祥發率混成協馬隊一營。在諮議局待命。
- 十五、本都督在諮議局。

都督黎元洪

注意本晚口號 四方響應。

以上命令發下後。各隊伍均赴防地。嚴爲防禦。武漢秩序如常。秋毫無犯。武漢百姓。極爲

一 辛亥八月十九日 武昌起義

歡悅。謂革命軍真是仁義之師。衆兵士真是愛國軍人。於是一人傳十。十人傳百。無論老幼男女。俱表歡迎。卽外國人亦甚欽佩。而一種莊嚴悲壯之氣。有非筆墨所能形容者。是日午後六時。各同志集合諮議局再開會議。因各部人員均未規定。辦事殊多紊亂。擬暫增加兵力四協。每協成立後各招補充兵一團。先將參謀軍務外交政務各部人員。及協統四員舉定。當此軍書旁午。宜速規定以利進行。茲將所舉各部人員及四協統之姓名列左。

一、參謀部正部長 楊開甲。

副部長 吳兆麟兼楊璽章。

二、軍務部正部長 孫武。八月十八焚傷後尙避匿長清里劉燮卿家。

副部長 蔣翊武。十九被捕後逃脫潛往京山劉英處。

蔡紹忠辦事。張振武兼蔣職。

三、政務部正部長 湯化龍。不到。

副部長 張知本。



四、外交部正部長 胡 瑛。

副部長 王正廷。 尙在上海，由胡瑛派梁炳農至滬請翻譯，李登輝所薦，故虛左以待。

又將協統姓名列左。

一、步隊第一協統領 吳兆麟。

二、步隊第二協統領 何錫藩。

三、步隊第三協統領 陳炳榮。

四、步隊第四協統領 張廷輔。

以上人員舉定後，各部卽按當時情形組織之。至於軍隊組織，仍照前清新軍制度。

諸同志都抱定愛國熱忱，議定軍官及各部一切辦事人員，一律對於軍政府盡義務。每月各職員僅支夫馬費二十元，兵士每月支十元，頭目十二元。

以上所擬規定後，又用都督名義當出布告施行。

是日吳兆麟、李作棟、蔡濟民、徐達明四人同往藩庫、銅幣局、官錢局點驗儲款數目。計藩庫實存現銀一百二十餘萬兩，銅幣局實存現洋七十萬元，銀八十萬兩，銅元四十萬串。

官錢局實存銅元二百萬串。官票八百萬張。未蓋印官票二千萬張。洋元票二百四十萬張。庫銀二十萬兩。現洋三十萬元。

以上總計湖北財政存款約四千萬元。可謂充裕。一面點清。一面令胡廷佐擔任藩庫責任。令劉繩武擔任官錢局責任。令夏維善擔任銅幣局責任。又招賢館派劉度成照料。是時熱心之士。聞黎元洪舉爲都督。來招賢館報名者。門庭若市。而饒漢祥及皖撫朱家寶派來之秘探孫發緒亦初至。而入招賢館。凡與黎元洪有因緣者。如呂達先、李國鏞輩。亦絡繹不絕。但黎被監視。又甚憂悶。若輩皆躍躍欲試焉。自此以後。軍政府人品漸雜。而事務益繁。所有軍政府電文布告及來往信件。每多發交招賢館人員辦理。擬妥後。再由諸同志選擇之而後行。不久軍政府復組織秘書廳。卽以楊玉如爲秘書正主任。饒漢祥爲秘書副主任。

是晚彙集各方面送到軍政府報告。有謂瑞澂率同海軍及陳得龍所帶之巡防營。協攻武昌城者。有謂張彪帶領隊伍由青山洪山二方面襲擊武昌者。又有謂城內藏有旗人甚多。聯絡奸細作內應者。更有謂清廷已派兵南下來攻民軍者。一時滿城風雨。一夕數

驚軍政府內辦事人員。至晚多已潛出。其中不過吳兆麟、李作棟、張振武、胡瑛、牟鴻勛、陳磊、蔡濟民、徐達明、吳醒漢、蔡漢卿、向一清、楊璽章、黃元吉數人而已。當晚大衆會議。議定卽出佈告。曉諭人民。使之安心樂業。不得妄聽謠言。又不許妄殺旗人。遇事皆要遵守法律辦理。卽或拿獲旗人奸細。須稟明都督。然後由都督轉交軍法處依法究辦。又一面傳知各機關及各軍隊。凡外來文武官紳。以及各界熱心志士。均須敬禮接待。以期廣攬人才。幫助民國。是晚軍政府又趕辦公文。急派人分送各府州縣接洽。及各駐紮在外之新軍。與水師巡防各種隊伍。勸其一律響應。倘有遲疑觀望者。一經查出。定以漢奸究辦。是晚軍政府派蕭國寶、姚斌、熊世藩、李國樑四人。着便衣到漢口偵察張彪情形。并勸導輜重營反正。又派人持黎元洪公函。送四十二標統帶張永漢。及該標第三營管帶樊毓英。勸其從速來歸。占領京漢鐵路。防禦黃河橋。一俟軍隊組織就緒。陸續增援。乘機進攻北京。將來大功告成。本軍政府論功行賞。定以該標統與該管帶爲首功云云。

二十二日黎明。吳兆麟派蔡德懋率砲隊一營。及胡廷翼步隊一隊。到武勝門外兩望佔領陣地。向楚豫楚材江清各兵輪射擊。午前八時。已到該處沿隄布置放列。蔡德懋命各

砲兵向各兵輪測準開始射擊。各兵輪卽向兩望還擊。砲戰約兩時之久。射擊極形猛烈。中外觀者如堵。見革命軍砲戰精神。將楚豫江清擊傷。向揚子江下游敗走。皆爲鼓掌稱贊。

軍政府旣因瑞澂兵輪被我砲隊擊敗。急欲招降京漢鐵路之湖北軍隊。以期早竟北伐之功。然而張彪頑抗數日。均未得手。又時接報告。謂張彪急圖反攻。於是大衆計議派齊寶堂渡江勸誘。因齊寶堂曾作張彪親信。前係輜重八營管帶。并代黎元洪寫一公函再三致意如下。

虎臣仁兄如握。同寅有年。相知以心。相知旣久。而忽相仇。余心甚爲歉然。惟是種族之界。嚴於君臣。大義之行。可滅親友。弟秉大義。別種界。萬衆一心。軍民同憤。滿奴氣盡。昭然人目。近日之戰。可概見矣。仁兄素明事體。順逆之理。勝敗之數。諒計之已熟。何事以虎口餘生。東逃西竄。輔不足以有爲之滿奴。以殘我同胞。仁兄猶是黃帝之子孫。獨不欲雪祖宗二百六十餘年亡國之恥乎。清夜以思。當亦廢然自返矣。用敢遣貴親信齊君寶堂。邀迎仁兄。助我同胞。救出水火。大業告成。虛位以待。銘勛於冊。鑄像於銅。將見地球各國。呼仁

兄爲黃帝之肖子。復漢之偉人。與法拿破崙美華盛頓爭烈矣。如欲以逃竄小醜。烏合流氓。與大漢百戰百勝之雄師相見以戎衣。是以卵投石也。生爲鼠子。死作妖魔。不亦悲乎。弟赤心待人。決不妄言。謹率同胞歡迎江上。仁兄當有以教我也。軍事匆匆。不盡欲言。草此敬請公安。黎元洪頓首。

黃帝四千六百零九年八月二十二日。

齊寶堂携函渡江。面陳張彪。張彪見之大怒。遂面令齊寶堂轉達黎元洪云。我輩爲高級長官。食皇土俸祿。理應盡忠朝廷。萬不可造反。不日北京有大兵南下。將武昌革命撲滅。叫黎元洪。小心。我提拔他到這個地步。他還不知恩。反致造反。真不是一個東西。望你渡江說與黎元洪一聽。你可再來漢口替我幫忙云云。

是日蕭國寶等到輜重營運動該營兵士時。又被蕭安國查覺。已將該四人拿獲。問明來由。知爲軍政府所派。彼見李國樑尙有辮尾。當令開釋。遂將蕭國寶、姚斌、熊世藩三人押至劉家廟江岸槍斃。蕭國寶身受三槍。尙未斃命。隨即倒地。至夜深潛回武昌醫院。李國樑回軍政府報告輜重營頗難令其反正云。

同日接得報告。謂清廷已派河南軍隊三營到漢口。劉家廟與張彪會合。但河南巡撫寶芬因有巡防保護。已將協統應龍翔看守。特派標統張錫元帶新軍二營、巡防一營於本日早八時抵漢口下車。

同時又接得報告。謂滿清政府已下上諭命陸軍大臣蔭昌帶兵南下。其前敵總指揮是馮國璋。已率北洋陸軍第二鎮、擬先到信陽集合。今信陽城內設有糧台。其司令部擬設彭家灣。但第二鎮統制是馬龍標。協統即王占元。鮑貴卿云云。

軍政府接得以上報告。而一般不知兵者。即羣相叫囂。謂參謀部不善計畫。坐誤戎機。應早日派兵先佔領武勝關。或黃河橋。再向北京進兵者。紙上談兵。言之成理。全不知已知彼也。甚至有熱心過度者。痛哭流涕。幾欲於頃刻之間。即將黃河橋炸毀。阻止蔭昌南下。殊不知湖北新軍共計步馬砲工輜各隊約有四千人。而在漢口漢陽者。兵力尤爲單弱。脚步尙未站定。維持漢武市面秩序。已非易事。且各軍隊自起義以來。日夜疲勞。無片刻休息。區區數千人。即人人鐵石。防禦武漢。猶虞不足。焉有餘力分出黃河橋。況張彪所帶隊伍。防守京漢鐵路。內患未清。進攻不易。加以軍隊動作。一切補充接濟。都要準備。稍有

缺乏。卽難維持。且瑞澂張彪急圖報復。派漢奸煽惑謠言。一夕數驚。設軍隊皆開往前方。武昌不保。自失根據。越卽沼吳。故革命軍興。對於軍事計畫。困難萬狀。天下事言之匪艱。行之爲艱。徒以空談無補。搖惑衆心。致掌軍事者。方方顧慮。甚難周到也。

又各軍隊自首義後。所有軍官。均逃避一空。除中上級軍官無一人外。下級軍官。八月十九夜。隊官僅吳兆麟一人。排長僅蔡濟民、吳醒漢、黃楚楠、曹飛龍四人。司書生僅周定原、程國貞二人。卽二十、二十一兩日。陸續到軍政府者。下級官亦不過胡廷佐、徐達明、王文錦、姚金鏞、宋錫全、吳勝元、李占魁、伍正林、方定國、李忠孝、胡效騫、蔡德懋、劉廷璧、胡廷翼、謝元愷、楊璽章、張福麟十餘人而已。軍隊內缺乏指揮力。可想而知。設非各軍士熱心愛國。秋毫無犯。甚得民心相助。則戰爭時無勝算可言。所以滿清之亡。非徒亡於湖北軍隊。實亡於中國總民意也。武昌起義。不過開其端耳。

是日河南軍隊到漢時。張錫元初奉河南清撫寶芬命令。誣武昌中華革命軍爲少數土匪。囑與張彪會師。卽日勦滅。迨至漢口。見革命軍聲勢浩大。沿途百姓。又稱贊革命軍舉動文明。人數極衆。已由一鎮一混成協兵力。擴充至四協。瑞澂兵船又被擊敗。民軍砲無

虛發。外國人都爲佩服云云。張錫元聞之不敢進攻。又怕革命軍向其攻擊。於是派人向革命軍講和。謂同是漢人。自當贊成革命。擬歸順民軍云云。軍政府聞之極爲歡迎。遂派李國榮、畢鐘等携洋數千元到河南軍隊犒賞。彼此接洽亦甚相安。張錫元云、河南軍隊決不到漢口內地。就在大智門與劉家廟之間休息。如黎都督有所指示。河南軍隊惟有服從命令而已。該軍隊巡防一營兵士多係湘軍。聞歸順民軍。即各自來降。一哄而散。張錫元有鑒於此。更不敢動。只好詐稱投降。與民軍虛與委蛇。一面秘電寶芬靜待後命。是日王安瀾秘向同志等報稱。謂黎元洪自到諮議局。兩日不進飲食。亦不與何人說話。好似作新姑娘態度。若竟餓死。又將如何。於是大衆協議。謂黎元洪如此反對革命。終日憂悶。飲食不進。若真餓死。豈不麻煩。陳磊在座曰。我想黎元洪是故意作模倣。彼以爲革命難以成功。一旦失敗。彼則求清政府原諒。或者再謀官做。如革命成功。彼則享受元勛。此時假裝愁悶。其心正在計算。不然。彼果忠於滿清。何以十九晚間不死。時座中甘績熙亦以陳磊之言爲然。遂云。黎元洪這個態度。甚是可惱。我們真看不來。依我愚見。不如用手槍扣了完事。於是陳甘二君持手槍向黎元洪之房間而去。而大衆勸阻。謂其不可。



如此激烈。致外間有所藉口。甘績熙云。我縱不扣死他。亦要他決心。仍跑到黎處。曰。黎宋卿先生。我們漢人同志。流血不少。以無數頭顱。換得今日成績。抬舉你爲都督。你數日以來。太對我們同志不起。我對你說。事不成。你可做個拿破侖。事若成。你可做個華盛頓。你很討便宜的。你再不決心。我們就以手槍對待云云。黎元洪答曰。你年輕人不要說激烈話。我已在此兩日。并未有甚麼事對你們不起。陳磊云。黎都督很對得我們起的。但是你辦子尙未去。你既爲都督。該做一個模範。先去辦子。以表示決心。聽說你自到了諮議局。茶飯不進。你未免太着急了。但你今已進了火坑。不幹也要你幹。連日以來。我輩同志勸你很多好言。均不蒙你採納。我們真愧極了。我今有一言奉問。現在是民國了。你若盡忠民國。你就是開國元勳。你若盡忠滿清。你就該早天盡節。二者必居其一。何以如此裝模做樣。我們實在不解。進而言之。你不過在滿清做個協統。現在得此機會。你非才智勝人。卽你不幹。以中國之大。漢人之多。豈無做都督之人耶。望你三思。不然。恐同志等不汝容也云云。黎元洪又答曰。你們再不要如此激烈。我決心與你們帮忙。就是你們說要去辦子。我早就贊成。我前在營內。并下過傳知。謂願剪髮者。則聽其便。你們明日叫個理髮匠。

來將我的辮子剃去就是。於是大衆豁然一笑。都拍掌稱好。黎元洪遂不得已勉強承認都督。

是晚軍政府又召集會議。研究收降河南隊伍之辦法。有謂張錫元是不明大義之官僚。必係詐降。有謂真降。有謂乘我不備。欲圖襲擊。有謂降後欲作清兵內應。衆論紛紛。各有見地。最後決定收降條件。仍請李國榮等送於張錫元。以探其真相。茲將條件列左。

一、貴河南軍響應民軍。甚爲感激。擬請先通電全國。并出佈告。

二、貴軍速開至武勝關防禦。

三、貴軍一切糧餉接濟。都歸軍政府擔任。

四、貴軍響應後。即擴充成步隊一協。槍枝亦由軍政府補充。

以上四條規定後。次日即送至張錫元。孰意張錫元表面都已認可。當云須要準備妥當。再行舉動云云。

軍政府已窺其破綻。明知是詐。一面派軍隊防禦。一面仍與之表示好感。

是日軍政府所擴充之四協軍隊。其幹部均已組織就緒。一面在武漢就近招募兵士。從

軍者極形踴躍。軍政府卽劃定四區。各任防禦責任。茲將四區列左。

一、步隊第一協爲第一區。

防禦漢陽。

二、步隊第二協爲第二區。

防禦漢口。

三、步隊第三協爲第三區。

防禦武勝門外兩望至青山附近。

四、步隊第四協爲第四區。

防禦武昌省城。

以上四區劃定外。又擴充砲隊爲兩標。以蔡德懋、尙安邦爲標統。更擴充馬隊爲兩標。以劉國佐、周福堂爲標統。是時湖北不僅財政充裕。同志皆潔己從公。而軍械子彈被服亦甚充足。所有四協槍枝、野砲、山砲、要塞砲甚多。馬匹亦不少。軍裝被服隨時趕做。亦能源源接濟。

湖北創辦新軍。爲全國先。初在德國購買七米粒九毛瑟雙筒槍一萬餘枝。繼又在日本購六米粒五單筒槍一萬五千枝。終又由漢陽兵工廠自造單筒六米粒五槍數萬枝。除軍隊自用外。楚王台軍械局儲存最多。所以擴充軍隊極形容易。

又湖北自創練新軍以迄辛亥。已二十餘年。陸續退伍散在田間者不少。聞革命軍起。都

熱心從戎。故招募軍隊亦極迅速。計此四協軍隊約五日均已足額。

是晚接黃州來電。謂長江提督程文炳。聞武漢光復。即在田家鎮取新式砲之機關以去。黃州巡防營亦反正。軍政府即派張濟安、黃楚楠二人往黃州安慰。是日長江水師巡防奉陳得龍命。欲至武昌附近集合。約有千餘人。已而知陳得龍偕瑞澂逃走。即派王朝銀、馬祖藩到軍政府報告歸順。

二十二晚都督府司令官方定國與滿人通聲氣。被李翊東發覺。蓋當時武昌城內敵兵未靖。晚間時有敵人放槍。各處請兵彈壓。而方定國每故意顛倒。李翊東對之極懷疑。忽見一大漢手提燈籠。遞報告於方定國之案上。即馳身而出。李翊東見其形迹有異。即喊捉漢奸。當即拿獲。回顧報告。見方定國碎而吞之。後審大漢果係滿人。同時并舉發張彪之馬弁江振彪、蔡登高等數人。爲張彪作偵探。李翊東同陳磊即將方定國等處以死刑。二十三日。軍政府接得胡鄂公由保定回鄂報告云。滿清政府聞湖北起義。非常惶恐。雖派蔭昌南下。現由京漢鐵路運來兵士不多。在火車上沿途觀望。只見武勝關向南架有大砲。此次運來之兵。聞即永平秋操之軍隊。

同日又接報告。謂王遇甲已先來鄂。軍隊未至。又聞河南軍決不歸降。殆欲掩護後方軍隊開來。同時向民軍攻擊。

軍政府接得以上報告。即令第二協統領何錫藩在漢口嚴爲防禦。又派蔡德懋率砲隊一標至漢口受何錫藩指揮。在漢布防。又派黃冠羣帶馬隊一營、李忠孝帶工程一隊、同赴漢口。亦附屬第二協。但該協軍隊尙未招募完全。一面補充。一面布防。

漢口據長江中心。商務繁盛。關係甚大。所有糧秣接濟。非漢口不行。雖與武昌一江之隔。亦難遙制。是日即派詹大悲、何海鳴等。在漢口設軍政分府。以詹大悲爲正主任。何海鳴副。呂丹書爲參謀。胡瑛任外交。馬少卿、溫楚衡、李文輔、王乃畚等。分途任事。以便照料武昌赴戰之後防接濟等事。

又派張福麟爲船政監督。以便武漢軍隊之運輸。是日正午。蔣翊武自京山來。先到武昌諮議局。蔣自十八日被捕時。即逃脫。潛往京山劉英家。彼乃四十一標兵士。亦日知會會員。而結文學社者。聞武昌已爲革命軍佔領。復回武昌。即將私擬孫文所派劉公爲正都督、劉英爲副都督之委任狀。交與黎元洪閱看。蓋當時孫文寄寓美洲。黨事純係黃興主

持。各省運動之人。皆稱爲主盟人。并無委任狀之發行。若以權利許人。誘人革命。則主義皆爲騙人之術。武昌倡義同志。皆以謙讓爲心。只求推倒專制。光復漢家。身家性命。皆置之度外。忽來孫文之委任狀。未免太殺風景。蔣翊武之用意。係請黎元洪讓出都督。黎元洪亦信以爲眞。遂云既是孫文所派。就請他們來幹。蔣云。不是這個意思。是請都督明白革命以前之辦法。大衆又怕黎元洪不安心。於是設法替劉公另置一機關。俾免閒散。致鬧意見。因各部位。均不相宜。遂設一總監察部。以劉公爲正部長。曾尙武爲副部長。蔣翊武又云。劉英現有打手萬人。刻正集合。不日帶來武漢援應。蔣翊武又與大衆商量。謂湖北軍隊。此時愈多愈好。以便北伐。第一協統吳兆麟曰。軍隊愈多固好。但是未有時間訓練。以未訓練之兵。使之北伐。所謂不教民戰。是謂棄之。古人謂兵在精。不在多。湖北現擴充四協。及馬砲工輜并輸送等標營。軍官約需三千員。其原有四千兵士。均使充軍官。所有軍隊。概係新兵。焉知戰鬥。若再擴充。則兵士招募容易。而軍官訓練實難。況目下軍官。都係目兵充數。指揮力薄。不言而喻。兵士初次入營。名爲軍隊。無異烏合。既不明軍隊秩序。又不知射擊方法。一旦在戰地紊亂。一髮全身。其危害何堪設想。連日以來。武漢秩

序。全仗數千有訓練之軍人。熱心維持。自擴充軍隊之令下。改頭換面。反不及從前順利。可見軍隊之精。全在有訓練及軍紀也。目下擴充四協。以實在情形觀察。似乎逾量。各協標營。極感困苦。兄弟近日編組軍隊。所遴選之軍官。熱心有餘。而能力不足。前之活潑精神。轉成遲鈍之象。蓋因其逾量之故也。再查武漢地形崎嶇。不便運用大兵。卽以四協之衆。同心合力。足資防禦。且明瞭簡單。指揮亦可如意。又若軍隊加多。則需用軍餉浩大。設戰事延長。無餉接濟。則危害更大。總之。軍隊非不想加多。但情形有所不許耳。蔣翊武云。不然。天下事。做得那裏。算得那裏。不能過於拘謹。我意總以擴充爲是。衆知其意。又不好拂逆。於是大衆協議。再增加一協兵力。當薦熊炳坤爲協統。伍正林、杜武庫爲標統。

自蔣翊武一到武昌。卽將文學會一般同志。隨便委派。所有各軍隊內。中下級軍官。均參入有人。又其他各機關亦參入之。專以膨脹勢力爲主。而張振武亦然。幸孫武尙未至。但自起義後。湯化龍不願就政務部長。頗形冷淡。因革命黨疑其保皇也。唯此時革命同志猜疑甚深。有說參謀部長楊開甲。是陳得龍親戚。恐有詭謀。致令楊開甲不敢作事。形同虛設。又說張景良之妹。嫁與旗人果清阿。恐其作漢奸。特將張景良拿獲看管。實則張景

良乃日知會會員也。又有蔡登高、姜金標、鄧矮子，在一處談話。蔣翊武、張振武等，疑是密謀。當令斬首。又方定國領取軍餉，內匿洋數十元，亦令斬決。種種疑忌，監視極嚴。由是大衆辦事，都不敢露頭角。此風一播，一般在前清作官者，均已遠揚。蓋民黨年輕氣盛，經驗太差。大有既不能令，又不受命之弊。是其短也。可喜者，熱心有餘，都有一成功思想。對於百姓外人，極力保護，秋毫無犯，甚得民心，是其長也。

是晚十時，居正、譚人鳳同到武昌。據云係黃興所派，請召集各機關人員開會。報告上海情形。於是李作棟即通知各機關人員，齊到農務學堂集合。聽居正報告情形。至十一時，大衆齊到農務學堂。居正云：我們同志等此次在上海接得英文報告，謂湖北已獨立。我們聞之皆喜出望外。當與宋教仁等商量，一般同志特推兄弟與譚君人鳳回來看。并與諸君晤教後，再回上海協商進行。我們同志未起義前，總機關設在上海。民立報館即爲通訊處。自四川鐵路風潮發生，即擬借四川爲根據地。連合湖北、湖南、山、陝、江、蘇、江西、安徽八省。同時響應。不料湖北軍隊同志反較他省運動迅速。現在已達到獨立目的。我們同人極爲欽佩。但是滿清尚未倒，各省尚未響應。我們革命不能算是成功。望諸君努



力進行。兄弟明日卽往上海。請黃興、宋教仁等來鄂。與諸君帮忙。一面促各省響應云。大衆聞黃興、宋教仁之名。極爲仰慕。又聽說促各省響應。更爲歡悅。卽請居正、譚人鳳二人速回上海設法進行。并請黃興、宋教仁等尅日來鄂。

革命軍自擴充軍隊之令下。各協標營組織。需軍官不少。而首義後之四千兵士。皆變而爲軍官。當此軍事緊急之時。何有時間訓練。以故名雖兵力增加。實則骨幹已撤。力量遠不及未擴充之時也。一般新兵。不知射擊。焉能戰鬥。不得已於無法之中設法。酌留基本隊伍。以便戰鬥時指導新軍。遂規定每協調選老兵一營。其編制縮小。以便指揮。每營共二百四十人。每隊六十人。每排二十人。以爲各協指導新軍督戰之用。

又吳兆麟、蔡濟民二人。將工程第八營及步隊二十九標老兵。組織敢死隊四大隊。令方興、馬榮、金兆龍、徐少斌四人爲隊長。每兵月給軍餉洋二十元。以爲必需時之用。但各軍隊因時機急迫。一面編制。一面準備作戰。極形忙碌。又因滿清政府派兵南下。每日各處所來軍政府情報。如雪片飛來。晝夜趕辦。稍具雛形。其實力量有限。純恃民氣。爲之後盾。故滿清亦不知民軍之內容虛實。束手無策。一再延緩。民軍得以臥薪嘗膽。聲勢

日益浩大。加以上海北京天津各處報紙之輿論。皆以民意爲歸。一致鼓吹。稱贊革命軍之文明。羣衆皆感覺亡國之痛。此滿清滅亡之兆也。

### 一一、八月二十四日 武漢之戰守

二十四日。接各方報告。謂蔭昌確已南下。帶兵兩鎮。卽近畿第六鎮與第二鎮是也。軍政府卽準備作戰。擬先出其不意。驅逐在漢口詐降軍政府之河南隊伍。

同日又有海軍幫帶朱孝先來諮議局謁黎都督云。革命軍舉動文明。情願援助。黎頗喜。卽招待一切。又派徐達明、王文錦、李國鏞、携帶洋元二千。與朱孝先同赴陽邏。到海軍各船犒賞。并與各司令接洽。多方獎勵。詎料海軍表面雖云贊成。但決計不受犒賞。

同日又接各方報告。謂蔭昌所帶隊伍。先鋒已抵武勝關。有一標之衆。標統馬繼貞。有一標已抵信陽。標統賈德耀。又得報告。謂統制吳祿貞、王遇甲、及協統李純、鮑貴卿、王占元、陳光遠、陸續由京漢鐵路南下。以馮國璋爲軍統。自彭家灣以下。各站均貼有布告。及司令部紙條。信陽城內。爲總糧台。所存糧秣極多云云。

黎都督以爲北洋軍隊。久經訓練。若都不知種族大義。骨肉相殘。爲異族効力。則大軍雲

集。湖北新軍非其敵也。恐慌殊甚。而軍政府中又少知兵之人。每接報告。皆多束手。於是黎即召集大眾會議。謂第一協協統吳兆麟。自到漢陽防禦而後。參謀部每接報告。不能應付。而辦事諸員。又分途極忙。對於軍事計畫。極形困難。仍請吳兆麟回軍政府專爲主持。庶於軍事各種計畫。不致手忙腳亂。其協統一席。另覓替人。因此提議。衆以爲然。於是派李作棟。蔡濟民二人渡漢陽。徵求吳之同意。李作棟向吳曰。今軍事範圍太廣。軍政府當軍事要衝。每日所接報告。堆積如山。無人取決。黎都督因北洋清兵南下。戰事緊急。對於軍事一切計畫。非先生不行。仍請回軍政府總其大成。特派我與蔡君濟民前來徵求同意云云。吳兆麟云。軍政府正在草創。只求於事有濟。不在位置。請都督作主可也。於是蔡李二人回報黎都督。當請吳兆麟回軍政府主持參謀部。以第一標統宋錫全爲第一協統。

是時民氣之盛。爲古今所未有。雖屢接清兵南下之報。一般軍民均不畏死。幷存輕視之心。以爲漢人而作漢奸。來此抗順。如此賤種。卽爲全國唾棄。故大有滅此朝食之概。是晚黎都督卽召集會議。討論對於清兵作戰之一切準備及計畫。經衆決定。擬明日先

驅逐在漢口之敵。逐次向北策動。以阻敵兵南下。一面向漢口方面增加軍隊。是晚軍政府對於各協發下如左之命令。

湖北軍政府都督命令

八月二十四日午后八時  
于武昌諮議局發

一、綜合各方面情報。滿清政府派陸軍部大臣蔭昌率兵由京漢鐵路南下。其先頭步隊約一標。今日約抵武勝關附近。張彪所率馬隊一隊。輜重第八營。仍在漢口劉家廟附近。但河南軍之兩營。自到漢口佔領大智門附近。對於軍政府非誠意歸順。似欲掩護蔭昌之軍隊南下。

二、本軍政府擬先擊攘漢口之敵。逐次向北進攻。以阻止清軍南下。

三、步隊第二協統領何錫藩率該協馬隊一營、砲隊第一標（欠一營）工程一隊、敢死隊兩大隊。於明二十五日在漢準備擊攘劉家廟大智門附近之敵。逐次向北進攻。

四、步隊第一協統領宋錫全率該協及馬隊一隊、砲隊第一標之一營、明日防禦漢陽兵工廠及漢陽各要地。并派一部保護漢口市面。且須接濟漢口戰鬥部隊之彈藥。

五、步隊第三協統領陳炳榮率該協及馬隊一隊、砲隊第二標之一營、工程一隊、明日

防禦青山至兩望一帶。但須廣遠搜索武昌省城下游一帶之敵情。以防敵兵渡江。

六、步隊第四協統領張廷輔率該協及馬隊之一營（欠一隊）砲隊一營。明日防禦武昌省城。

七、步隊第五協統領熊炳坤迅速整頓該協爲預備隊。準備赴漢口增援。

八、其餘防禦武昌各機關之部隊。明日仍續行前任務。

九、各部隊糧秣給養。均由各部隊自招輸送隊辦理。

十、本都督在武昌諮議局。

都督黎元洪

以上命令發下後。各部隊均按照命令各自準備。

但此命令未發以前。步隊第二協先佔領漢口。其司令部設在漢口鐵路外劉家花園。所派馬砲工敢死各隊。已先分途派往漢口。聽何錫藩指揮。該協是日所發宿營命令列左。

軍政府第二協命令

八月二十四日午后四時  
于漢口劉家花園發

一、在大智門劉家廟一帶之敵。約共一標兵力。着灰色服裝。似在該處佔領鐵路。掩護

清軍南下之勢。

二、本協今晚擬在漢口新停車場附近宿營。

三、步隊第三標統帶姚金鏞。率該標在劉家花園附近宿營。派前哨警戒右翼自法國租界車場。左翼至劉氏堤防西端一帶。但須派一部佔領漢水故道。

四、其餘各隊之宿營地如左。

協司令部

在劉家花園。

步隊第四標

歆生路西北端。

馬隊一營

支那競馬廠。

砲隊第一標（欠一營）

支那競馬廠東端附近。

工程一隊

新停車場南端。

敢死隊二隊

支那競馬廠南端。

宿營司令官。步隊第四標統帶謝元愷。警戒集合場各宿營地前端。

五、今晚糧食由各部隊派員在漢口市街補充。

六、本協統在劉家花園。今晚九時各隊須派員來領命令。

### 統領何錫藩

以上該協宿營命令發下時。各部隊因新募兵士過多。頗難指揮。加以被服材料武器彈藥接濟等事。皆不完全。一切動作。極感困難。幸各新兵皆勇於殺敵。毫無畏心。雖軍紀風紀之不能滿人意。亦不能怪。至於各級軍官。亦多目兵升允。雖不善指揮。而對於兵士之維持。甚爲熱心。夜間亦分途訓導。形勢上亦可勉強對付。是晚何錫藩奉都督命令後。心中毫無把握。誠恐以烏合新軍。在戰場不能調動。致生危險。不敢冒昧向敵攻擊。又苦無訓練時間。如不進攻。又恐軍政府責備。遂向黎都督呈請辭職。另簡賢能。黎執不可。無論如何。須勉爲其難。而一般不知兵者。羣不以何錫藩爲然。謂其膽小畏戰。又謂其臨戰先怯。但臨敵易將。最犯兵家之忌。又有謂何錫藩是張彪私人。恐其與張彪聯絡。致敗大事者。又有謂不應派何錫藩擔任漢口責任者。衆口嘖嘖。又令大衆猜疑不定。黎都督亦無可如何。謂命令已發。萬難收回。幸吳兆麟向黎都督及大衆解釋云。命令已發。不能收回。成命。但此次革命。清廷派兵南下。他來犯順。我自不能不與之對敵。只要大衆一德一心。

齊心努力。成敗在所不計。唯何統領所報困難。亦是實情。其意在恐新兵不知戰鬥。若因而失利。又難逃大衆責備。所以事前報告都督者。是欲請都督與大衆知其軍隊之內容耳。我非有所袒於何錫藩。恐大衆猜疑。致令其不能專一負責。倘諸君仍懷疑團。不妨公推數人到漢監視。并在協司令部帮忙指揮。如此則可放胆做去。於是黎都督與大衆均以爲然。遂公推吳兆麟、徐達明、蔡濟民、吳醒漢、甘績熙、陳偉、耿丹、高尙志八人。携黎都督公函到漢口挽留何錫藩。請其不要辭職。一面與何協商進攻在漢之敵。茲將第二協是晚所發命令列左。

軍政府第二協命令

八月二十四夜十二時四十分  
于劉家花園發

一、軍政府綜合各方情報。滿清政府派陸軍大臣蔭昌率兵由京漢鐵路南下。其先頭部隊約一標。今日抵武勝關附近。但在漢口之敵情同前宿營命令。

二、本協明二十五日擬先攻擊在漢口之敵。

三、黃冠羣率馬隊一營。明早九時以前由宿營地出發。搜索劉家廟大智門附近一帶之敵情。



四、步隊第四標統帶謝元愷率該標明早九時以前在新停車場附近集合且向北警戒。

五、步隊第三標統帶姚金鏞率該標（欠一營）明早九時以前在農務試驗場集合且向北警戒。

六、砲隊第一標統帶蔡德懋率該標明早九時以前在跑馬廠東端森林附近選擇陣地以能射擊劉家廟大智門附近爲要。

七、李忠孝率工程一隊附屬砲隊。

八、其餘諸隊爲預備隊明早九時以前在跑馬廠集合。

九、本協統明早九時在跑馬廠東端。

協統何錫藩

以上命令發出後。關於明日進攻一切準備。各部隊趕緊籌備完好。各兵士均帶子彈六十發。又派人在漢口市面定做饅頭二萬件。擬明早九時以後實行進攻。

是晚漢口各國領事各國外人皆知軍政府明日實行攻擊清兵之消息。因外人所雇役

工。皆屬本地土著。時至各方探聽情形。是以消息靈通。

張彪與張錫元亦時派人至民軍各方面探聽。亦知軍政府要對彼軍攻擊。故張錫元一面報告後方馮國璋。請其速派隊伍到漢援助。一面與張彪所率之殘部協力在劉家廟以南佔領陣地。防禦民軍。并挖有散兵壕。是晚軍政府宣布告示數則。遍貼武漢街衢如下。

中華民國軍政府鄂軍都督黎佈告

今奉軍政府命。

告我國民知之。

凡我義軍到處。

爾等勿用猜疑。

我爲救民而起。

并非貪功自私。

救爾等於水火。

拯爾等之瘡痍。

爾等前受此虐。

甚於苦海沉迷。

只因異族專制。

故此棄爾如遺。

須知今滿政府。

并非我漢家兒。

縱有衝天義憤。

報復竟無所施。

我今爲此不忍。

赫然首舉義旗。

第一爲民除害。

與我戮力馳驅。

所有漢奸民賊。

不許殘息久支。

賊昔食我之肉。

我今寢賊之皮。

有人急於大義。

立速執鞭來歸。

共圖光復事業。

漢家中興立期。

建立中華民國。

同胞其毋差池。

士農工商爾矣。

定必同逐胡兒。

軍行素有紀律。

公然相待不欺。

願我親愛同胞。

一例敬聽此言。

黃帝四千六百零九年八月二十四日

又宣布豁免惡稅之告示。

### 中華民國鄂軍都督黎佈告

父老苦清苛政久矣。元洪倡義武昌。天下響應。亟應將湖北境內一切惡稅先行豁免。以安我父老而爲天下倡。謹開列於左。

一、除鹽煙酒糖土膏各稅捐外。所有統捐局卡。一律永遠裁撤。

一、除海關外。所有稅關。一律永遠裁撤。

一、本年下忙丁漕。概行蠲免。

一、本年以前積欠丁漕。概行豁免。

一、各屬雜捐。除爲地方所用者外。概行豁免。

黃帝四千六百零九年八月二十四日

中華民國軍政府鄂軍都督黎告示

都督爲民請命。不犯秋毫。我民人皆宜恪守勿違。

一、不聽命者斬。

一、洩漏軍機者斬。

一、藏匿滿人者斬。

一、爲清偵探者斬。

一、邀約罷市者斬。

一、賣買不公者斬。

一、捉獲敵人者賞。

一、樂輸糧餉者賞。

一、維持商務者賞。

一、保護外人者賞。

一、報告敵情者賞。

黃帝四千六百零九年八月二十四日示。

### 漢口軍政府分府告示

照得商團保安。原爲保護地方治安而設。且當軍事倥促之時。宵小乘機肆行搶劫。若無商團保衛。爾居民其有噍類乎。但商團之責任在保安。一切經費除提撥公項外。自應由居民擔任。爲此出示曉諭爾商民人等一體知悉。自後商團籌辦經費。必須各盡天職。踴躍輸將。勿得故意阻撓。致碍大局。毀家紓難。千古美談。本分府不能不於爾等商民有厚望也。切切特示。

黃帝四千六百零九年八月二十四日。

二十五日午前九時。軍政府第二協所有隊伍。各到命令所指定地點集合。向北警戒。一面派偵探詳細搜索。且何錫藩與謝元愷姚金鏞蔡德懋吳兆麟等。都係同學。軍事素有研究。此次進攻部隊。因新兵太多。誠恐展開之後。不易指揮。故未開始進攻以前。極爲慎重。先同在實地察看敵情及地形。當在實地研究協商後。至午前十一時。乃命令各部隊前進。茲將該協攻擊命令列左。

軍政府第二協命令

八月二十五日午前十一時  
於法界西端停車場發

一、前面之敵步隊共約一標。在劉家廟以南鐵路佔領陣地。其後方之敵。尙未見來到。  
二、我馬隊一營。經漢水故道前進。搜索劉家廟之敵情。本協擬即時進攻前面劉家廟以南之敵。

三、步隊第四標統帶謝元愷。率該標即時出發。沿京漢鐵路向劉家廟以南之敵。前進攻擊。

四、步隊第三標統帶姚金鏞。率該標（欠一營）即時出發。與步隊第四標左翼聯絡。前進攻擊劉家廟以南之敵。

五、砲隊統帶蔡德懋。率該標及工程隊。即時在競馬廠附近布置放列。以能射擊劉家廟附近爲要。援助我步隊進攻。

六、其餘諸隊爲預備隊。歸胡效騫指揮。隨步第四標後行進。

七、本統領在法界西端車場。

統領何錫藩

上午逾十一時。民軍各部隊受命令後。卽令隊伍先在原地展開。按照指定進攻地段佔領完好。然後指揮前進。第一次行至競馬廠以北。劉家廟之敵。步兵卽開始射擊。民軍步砲隊齊向敵還擊。

同日正午。民軍馬隊探得清軍步兵約二百餘名。由丹水池向劉家廟之敵右翼增加。佔領陣地。民軍接此報告。料是清軍後方援應隊伍趕到。意欲從速驅逐前面之敵。否則敵之隊伍陸續增援。又係久練之師。我軍恐難收効也。於是命敢死隊二大隊。一在步隊第四標後面展開。一在第三標後面展開。督同步隊前進。午後一時餘。民軍第一綫漸次前進。佔領農務試驗場以北一帶。彼此以猛烈射擊。民軍新兵不善利用地形。行進遲緩。死傷甚衆。一般新兵。見死傷之慘。心生畏縮。忽呈動搖之象。唯敢死隊在後。俱係老兵。知識甚高。各在後面鼓勵指導。向敵射擊。至午後三時許。民軍復前進約五六百米。達兩軍相距漸近。射擊亦猛。清軍利用散民壕不退。民軍敢死隊兵士均增加火綫。何統領又命砲隊派一部前進佔領陣地。向敵右側施行猛烈射擊。

是日天氣陰暗。彼此對峙射擊。戰至午後四時餘。清軍派火車一列。步兵約一標。砲隊一

營南下。向劉家廟前綫增加。正行至劉家廟附近。預備停車時。民軍砲隊對火車描準。各砲齊發。即將清軍一列車擊翻。轟然一聲。俱倒於車軌之外。時民軍與附近參觀百姓。見火車擊倒。齊聲喊殺。而火車內清兵向窗外逃命。死傷枕藉。民軍砲火益烈。於是何統領又令預備隊向前增加。一面命號兵吹衝鋒前進號音。民軍復齊聲殺敵。聲如雷震。清軍自火車逃命之兵。卽向後潰。而清軍之在散兵壕者。見後面潰逃。亦向後退却。民軍追殺益猛。附近參觀百姓。各持匾擔器具。同來助戰。於是清軍大敗。不可收拾。民軍節節追躡。直至京漢鐵路三道橋方止。清軍退至瀾口時。天已黑。兩軍各在三道橋之兩端對峙宿營。是役也。民軍死傷共約三百五十餘人。清軍死四百餘人。傷數不知。清軍敗潰時。一列火車物品。全棄於劉家廟。民軍獲得武器被服糧食甚多。約在一標軍需以上。唯子彈頗少。軍政府得此捷報。遂令所獲軍需物品。盡賞於戰鬪各部隊。以示鼓勵。

是日午後六時半。第二協統領一面命各部隊宿營。一面將本日陣中日記呈報都督。唯各部隊盡全日之戰鬪。尙未晚餐。而漢上市面商民。見民軍戰勝。人人歡欣鼓舞。共相慶祝。商會卽購買饅頭罐頭酒肉等項。送至戰綫犒賞。又備紅彩布多件。送於各部隊兵士。



以祝戰勝紀念。旋漢口軍政分府大放鞭炮慶賀。市面亦然。而武昌漢陽各處莫不額手稱慶。懸旗挂彩。表示光榮。武漢各報當發號外。遍傳是日革命軍之大勝情形。而胡石安更逾格贊揚於大漢報。轉瞬武漢三鎮附近之居民。都知民軍善戰。爲國前驅。對於民間又秋毫無犯。無論老幼男女。皆與革命軍一致。簞食壺漿以迎之。而對於抗順之清軍。實欲投之四夷。不與同中國。於是民軍之精神爲之大振。

是晚軍政府即將本日戰勝情形。特電漢口各國領事。并電全國。促各省響應。又電各府州縣從速歸順。具報前來。若再徘徊觀望。本軍政府即派兵勦滅。勿謂言之不預也。云云。是日民軍大捷。民心助順。漢口各國外人。皆所親見。羣謂清軍之兒戲。民軍之奮發。皆飛電各國。一致贊美。各國領事亦於是晚特開會議。討論嚴守中立。決定次日備文送武昌軍政府。承認革命軍爲交戰團。

是晚民軍第二協追至三道橋南端。特發如左之宿營命令。

軍政府第二協命令

八月二十五日午後八時  
于造紙廠發

一、據偵探報告。滿軍敗退於三道橋以北。灑口附近。

二、本協今晚在造紙廠附近宿營。

三、步隊第四標謝統帶率該標在第一道鐵橋以戰鬪隊形徹夜。但派一部於第二道鐵橋爲前進哨。

四、其餘各隊之宿營地如左。

協司令部

在造紙廠西南端。

步隊第三標

在造紙廠北端。

馬隊一營

在造紙廠南端。

砲隊第一標及工程一隊

在造紙廠西端隄防附近。

敢死隊兩大隊

在造紙廠南端附近。

五、宿營司令官步第三標統帶姚金鏞。

六、各部隊給養。以漢口商會與軍政分府所辦之糧秣。在劉家廟車站領取。

七、本協統在造紙廠西南端房屋內。今晚十時以前。各派隊員來領命令。

協統何錫藩

是晚軍政府因第二協戰鬪各部隊。極爲勞苦。當命何錫藩明日在三道橋附近整頓隊伍。準備進攻。又擬令步隊第三協派一部由青山附近渡江。攻擊滿軍左側。擬令第一協派一部攻擊滿軍右側。以收三面合攻之効。又派李作棟携洋一千元賞於第二協戰鬪各部隊。藉資鼓勵。蓋是日之勝。固係新兵。實得力於何錫藩等先在實地研究。故能從容指揮於部隊展開之後。維持一切秩序。致收良好結果。不然。以數日之新兵。驅之戰場。未免於心不忍。老子曰。兩軍相遇。哀者必勝。徵之此次戰爭。信之矣。唯軍政府一般人員。因今日之勝。能將滿軍擊退三道橋以北。又奪獲軍需物品甚多。遂生輕敵之念。驕氣逼人。大有指日收復北京。將滿清俄頃撲滅之概。於是人人奮勇。自以爲個個知兵。議論風生。謂今而後。應如何籌畫。應派兵一支往何處。及何處。何處用正兵。何處用奇兵。何處設伏。兵總不外妄語空談。開講三國演義。最可笑者。若輩熱心過度。神筋太敏。理想一動。卽迫參謀部依樣施行。稍拂其意。卽咆哮痛哭。一種狂潮熱度。真有不堪言狀者。不知兵學爲儒學之至精。決非空談家所能濟事。更非門外漢所得而知。況近世武器發明。日新月異。欲決勝疆場。非平時研精實習。斷難應付。且軍隊動作。尤非久經訓練之師。不能指揮如

意縱令長官多才。計畫良善。每每願與心違。所以孫子曰。多算勝。少算不勝。況無算乎。卽謂軍隊之訓練。及一切之計畫準備。兩相比較。知己知彼。權其強弱。運用神速。方得勝算。以上所言。因關於當時軍隊進行。極爲重大。若輩妨害軍事行動。故略言之。以爲後之妄談軍事者戒。

按武昌倡義。革命軍兵力甚微。假使瑞澂稍有知識。處置適當。則民國能否產生。尙屬疑問。稽之事實。八月十八黨人機關破案。瑞澂如大度寬容。則十九日不致速變。卽十九日城外輜重工程兩隊生變。亦旋變旋散。設非城內舉動。卽無事矣。又城內工程第八營雖動。若非左隊隊官吳兆麟先據楚王台以作根據。爲之集合指揮。亦必無援而散。且斯時吳能指揮之兵力。亦不過砲工兩大部分耳。其餘未響應之新軍正多。加以巡防水師。明與黨人爲敵。設瑞澂不逃。集合張彪陳得龍鐵忠等。用迅雷不及掩耳之法。圍攻楚王台。則數百健兒。不知慘傷奚若。是知滿清之亡。以其無人才也。迨後清廷聞電。束手無策。而革命軍得以從容布置。豈非微幸乎。

再者革命同志。激烈份子甚多。起義之日。幸孫武蔣翊武或病或逃。均不在場。設孫蔣

在場。一涉權利之私。則黨內交關。根本動搖。安能成事。當時擁黎登場。亦不得已之方便也。

### 三、八月二十六日 各國宣告中立

二十六日（即西曆一千九百十一年十月十七號）午前十時駐漢英、俄、法、德、日領事。公派英人盤恩持一公函送至武昌軍政府。面晤黎都督。說明各國甚歡迎中國國民軍之勇武文明。在武漢之外僑。又承軍政府之保護。極爲感激。故特承認民軍爲交戰團。各國嚴守中立云云。黎都督答曰。此次武昌首義。對於本地方之外人百姓。自當盡保護之責。但湖北軍隊之革命。亦屬出於萬不得已。庚子之役。滿清政府太無知識。很對各國不起。近來對於國內人民。甚爲猜忌。今年又派瑞澂來鄂。遇事壓迫。所以人民都不願意力謀自立。故有今日之舉。既勞閣下之駕。又承各國領事嚴守中立。甚爲感激。請閣下回漢口代爲致謝云云。當時軍政府招待盤恩去後。即由軍政府備答謝文五份。派湯化龍、胡瑛、夏維松等。送至漢口交各國領事。於是各國領事會銜。即於次日發出佈告。茲將佈告抄錄於后。

英 俄

駐漢法領事

爲

德

日

佈告嚴守中立事。現值中國政府與中國民軍互起戰事。查國際公法。勿論何國政府與其國民開釁。該國國內法管轄之事。其駐在該國之外國人。無干涉權。并應嚴守中立。不得藏匿兩有關係之職守者。亦不得輔助何方面之狀態。據此。領事等自嚴守中立。并照租界規則。不准攜帶軍械之武裝人在租界內發現。及在租界內儲匿各式軍械及炸藥等事。此係本領事等遵守公法。敦結交誼上。應盡之天職。爲此闡切佈告。希望中國無論何項官民輔助本領事等遵守達其目的。則本領事等幸甚。中國幸甚。謹此佈告。

西曆一千九百十一年十月十八號白。

是日各國領事既承認民軍爲交戰團。宣布嚴守中立。軍政府即將領事公函原文。由都

督遍出佈告。一面通電上海及各省。唯民軍兩日以來。既在漢口戰勝。又因外人承認。精神更爲之一振。以爲成功不遠。無不喜形於色。於是反對革命之黎元洪。至此亦轉憂爲喜。笑容可掬。對於一般同志。熱心周旋。大衆即請黎都督祭告天地。并備祭天地文。及三牲鞭炮等件。搭台於諮議局前。請黎都督登台親讀祭文如下。

黃帝四千六百零九年。仲秋下浣之六日。曾孫黎。率國民軍用牲潔酒。敢昭告於天地山川河海。與我漢族祖宗之前曰。惟我漢族。神明之裔。淪於胡羯。二百餘年。漢人實耕。滿奴食之。漢人實織。滿奴衣之。以四百萬犬羊之種。凌駕於四百兆主人之上。縛我手足。服以胡服。而令我跪拜俯伏。以供犬馬奴隸之役。吸我膏血。藏之私庫。而縱其驕淫嗜欲。以築宮室池臺之游。私河山爲自有。取財賦若家珍。罪大惡極。擢髮難數。緬維我祖。或教稼穡。或製衣裳。或平水土。或定禮樂。艱難締造。四千餘年。彼沙漠小醜。飲酪臥氈。乃敢盜竊神器。肆虐滔天。此天地山川河海。與我祖宗之靈所共照也。自庚子以來。天誘民衷。祖宗來格。義旗屢舉。未奏膚功。蓋其積惡未稔。則刪除難盡也。茲湖北僞督瑞澂。收我漢族軍械。欲以滿奴之百人。殲我國民全軍。義聲一動。萬衆同心。兵不血刃。克復武昌。我天地山川。

河海祖宗之靈實憑臨之。元洪投袂而起。以承天庥。以數十年羣策羣力呼號流血所不得者。得於一旦。此豈人力所能及哉。日來蒐集整備。卽當傳檄四方。長驅漠北。弔我漢族。殲彼滿夷。以與五洲各國立於同等。用順天心。建設共和大業。凡我漢族。一德一心。今當誓師命衆。日朗雲空。天容如笑。江清波靜。山川有光。伏維歆享。不盡血誠。謹告。

又祭告黃帝文曰

維我黃帝紀元四千六百零九年八月二十有六日。代表鄂軍都督黎元洪。率同全軍人。謹以太牢立酒之儀。恭奠於先黃帝在天之靈。伏以黃帝接中華文明之國。演神明奕禩之祚。縣衍至今。越四千餘載。達四百兆子孫。聖神功德。不著寰宇。崇報盼饗。自表同情。惟是滿奴入關。橫侵政權。二百年來。我族痛心疾首。久思光復故物。克續先烈。臥薪嘗膽。匪伊朝夕。茲幸義旗一舉。不崇朝而克復全鄂。鄰疆響應。不旬日而抵定東南。衆志一心。務以殲除滿酋。恢復神州。爲目的。元洪德薄智淺。仰托先皇靈爽之憑依。賴同志進行之銳。誓必達到目的。而後已。循序布憲。足與寰球各國并駕齊驅。使我五千年文明古國歷史。上發異常光彩。子子孫孫永保幸福。惟我先黃帝實式鑒之。尙饗。



## 附錄禮單

築壇。（壇前設燎火，壇上設香案，陳立酒太牢，用小黃牛。）贊禮官。（立壇上香案左。）讀祝官。（立壇上香案右。）全軍站隊。軍樂隊奏軍樂之首章。都督率各上級將校升壇南面。（都督中立，將校旁立。）都督就香案位，親上香，獻牲酌酒。都督就位跪。將校同跪。全軍立正舉槍。都督及將校俯伏。祝官興。都督及將校免冠行四叩禮。讀祝官跪就香案右，讀祝文。讀畢，祝官授爵於都督。奠酒。都督率將校整冠興。全軍槍放下。都督立壇前發誓詞。畢，全軍舉槍三呼中華民國萬歲。四萬萬同胞萬歲。黎都督萬歲。軍樂隊奏軍樂之次章。禮畢。都督率將校下壇。回諮議局。全軍整隊歸伍。

## 附錄誓詞如下

維黃帝紀元四千六百零九年八月二十六日。鄂軍都督黎。謹以犧牛醇酒昭告皇天后土而誓於師曰。我祖黃帝建邦於中土。世世先哲明王。續衍厥緒。爰迄有明。不康於政。遂喪厥宗主。貶彼滿清。辱我二百餘年。先祖先宗。禮樂文教。靡有遺存。欽爾有衆。克振義軍。丕揚我大漢之天聲。光復土宇。予小子實有慚德。辱在推戴。敢用立牲。昭告於皇天后土。

與爾軍士庶民戮力協心。殄此寇仇。建立共和政體。爾惟克奮英烈。實乃無疆之休。予亦報於汝功。其或不達而有後至。予亦汝罰。嗟爾有衆。尙欽念哉。決不食言。

黎返諮議局時。卽召集各機關人員會議。一面準備進行各事宜。一面計畫戰事。令各部隊續行進攻。

清廷至此。已無法可施。既無知兵人才。又無可靠軍隊。雖派蔭昌南下。仍欲起用袁世凱。號召近畿六鎮。以作第二曾國藩。但袁世凱故意作態。稱病不應。不得已仍促蔭昌起程。蔭昌皇皇無主。極爲恐慌。日盼袁世凱出山。以圖卸責。蓋清廷慣技。以漢人殺漢人。故先命馮國璋帶兵在京漢鐵路防備完善。然後蔭昌方肯出京。所以河南軍到漢一星期。後方仍無增援。張錫元遂與民軍虛與委蛇。及至民軍迎頭痛擊。卽致大敗。狼奔獍口。蔭昌聞之。更爲膽寒。是日行至信陽。卽不敢前進。加以鐵忠逃至信陽。向蔭昌號啕大哭。謂武昌大殺旗人。凡我旗人死期不遠了。哭得蔭昌坐臥不安。慮將及己。對於軍事。一概置之不問。專欲起用袁世凱以作替身。平時滿人宰制漢族。飛揚跋扈。徒與漢人生惡感。雖良弼鐵忠輩留學日本士官畢業。對於軍事。經驗毫無。一聞漢人革命。卽已魂飛魄散。使袁

世凱不出。清廷早已逃空矣。

先是馮國璋在京漢路逐段檢查。到黃河橋以南。檢查更嚴密。因黃河以南是湖北四十二標第三營防守。馮國璋不甚放心。遂召該營管帶樊毓英將軍隊調開。統換馮之隊伍。馮到信陽。即派兵防禦武勝關。安置大砲。該關天險。防禦民軍前進。一面準備將軍隊在信陽集中。一俟集中完竣。子彈運到。然後計畫前進。攻擊武漢。

清廷又因近畿需兵防禦。所有隊伍。均不敢調遣。其餘軍隊。均在永平秋操。即以秋操軍隊第二鎮第六鎮調往南下。但一鎮之軍。由京漢單軌鐵路輸送。至少需時一星期。且永平秋操之兵。均無子彈。即令集中信陽。須待子彈運到。方能作戰。往返運輸。途中極形擁擠。直至八月二十五日。始運到步隊兩標。以一標駐武勝關。以一標駐信陽。以致河南軍到漢多日。既不敢進。又不敢退。雖張錫元日日秘電請援。終無以應。迨至二十四日。探得軍政府對河南軍已下攻擊令。甚爲恐慌。連夜向蔭昌告急。萬急秘電。發如串珠。謂軍政府已派兩混成協。準於明早向我軍攻擊。我軍步兵兩營。與張彪統制所帶之輜重第八營。及步兵四十二標之一隊。并馬隊一隊。已佔領劉家廟以南固守。敬乞馮軍統速派步

砲各隊。準明日午前到劉家廟援應云云。馮國璋接此急電。即命馬繼貞帶兵一標。及砲兵一營。準明日午前趕到漢口劉家廟。與河南軍協力防禦掩護大隊集中云云。

馬繼貞奉令後。即令該標隊伍準備二十五日天曙上車。不期各軍隊天曙準備不及。手忙脚亂。延至午前十一時始開火車。至午后四時方抵劉家廟。突遇民軍砲擊。全車傾覆。加以民軍砲火猛烈。步隊與四圍百姓齊聲喝殺。聲震天地。馬繼貞不知真相。以爲中計。死傷狼藉。各自潰逃。遁至澚口方止。時已天黑。民軍不及窮追。否則滿軍即全軍覆沒也。馬繼貞遭此大敗。不責自己疎忽。反罵張錫元張彪等不應請其在劉家廟下車。即將大敗情形急電馮國璋轉報蔭昌。於是蔭昌馮國璋及其隨員并所帶軍隊。皆相驚失色。士氣沮喪。不但不敢進攻。并時時防禦民軍前進。馬繼貞急欲退回武勝關。而張彪與張錫元執不可。謂澚口險要。前有三道橋。長逾一里。一夫當關。民軍萬難前進。況左有大江。右有大湖。宜固守此處。以待大軍來援。再圖恢復。張錫元更電馮國璋。即派大軍前來。但張彪此時在澚口進退維谷。民軍恨其作漢奸清廷。又不重用。手中又無兵力。且民軍聲勢益大。外人又承認爲交戰團體。亦覺得清廷無人。遲遲不派兵南來。愈久愈壞。心中

懊悔。復暗命左右覓齊寶堂再往澠口與齊秘議。謂民軍派你請我到武昌。是真是假。齊答曰。是真。張彪云。既言是真。何以不派何錫藩來。意以爲何錫藩是協統。在民軍中必有勢力。若何錫藩至。即可同到武昌。於是齊寶堂又到武昌與黎商量。黎卽與大眾會議。僉云。請張彪至武昌。待以客卿之位。齊寶堂又請何錫藩同往勸駕。何云。昨日與之血戰。今日到其營門。若給我以不利。當如之何。不肯往。齊轉告張彪。張彪因何不來。遂作罷論。是日午前民軍第二協在造紙廠一帶整頓隊伍。又派間諜赴澠口左右翼偵察敵情。及進行各道路。

午前十時。據正面偵探報告。三道橋北端。清軍設有機關槍。其左右翼已挖有堡壘。均有散兵防禦。

又接報告。謂清軍自敗退後。對於黃陂孝感及澠口等處。連夜陸續增加隊伍。

又據由陽邏來漢同志多人報告。該處已停泊兵船五隻。民軍第二協何統領因正面三道橋有二里餘長。是一極險之隘路。右翼是湖。左翼是揚子江。海軍又在陽邏。照地形觀察。不易進攻。若由敵之右翼進攻。非行大迂迴法不可。現在所轄隊伍。俱是新兵。其一切

後方接濟。都不完備。困難殊多。能否照命令動作。不可知也。遂命各隊暫在造紙廠防禦。一面將以上困難情形報告黎都督。黎閱報告。即開軍事會議。當決定令該協在三道橋南端一帶作防禦準備。再圖攻擊。

是時一般不知兵者。又謂不應取守勢防禦。未免示弱。當乘敵新敗之餘。向前進攻。以便佔領武勝關。又有謂何錫藩膽小。始終靠不住者。於是若輩同至漢口造紙廠參觀。一面要何統領下令向敵攻擊。又一面在部隊鼓吹。大說何藩錫無用。謂區區滿軍兒戲之衆。不難一鼓盪平。說得極爲容易。時有敢死隊隊長徐少斌。願告奮勇。進擊溝口之敵。何統領許之。旋挑選各部隊隨同敢死隊進攻。茲將所派進攻隊伍。揭示如左。

一、敢死隊二大隊。

二、步隊一營。

三、砲隊一營。

以上各隊挑選組織後。即以謝元愷爲司令。以徐少斌爲前衛司令。其餘第二協所轄各部均在造紙廠準備。如進攻溝口之隊伍得手。即跟隨前進。

同日午。後一時。謝元愷命徐少斌帶第一敢死隊爲前衛。馬榮帶第二敢死隊爲援隊。步隊一營爲預備隊。砲隊一營在第二道鐵橋沿隄附近布置放列。以援助敢死隊前進。少頃。徐少斌帶隊前進。行至第二橋以北。卽命隊伍開始射擊。而溝口滿軍亦不還擊。徐少斌以爲無敵人在此。遂率敢死隊猛進。進至第三橋中間。滿軍卽用機關槍堵塞隘路口。向敢死隊猛烈射擊。徐少斌當卽陣亡。屍落水中。同時陣亡兵士十餘人。傷二十餘人。旋即退却。但砲隊係山砲。雖向滿軍射擊。亦少命中。至午后四時。各隊仍退回造紙廠。是晚第二協各部隊仍在原陣地防禦。并將本日派隊進攻情形。及徐少斌等陣亡情況。報告黎都督。唯一般熱心過度之門外漢。仍謂何錫藩怕死。遲遲不進。應乘敵敗退之時。直追至三道橋以北。免我軍進攻隘路。發生危險。又謂爲指揮官者。當身先士卒。奮勇先登。衆喙紛紜。羣責何錫藩貽誤戎機。不能當此重任。同時張景良謂何錫藩是彼部下。（張係二十九標統帶。何係二十九標第一營管帶）願到漢口殺敵。爲民國立功云云。而一般神筋過敏之人。因張景良既被看管。然究係漢人。資格較何錫藩尤深。如能將溝口之敵攻退。卽不咎前嫌。并論功行賞。大衆遂在黎都督前要求委張景良爲漢口指揮官。

所有在漢軍隊。悉歸節制。二十七日。張景良奉命爲漢口指揮。卽到漢口組織司令部。以蕭開桂爲參謀。其司令部設在劉家廟車站。當通知第二協各部隊。及軍政分府。并在漢各機關。一面計畫攻擊滬口之敵。

是日軍政府接得各處情報如左。

一、安陸府宜昌府均已來電反正。

二、劉英已率同志數千人由京山出發。不日可到武昌。

三、唐犧之率步隊四十一標第一營在沙市獨立響應武昌。

四、清廷已令袁世凱爲湖廣總督。督師南下。陸海軍統歸節制。

五、海軍仍在陽邏停泊。

六、滿軍由京漢路南下。陸續向祁家灣滬口附近集中。但黃孝均派有重兵防守。

七、滿軍總糧台仍設在信陽。該處城內儲糧秣極多。亦派有重兵防守。

八、馮國璋司令部在彭家灣。

以上所得各情報。軍政府卽時通知各軍隊及各機關。一面電各省促其響應。



斯時全國陸軍共三十六鎮。近畿六鎮。只能抽兩鎮南下。如武昌軍政府專事練兵。先於青山要隘。擊沉海軍各艦。在三道橋南端鞏固防禦。以待清軍解體。則清廷不難掃除矣。茲將當日袁世凱抗順之兵力列左。

### 北洋六鎮

#### 第一鎮。

統制趙國賢。

駐南苑。

#### 第二鎮。

統制馬龍標。

駐保定府。

協統王占元。

協統鮑貴卿。

標統馬繼貞。

#### 第三鎮。

統制曹錕。

駐長春。

#### 第四鎮。

統制王思澄。

駐馬廠。

協統陳光遠。

協統何豐林。

標統蔣廷樟。  
(砲隊)

標統張九卿。  
(馬隊)

標統劉起垣。  
(步隊)

標統李厚基。

標統吳長植。

標統臧致平。

第五鎮。  
駐山東。

協統賈賓卿。

協統張樹元。

第六鎮。  
統制吳祿貞。

協統李純。

協統周符麟。

第二十鎮。  
駐灤州。  
統制張紹曾。

當日到漢反抗革命軍之隊伍。僅可爲袁世凱所抽調者。其主力軍甚少。且其中之懷種族大義素抱革命思想者。亦大有人。吳祿貞與張紹曾已聯絡。秘謀斷京津京綏京漢各路交通。直取北京以作根本澄清之計。藍天蔚在奉天亦與同謀。而下級軍官之欲響應武昌者尤衆。如馮玉祥王金銘（字子箴）施從雲（字燮卿）三營長。欲在灤州舉動。被王懷慶發覺。立將王金銘施從雲槍斃。馮玉祥與劉驥俱逃。若袁世凱稍知愛國。不出而助清廷。則北洋各鎮。未必能與革命軍抗。後來袁派馮國璋焚燒漢口。眞漢族之大不幸也。再將當日袁世凱進攻漢口之主力軍列左。

#### 第四鎮一部分。

（九月初六日開始攻擊。）

#### 第二鎮一混成旅。

王占元指揮。

步隊標統馬繼貞。

#### 第六鎮一混成旅。

李純指揮。

馬隊標統賈德耀。

步隊標統吳鴻昌。

#### 軍統每每變易。

先蔭昌。

繼馮國璋。

後段祺瑞。

#### 河南步隊約二營。

張錫元指揮。

管帶朱鳳藻。

三 八月二十六日

各國宣告中立

總司令部。先信陽州。次孝感縣。（稱湖廣總督駐。）

再駐澠口。後移漢口劉家廟大智門。

其後攻漢陽之一小部分約一團。由蔡甸攻。（王占元帶）

一大部分約一混成協。由沱落口攻。（李純帶）

一部敢死隊約千人。由正面渡河。（何豐林帶）繞道仙女山攻入。

以上表觀之。袁世凱以有限之兵力。作滿清抗順之中堅。即得武漢。亦無能爲力。全國皆起而鋤之。雖千百袁世凱。亦可拔其禍根也。所以袁世凱只利用一勝之威。反逼清廷。以奪中華民國之政權。一念之私。禍及國家無窮也。

是晚軍政府又派步隊第四協到漢增加。武昌防務以第五協擔任之。同時軍政府召集軍事會議。由參謀部提出研究之事如下。

一、滿軍在漢敗退後。固守三道橋北端。陸續向祁家灣澠口等處增加隊伍。欲圖恢復。此必然之勢。但海軍現在陽邏。如不響應。頗爲我害。唯三道橋隘路。我既進攻不易。敵人向我進攻亦難。按以上情形。我軍或攻或守。此應研究者一也。

二、滿軍兵力集中之後。連合海軍向我進攻。此意中事。但是彼之目標。或攻武昌。或攻漢口。均未可知。此應研究者二也。

三、如滿軍向漢口進攻。必利用海軍協助。但是正面隘路。彼難前進。如由孝感經新溝繞攻。則我背後雖危險。而彼行動亦困難。我應如何防禦。此應研究者三也。

四、如滿軍向武昌進攻。用海軍掩護。由何處渡江。我應如何阻止而防禦之。此應研究者四也。

五、如滿軍此時無力攻我。或暫時防禦。或我先向彼進攻。以擊退瀾口之敵。此應研究者五也。

以上五端。望大眾先判斷敵情。比較我軍勝算而決定之。於是大眾逐一討論。與其防禦待敵攻我。不如乘敵未集中完備。先行進攻。倘能將瀾口之敵軍擊退。則我前進一步。有進一步之好處。藉以壯我聲威云云。

軍政府因此議決對滿軍進攻。遂由都督發如左命令。

軍政府都督命令 八月二十七午十一時半于諮議局發

一、在漢口敗退之滿軍。其步兵約兩標。附有機關槍。已佔領三道橋北端。礮口附近一帶。又據偵探報告。黃陂孝感祁家灣各車站。滿軍亦陸續派兵南下增加。但海軍共計在陽邏有五隻。司令官係薩鎮冰。連日派員疏通。尙未妥協。聞滿清有令海軍協攻我軍之舉。

二、本軍政府擬乘滿軍集中未完備以前。先攻擊礮口附近之敵。

三、張景良爲漢口指揮官。率在漢所有各部隊。明日準備進攻礮口之敵。但攻擊計畫及命令。須先呈報軍政府。

四、步隊第一協統宋錫全。率所屬隊伍防禦漢陽。但須設法接濟我軍漢口進攻軍隊之彈藥。

五、步隊第三協統陳炳榮。率所屬隊伍防禦兩望至青山一帶。但須派砲隊在青山附近佔領陣地。阻止海軍前進。

六、步隊第五協統熊炳坤。率該協防禦武昌省城。

七、本都督在諮議局。

### 都督黎元洪

以上命令發下後。各協應照命令內所指示任務。各自籌備實行。以期協力動作。方可達到進攻目的。唯張景良（在前清由日本士官畢業回國後。在軍隊日期甚少。平日專事應酬。對於軍事素無研究。且情形疎忽。大眾都以忠厚目之。俗云忠厚乃無用之別名。觀於張景良益信。）自受命令後。毫無把握。茫無頭緒。竟將都督命令全文抄轉各隊伍。而各部隊以爲先將都督命令抄給我們一看。使我們知道全般意思。然後指揮官再給命令。使我們進攻。大約指揮官是這種用意。孰知張景良亦不另下命令。自己乘馬親往各部隊與各帶兵官商量。就說照都督命令向前進攻。各帶兵官云。都督命令。是給指揮官。不是給我們者。如何能照都督命令進攻。應由指揮官準都督命令。另下一進攻命令與各部隊。方知指揮官意旨。然後各自照命令內指示任務施行。張景良因各部隊如此回答。旋返劉家廟與司令部人員商議。另擬命令。遲至次日正午。命令尙未發下。各部隊竟在漢各原地待命。

當時有人謂張景良被看管後。已嚇成神筋病。又謂因其妹嫁與果清阿。慚愧不能自主。

以致臨事倉皇。措置乖方。未知確否。實則早爲日知會會員革命老同志也。

二十八日軍政府傳知各協。將輸送接濟等事。好爲預備。又令軍政分府在漢組織糧台。詹大悲何海鳴等派參謀呂丹書偕同葉達三黃之根三人。在劉家廟設第一糧台。在智門設第二糧台。存儲糧秣子彈。以便接濟各戰鬥部隊。又派羅錫巖爲運輸子彈隊長。各事皆準備完全。至下午十一時。尙未見張景良報告。軍政府不知張景良是如何佈置。特派楊璽章、蔡國光、蔡濟民、徐達明四人。到漢調查。詢指揮官究竟如何佈置。楊璽章等到劉家廟時。與張景良晤談。知其毫無計畫。狀甚驚慌。楊等卽知其全無把握。誠恐債事。遂與張景良商量云。都督給有命令。何以指揮官不命令各部隊準備進攻。時張景良亦無回答。呂丹書在旁云。請楊君代指揮官下一命令。以便各部隊預爲準備。於是楊璽章卽代張景良擬以如左之命令。

指揮官命令

八月二十八日午后三時  
於劉家廟發

一、在漢口敗退之滿軍。其步兵約兩標。附有機關槍。已佔領溝口附近一帶。但黃陂、孝感、祁家灣等處。滿軍亦陸續增加隊伍防禦。海軍計兵輪五隻。在陽邏停泊。似有與滿



## 軍協攻我軍之勢

- 二、本軍擬於明二十九日進攻礮口附近之敵。
- 三、步隊第二協何統領率該協於明二十九日拂曉先派一部步隊潛進佔領三道橋以北掩護其餘隊伍陸續前進向敵之正面攻擊。
- 四、步隊第四協張統領率該協（欠第七標）於明二十九日拂曉出發由簾子崗前進向礮口之敵右翼攻擊。
- 五、砲隊第一標蔡統帶率該標於明二十九日拂曉佔領第一道鐵橋隄防布置放列以能射擊三道橋以北援助我軍前進爲要但須派一部於第二道橋隄防佔領陣地亦向三道橋附近射擊工程一隊附屬砲隊。
- 六、其餘步隊第七標及敢死隊爲預備隊在造紙廠西南端集合待命。
- 七、我明日拂曉在丹水磯。

指揮官張景良

以上命令擬就後一面呈報都督并請都督轉各協協力助攻一面發於各部隊但各部

隊帶兵官對於張景良殊多怨言。謂彼不早通知各部隊準備。倉猝之間焉能實行。大衆不得已只有依照命令。即時察看進攻道路。并準備一切。以期明日拂曉開始動作。但軍隊新兵太多。熱心有餘。指揮實難如意。各部隊權且預備乾糧。一面封定民船多隻。又通知船政局派小火輪數艘到劉家廟江岸停泊。擬明日拂曉輕裝行進。一俟前方隊伍潛行接近敵人。達到掩護目的。其餘跟隨猛進。或乘小火輪與民船渡過彼岸。向敵左右翼攻擊。是晚都督又通令各協一律準備。以便協助漢口部隊進攻。又專令第三協在青山砲隊阻止海軍上駛。如漢口隊伍攻過三道橋以北。即命第三協派一小部隊由青山渡江。擾害敵之背後。是晚各部隊擬定輕裝前進。大致均準備就緒。直待拂曉動作。

二十九日拂曉。第二協令謝元愷之一標。潛行由三道橋陸續赴澚口。滿軍步哨已經發覺鳴槍。該標隊伍猛進。業將敵之步哨刺死數人。旋進至三道橋北端。敵用機關槍掃射。謝標死傷甚衆。復用衝鋒喝進。敵仍不退。唯所有隊伍均在橋上成縱隊形。既不能展開。又不能前進。被擊死於水中者不少。於是即退回二道橋堤防佔領。少頃天明。敵用砲隊與機關槍向我隄防隊伍猛擊。謝標遂仍退回原地。兩軍各在三道

橋兩端用砲射擊。至於第四協隊伍由藤子崗附近用船渡至溝口右岸。亦因地勢低窪崎嶇。碍難前進。且因滿軍防禦嚴密。當在該處停止。旋因正面步隊退却。遂亦退回原防。張景良因各隊不能進攻。都退回原地。一面令砲隊向三道橋北端敵人射擊。一面令在造紙廠一帶防禦。并將不能進攻情形報告都督。茲將發下防禦命令列后。

指揮官命令

八月二十九日午前十一時  
于造紙廠發

一、敵人在溝口一帶陸續增加軍隊。現用機關槍砲隊堵塞三道橋北端隘路口。

二、本軍本日擬於造紙廠一帶防禦。

三、步隊第二協佔領造紙廠附近。右翼由造紙廠東端。左翼至三道橋南端。

四、步隊第四協（欠第八標之一營）佔領陣地。右翼與步隊第二協聯絡。左翼至藤子崗附近。

五、砲隊第一標佔領第一道橋堤防附近。但派一部佔領戴家山。以能射擊三道橋北端一帶爲要。

六、工程隊附屬砲隊。

七、馬隊警戒我軍左翼。

八、步第八標之一營及敢死隊爲預備隊。在造紙廠西南端集合。

九、本指揮在造紙廠。

指揮官張景良

因是日拂曉。謝元愷率該標進攻。潛行至三道橋北端附近。卽發現滿軍步哨鳴槍示警。可見滿軍防禦甚爲嚴密。據險以守。而進攻之謝標隊伍。在橋上成縱隊形。不能展開。目標又甚顯。故滿軍用機關槍掃射。謝標死傷甚衆。其第一營幾乎全軍覆沒。旋退回造紙廠。檢查人數。共死二百餘人。傷七十餘人。於是滿軍與我軍步隊射擊失効。純用砲戰。均於三道橋兩端彼此對峙。至夜間以戰鬥隊形徹夜。

是晚軍政府接漢口報告。知進攻各部隊失利。折回原地防禦。大眾極爲憂慮。謂滿軍陸續南下增加。復多機關槍管退砲。又係久練之師。我軍新兵太多。專恃力攻。恐難收効。況敵占領三道橋北端。隘路甚險。由正面攻擊。實非易易。如欲繞攻行大迂迴法。則不但新兵難以指揮。且後方運輸接濟等事亦極困難。於是黎都督又令參謀部卽召集軍事會。

議。先由參謀部提出進攻困難種種理由。與其進攻。徒遭損失。不如暫在三道橋南端。據險以守。將一切事整頓完好。再籌畫前進。而一般熱心過度同志。不能忍耐。仍促更換部隊進攻。大衆討論良久。仍決定暫取守勢。由都督傳知武漢各部隊。趕緊施行堅固防禦工事。嚴密防禦云云。

是晚軍政府再電促各省響應。又促劉英所帶數千人。望速來援。又由黎都督致書薩鎮冰及各兵船司令。速與革命軍一致。黎元洪曾肄業於天津水師學堂機械科。薩鎮冰教授該校六月。頗有師生之誼。故以師生名義通函。茲將致薩之函抄如下。

#### 致薩鎮冰書

夫子大人函。丈前肅一函。早邀鈞鑒。然至今未奉訓諭。中心惕悚莫安。洪此次所以出督諸軍之由。實非由於不得已。敢敬再上告於軍門之前。洪當武昌變起之時。所部各軍。均已出防。空營獨守。束手無策。黨軍驅逐瑞督出城後。卽率隊來洪營合圍搜索。洪換便衣。避匿室後。當被索執。責以大義。其時槍砲環列。萬一不從。立即身首異處。洪只得權爲應允。吾師素知洪最謹厚。何敢倉猝出此。雖視事數日。未敢輕動。蓋不知究竟同志若何。團體

若何。事機若何。如輕易着手。恐至不可收拾。不能爲漢族雪恥。轉增危害。今已誓師八日。萬衆一心。同仇敵愾。昔武王云。紂有臣億萬。惟億萬心。予有臣三千。惟一心。今則一心之人。何止三萬。而連日各省紛紛之士。大多留學東西各國各種專門學校。及世代簪纓。各有專長。閱歷極富。并本省官紳人等。故外交著手。各國已認爲交戰團體。確守中立。黨軍亦并無侵外人及一私人財產之事。不但在中國歷史上視爲創見。即各國革命史亦難有文明若此。可知滿清氣運既衰。不能任用賢俊。致使聰明才智之士。四方畢集。此又豈洪一人之力所能致哉。卽就昨日陸戰而論。兵丁各自爲戰。雖無指揮。亦各奮力突進。漢族同胞。徒手助戰。持刀協擊。毀損鐵軌者。指不勝屈。甚有婦孺餽送麪包茶水入陣。此情此景。言之令人奮武。誰無肝膽。誰無熱誠。誰非黃帝子孫。豈肯甘爲滿族作奴隸而殘害同胞耶。洪有鑒於此。識事機之大有可爲。乃誓師宣言。矢志恢復漢土。改革專制政體。建立中華共和國。維持世界和平。是以連日通告各國政府。遍檄各省同胞。勸其各自獨立。以備聯合。擇定地點。公舉大統領。攝治。同胞歡迎此言。聲震天地。故一戰而殲敵數百。現今滿漢興亡之機。兆端已久。不待智者而已明。洪之所以能明此大義者。一係吾師平

日訓誨之功。此次武昌之舉。洪已審定確實。非如他項革命可比。以數小時之間。居然恢復武漢三鎮。其地有兵工廠、鐵廠、織布局、紡紗局、麻布局、繅絲局、爲全國商務上政治上之中心。今值交通之世。國都合建於此。始能與倫敦、柏林、巴黎、聖彼得堡、華盛頓、相頡頏。刻下又風聞永平秋操。滿漢各兵。亦交相關門。果如所云。則天數已定。豈人力所能爲。洪受業於師。學識淺陋。不能擔負重任。已向同志宣告。將以黨軍之所要挾者。倩諸先生登輪。要求師憲。昔人謂謝安云。斯人不出。如蒼生何。同胞萬聲一氣。謂吾師不出。如四萬萬同胞何。刻下局勢。只要吾師肯出。拯救四萬萬同胞。則義旗所至。山色改觀。以四萬萬同胞與數千滿族競爭。以方興之民國國民。與運盡之清廷抵抗。華盛頓興美。八年血戰。吾師若出。收見不八月而亞洲地圖之上。必有中華民國國旗飄揚也。知弟莫若師。知師亦莫若弟。洪雖不肖。不爲旗人之奴。獨不爲大匠之弟乎。時乎時乎。師一出。不但名正言順。而實較勝於湯武。何也。蓋湯武救民。猶自爲帝。吾師救民。必不讓華盛頓專美於前也。洪非爲私事干求函丈。實爲四萬萬同胞請命。滿漢存亡。繫於師之一身。齊王反手。洪計之已熟。否則各同胞視爲反對此志之人。即以滿奴相待。雖洪亦不能禁止其不要擊也。倘

不以爲妄。尙希訓示祇遵。當卽率漢族同胞出郭歡迎。臨穎不勝迫切待命之至。肅此卽請鈞安。

黃帝四千六百零九年八月二十九日受業黎元洪上

又致楚有楚同楚泰建威建安江利各船主書

諸位船主大鑒。本軍政府起義。爲漢族復仇。光復我舊日河山。前已函薩軍門詳陳一切。已邀默許。今日本軍政府作戰計畫。意在撲滅滿奴。故砲彈攻擊。專注楚豫。藉表本軍政府對諸船主之微忱。而諸船主并未還擊一彈。具見諸船主深明大義。共表同情。本軍政府暨我漢族同胞。罔不額手遙對稱謝。但貴輪何不開往鮎魚套。而仍在下游。想諸船主別有深意。果如所云。漢族存亡之機。在諸船主一臂之助。孰無心肝。孰無血誠。孰非黃帝子孫。豈肯甘爲滿族奴隸殘害同胞。請勿猶豫。漢口陸戰。日昨劉家廟已爲我軍佔領。足見祖宗默佑。滿人氣運。合該盡絕。此已見端。請諸船主下一決心。誅鋤船內滿賊。共成義舉。則將來漢族復仇史。諸船主必大有光榮。巍巍銅像。只在一反手間。卽可取得。倘不河漢斯言。敢乞卽日實行。臨穎不勝迫切待命之至。此請決安。八月二十九黎元洪上。



是晚軍政府接得清廷下詔罪已。袁世凱已就湖廣總督。由項城縣起程到彭家灣換蔭昌督師。并奏保姜桂題、段祺瑞、馮國璋三人爲統兵大員。軍政府因聞袁世凱不甘寂寞。爲異族用。以作漢奸。大衆亦頗注意。同志中有謂袁世凱此次出山。無甚關係。彼既是漢人。如有一綫天良。決不能爲滿奴出力。若能奪得蔭昌兵柄。與民軍一致。我輩亦可利用。唯黎都督云。袁世凱是個野心梟雄。自小站練兵。卽得兵心。北方人只知有袁宮保。不知其他。彼之魔力。非蔭昌可比。說話之間。已露恐懼之色。同志中又有謂吳祿貞是第六鎮統制。此次南下抗順之師。有一部分係第六鎮隊伍。彼乃日知會革命同志。可電其響應。大衆極表贊同。卽以都督名義擬電通知。

#### 四、九月初一日 湖南光復

九月初一日。軍政府接得湖南來電云。黃帝四千六百零九年。九月初一日。湖南全省人民宣告獨立。公推焦達峯陳作新爲正副都督。特此電聞。湘軍政府全體叩。

#### 焦達峯事略

焦達峯、字鞠森、湖南瀏陽人。性豪邁。年十八之長沙入高等普通學堂之游學預備科。

與日知會先進禹之謨深結納。丙午年夏，禹之謨被捕。焦潛遁日本，與余健齋、許緯等謀舉義於萍醴。焦自擔任狙擊端方，不成。萍醴事亦敗。復渡日本，擬學陸軍，以竟志。格於例，改學鐵道，非其願也。丁未五月，入中國同盟會。又與彭邦棟、楊任回湘，密謀起事。分三路佈置，亦不成。戊申年十月，同盟會議大舉，各省同志分途猛進。焦任湘事，遂於十二月至漢口，就商於劉玉堂、孫葆仁等，并設兩湖革命聯合會，以通聲氣。己酉年四月，復立幹部於漢口。惟武昌同志日衆，貲無從出。焦說瀏陽布商周海文、劉肯堂入會，以濟之。七月歸湘，改名左耀國。廣結瀏陽醴陵萍鄉會黨，與余昭常、楊任、周果一、謝伯圭等。在湘立幹部，請楊任、余昭常之常德、辰沅、永靖、彭邦棟、周果一、吳燮、鄭人康、柳鶴火、劉重、李國柱等之衡、永、郴、桂。黃菊初、李琦、周羅等之岳州。謝伯圭、鄒永成、周文斌、禹剛骨等之寶慶。分道運動。庚戌年三月，焦更至萍鄉醴陵，編制黨衆，得敢死之士千人。辛亥年二月，與曾傑、洪榮旂、文經緯、易宗羲、吳作霖、吳超羣、龍養源、龍毓俊、陳作新、洪木枏、龍璋、譚人鳳、蕭翼鯤、趙繚等百餘人，密會於龍璋邸舍，計響應粵事。三月，黃興集合同志百餘人至廣州攻督署。武漢同志亦謀起事。粵事敗，未及發。夏五月，與楊時霖

楊任、胡典、武、劉重、成邦傑、洪木枓等，於長沙又一村馬伏波堂，定忠客舍、賈公祠、體育會各處密商大計。又與陳作新聯合新軍及巡防營。會劉文錦兄弟及各軍代表密會於天心閣。焦與之接洽甚歡。八月十九武昌倡義，二十八日李金三等舉火城外。砲隊營以圖襲長沙城。清撫余誠格與防軍統領黃忠浩力持鎮靜，遂無黨人敢暴發。清廷命蔭昌率大軍南下。薩鎮冰以兵艦薄武漢，勢甚危。黃忠浩擬發省外防軍，浮小艇襲武昌。焦謂衆曰：中國存亡，在此一舉。當死生以之。斯時湖南人心厭惡清廷，志士羣以響應武昌爲急。雅禮書院學子陳憲，亦忠告余誠格，促其速去，以湘政交之湘人。否則當以漢奸待之云云。九月初一，焦達峯領革命軍撲小吳門。陳作新撲北門。門者啟關納焉。乃合趨撫署。署衛士數百人初欲抗順，荷槍引機欲發。焦陳睜目直入，遂皆舉槍爲禮。余誠格正與黃忠浩議鎮禦策。聞警穿後垣逸。獲黃忠浩立誅之於轅門。營務處總辦王毓江、長沙縣知事沈瀛等皆伏誅。遂大會於諮議局。焦達峯以殊功被舉爲正都督。不獲辭。商民聞變皆紛紛走。焦從二騎免冠脫劍巡行市中。且曰：清吏犯順已伏辜矣。大衆其毋恐。市民皆呼萬歲。安堵如常。聞清軍已過武勝關，進逼漢口，遂急派王

隆中率四十九標赴援。并擬續發五十標及巡防軍親領應敵。因市民堅留乃止。卽廣募新兵援漢。初十城外兵變。陳作新往撫。被戕。焦繼出。亦遇害。死年二十有六。湘人至今哀之。

軍政府接湘獨立電後。共和之基礎以固。卽轉傳各軍砲及各機關。并各府州縣。一面電告上海及各省。同志莫不雀躍歡呼。掌聲雷鳴。均謂大事必成。湖北無後顧憂矣。同日接得偵探報告。謂滿軍由信陽以南各要站。陸續增加軍隊。駐屯約兩鎮以上之兵力。但管退砲機關槍運至前綫者亦甚衆云云。

是日民軍與滿軍在三道橋兩端皆取守勢。自早至晚。砲戰不斷。惟無大損傷。但民軍各部隊均沿造紙廠防禦地築設蓋溝。及堅固散兵壕。

同日軍政府對於漢口之滿軍。仍欲進攻。擬先派別動隊繞襲敵之後路。使敵分散兵力。又一面多派間諜到京漢路附近散布謠言。謂湖南業已響應。卽日派湘軍大隊來援武漢。又謂湘軍爲中國最精銳之師。又言民軍已組織北伐隊。業已向黃河橋前進。連絡原駐京漢鐵路之湖北四十二標兵士。卽將黃河橋破壞。截繼黃河以南之滿軍。使其進退

失據。又言各省革命黨甚多。凡漢人四萬萬同胞。無一不表同情民軍。此次獨立。不僅湖北一省。指日十八省同胞。將同時并舉。即外人亦贊助民國。希望民軍早攻北京。又派間諜攜帶白話印刷品沿京漢鐵路分發。以開導滿軍中之漢人。又武漢各報紙亦將以上諸說登載宣傳。并印送單張派人到各碼頭散播。

同日軍政府又派人分途往上海及揚子江各省聯絡。請其從速取一致行動。以達漢人同胞自主之目的。

軍政府派往京漢路附近宣傳之間諜。極有效力。聞當時滿軍官兵頗形惶恐。一夕數驚。大有人人自危疑神疑鬼之狀。

同日軍政府開軍事會議。擬定各協增加補充隊一營、輜重一營。以便補充戰鬥時缺額。及保護輸送隊。又令漢陽兵工廠趕造子彈及槍枝。

同日軍政府電賀湖南光復。并請即派精銳來援。以期犁庭掃穴。早清漢奸餘孽。穩建共和。

是晚軍政府接上海江西山西陝西各省同志來電。謂對於武昌起義。共表歡迎。敵處現

正籌備進行。不日即宣布獨立云云。

### 五、九月初二日 九江光復 陝西光復

九月初二日。軍政府派工程營李占魁。率該營到漢口。附屬砲隊。築設防禦工事。又派敢死隊全體到漢增加。又在武昌武勝門外鳳凰山。將砲台設置完好。并將要塞砲安置於三道橋江岸。用測量鏡測準距離。以便向滿軍射擊。又派人往黃州接洽。使派隊由麻城前進。擾京漢路。是日接得京漢路偵探報告。謂馮國璋已將駐馬店信陽附近各車站防禦軍隊一律解散。并殺下級軍官數人。大約是四十二標之湖北軍隊欲謀破壞鐵路云云。

同日接得九江來電。已於是日宣告獨立。先推吳介璋爲都督。旋以彭程萬代之。繼又推馬毓寶爲都督。

先是九江新軍。自得武漢警報。早有欲動之象。謠言紛起。日必數驚。至九月初二日午間。一句鐘。五十三標軍士。乃迫令標統馬毓寶起義。馬極贊成。乃出令三條。

一 不許擾害租界教堂。

二 不許擾害人民。

三 滿人非對敵者不得加害。

衆軍士均各遵令。隨即傳令。定於本日夜間十點鐘起義。屆時由金鷄坡砲台放砲三響爲號。各營發槍三響以應。旋見道署火起。九江道保恒不知下落。旋由義兵將火撲滅。僅燒去廚房一間。隨即分兵沿途巡邏。所過秋毫無犯。不特人民無恙。卽外人亦莫不稱贊其文明。爲各國歷史之所未見者也。

九江府漢良。一聞砲響。卽已潛逃。迨陸軍往攻時。上下人等均已不知去向。所有道府兩署。遂唾手而得矣。當起義之時。馬統領恐居民驚慌。乃沿途派兵安民。諭令歸寢。居民亦知其不擾民也。遂各閉戶就寢。視若無事。至次早仍照常貿易。人民皆交口稱頌不絕。江西提法使張檢。前奉贛撫奏派來潯。籌辦軍務。帶有衛隊四十名。駐鐵路公司。城內火起。該衛隊亦同聲相應。張法使知勢不妙。隨即由後門甘棠湖乘坐小划逃至馬路上岸。由陸路逃回省城矣。

五十五標第一營。向駐省城。自武漢事起。贛撫特派莊守忠。督帶來潯防堵。駐紮南門外。

洋火廠。城內事起。惟該營不附和。莊標統並擬入城對敵。詎馬標統早已預爲防備。在南門城上設野戰砲二尊。正向該營。遂不敢動。相率往省逃去。馬標統隨即派兵追襲。該兵紛紛投降。其未降者。則隨莊標統逃往省城矣。此次事起。馬標統初尙不知。其一切布置。皆砲臺營台官徐世法。預爲籌備。徐本係學生出身。辦事明幹。瑞徵權潯時。即拔充北路總台官。已歷十餘載。頗得軍心。久抱革命思想。故此次尤爲踴躍。

初三日馬標統。即將本部移駐道署。將撫建廣饒九南兵備道匾額撤去。改名曰中華民國駐潯軍政分府。一面豎旗招兵。旗書大漢招募新兵六字。一時投兵者異常踴躍。

九江即委各官。自得武漢警報。即將眷屬紛紛遷移出境。惟九江府漢良之眷屬未去。初二晚事起時。即由後園逃出。逃避民家。初三日下午。被陸軍搜獲。大小男女共計七口。解送軍政府。發交警務部看管。一夜後由商會總理鄭官桂保釋。得以無恙。

軍政分府內分軍務政務二大部。軍務部即由馬標統主之。政務部由馬統標照會地方商學各界。公舉羅大任主之。其內容之組織。均照湖北辦理。

馬統寶已被舉爲駐潯軍政府都督。並派丁人傑赴鄂接洽。鄂都督黎元洪已允接濟軍



火。昨日已運來子彈一萬顆。云軍政分府日來清查道庫。計得銀十七萬兩。又九江大清分行有銀二十餘萬。又裕寧官銀號九江官銀號兩處。有銀十萬。合計不下五十萬兩。日前又有瑞徵所派糧台委員徐某由燕辦來軍米一千五百餘擔。情願報効。湖北尙允接濟糧餉。故九江新軍糧餉可無慮也。

九江新軍舉動極爲文明。地方人民幾如有口皆碑。初四日商會宰豬二十餘頭。酒十六擔。並洋三千元。詣軍政府犒師。初九日紳學兩界。亦宰豬十頭。酒五百斤送軍前。聊表敬意。故軍士對於地方。尤加保護也。

九江北路炮台。計分四路。(一)岳師門。(二)金鷄坡。(三)湖口。(四)馬步營均歸徐世法統轄。已一律響應。惟江西省城尙無消息。馬都督傳已令各砲台。遇有敵船進口。無論其降與否。均開炮轟擊。如係商船。亦須鳴砲勒令停輪。派人前往檢查。如無違禁之物。隨時放行。否則卽行扣留。並派兵分駐建昌德安以防清軍來攻。并派邱子季林屏南林璧予吳鐵城容某等八人。往南昌運動。

軍政府接得偵探報告。上海招商局。派廣濟輪船。裝載軍火。接濟北軍。因聞九江失守。改

裝駁船。上面敷設煤炭。下藏軍火。準日內過潯等情。馬都督當卽傳令各砲台嚴加防堵。今早果有小輪。拖帶駁船二隻上駛。經砲台堵住。馬都督隨派兵士上輪搜查。於煤炭之內。搜出米糧無算。當問該船主運往何處。答云不知。殊屬可疑。惟該船係掛英國商旗。馬都督遂派人與駐潯英領事交涉。英領事亦不知其所由來。但云本領事始終嚴守中立。如該輪果載有軍火。請卽按公法辦理等語。馬都督遂卽派兵澈底搜查。已查獲軍火甚多。未知如何辦理。容後補述。

夜間八點鐘時。突有兵船二隻鼓輪上駛。其船身一白一黑。沿途砲台鳴砲阻止。其白者一聞砲聲。隨時停輪。聞係英國兵輪。其黑者則滿開汽機。如飛而去。砲台卽上子彈轟擊。已將船尾擊傷。卒被逃脫。然究不知其船名。至十點鐘。又有一黑色兵船。意圖衝過。砲台極力攻擊。該船遂開赴北岸。隱約莫辨。砲台遂止砲。該輪隨卽鼓輪駛回矣。

督修九江營房委員。分省補用道馬獻廷。日前詣軍政府投効。馬都督予以九江關稅務之任。馬不悅。口稱招兵投効麾下。馬都督恐其爲漢奸也。不許。馬道大肆咆哮。遂送交執法部看管。一面派人搜查該道公館。當搜出槍數十枝。招兵名冊一本。已交執法處研訊。

說者謂馬獻廷擬作北軍內應。未知確否。

十一午前十二句鐘。接南昌電。稱南昌於初十夜九點鐘光復。午後四句鐘。卽有兵自吳城來。攜帶快砲四尊。子彈數箱。前來投降。馬都督卽派招待員赴江干迎迓。並備邊炮數萬。自城外迎接入城。沿途燃放。觀者塞途。鼓掌歡迎。聲如雷動。

九江各學堂學生。初三日業已放假。近組織義勇隊。應募者已達三百餘人。由軍政府一律發給鎗械。學習兵式體操。以備將來補軍力之不足。

有客近由漢口來者。言九江搜查輪船極嚴。無論何國商船。晚間自六點至翌晨六點。皆不得行駛。否則砲擊。故日來搜獲接濟薩軍之煤炭軍火甚多。禮拜三下午。薩海軍意欲逃過九江砲台。共五艘。魚雷艇一艘。爲砲台上所覺。擊沉魚雷艇一艘。兵輪兩艘。

贛省初十晚二句鐘新軍起義。茲將連日大事彙記於左。

十一日各新軍起義後。城守巡防水師各軍。概懸白旗。手札白布。各巡警先均逃匿。旋由軍官通告各警區。並不相仇。勉以大義。各巡警漸次陸續荷槍上街梭巡。各軍隊仍由軍官督率晝夜在街輪巡。秩序毫不紊亂。各大商店皆閉門不敢開市。惟小買食物仍照常。

交易。並經軍隊格殺搶劫者數人。人心稍安。各官吏均避匿無蹤。協統吳介璋亦避而不  
出。是日下午三句鐘。在商務總會大會議。紳學商各界到者甚多。公議舉馮撫爲大都督。  
如不願充。次則舉吳介璋爲都督。衆皆認可。又公推諮議局副議長葉紳先圻充民政部  
長。管理民事商事。葉力辭不就。又改推劉太史鳳起充任。並議定先調查官公欸項。以爲  
餉糈。議決散會。

十二日各軍隊仍照舊巡查街段。人心較昨日尤爲鎮靜。各官吏避匿地方。均經軍隊覓  
獲。馮撫以次各司道仍到撫院齊集。（撫院止焚去頭門。儀門以內概未動。）各官由瓦  
礫場而入。莫不悽然失色。九江軍政分府馬都督因接省垣起義電報。恐有戰爭。乃親率  
義勇四百名來省。各界又在教育會公舉軍政內部各部部長十四員。並決議暫以高  
等學堂爲軍政府。該堂係西式樓房。辦公甚爲便利。旋在該堂公舉大都督。馮撫司道紳  
學軍商各界到者千餘員。馮撫仍穿滿洲公服。司道以次均係便裝。衆人先舉馮撫充大  
都督。以死辭。又改舉吳介璋任大都督。劉鳳起任民政部長。始均力辭。經衆迫以大義。始  
允就職。大都督既定。人心有主。尤爲相安。各界以馮撫不擔任職事。愛求交出印信。馮撫

以城池已失。留印無用。允卽交出。各界咸歡然而散。（並聞馮撫在會場勸衆人反正。由渠電奏。由渠一人擔處分。衆咸嗤之以鼻。）是日商店仍未開市。

十三日。馮撫交來印信後。乃赴各公團親拜辭行。各紳士軍隊均護送出城。馮撫乃攜眷乘輪往潯。擬往上海暫寓。此後將隱姓埋名。求避世之桃源。以了此餘生。洵專制國宦途之末路。是亦不幸之幸耳。九江馬都督與吳大都督磋商軍事上一切緊要事件。均已就緒。爰督隊馳返潯陽以重防務。聞潯軍並獲漢奸李敬曾一名。（卽前九江警務長）帶往九江訊辦。恐不免有性命之憂也。並聞江西候補道馬獻廷因監修營房在九江。義軍起時。以該道剋扣營房工程甚巨。當卽殺死。洵足云天網恢恢。疎而不漏也。省城是日搜獲旗人男婦五名。當送軍政府。當暫行拘留。擬卽驅逐出境。是真不愧爲人道主義。江西此次獨立。並未妄殺一人。居民咸慶安枕。較之前數月之風聲鶴唳。又是一番氣象。無怪各省聞風而起也。是日仍未開市。

十四日軍政府內部已組織就緒。較之前數日更有秩序。軍隊已調回營中操防。警察照舊上崗。各外府巡防隊。前經馮撫密電調集來省。如吉安袁州廣信建昌各府巡防軍。均

陸續到省。聞新軍起義。均左袖掛白布以表贊成。聞各軍餉項均議定加倍發給。並出示添募新兵三千名。在百花洲滕王閣工業學堂三處報名。十五日在大校廠考驗。應募者極爲踴躍。又洪江會頭目彭木香。率領部下健兒不下三千名投効。已得軍政府允許。聞有編成隊伍。稍加訓練。卽派往武昌。以備隨同北上。共襄大義。是日商會已議定辦法十二條。呈請軍政府批准。所有各舖均於十六日開市。以前官商紙幣概行通用。並由軍政府出示。以本日起。各戶門首均須日懸白旗。夜挂紅燈三日。以爲慶祝光復之紀念。以上乃江西響應之經過情形也。

軍政府聞之。極爲欣慰。卽用黎都督名義電賀。并通知全體軍隊。各軍隊聞之。皆勇氣百倍。人人心安。以爲不但後路安全。而且隣近兩省。卽可派兵來武漢援助。

同日又接陝西民軍來電。推舉張鳳翔爲陝西都督。蓋當日陝西同志如徐朗西、康寶忠、井勿幕、張益謙輩。早由東京派人聯絡西安所練之新軍王毓江。主張澈底復滿清竊國殘殺之仇。故宣告獨立之日。陝撫錢能訓逃。而駐防旗人。無論老幼無一漏網者。毋乃揚州十日嘉定三屠之果報乎。然而慘矣。旋潼商道瑞清由潼關勾河南軍入寇。亦被殺。自

此陝西大練民軍。準備出潼關以截滿軍南下之後路。黎都督當擬電歡迎。

### 附陝西辛亥響應武昌事略

滿清入主中國。因種族關係。凡有血氣無不憤慨。屢謀驅逐。收回政權。迄未成功。迨辛亥秋。川省路潮急。武昌隨起義。故陝西於九月初三即反正。但其先所組織者。即由留東學生徐朗西、康寶忠、井勿幕等。聯絡本地會黨。籌備完善。屆時響應。立即成功。當公推留東士官學生張鳳翔爲正都督。張氏咸寧人。曾隸武昌日知會會員。帶陝西新軍。復公舉張雲山爲副都督。是日由西關外營中。率兵入城。皆以軍帽拋擲於地。以白布繫於手臂。整隊而行。是時巡撫恩銘已請假入京。由藩司錢能訓護院。若輩見義師入城。又無他兵可調。即將政權讓出。而全城文武各官。均紛紛逃避。乃即設都督府於城東機械局。時政府初立。部署未完。致有防軍乘亂騷擾。凡僑寓紳商。損失甚鉅。而滿城駐防。初頑抗。繼投降。詎意人心憤恨。軍民齊進滿城。乘勢將滿人老幼男女概行殺之。對於人道。殊近殘酷。嗣因機械局地狹。即將都督府遷於高等學堂內辦公。幸長安道尹張衡玉出而維持。代爲計畫一切。秩序漸復。隨派兵四路防禦。並派員到川聯絡。互

相援助。局勢粗安。殊未及兩旬。前陝甘總督升允。卽由隴率領甘肅回軍三十餘營。分途進攻。兵達咸陽。與陝軍激戰三晝夜。陝軍勢將敗。忽得清帝遜位諭旨。雙方卽停戰。而升允見大勢已去。乃率甘軍返隴。仍由張鳳翔督陝。旋因省防未固。致鄂豫土匪侵入陝境。搶城奪縣。時有所聞。遣將剿擊。殆無虛日。延及民三。豫匪白狼竄入陝甘。其勢兇悍。陝軍無力抵禦。乃請兵中央。袁世凱乘機收拾陝局。遂令陸建章帶領直軍八混成旅赴陝肅清。隨調張督鳳翔晉京覲見。而陝督卽以陸建章任之。此大概情形也。川人與此役者有馬治安、牛範九、孫德操、王學姜、魏楚華、黃逸民、曾南夫、王惠安、廖泰初、陳卓夫、楊友和、陳子冰、劉少甫等。而他省僑寓紳商。參與此役者尙多云。

軍政府於初一初二兩日。連接湖南江西陝西來電。都已宣告獨立。響應民軍。遂多出佈告。遍貼武漢街衢。使軍民一致歡喜。并轉電各省及湖北各府州縣。聲勢更爲浩大。於是大衆咸抱樂觀。以爲大事已成。漸露驕矜之氣。對於漢口前敵。視爲無關輕重。較前疎忽。同日兩軍仍在三道橋對峙。彼此均用砲戰。但滿軍之管退砲。較民軍之山砲。其射擊距離較遠。効力亦較大。幸民軍作有防禦工事。無甚損傷。



是晚軍政府又召集軍事會議。大衆以爲各省相繼響應。天下人心思漢。滿夷之孽運已終。卽袁世凱甘作漢奸。引兵與我軍政府對抗。亦必多顧慮。若陝西民軍能速出潼關。由側面攻滿軍後路。則滿軍決不敢再向漢口攻擊。或在漢口死守。或退至黃河以北防禦。亦未可知。我若向漢口出擊。彼必退却云云。遂決定令各部隊仍準備進攻。一俟準備齊全。再行同時并舉。

初三初四兩日。民軍與滿軍。一面在三道橋對峙。一面準備進攻。

初五日拂曉以前。天極黑。在陽邏之海軍。偷入譚家磯。青山砲隊瞭望疎忽。第三協統陳炳榮終日沈湎於酒。到差以來。從未赴實地作戰。亦不整頓隊伍。大有樂以忘憂之態。協統如此。其餘責任較輕。以爲長官未有吩咐。又連日所得者俱是好消息。大概可以無事。亦均疎忽。所以不知大義。死心利祿之海軍。得以安全潛至譚家磯。假使青山砲隊刻刻警戒。海軍萬難飛渡。加以秋冬之交。江水退落。江面甚隘。海軍目標甚大。青山大砲對之射擊。勢必沉沒無疑。

是日天曙。海軍各艦復由譚家磯開至。造紙廠江岸。向民軍防禦陣地側面猛擊。其効力

頗大。遂將我散兵壕內及其附近之兵擊死五百餘名。民軍在此危險萬分。旋即後退。而在溝口之滿軍機關槍隊。當由隘路前進。至第一道橋。見民軍退却。復用機關槍掃射。水陸夾攻。民軍不能抵禦。滿軍即佔造紙廠。并掩護在後之滿軍陸續前進。民軍不得已節節退後。遂退至大智門附近。始佔領陣地。海軍見滿軍通過三道橋隘路。其掩護任務已達。旋即向陽邏停泊。而民軍青山之砲隊仍不知也。

是晨滿軍因海軍掩護。得以通過三道橋。第一步即佔領造紙廠南端。以掩護其砲隊過橋。至造紙廠西端附近布置放列。即向民軍射擊。一面掩護其步隊前進。直至佔領劉家廟始止。

是日午前十時。民軍自造紙廠退至大智門附近。方佔領陣地。各部隊即在此整頓隊伍。大眾憤恨已極。除死傷官兵六七百不計外。遺失子彈糧秣以及軍需物品無算。各部隊長官偵察海軍已退。都要誓圖恢復。

是日正午。民軍擬定進攻。即在大智門早餐後。努力準備。但不知指揮官張景良退至何處。於是謝元愷云。指揮官是不中用的東西。我願告奮勇打前驅。大眾均跟我前進。於是

各部隊長官先自行集合。共同擬定於午后一時開始進攻。謝元愷打前驅。步隊第二協在右。步隊第四協在左。齊向劉家廟攻擊。士氣極盛。進行亦速。銳不可當。滿軍在劉家廟用機關槍及步砲隊頑強抵抗。彈如雨注。民軍仍節節猛進。勇往直前。將近劉家廟五六百米達。各部隊均上刺刀。由謝元愷先令號兵吹衝鋒號音。大眾鼓起精神。齊聲喝殺。直衝至劉家廟與滿軍肉薄。滿軍不支。旋即後退。民軍遂將劉家廟恢復。民軍佔領劉家廟後。復擬向造紙廠追擊。滿軍即利用造紙廠掩護。用機關槍管退砲猛擊民軍。民軍亦因此日苦戰太疲。如再窮追。恐死傷過重。且天將昏黑。挽日無戈。遂決定在劉家廟佔領陣地防禦。是晚各隊在劉家廟以戰鬪隊形澈夜。終夜兩軍槍火未息。是晚滿軍惶恐異常。惟恐民軍撲營。自由向三道橋潛逃者甚衆。滿軍將領王占元、鮑貴卿、賈德耀等。特令衛隊機關槍在三道橋隘路口阻止之。并云好不容易通過此隘路口。若無海軍夾攻之力。即費極大犧牲。亦難得民軍尺寸土。如再退後。則永無前進之日矣。無論如何。大眾寧死亦死在此處。又聞馮國璋特命通過三道橋之滿軍。務要忍耐堅守。效韓信之背水陣。只有前進。未有後退之理。如再有後退者。即以軍法從事云云。

是晚接得在造紙廠附近人民報告。謂滿軍甚怕民軍喝殺。民軍一喝。滿軍均惶。不知如何應付。又怕民軍衝鋒。白刃相接。謂民軍靈敏。滿軍笨拙等語。

是晚民軍本擬向滿軍撲營。無奈疲勞過度乃止。

同時各部隊皆將經過戰況報告軍政府。茲將是日死傷之數列左。

一、步隊第二協謝元愷標、官兵死五百餘人、傷一百八十餘人。

二、步隊姚金鏞標、死一百餘人、傷七十餘人。

三、步隊第四協楊傳連標、并吳勝元之一營、共死一百四十餘人、傷九十人。

四、砲隊蔡德懋標、死五十餘人、傷七十餘人。

五、其餘敢死隊、工程隊、輸送隊等、死一百餘人、傷五十餘人。是日激戰共計死傷一千餘人。聞滿軍亦死傷相等。

是役民軍在造紙廠遺失軍需物品甚多。幸在劉家廟之列車車頭均未遺失。

是晚軍政府召集軍事會議。大衆謂海軍甚爲可惡。衆議決先解決在陽邏之海軍。擬運大砲至陽邏附近。將海軍轟沉。旋有人倡議。謂海軍仍是中國武裝。如盡擊沉。未免可惜。

不如仍由黎都督名義向薩鎮冰下一警告。一面通知各處不給煤糧。海軍不得已遂開往下游。行至九江。即爲湖口馬當各砲台阻止。遂投降。

是日岳州襄陽均響應。

是日民軍失敗原因。陳炳榮不能辭其咎。青山砲隊。瞭望疎忽。不阻止海軍出入。致海軍爲害於民軍防禦之地。大衆均要將陳炳榮以軍法從事。旋有彼之同學數人。在黎都督前再三懇求。黎遂轉商大衆。不必取嚴厲手段。於是擬記兩大過。令陳炳榮帶罪立功。是晚大衆因漢口戰鬪各部死傷太衆。軍政府特派步隊第五協往漢增援。又派敢死隊隊長方興楊雲開兩隊亦往漢督隊。又因張景良無能。特派姜明經往漢協助張景良辦事。黎都督又與大衆商議。復增兵一協。以楊載雄爲協統。擔任武昌城防務。是晚發於各部隊之命令如左。

軍政府都督命令

初五日午后十一時  
于諮議局發

一、滿軍約一混成協。今日由劉家廟退。佔造紙廠附近。其瀝口及武勝關以南各車站。仍陸續增加軍隊。但海軍仍到陽邏停泊。我軍政府擬派砲隊驅逐。一面通知各處不

接濟海軍糧煤。

二、本軍政府擬明日擊攘造紙廠之滿軍於三道橋以北。

三、漢口指揮官張景良統率在漢各部隊。明日攻擊在造紙廠之敵。

四、步隊第一協協統宋錫全。明日須派一部援助漢口進攻。其餘所率各隊。仍固守漢陽。

五、步隊第三協協統陳炳榮。明日率所屬各部隊仍防禦青山至兩望一帶。但須派砲隊刻刻防禦海軍上駛。

六、步隊第六協協統楊載雄。率武昌所有部隊防禦武昌城。

七、各部隊給養。仍由自行就近籌備。

八、本都督在諮議局。

都督黎元洪

以上都督命令發出後。軍政府又派員與張景良接洽。請其謹慎從公。與各部隊務好爲會商。一致行動。目下大敵在前。萬不可再事疎忽。自取罪咎。張景良唯唯。是晚由張景良

發下進攻命令如左。

指揮官命令

九月初六日午前二時  
于大智門發

一、敵人兵力約一混成協。已佔領造紙廠附近。其瀝口及武勝關以南。仍陸續增加軍隊。但海軍仍在陽邏停泊。已由都督擬派砲隊驅逐。并通知各處不接濟海軍糧煤。

二、本軍擬於本日拂曉攻擊前面造紙廠之敵。

三、步隊第二協何統領。於本日拂曉率貴協由劉家廟出發。其進攻區域。右翼自江岸起。左翼至劉家廟車站西端一帶。

四、步隊第四協張統領。率貴協於本日拂曉出發。其進攻區域。右翼與步第二協連絡。左翼至戴家山附近一帶。

五、步隊第五協熊統領。率貴協於本日拂曉在劉家廟南端集合爲預備隊。

六、砲隊第一漂蔡統帶。率貴標及工程隊於本日拂曉在劉家廟以北附近佔領陣地。援助我步隊進攻。

七、馬隊黃管帶。於本日拂曉率貴營警戒我軍左側。

八、敢死隊第一第二兩隊。於本日拂曉在步隊第二協後面協助進攻。第三第四兩隊。在步隊第四協後面協助進攻。

九、本指揮官本日拂曉在劉家廟。

指揮官張景良

初六日拂曉。滿軍乘我軍未前進時。一由造紙廠。一由姑嫂樹。分兩路附機關槍多桿。亦向民軍攻擊。民軍各部隊已在劉家廟一帶佔領陣地。兩軍以火力相持。射擊極爲猛烈。民軍謝元愷令該標前進。其餘亦隨之前進。民軍新兵不善利用地形。被滿軍機關槍掃射。死傷頗衆。至午前十時。火力益形猛烈。空中子彈飛過之聲。如風捲木葉。民軍無機關槍。又無管退砲。民軍所用之山砲子彈。効力不大。滿軍管退砲効力甚著。兩軍在劉家廟與造紙廠相持。滿軍由溝口陸續向前增加兵力。約一鎮以上。火器又較民軍精銳。人數又相等。滿軍又係久練步隊。善利用地形。秩序較民軍整肅。而第一火綫布滿機關槍。民軍迭次前進。均受傷過重。是日兩軍相持一日。戰鬪最烈。但劉家廟附近地勢平坦。民軍傷亡極多。是日午后五時。滿軍用砲隊援助機關槍。由姑嫂樹向戴家山方面前進。向民



軍側擊。民軍步隊第四協協統張廷輔受傷。該協左翼傷亡太多。遂往後退。而與左翼接近之隊伍。見其後退。亦隨之後退。唯敢死隊在後督隊。不准退後。無如新兵過多。既退之後。秩序漸亂。不易指揮。在戰綫上極爲散漫。且協統受傷。其部下各級軍官亦難負責維持。戰至天晚。火力漸息。民軍各部隊陸續向大智門新停車場附近退却。佔領陣地宿營。滿軍卽前進佔領劉家廟附近一帶。

是晚各部隊將戰鬪情形報告軍政府。黎都督聞劉家廟復失。滿軍兵力逐次增加。民軍受此挫折。則士氣未免沮喪。加以張廷輔受傷。更受打擊。於是軍政府卽召集會議。茲將議決之事列左。

- 一、步隊第四協協統張廷輔受傷。以謝元愷代之。謝元愷之標統以胡效騫代之。
- 二、派尙安邦率砲隊兩營往漢增援。
- 三、通電湖南江西兩省速急派精銳隊伍來鄂援應。
- 四、派工程營與敢死隊多攜帶工作器具到漢。幫同各部隊築設堅固保壘。
- 五、派游擊隊往黃孝擾敵後路。牽制其南下兵力。

六、電知上海民立報。速請黃興來鄂以資鎮攝。

七、漢口所有部隊。迅速整頓。明日必須固守原陣地。如有機可乘。則向敵前進逆襲。

八、多印白話數滿清罪惡。派間諜到滿軍中散發。以啟惕其軍心。

九、電請陝西出兵襲滿軍側面。

十、通電各省促其響應。

以上議決事件。同晚積極辦理。一面軍政府多派員往漢與各部接洽。務要協力固守。抵禦敵人。并云湖南江西不日派兵來援。一面軍政府又令漢口軍政分府購辦酒肉犒賞各部隊。又由都督傳知各部隊能戰耐勞。種種維持。不一而足。

是晚軍政府又以都督及大眾同志名義。函達吳祿貞王遇甲兩統制。謂漢人都是同胞。不宜自相殘殺。況兩君都是湖北人。以桑梓關係。更不可以同鄉父老之血。換一己富貴云云。後來吳祿貞被刺。王遇甲被黜。亦與此函有關。軍政府又以同志名義。函知保定入伍生隊長蕭展舒。囑其以入伍生約二千名。擾害滿軍後路云云。

六、九月初七日 貴州光復

初七日午前七時。民軍在大智門新停車場一帶防禦。滿軍即由劉家廟進攻。民軍極力抵禦。當時謝元愷即通知各軍好爲掩護。一俟滿軍接近至二三百米達時。一齊衝出。協同以白刃相戰。至正午滿軍果漸漸與民軍接近。民軍亦不還擊。均在掩堡內藏匿。俟滿軍進至三百米達之地。大衆磨拳擦掌。齊以刺刀準備。而砲隊標統蔡德懋令各砲測準距離。連發排砲射擊。將滿軍擊死甚衆。旋謝元愷令吹衝鋒號。號音齊奏。民軍同時齊出一陣喝殺。聲振全鎮。於是兩軍接近肉薄。滿軍不支。即向後退。民軍跟進追殺。奪獲滿軍機關槍步槍甚多。滿軍死傷甚衆。民軍追至劉家廟附近。滿軍後方預備隊又用機關槍猛擊。民軍死傷更多。遂又在劉家廟以南停止。民軍因所佔地勢不佳。又節節退至原陣地防禦。蓋初六初七兩日。民軍死傷約二千餘人。唯新兵及勇猛者居十之八九。當時旅漢各國僑商。亦甚敬佩民軍之勇敢善戰。故中外合作組織紅十字會。到戰地收屍。今漢口德國球場附近各烈士之坟。即是役在此陣亡之官兵也。

是晚滿軍仍在劉家廟。民軍仍在大智門新停車場。各在原陣地宿營。

同時民軍在漢各部。各將戰時情形報告都督。都督復傳令嘉獎。又賞酒肉罐頭多件。

是日軍政府接得廣東胡漢民來電。謂同志等已於昨日將旗人鳳山炸死。全省光復云。蓋自武昌起義後。廣東黨人進行極急。陳炯明即在惠州起兵。收復陸路提督秦秉直之兵洪兆麟等。更聯合新軍及地方民團直取廣州。不旋踵而七十二行商所推舉之清督張鳴岐、龍濟光、李準等。遂無所用其伎倆。漸次潛逃。廣東全省遂爲革命軍所有矣。

同日又接得貴州來電。謂貴州全省業已光復。公舉楊柏舟、趙德全爲正副都督云云。當日楊柏舟爲貴州新軍教練官。趙德全爲新軍隊長。全省光復。清撫沈瑜慶逃。遂改諮議局爲軍政府。并組樞密部。舉郭子華、蔡衡武、任志清、張石麒、雷少峯、樂采臣、楊伯釗、周澍元、平少黃、陳柱臣等十人。公同辦事。并出示曉諭貴州全省。文曰：爲曉諭事。照得中國各省。近月以來。人民奮興。已次第宣告獨立。義師所至。秋毫無犯。保護公安。紳民歡迎。本省處西南之中心。自當應時而起。以增我漢族之光榮。合將宗旨禁令宣告如下。

一、宗旨 本省與各省人民同意。組成大漢聯邦民國。以達共和立憲之希望。

二、禁令 (甲)保護官紳。不許傷害。(乙)保護教堂教士。及游歷旅居外國人等。以慎重邦交。(丙)保護人民。不分黨派。(丁)保護衙署局所學堂廟宇。及一切公地。(戊)不

准奸淫賭博。燒殺搶擄。及強買強賣。(己)不准擅入民家。凡違犯以上各條禁令者。斬。黎都督特將以上兩省光復電文佈告武漢地方。并傳知各部隊。一面轉告各省同志。又迭電南京安徽迅即響應。出兵北伐。以挽狂瀾云云。

是日劉英帶京山團防民軍約二千人來省。軍政府當發槍枝。令季雨霖爲標統。劉英爲顧問。將團防民衆組織一標。爲援助隊。令季雨霖尅日編練完善。到漢應援。是日孫武面上之炸藥傷痕將愈。由張振武等至長清里劉燮卿家。促其至武昌軍政府。到軍務部長差。并與黎都督及一般同志接洽。談擴充兵力恢復漢口事。

是晚又接宋教仁由上海來電。謂不日偕黃興來鄂。乞諸位同志努力前途云云。是日清廷革郵傳部盛宣懷職。以唐紹儀任之。

初八日午前六時。滿軍又用砲隊向民軍射擊。旋用機關槍步隊節節進攻。兩軍在相距千米達之處。彼此以步砲火力射擊。民軍仍欲滿軍接近。由衝鋒法撲滅之。唯滿軍終不敢接近。民軍武器不及滿軍精利。死傷較滿軍爲多。

旋滿軍用重砲運至戰地。向民軍砲隊猛射。民軍砲隊不能應射。蔡德懋即派人與謝元

愷商量。轉守爲攻。其意以爲與其徒令敵人以火力擊死。不如轉守爲攻。將敵人驅逐於三道橋以北之爲愈也。於是彼此與各部隊會商。決心進攻。成敗在此一舉。大衆亦表贊同。遂各準備。特派敢死隊持大令在後督率。如有退後者斬。各部隊準備完好後。仍由謝元愷開始前進。蔡德懋亦預備前進。變換陣地。令砲隊援助步隊進攻。

是日午前十一時。各部隊約定前進。先由謝元愷督隊進攻。各部隊亦同時動作。滿軍已知民軍前進。遂密布機關槍。并將後面預備隊齊向前綫增加。向民軍猛擊。但民軍勇氣百倍。一往直前。進至與滿軍距離約五六百米達之地。滿軍畏謝元愷之忠勇無敵。擬向後退。滿軍之長官王占元。陳光遠。鮑貴卿等。在後督率。不准退後。滿軍遂不敢退。卽以機關槍與重砲向民軍猛擊。

少頃。蔡德懋令砲隊前進。變換陣地。目標顯明。滿軍用砲隊向蔡德懋砲隊注射。蔡德懋正令停止布置放列。滿軍砲火齊射。砲彈如雨。民軍砲隊死傷太重。蔡德懋陣亡。

謝元愷攻至距敵甚近。已在敵火之下。碍難停止。於是命隊伍前進。各部隊見敵火猛烈。欲設計避之。而謝元愷每每奮不顧身。命號兵吹衝鋒號。謝元愷拔指揮刀向前躍進。滿

軍卽以機關槍向謝元愷注射。謝元愷亦陣亡。大衆見謝元愷陣亡。卽不敢前進。遂停止。而滿軍以機關槍向民軍掃射。距離甚近。射擊有效。少頃。何錫藩受傷。敢死隊長馬榮及工程隊長李忠孝等。亦均同時陣亡。大衆見開國名將多數陣亡。士氣未免沮喪。遂含哀向後退却。退至歆生路劉家花園一帶停止。滿軍跟隨前進。到大智門附近佔領陣地。是時已午后五時也。民軍卽在歆生路一帶重整隊伍。是晚卽在該處一帶利用隄防。以戰鬥隊形徹夜。

是晚甘績熙卽回軍政府報告戰鬥情形。謂謝元愷、蔡德懋、李忠孝、馬榮諸將校同時陣亡。何錫藩受傷。以及軍隊退至歆生路各種情況。軍政府一般同志聞之不覺淚下。極爲憤激。黎都督則甚爲惶恐。謂此日之戰。何至死傷許多將校。漢口無人維持。恐難保守。遂召集軍事緊急會議。一面令張景良維持各部隊秩序。無如張景良素性疎忽。更因敗退。心氣俱灰。不知隱於何所。復由軍政分府派人在後城馬路將張景良尋着。又見第八鎮正參謀官劉錫祺在場。同志甚爲疑惑。於是卽請張景良、劉錫祺二人到軍政分府。劉錫祺不肯行。大衆強制執之。張景良與劉錫祺遂至軍政分府。唐大悲問劉錫祺曰。你由何

處來。劉答曰。由湖南來。詹又問曰。往湖南何爲。劉答曰。往湖南辦公事。詹云。今既回鄂。爲何不到軍政府投到。劉曰。我是滿清官員。如何要在軍政府投到。詹云。你現在還不投降麼。劉云。萬不能投降。詹云。你既不歸順。你就是漢奸。劉云。我是漢奸。你們還是土匪呢。於是詹大悲飭人將劉錫祺監禁後。又問張景良曰。你既是漢口民軍指揮官。爲何不照料隊伍。張景良答曰。各部隊不受指揮。我亦無法照料。詹云。你既無法照料。就應向軍政府辭職。張云。我從此不幹。又云。各部隊如聽我指揮。我真要切實辦理。早已攻過武勝關了。詹云。既如你說。豈不是故意爲壞。亦將張景良看管。一面將劉錫祺張景良二人所說之詞。報告都督。黎亦未置可否。後來漢口同志。節節敗退。詹即將該二人正法。

是晚軍政府因張景良既被看管。遂命姜明經照料漢口軍隊。姜稱病不敢去。於是漢口防務暫令各部隊自行維持現狀。同時軍政府召集會議之中。大衆知民軍武器不及滿軍。既無機關槍。又無管退砲。雖受挫折。非戰之罪。但此時無人維持。恐無以復振。頗爲束手。於是有主張到日本購辦軍火者。謂工欲善其事。必先利其器。有主張請援者。又有主張擴充軍隊者。衆論紛紛。都非救急之法。不得已暫定維持現狀。一面電知湖南江西從



速派兵來援。

清廷此時大事已去。然猶操縱漢人作奸自殺。授袁世凱湖廣總督爲欽差大臣。以馮國璋總統第一軍。段祺瑞總統第二軍。均歸袁世凱節制調遣。召蔭昌回北京。

初九日晨。黎都督派吳兆麟、蔡濟民渡江視察情形。指導防禦事宜。并囑吳曰。現在軍政府乏人辦事。千萬不可向前。致受危險等語。吳、蔡二人即帶同軍務部參謀部職員數人。同往漢口。到歆生路。察視地形。即將各部隊防禦陣地分爲五區。以熊秉坤、胡效騫、甘績熙、楊傳連、伍正林五員爲各陣地防禦區長。又令尙安邦將砲隊編成。在歆生路隄防後。布置放列。又令敢死隊分爲五隊。在各防禦區後面督率。又令工程營附屬砲隊。趕築掩堡。又令林翼之一標爲預備隊。吳兆麟將以上各部隊指示後。即囑蔡濟民、楊璽章、王安瀾、周定原數人。分途在各地段監督防禦。但歆生路一帶。前面房屋樹林最多。滿軍恐有埋伏。不敢前進。於是派偵探嚴密搜索。民軍則在民房後派兵藏匿。一俟滿軍接近。即用槍擊之。或俘虜。以致敵軍搜索困難。

是日正午。滿軍以威力搜索。向歆生路一帶沿樹林房屋射擊。民軍均不還擊。滿軍遂漸

漸前進。午后約二時。滿軍行至隄防前面。在民軍防禦有效力界內。民軍步砲隊猛力齊發。滿軍因無遮蔽。旋向後退。民軍右翼防禦隊伍。由房屋內喝殺。滿軍不明真相。旋即退却到原地停止。

是日兩軍戰鬥不甚猛烈。各在原佔陣地宿。營是晚吳兆麟即將視察後處置情形報告都督。并請速派指揮官負漢口防禦責任。當召集會議。頗難得人。於是暫以宋錫全往漢口照料。維持現狀。

同日南京學生隊八十餘人由南京同志介紹抵漢。寓於武漢陸路稽查長劉玉堂所開之新大方棧。隨船來者有南京派來之四偵探。一係張人俊所派。一係鐵良所派。一係張勳所派。一係樂德安所派。學生隊全體對該四偵探特別注意。該四人亦住新大方棧。於是學生隊全體要求劉玉堂辦此四人。適內中張勳所派之一探。在大方棧門前。遇黨人吳小韓。吳小韓於武昌起義前。曾投入南京張勳部下。與該偵探熟識。該探亦不知吳小韓係黨人。遂告以張勳派其來漢之任務。吳小韓更向劉玉堂證明該同來之四人。實爲漢奸。劉玉堂決意捕之。即商之吳醒漢。由四官殿派兵二十人。合劉部百餘人。以警局稽

查旅館爲名。先埋伏便衣兵士於前後左右。請四探至客廳盤問。因該四人各帶手槍。恐其拒捕傷人。故用誘捕之法。由劉玉堂吹口笛爲號。伏兵齊出。遂將四偵探擒獲。比解至江漢關軍政分府。詳爲審訊。有人主張將此四人押解武昌軍政府訊辦者。但漢口總商會會長王琴甫。極熱心贊助革命。最恨爲滿清出力之漢奸。跪請劉玉堂迅辦。是晚卽由劉玉堂監斬。將南京派來之四偵探正法。而南京清吏之耳目因而不靈。

是日接蔡鐸自雲南來電。謂該省騰越廳已爲張文光光復。

同晚又接上海民立報來電。謂黃興與宋教仁準於初十日到鄂。

軍政府接得以上電報。一般同志極爲歡喜。謂黃興一來。必有一番振作之策。

是晚又接湖南來電。云已派王隆中、甘興典各率步兵一協來鄂援應。軍政府甚表歡迎。卽去電催促。問起程與否。如未起程。請速開拔。湖北子彈槍枝極爲充足。卽徒手兵來亦無妨也。

同時黎都督卽傳知各部隊。務耐苦堅守。又云湖南援軍不日來漢。黃興亦準於明日蒞止。漢口一隅。不難指日恢復。

## 七、九月初十日 黃興宋教仁等抵鄂

初十日午前九時。黃興、宋教仁、田桐、李書城等。自滬來武昌。軍政府派軍樂隊及一般同志到漢陽門江岸歡迎。卽至軍政府。經過武昌城內。沿街市面百姓。均放鞭爲禮。旋武漢三鎮都已知之。以爲黃興是革命首領。必是非常之人。料漢口稍失之地。不難奪回。勿論老幼男女。對於黃興之希望。莫不額手致敬。

黃興到都督府與黎元洪相見時。黎極歡迎。二人握手後。旋卽談漢口日來戰爭情形。黎請黃興主持。黃亦不辭。以天下爲己任。黃興卽欲往漢口一視。於是黎都督卽派吳兆麟、楊璽章、蔡濟民、徐達明四員。偕黃興赴漢口。抵漢時。卽視察戰綫情形。滿軍仍與民軍在歆生路附近以砲火戰鬥。彼此皆未前進。各在原佔陣地相持。黃興見各部隊按段防禦。復返武昌與黎都督商議妥當。再行來漢設法進行。

午后三時許。黃興轉回武昌與黎議事。大衆均向黎都督云。黃興素來好戰。且善戰。請軍政府任以全軍總司令。黎極贊成。卽由大衆開會公推黃興爲總司令。所有湖北軍隊及各省援軍。均歸其節制調遣。又謂漢口危急。仍請黃興於本晚往漢督率。

是日軍政府接得袁世凱屬下劉承恩來函云。袁世凱經已出山。請民軍和平了結云云。  
(案袁世凱等甘心作賊。擁戴異族。不自知其無恥至此極也。)原函如下。

### 劉承恩來函

宋卿仁兄大人麾下。疊寄兩函。未邀示覆。不識可達典籤否。頃奉項城宮保諭開。刻下朝廷有旨。(一)下罪己之詔。(二)實行立憲。(三)赦開黨禁。(四)皇族不問國政等因。似此則國政尙可有挽回振興之期也。違卽轉達台端。務宜設法和平了結。早息一日兵事。地方百姓早安靜一日。否則勢必兵連禍結。勝負未見。則不但塗毒生靈。糜費巨款。迨至日久息事。則我國已成不可收拾之國矣。況兵者漢人。受蹂躪者亦漢人。反正均我漢人吃苦也。弟早見政治日非。遂有終老林下之想。今因項城出山。以勸撫爲然。政府亦有悔禍之意。卽此情理。亦未嘗非閣下及諸英雄能出此種善道之功也。依弟愚見。不如趁此機會。暫且和平了結。且看政府行爲如何。可則竭力整頓。否則再行設策以謀之。未爲不可。果以弟見爲是。或另有要求之處。弟卽行轉達項城宮保。再上達辦理。至諸公皆大才。棧槃不獨不咎既往。尙可重用相助辦理朝政也。且項城之爲人

誠信。閣下亦必素所深知。此次更不至失信於諸公也。并聞朝廷有旨。諒日內即行送到。麾下弟有關桑梓。又素承不棄。用敢不揣冒昧。進言請教。務乞示覆。即交原人携下爲禱。敬請助安。諸希愛照不具。鄉愚弟劉承恩再拜。九月初八日。

上函純屬漢奸認賊作父之詞。黎都督問大眾應如何答覆。一般同志均主張置之不理。是晚江西來電。謂海軍業已歸順。現皆集合九江。不日派兵一協。由馮嗣鴻帶領。用海軍運鄂援應。軍政府軍接得湖南江西派兵援助之電。聲勢復大振。大眾更爲欣慰。謂不日有海陸軍來援。漢口不難恢復。

同時一般同志復將以上情形分途向各處宣傳。又謂黃興善戰。在廣東革命時。每於槍林彈雨中。履險如夷。真是諸葛亮復生云云。

是晚黎都督一面將以上各情通電各省。一面發出佈告。并通令各軍隊咸知。一時武漢軍民羣相慶賀。是晚滿軍在漢口偵察民軍陣地。并知謝元愷、蔡德懋等陣亡消息。因滿軍自入寇漢口以來。最畏謝元愷、蔡德懋、馬榮、方興、徐少斌等。既知民軍良將陣亡。自不及以前之整肅勇敢。故趁民軍援應未到之時。繼續進攻。將漢口完全佔領。再謀攻武昌。

一面滿軍照會駐漢各外國領事。謂漢口障礙甚多。進攻困難。擬將全鎮房屋燒毀。以便施行攻擊。倘有侵害外人財產之處。清國政府願賠償損失等語。各領事接得照會。極爲反對。輿論大譁。謂各國已嚴守中立。關於租界附近。不得侵犯。并云民軍起義後。始終保護中外人民之生命財產。真是文明仁義之師。惟滿政府至今仍是野蠻。不顧輿論。無怪中國各省皆與之反對。

是晚黃興偕楊璽章查光佛蔡濟民徐達明等渡江。在漢口滿春茶園設總司令部辦公處。卽檢查在漢口所有隊伍。茲將所檢查之軍隊開列於后。

一、步隊第二協。兵額約兩千人。

標統胡效騫。

標統劉廷福。

協統何錫藩。傷。以羅洪升代。

標統姚金鏞。病。以劉廷福代。

二、步隊第四協第七標兵額約一千人。

七 九月初十日 黃興宋教仁等抵鄂

協統張廷輔傷。

標統胡廷佐。

三、步隊第五協兵額約兩千餘人。

協統熊秉坤。

標統杜武庫。

標統伍正林。督隊官方漢農。

四、步隊第一協林翼之一標。

五、馬隊一營。管帶黃冠羣。

六、砲隊約一標。

標統尙安邦。

七、工程隊一營。管帶李占魁。

八、敢死隊約二大隊。

隊長方興。



隊長楊金龍。

九、季雨霖之團防兵一千餘名。

據檢查以上各隊人數。第四協欠第八標。林翼之一標只有百餘人。一面黃興通知黎都督。一面問林翼之。林云。兵士係在漢口附近招募。夜間各潛歸家。此係最危險之事。黃興問曰。何不嚴辦。林無言可答。

又黎都督接得黃興通知。即派人問第八標。無如該標統楊某未奉命令。擅將隊伍帶回武昌。自己在家辦理喜事。於是孫武張振武等派人將楊標統請至都督府開軍法會議。即將楊某斬首示衆。并傳知各部隊。

是晚黃興在漢口檢查軍隊完畢。即發如左之命令。

總司令命令

九月初十日午後九時  
於漢口滿春茶園發

一、滿軍仍佔領大智門新停車場附近。

我湘軍已有步兵兩協。業已出發。不日來鄂援助。

二、本軍今晚擬在原佔領陣地。以戰鬪隊形過夜。

七 九月初十日 黃興宋教仁等抵鄂

三、步隊第二協警戒綫。右翼由歆生路後城馬路起。左翼至查家墩以東火車站之隄防一帶。

四、步隊第五協警戒綫。右翼與步第二協連絡。左翼至玉帶門一帶。

五、其餘各隊之集合地如左。

步第七標在滿春以北空地。

馬隊一營在滿春西端。

砲隊一標在滿春西北端附近。

工程一營在滿春北端附近。

敢死隊二隊防禦滿春本司令部。

六、步隊第一標及季雨霖標警戒漢口市街各要地。

七、各隊給養。用軍政分府預備之糧秣。

八、本總司令在滿春茶園。

注意、今夜口號 復漢。

是日黃興匆匆到武昌。旋即視察漢口。復轉武昌。又往漢口檢查軍隊。各部隊皆已知黃總司令矣。如果以現狀設法整頓。利用隄防。依托市街。專事防禦。以待湘軍來援。則漢口或不至於即失。無如其性情過急。不知敵情。欲取攻勢。致令當時各隊互有責言。謂黃興虛有其名。對於軍事是門外漢。太不謹慎。恐不利於民軍。大眾又不敢明言。只有對付而已。

是日山西太原被革命軍所得。

## 八、九月十一日 山西雲南光復

十一日晨。黃興即往前綫察看情形。擬向滿軍施行政攻擊。正與楊璽章等商議。選定進攻地點。準備下攻擊命令。而滿軍已於午前六時由王家墩向民軍攻擊。砲火機關槍均極猛烈。民軍利用隄防固守。滿軍漸漸接近。火力愈猛。民軍亦令預備隊向第一綫增加。黃興率敢死隊督陣。不准後退。有退者即用刀斬決。民軍即利用隄防竭力抵禦。滿軍不敢接近。恐與民軍衝突。

午前十時許。滿軍藉歆生路附近房屋掩護。多用機關槍。漸漸與民軍右翼接近。用機關槍猛射。民軍受傷過重。卽向後退却。滿軍卽乘機前進放火。將歆生路房屋焚燒。加以砲火亂射。使民軍不能依托房屋掩護。於是民軍右翼隊伍節節後退。而民軍正面及左翼隊伍。見右翼火起。友軍退却。亦藉抬傷兵往後陸續退却。黃興在後阻止。并手刃數人。於是兵士等卽往兩翼潛退。俾免黃興阻之。

至午後二時。民軍前綫隊伍人數漸漸減少。黃興無法維持。遂下命令使各部隊退却。至玉帶門一帶防禦。滿軍則節節縱火燒民間房屋。燒一段則進一段。

午後五時許。民軍漸漸後退。抵玉帶門一帶。利用後隄停止佔領陣地防禦。黃興卽氣不能平。遂云漢口各部隊均已打散。士氣沮喪。萬難復用。且各部隊軍官亦無指揮能力。漢口似不能保。擬固守漢陽。速請湘軍來援。再圖恢復。主意已定。一面令各隊在玉帶門一帶防禦。一面通知黎都督火速催湘軍應援。黎都督又聞漢口軍隊後退。滿軍縱火燒屋。甚形惶恐。以爲漢口不幾日卽成焦土。乃一面照會各領事警告滿軍。止其縱火。致令百姓遭劫。復一面飭船政局準備小火輪多隻。開往上游。迅速接湘軍來鄂援助。

是晚又接黃興通知。謂漢口各戰鬪部隊。除傷亡外。查現有人數共計不及五千名。實無戰鬪力也。暫維現狀。擬固守漢陽待援等情。

軍政府接得以上情形。即召集軍事緊急會議。茲將是晚議決之事如下。

一、除派輪船迎接湘軍外。再電江西派兵偕同海軍來鄂援助。

二、漢口各隊。仍竭力固守。使敵遲滯前進。以待援軍之來。

三、武昌漢陽宜嚴密警戒。不可稍事疎忽。倘有疎虞。決以軍法從事。

四、所有戰鬪隊伍。損傷缺額。一律補足。唯受傷長官或派人代理。或另委人。看情形酌定。

五、湖北軍隊以五協之衆。加以特種軍隊。防禦武漢。其兵力亦不爲少。各協宜趕練補充兵一團。以資補充。

六、通電各省。數清軍在漢口縱火延燒市街民房之罪惡。

七、漢陽武昌附近。加築極堅固之防禦工事。

八、仍電請響應各省。迅速出兵。合攻清軍。使其各方不能兼顧。

以上會議規定之件。當卽分途進行。一面派輪船到襄河內一帶停泊。以便接濟漢口部隊。一面通知黃興。令漢口部隊固守原地以待援軍。

是日孫武、張振武、蔣翊武等。因黃興既來。而湘軍又來援。以爲大事成功。各欲擴充實力。於是又擴充步兵兩協。及先鋒隊一協。以鄧玉麟、羅洪升、王國棟爲協統。又設一軍令部。以杜錫鈞爲長。更設特種隊伍。各人暗中膨脹勢力。名目繁多。不必贅述。免眩人耳目。實於戰事無關也。

總之。湖北當時大敵在前。理應擴充軍隊。以應戰鬪。無如未有軍官。徒以新兵應戰。形同烏合。愈多愈難指揮。且急時所招。良莠不齊。殊多危害。遇敵則潰敗。遇民則騷擾。見長官則表功。種種怪象。不一而足。設非當時軍政府一般純潔愛國同志竭力維持。恐早已瓦解也。爭權奪利。同室操戈。最犯兵家之忌。特略述之以爲殷鑑。（後來孫武、蔣翊武屢起爭端。各人部下皆以爭奪爲事。大事幾敗於垂成也。）

是晚漢口民軍右翼是市街。正面與左翼前面。都係開豁地。清軍在市街縱火。共計火頭六處。人民呼救之聲。慘不忍聞。當時漢口商家。紛紛顧船搬遷。或往租界移動。滿軍藉縱

火之際。到街市搶掠。被民軍巡查街市軍隊及百姓相助。捕殺甚衆。

是晚軍政府下令飭漢口軍政分府。將一切子彈糧秣派輸送隊搬至漢陽。以免燒毀或資敵用。而軍政分府無人負責。遂將該分府存儲軍需物品亦焚燒殆盡。其損失甚鉅。是晚民軍與清軍在漢口因火頭相隔。彼此對峙。距離頗遠。清軍時以砲火向武昌漢陽兩處射擊。該兩處各機關人員惶恐異常。到處躲避。而清軍復利用間諜。揚言是晚襲擊武昌漢陽。於是民軍竭力設法警戒。

是晚又接山西太原來電。謂該省巡撫陸鍾琦父子。被革命軍擊死。協統姚宏發逃。公推協統閻錫山爲都督云云。

軍政府接得此電。極爲欣慰。卽復賀電。并請與陝西同時出兵。截斷清軍後路。使其首尾不能相顧。一面又以山陝獨立。并出兵襲京漢路之情況。多印白話傳單。派間諜赴京漢路各站散發。

是日雲南省城爲革命軍所得。公推新軍協統蔡鍔爲都督。清總督李經羲逃。茲將孫種因所錄之重九戰記。曹之麟所述之騰越光復紀略附之。

## 重九戰記

一八四

辛亥六七月之交。蜀路風潮作。滇中軍界躍然欲試。八月十九日。武昌義軍起。陸軍各

高級幹部。或在羅佩金家。或在唐繼堯宅。羣聚密議。風聲日緊。消息外傳。清總督李經

羲秘商靳雲鵬、鍾麟同、王振畿、唐爾錕等。欲出羅佩金、李根源於外。命聯赴安南接運軍械。李赴

月間。七府礦產。及英兵入片馬事。陸軍小學堂總辦李烈鈞。暗鼓並擬懲辦李鴻祥、謝汝翼。命鴻祥所帶之兵。歸併他軍

風潮。設體育總夜。李督知之。委烈鈞北洋觀察員。令即日去滇。又命唐爾錕、劉顯治、由黔募兵。未及實行。而重陽之獨立旗。竟高插

管帶。限期十一日。將辦。汝於五華山頂。猗歟盛哉。是役也。定議分爲兩路。蔡鐸率步隊第七十四標。砲隊第十九

標。機關鎗第十九營。其幹部軍官。步隊第七十四標統帶羅佩金。管帶唐繼堯、劉存厚、

雷麟。砲隊第十九標統帶韓建鐸。管帶謝汝翼、庾恩賜、劉雲峯。機關槍營管帶李鳳樓

等。李根源率步隊第七十三標。其幹部軍官。李鴻祥、劉祖武、張開儒等。分定任務。根源

之軍占領軍械局、五華山、圓通山、藩使署、鹽道署、財政局、提學司署、機器局、龍元局、電

報局、大清銀行等。鐸所率之佩金軍。占領總督署、交涉司署、臬司署、糧道署、糧餉局等。

砲隊之謝汝翼。占領南門、大東門。庾恩賜。占領大小西門。劉雲峯。占領小東門。講武堂



監督沈汪度、與教官顧品珍、張子貞等。率領該堂學生、及陸軍小學生、測繪學生、並體育校生。開各城門。居間援助。約定初九日夜間三時起兵。乃北較場之步隊第七十三標第三營管帶李鴻祥。是晚八時分發子彈。爲反對隊官唐元良所覺。該營排長黃毓英等開鎗擊斃之。鎗聲隆隆。事遂不可遏止。適李根源已到。吹集合號。第三營全部出。第二營管帶齊世傑逃。隊官馬爲麟率其營兵出。俱集合於練兵場。該標統帶丁錦、人率標部衛兵。開鎗轟擊。第一營附之。管帶成維鐸。新雲屬私人。第三營兵傷二十餘人。死二人。排長劉增祐受重創。根源命王秉鈞撲標本部。丁錦逃。第一營鎗聲尙不絕。兵有懼心。避走壕塹中。根源命焚標本部以絕其望。誓必死。率全軍出。至蓮花池。宣示宗旨。時九時半。約期未至。講武堂生未來開城。黃毓英、蔣光亮、楊秀林、董鴻勳、盧燾等。率五十餘人。搭人梯越城。擊散守城兵。開門。兵遂入。根源聚隊分派占領各處兵員。自與鴻祥祖武率隊攻軍械局。至八省會館。收降巡防隊第四營。抵軍械局。說守軍使降。內伴諾。暗置機關鎗。出根源軍不意。開槍猛擊。死十餘人。根源下令猛攻。焚局門。穿地道。是時提學司署及虹溪試館火起。蓋借是爲號。使烏家壩各軍知之。速拔隊入城也。根源軍方至軍

械局。統制鍾麟同。總參議靳雲鵬。協統王振畿等。率輜重營、陸軍警察隊、機關鎗一隊。占領五華山之武侯祠、勞公祠。以機關鎗由後夾擊。李軍死數十人。覆屍枕藉。排長文鴻揆登梯。彈貫腦死。勢極危殆。幸兩級師範學堂有董鴻勳馬爲麟死守。射擊鍾軍側面。李軍終得不放棄軍械局。時已夜十二時矣。先是九時。蔡鐸等集於烏家壩。尙從容計劃攻擊方略。忽接督署及鎮司令部電話。謂北較塲兵變火起。速率隊入援云云。鐸等知北較塲已開始動作。遂由佩金集合步隊。汝翼集合砲隊。宣布反正大義。整隊入城。途中又見學署火起。并接報告。謂李軍入城。軍械局未下。蔡軍急趨入。就原議計劃布署定。時已夜二時。佩金以李軍兵單。派雷颺一營往助。命唐繼堯率該營猛撲督署。署內有機關鎗八挺。衛隊五六百人。力戰二時許。死傷三十餘人。不能前進。時雷颺占領江南會館一帶。砲標占領各城已畢。天將曙。砲隊開始射擊。彈中督轅圍竿。斷兩截。又中李經羲臥室。樑折屋傾。經羲已先逃匿於蕭巡捕家。

李之督署。夜間十時。出匿於幕僚陸邦純家。楊福璋云。是晚福璋在經羲側。當北較

場火起時。報稱爲首起事係李根源。經羲云。李根源我待他不薄。想不至如此。且他剛纔見了我下去。移時又接報告云。蔡鐸。福佩金。率兵入城。與李根源合。經羲曰。蔡鐸我曾以心腹寄之。決不至此。夜深。經羲遇次命人請斬參議。回報云。已不知下落。經羲倚椅是歎。

謂福璋曰。再研究。再研究。即是李根源要鐸福佩金等造反。必不害我。夜三時。鎗聲益急。署內秩序大亂。人聲鼎沸。經羲命福璋出。福璋遂出。未幾經羲亦由後門出。云云。（此福璋在軍政府談者。）是時巡防隊第二營。

據守圓通山。雷麟、何鵬翔與之鏖戰數時。死傷甚衆。敵軍不支。敗降。麟集全力助攻軍械局。鏢命謝汝翼率砲隊至。轟牆垣多處。終無效。用地雷爆炸之。破牆一口。汝翼率士卒舞刀由缺口入。殺守軍三十餘人。李謝雷軍死傷廿餘人。軍械局遂得手。時十一時也。移攻鍾麟同軍。鍾頑強抵抗。兩軍死亡甚多。李鳳樓率機關槍六挺來援。火力增猛。鍾負傷。軍醫局兵負之走。武侯祠破。五華山遂下。鍾至南城被擒。磔死。人謂麟同有丈夫氣概。可敬也。靳雲鵬於夜間三時左手負傷。去鍾潛逃。僞爲與夫肩空轎出城。十一日晨。乘演越火車走越南。王振畿左腿受創。逃。爲張開儒擒獲。解司令部。時楊集祥亦誘至。講武堂生彭肇康、范石生、叢槍擊殺之。愚與郭燦、黃彙在座。見殺人血光。此爲第一次。王朋比枉利。傾軋善類。死時太無氣骨。抱郭燦兩腿跪哭。求活命。楊居心險很。貪詐之尤。素爲良弼密探。均以反對革命爲能事。今正刑誅。人心稱快。靳窮凶極惡。較王尤甚。致稽顯戮。不能不歸咎於當事之疏於盤查也。新至海防來。善致孫少元。託看顧其愛妾。請資送北還。於彼之恩惠。李經羲、業師鍾麟同。至友王振畿。及其部下健兒。均無一語道及。愛妾北。京名妓。王振畿實贈斬者。在滿受書於孫雲清。如之門。故與之相託。佩金率唐繼堯、劉存厚、庾恩賜、劉雲峯軍。圍攻總督署。自九日夜至十日正午。猶未下。子彈將罄。軍械局破。得補充彈藥。督隊猛擊。於午後一時半。攻破入之。經義衛

隊降。全城大定。設司令部於江南會館。蔡李在焉。

下令整理軍隊。清查傷亡官兵。七十四標仍由佩金管理。七十三標由李鴻祥管理。

該營一營管帶任振開。二營管帶任馬為麟。三營管帶任...

出示安民。宣布獨立。

各種告示。皆孫種因一人所擬。殊覺草率。

照會英法

駐滇外交官。招安輜重。陸軍警察。巡防隊。並各標等逃散之兵卒。分派保管各衙署公

款案件。邀政商界要人。及地方重紳會議。午後七時。突有軍隊譁變。滿城鎗聲。徹夜不

息。十一日午前八時方止。是時鐔在總督署。懸大旗。稱正司令部。根源在五華山。兩級

師範學堂。稱軍司令部。午後一時。根源尋獲鐔。請鐔往五華山。取銷督署之正司令部。

設大漢軍政府於兩級師範學堂。

初十日晨七時。戰事正酣。根源招孫種因與黃漢至戰線。草擬告示。竟日在江南會館。筆不停揮。天將暮。忽警報云。巡防營兵變。張毅勾結七十三標第一營為

亂。此事確否。今尚未得真像。少頃。根源率敢軍官倉皇出。未片刻。鐔與殷承琳。唐繼堯。亦乘馬出。留劉祖武守之。未幾。四圍鎗聲大作。砲聲機關鎗聲亦起。孫不得已遁去。僅有機關鎗排長華封歌。率兵士數十人。機關鎗四挺。同守館門。孫在寓終夜繞屋。陪

俾不疑。不知蔡、李、羅等。究在何處。兵變情形如何。十一日午前十二時。乃悉鐔在總督署。根源與汝翼守軍械局。五華山。佩金守東南城。未幾。又知司令部設於兩級師範學堂。孫往。仍執筆政。時辦筆墨者鄭濤。李恩煥亦來。

是日。馬標

統帶田書年。

新雲鵬。私人。

尚未反正。該標教練官黃毓成。與其部下軍官趙寶賢、尹盛德等結

合逐走之。令率隊入城。工程營管帶韓鳳樓。亦率隊自乾海子來。晚間九時。鎗聲又起。

軍政府彈落如雨。窗櫺俱碎。延數時之久。

藩司世增。是日午間被彈。伏地哀求。當事憐之。送其武堂暫行看管。夜間兵變。諸傳關係李經羲。講武堂生恐世為患。鎗殺之。世滿洲人。

無能。

十二日。正法叛兵。及搶劫民財之亂兵十餘人。收繳槍彈。開拔各隊出城歸營。議

出兵西南兩路。又議準備出師四川兩粵。於是城中始得寧靜。十三日組織各機關成。辦理軍民各政。

漸有頭緒。

開放城門。任人自由出入。令各學堂一律放假。禁止各處招募兵勇。是日午間。紛傳蒙自道署心派兵抵宜良。前隊已至烏家。各高級軍官。悉出城布署。未幾。察悉係鐵路巡防隊來歸。非南防兵。出示教育官吏。願而籍者。准其領護照回籍。免滇蜀騰越鐵路之隨糧認股。雲南革命軍。歸功於楊振鴻倡始之力。本日發布布告。旌表振鴻功烈。諡曰忠毅。家族卹金三千元。並發布告旌卹陣亡各將士。

先是騰越有商人張文光。

陸防軍官彭夔、陳雲龍、李學詩等。於九月初六日起義騰越。兵徇永昌龍陵等郡。電至

省。復電任文光騰越鎮。兼統領騰永各軍。彭夔為永昌督帶。臨安則於十一日有步隊

第七十五標教練官趙復祥。聯合臨紳朱朝瑛。逐其標統。舉兵響應。蒙自關道龔心湛

令南防督帶孔繁琴與趙戰。復祥禦之。血戰一日。擊走其衆。生斬繁琴。龔懼與臨沅鎮

孔慶塘逃。

是時雲南鐵路公司股款。由湖北運至蒙自。號稱用十餘萬。分放地方兵匪。一臨逃時。令其部下員司、兵丁、衛役、任意取擄。銀幣元寶五十兩一錠。一人拿二錠。或三錠。重量已不可支。軍裝局之槍彈。亦自由分放。有人領取者。無論人

民或土匪。盡數發給。又募回勇數營。故蒙自喪失公款槍械。為數至夥。蒙自遂為復祥占領。省電任復祥南防陸軍統領。朱朝瑛為臨

沅鎮總兵。李日垓為蒙自關道。大理步隊第三十八協統領曲同豐。接省電與大理提

督李福興、鄉紳前四川臬司趙藩議決反正。電省響應。覆電任同豐迤西統領。准添募

一標。同榆標成一協。任藩迤西安撫使。兼騰越關道。致藩電極謙恭。鈞承職等稱學生

根源稱受業。開化接省電。各界均表歡迎。總兵夏文炳、知府石鼎熙。意存觀望。以龔心

進行動爲進退。巡防管帶余樹松、哨官吳鎮南等。以夏久不樹旗。遂起兵逐夏。圍攻鎮

府兩署。石自縊死。夏恃同鄉兵勇力。戰一日夜。余樹松敗走。吳鎮南死之。兵士死傷二

百餘人。居民死傷無算。逾二日。龔逃。夏插旗。電省反正。當事不究既往。仍任爲開化鎮。

鶴麗鎮張繼良。張安徽人。粗鄙極惡。招撫納賄。前在四川。劣跡極多。李經羲表弟。靳雲鵬私黨。在鶴麗劍招兵。由省領獲

新式槍二千支。運至祿豐。光復次日。派劉法坤率兵一隊。往途中截回。電撤張繼良。委

新卸總兵周彪署理。昭通鎮蘇掄元。普洱鎮馬文仲。迤南道方宏綸。方浙江人。貪污詐。宜置最富。及各

府廳州縣。暨各屬自治公所。均紛紛來電反正。富民縣知縣。竟以黃箋紙。繕成表文。勸進大位。又有作奏摺體者。稱大漢軍政府陛下。投降表者。形形色色。無奇不有。投効文及奏摺。三四日間。計收三百餘件。初十二三日。西南兩防情形未悉。命張開儒率一軍。急趨楚雄。聽後命

開儒兵行二日。曲同豐趙藩等電來。開儒住祿豐數日。回省。羅佩金爲南征總統官。率

一混成旅。討龔心湛。至通海。龔逃。巡閱蒙自。個舊等處。未幾旋師。城中官吏首先歸誠

者。巡警道郭燦。郭來時。大聲曰。我四川鐵路風潮起時。已主張革命云云。郭四川人。次臬司楊福璋。於大東門外臬署。書吏家搜獲。解至軍政府。根據以福璋尙不失爲前清好官。禮遇之。并昇以民政

司。勸業道袁玉錫。鹽法道毛玉麟。玉麟江西人。居官廉正。兵入鹽署。壁井求死。爲軍官郭泰中救免。雲南府周沆。光復之夜。兵入府署。沆越牆逃。跌入糞廁。幾淹死。

審判廳丞王未。王浙江人。官氣極重。聲名亦劣。人多欲殺之。次日逃去。檢察廳長張一鵬。實任大理提督劉銳恆等數十

人。趙雄府崇謙。廣南府桂瓚。順寧府琦瑞等。皆滿洲人。當事特電保護。照舊任職。迤東道魏家驊。蔡李深佩其學行。強之出。不應。護送之。

回籍。有工程營正目李繼藩等。劫家驊寓所。當事知之。置該正目等於法。交涉司夏偕復糧道曾廣銓。匿法領事署。借其力逃安南。

提學司葉爾愷。媚上凌下。摧殘學界。與地方結怨最深。爲講武堂生捕獲。羣欲致之死。

李根源終保全之人。多謂其過於姑息云。又唐爾毅、張毅、周抗、劉顯治、熊范輿、耿葆奎、咸擬殺之。以快人心。乃張、劉、熊、則爲銘保護。唐、周、耿、則爲根源保護。且俱擔任要職。

殊未解也。鄭聯德、葉如桐、江蘊琛、李訓政、謝宇俊等。皆漢吏中貪酷之尤。當事均保護不殺。尤所不解。經義長子李國筠。人稱小總督。機詐異常。並熊范輿同爲巡察者。

於陸宅床下搜獲。解至軍政府。次日經義由諮議局來書致蔡李。以三事相約。一可殺

不可辱。二保護其眷口回籍。三亦願爲之盡力辦事。次日蔡鐔、李根源與諮議局議長

張惟聰、段宇清等往見之時。三人跪地抱頭大哭。乃入居諮議局。步行過市。鐔參左手

根源參右手。經義面上淚痕未乾。人民觀者如堵。居數日。請去滇赴滬養病。蔡李等以

舊屬之故。始終禮遇未衰。送之出滇。經義在滇二載。人多稱其賢能。孫獨不敢苟同。終

以其爲滑官吏。僞名士。除做官要錢外。別無所爲。卽有幾篇奏章文告。爲時流傳誦。亦

不過其幕僚中幾輩文人。爲之點綴門面。假裝好官而已。餘事不暇舉。僅就今日人人

所聞見者。略述一二。以實此說。羅軍攻入督署。經義臥室有鴉片煙油數十缸。箱內有

黃金四條。上有同知胡思義謹呈字樣。

此為胡思義由蒙自縣升署個舊廳之賄賂。個舊為滇中第一肥缺。

賢者固如是乎。賊證確

鑿。醜態畢呈。經義究有何面目以見人。又有何說以自解免。經義存同慶豐銀四萬餘

滇民脂膏。

兩。臨行。政府批准交經義帶回。作養老資。政府另送銀五千元。全眷車費。均由公

備。乃至河口。不經政府允許。又由副督辦許九腕處。攜取公款三千元。經義出身世族。

官至封疆。丁此時勢。應毅然引決。

或者先宣布反正。

以一死存氣節。

滇中官吏。死者無一人。惟女子師範學堂監督雲南府學教諭張壽琴。於初十日服毒死。李經

鑑竟一敗官之不如也。

乃至於逃。至於降。已一錢不值。而猶貪此多金。不知人間尚有羞恥事否。一般

之信仰經義者。可以知所返矣。

經義行時。將雲貴總督印帶走。向之索取。云我至香港。尚有妻孥。攝政王。以丁我之責任。又其愛妾託人求富。代尋覓其珍珍手鐲。云此鐲係經義納彼時之定情

物。實價六萬元云。

此次戰役。最足令人感歎者。劉雲峯方患熱病。臥床旬日。將不起。是夜竟立疾

參與戰事。總督署即為其砲所擊燬。李根源率隊入城。跳城壕毀足。以兩兵參扶之。指

揮戰事不少輟。顧品珍率講武堂馬科生。與馬標兵。激戰於南城外。頭部負重傷。又下

級軍官。董鴻勳。徐時雲。包順健。何國樑。姚小由。張權等。均受重創。猶負傷力戰。卒完職

務。文鴻揆死極慘烈。次日收屍。周身如蜂集狀。計其所受槍彈。在萬餘粒以上。軍士戰

死百五十餘人。負傷三百餘人。

經軍。巡防軍。督署衛隊。死者二百餘人。傷者百餘人。

負傷者感法領事之惠。由法國醫院



爲之治療。醫士不足。又電安南總督派來四人補充。戰死忠骸。均營葬於五華山頂萬壽亭。當攻軍械局。戰事吃緊。李根源宣言。今夜戰死者得葬於五華山頂萬壽亭。一時士氣大振。死者相繼不少。今隨其言云。發喪之日。靈輓之多。爲世所罕觀。延長六七里。送葬者數十萬人。祝賀軍政府。敬弔戰死者之旗幟。輝煌金碧。掩映昆華。嗚呼壯矣烈矣。男兒生世上。不當如是耶。

### 雲南首義諸人革命以前略歷

蔡鐸。字松坡。湖南邵陽人。留學日本士官學校畢業。歷充廣西步隊標統。兵備處。教練處。講武堂總辦。雲南陸軍步隊第三十七協統領。

李根源。字印泉。雲南騰越人。留學日本士官學校畢業。歷充雲南講武堂監督。講武堂總辦。督練處參議官。

羅佩金。字鎔先。雲南河陽人。留學日本士官學校畢業。歷充廣西隨營學堂總辦。雲南隨營學堂監督。講武堂教官。督練處參議官。陸軍小學堂總辦。步隊第七十四標統帶。

殷承瓚。字叔桓。雲南陸涼人。留學日本士官學校畢業。歷充雲南陸軍第十九鎮正

參議官。參謀處總辦。

韓建鏐。字幼泉。河南人。留學日本士官學校畢業。歷充保定陸軍學堂教習。雲南陸軍第十九鎮正參謀官。教練處總辦。炮隊第十九標統帶。

謝汝翼。字幼臣。雲南新興人。留學日本士官學校畢業。歷充雲南講武堂教官。砲隊第十九標第三營管帶。

李鴻祥。字翼廷。雲南新興人。留學日本士官學校畢業。歷充雲南講武堂教官。教練處提調。步隊第七十三標教練官。步隊第七十三標第三營管帶。

唐繼堯。字蓂賡。雲南會澤人。留學日本士官學校畢業。歷充雲南講武堂教官。參謀處提調。步隊第七十四標第一營管帶。講武堂監督。

沈汪度。字石荃。湖南長沙人。留學日本士官學校畢業。歷充雲南講武堂教官。講武堂監督。

李鳳樓。字修五。直隸人。保定陸軍學堂畢業。雲南陸軍機關槍隊第十九營管帶。

張開儒。字藻林。雲南巧家人。留學日本士官學校畢業。歷充雲南講武堂教官。講武

堂提調

劉存厚 字積之。四川人。留學日本士官學校畢業。歷充雲南教練處提調。步隊第七十四標第二營管帶。

雷 颺 字時若。湖南寶慶人。湖南武備學堂畢業。歷充廣西陸軍小學堂監督。雲南步隊第七十四標第三營管帶。

庾恩賜 字澤普。雲南他郎人。留學日本士官學校畢業。歷充雲南講武堂教官。砲隊第十九標教練官。砲隊第十九標第一營管帶。

劉雲峯 字曉嵐。直隸人。保定陸軍學堂畢業。雲南砲隊第十九標第二營管帶。  
黃毓成 字斐章。雲南鎮沅人。留學日本士官學校畢業。歷充雲南講武堂教官。馬隊第十九標教練官。

劉祖武 字繼之。雲南昆明人。留學日本士官學校畢業。雲南講武堂教官。  
顧品珍 字筱齋。雲南昆明人。留學日本士官學校畢業。雲南講武堂教官。  
張子貞 字青圃。雲南太和人。留學日本士官學校畢業。雲南講武堂教官。

黃毓英 字子和。雲南會澤人。留學日本東斌學校畢業。雲南步隊第七十三標排長。河口之役。隨楊振鴻歸。振鴻死。往來滇緬間。經營革命最力。

杜韓甫 名鍾琦。字以行。雲南嵩峨人。留學日本東斌學校畢業。河口之役。隨楊振鴻歸。振鴻死。往來滇緬間。經營革命最力。

(以上省城)

趙復祥 字鳳階。雲南順寧人。留學日本士官學校畢業。雲南臨安步隊第七十五標教練官。

朱朝瑛 字渭卿。雲南臨安人。富商。

李曰垓 字梓暢。雲南騰越人。北京大學畢業。歷充雲南沿邊學務局總理。蒙自第二模範中學監督。

(以上臨蒙)

曲同豐 字偉卿。山東人。留學日本士官學校畢業。歷充保定陸軍學堂監督。雲南步隊第七十四標統帶。大理步隊第三十八協統領。

趙藩 字樾村。雲南劍川人。文章德望。全滇宗仰。歷任四川永寧道。按察使。告終養在籍。

張文光 字紹三。雲南騰越人。富商。楊振鴻黨。同盟會會員。

(以上檢騰)

## 追錄

楊振鴻 字秋帆。雲南昆明人。留學日本振武學校。陸軍測量部畢業。歷充雲南體操專修學堂監督。騰越巡防軍管帶。革命事洩。走日本。河口之役。歸至緬甸。創仰光光華日報。光緒己酉舉義。永昌不克。死之。藁葬蒲縹。

秦力山 湖南人。革命先達。美文學。入滇運動。居干崖。遇害。

張成清 字石泉。雲南騰越人。能文章。精英緬文。撰著頗富。緬甸亡國史載雲南雜誌。秦力山序文。久居緬甸。經營革命最力。黨人旅緬者多依之。光緒丁未發起死絕會。爲英人所忌。暗殺死。

王養石 四川人。留學日本東斌學校畢業。河口之役。隨楊振鴻至緬。又隨之入滇。死於干崖。

劉九疇 字範卿。雲南太和人。留學日本明治大學。雲南雜誌發行員。經營革命。嘔血死。

李烈鈞 字協和。江西武寧人。留學日本士官學校畢業。歷充江西陸軍管帶。雲南講

武堂教官。兵備處提調。陸軍小學堂總辦。主張革命最力。李經羲知之。斥之去滇。

方聲濤 字韻松。福建侯官人。留學日本士官學校畢業。雲南講武堂教官。主張革命最力。因聯絡桂蜀去滇。

趙康時 字濟侯。湖北鄖陽人。留學日本士官學校畢業。雲南講武堂教官。主張革命最力。因川調去滇。

呂志伊 字天民。雲南思茅人。留學日本弘文師範。早稻田大學政治科。同盟會發起人。

趙伸 字直齋。雲南嵩明人。留學日本成城學校畢業。雲南雜誌主幹。同盟會發起人。

席聘臣 字上珍。雲南昆明人。留學日本京都大學法科畢業。雲南雜誌總編輯。

張耀曾 字銘西。雲南太和人。留學日本東京帝國大學政治科畢業。雲南雜誌總編輯。

姜梅齡 字鼎和。雲南廣西州人。留學日本士官學校畢業。雲南雜誌總編輯。

## 騰越光復紀略

雲南光復之役。發難之地。一爲省會。一爲騰越。而騰越爲先。騰越建義以辛亥九月六日。省中以辛亥九月九日。實後騰越三日。省中首義。以統兵之將。節制之師。義聲所倡。人心先附。其事易。騰越以市井之人。糾合之衆。異軍特起。竟集大勳。其事難。省會光復。中外傳檄。本末具在。人皆知之。騰則僻在邊徼。交通梗塞。海內之人。知者蓋鮮。且恐因陳雲龍黃鑑鋒之亂。使騰越光復之事。遂湮沒不傳。他日卮史。何所徵信。更懼傳聞異辭。或乖事實。此亦邦人士之責也。故就耳目之地。存是非之眞。本我良心。以存實錄。亦如昔人所云。秦人不死。蜀老猶存。一字之誣。十手所指。庶幾直筆。以謝鋪陳云爾。

騰越革命之業。蓋肇端於楊振鴻。而成功於張文光。振鴻在滇中倡革命最先。經營騰永間最久。事不成而死於蒲縹者也。文光騰越人。少讀書不成。棄去經商。往來緬甸間。乃得稍稍覩世變。聞革命之說而心好之。又交振鴻餘黨黃毓英。杜鍾琦。馬幼伯輩。爲介紹入同盟會。蓋當清光緒末戊申之間。手散私財。陰結死士。嘗於騰永諸地。創自治同志會。以蓄其勢。辛亥三月二十九日廣州事起。風聲所播。文光怦然欲試。謀遂舉事。

騰中事猶未成。機械先洩。騰越關道耿葆奎。總兵張嘉鈺。將捕文光。并及文光之黨張鑑安、李治等。騰越廳同知溫良彝。與鑑安等善。力爲之解。文光跳而免。鑑安治等以溫之力。繳銷自治同志會證。其事遂寢。

八月十九日。武昌義軍起。文光於是潛歸騰越。召集同志。會於寶峯山之寶峯寺。糾合戍騰陸軍第七十六標第三營。及西防防軍第四五兩營。刻期九月六日舉兵。遂於是日午後七時。文光入南校場巡防第四營部。擊殺管帶曹福祥。陸軍第三營排長陳雲龍。槍斃該營管帶張桐。合兵入城。圍攻鎮署及軍械局。彭冀、方涵、李學詩、和朝選等。皆以兵來會。彭方、李和皆雲南講武堂畢業生。巡防營哨官長也。總兵張嘉鈺指揮兵士拒戰。不支。吞金自斃。文光率兵轉攻道廳署。護西道宋聯奎請降。廳丞溫良彝逃匿民間。城中遂定。良彝廣東鶴山人。聯奎陝西長安人。文光以其在官有循吏名。留之不得。資送之出緬甸。

始事之初。文光與各軍約。申紀律。禁剽奪。違者以軍法從事。故軍興之際。城中安堵如故。其軍中約曰。民軍擅入人家者殺毋赦。民軍搶奪人民財物者殺毋赦。民軍姦淫民



間婦女者殺母赦。妨害外國人生命財產者殺母赦。光復之夜有所布告。皆自署發起人張文光云。初八日始稱滇西軍都督。以九星爲旗幟。以黃帝紀元。致書英領事館。稅務司。耶穌教堂。勿驚恐。任保護。並約稅務司照常辦公。英領先以事至密止那。未在騰。稅司終懷疑懼。請派兵護送回緬。至弄璋街駐數日。見騰中秩序尙整。仍返騰城。並得緬政府不干涉民軍之約。

民事機關。設財政局。張映寶、張鑑安、筦之。裁判局。寸開泰、趙勳太、筦之。警務局。李治、陳廷楷、筦之。參議處。團練處。則任鍾春芳、寸尊福、張文連、林春華、盧占魁、張德洋、楊連錦、曹琨、寸品昇、金殿書、王百雍、張映芳、蔡盛昌、楊炳興、李時純、陳廷標等。銀行稅關。則任明瑞元、許佩、董友芳、楊大炳等。秘書。則唐璆、黃國治、張洪綱、陳鑑明、章純學、及之騏等。參謀處。則馬登瀛、和朝選、郎保泰、陳廷員、任宗熙、楊大森、祝宗雲等。大率皆地方士紳。或負時望者也。軍隊除原有之各營外。添募六營。及士林隊一營。蠻允之第六營。古永之第十一營。及隴川之綏邊營。野人山之保商營。並緝私營。均先後來歸。

初十日、龍陵軍哨官長張定甲、李槐、殺其管帶。降其廳丞。以兵響應。願受節制。時省城

尙未光復也。乃於初八日分兵爲三路。彭冀率方涵等營出永昌。李學詩率李干櫓、宋寶奎、李光斗等五營出順甯。劉得勝率一營出雲龍州。期會於大理。十六日彭冀入永昌。管帶羅長庚抗拒。該軍鎗殺之。保山縣知縣毛汝霖亦自殺。二十二日李學詩入順甯。劉得勝經高黎貢山上江收撫六庫、老窩等梗。魯掌、卯照練地各土司。二十四日入雲龍州。是時騰軍所占者爲騰越、龍陵、永康、永昌、順甯、雲州、緬甯、雲龍諸郡縣及沿邊各土司也。

永昌爲騰榆間一重鎮。城中雖定。四境盜賊蠭起。不可無人鎮攝。始以彭冀爲永昌軍統領。兼筭民政。出大理之軍。以陳雲龍爲都指揮。雲龍庸妄驕張。治軍無紀。又信任錢泰豐、劉竹雲、張文煥、杜文里等。增兵至二十餘營。錢起兵卒。劉、張、杜則出哥匪。一時雜沓並進。兵卽匪。匪卽兵。各自號一軍。無所統紀。後之糜餉擾民。阻兵肇亂。幾幾不可收拾。實基於此。

九月初九日。陸軍第三十七協統領蔡鐸。講武堂總辦李根源等。舉兵省會。總督李經羲逃。情統鍾麟同伏誅。蔡鐸爲正司令。李根源爲副司令。十二日電至永昌。戍永陸軍

教練官郭齡昌匿不發表。且與羅長庚積不相能。徑率所部返榆。渡瀾滄江。毀橋梁。斷電線。故彭莫軍入永。第知省垣光復。而榆永之間。交通中斷。反正與否。未得其實。陳雲龍率兵東下。至瀾滄江。修橋既成。兵始得渡。時已九月廿六日。廿九日抵曲洞。永平縣知縣蔣樹本乞降。雲龍任之爲總參謀。兵事愈壞。是時迤西巡按使趙藩。大理陸軍協統曲同豐。聞報乃電來告以大理反正。無啓兵端。而省中亦連電來。謂大理已定。省中兵力甚厚。騰軍勿庸東出。宜速率隊返永昌。以守騰永諸郡。一切餉需。省中願爲擔任。文光得電。亦命雲龍駐師永平。聽候與省協議。不可冒昧前進。而雲龍專信蔣樹本之言。必欲入榆。遂不受命。雲龍所部。亦不聽雲龍令。紛紛東下。樹本復請自効。率永平無賴千人。逕取蒙化。雲龍至漾濞。先鋒隊劉竹雲已抵平坡。所至騷擾。十室九空。大理始舉代表周霞馬驥至合江會雲龍軍。謂必欲入榆。請單騎以進。復邀騰軍以代表數人入榆協商。而騰代表至榆之日。蒙化已爲蔣樹本奪取。大肆燒殺。榆軍聞警。遂以兵出合江迎戰。至四十里橋。與陳雲龍軍遇。戰於合江平坡漾濞間者三日。陳軍死三百餘人。大敗而奔。始收軍於太平鋪。蔣樹本亦爲蒙化鄉兵所敗。戰費既啓。騰永皇皇。榆軍

是時又會有軍官相殺。協統曲同豐出走。兵心驕恣。城中亦騷然不靖矣。

先是省中得報。乃推軍政部總長李根源爲陸軍第二師師長。兼迤西國民軍總司令。節制文武官吏。專任西事。根源首電文光。激以大義。亟弭兵爭。文光及諸路軍隊。各方紳民。復電極表歡迎。根源騰越人。素負鄉邦之望。文光亦敬慕之。彭莫、李學詩、劉得勝等。又皆其門人。故聞其來。羣知西事易於和解也。途次。電文光。亟將陳雲龍撤回。文光乃命馬登瀛和朝選。星夜至陳軍。說雲龍退師永昌。於是永平以東無騰軍矣。根源既任西事。民心漸安。惟抵騰猶未有期。陳雲龍、劉竹雲等。旋軍騰永。驕蹇自恣。兵衆至二三萬人。民間一日數驚。文光心憂之。而不能制裁。幸得永昌彭莫、方涵、騰越杜雲山、耶保泰及士林隊各營。陰爲維持。得不譁變。然餉糈已不濟。不得不本革命方略。按戶籍捐派。自舉兵至終事。民間輸助。蓋數十萬。財用不足。又發紙票。名軍用票者是也。

十月廿七日。根源至榆。文光派代表張文運、文光胞兄張鑑安、林春華、李治、楊毓銑、和朝選、楊發銳、劉品三、及之騏等九人。赴榆歡迎。並議善後事宜。根源提出九事。(一)裁汰兵勇。除順甯李學詩、雲龍州劉得勝兩軍另行辦理外。騰永只留七營。其被裁之軍餉及

恩餉。均由省城擔任。(二)停止捐派。(三)設官置吏。軍隊不准干預地方政治。(四)所有騰軍收入用出之款。須逐款臚列。通告全省父老子弟週知。(五)軍用票即日停發。其已發出者限期收回。收回之款。由省城擔任。(六)禁運海鹽入境。(七)將劉竹雲、張文煥、杜文里、王元等。交案審訊酌辦。(八)除留七營外。所有裁撤各員弁。飭其到省聽候委用。或隨師司令部差遣。(九)騰永人士。公推多人。到省城都督府各部各司等處。共同辦理一切庶政。(附件)除會議專條外。該裁留七營之餉糈。並獎賞費。與慰賞在事出力人員。均由省城擔任云云。代表電騰。文光覆電。一一承諾。並電榆堅請根源到騰。一切受約束惟謹。根源電省請授文光協都督。騰永順各軍。歸其統轄。並委彭冀李學詩等爲諸路統領。又任張鑑安、李治、林春華、張文運、張映寶等以府縣知事。事粗定。乃以十一月廿八日自榆出發。時南京政府已成立。臨時大總統孫文已就職。宣布改用陽歷。騰軍行慶祝式。四境歡呼。有除舊布新之象焉。中華民國元年二月一日。根源至騰越。首下令停捐派。裁兵三十餘營。改騰越廳爲騰衝府。簡任官吏。整飭自治。收軍用票。清財政。置張文煥等於法。升獎軍官之光復出力。及能保安地方者。

騰軍以駐騰越者爲最多。永昌次之。根源與文光初定議。先裁騰兵。乃調永昌兵入騰。以次裁之。先根源過永之日。已留彭莫守永昌。監其軍。會彭莫遣錢泰豐難死。城中軍最强者爲黃鑑鋒。鑑鋒與城中匪通。於二月十一夜焚數百家。大出劫掠。大理陸軍駐城中者。亦陰與通。故難作。騰中皆爲震動。根源文光始佯慰其衆。給恩餉解散之。仍誘黃鑑鋒戮之。騰越並逮大理軍大隊長王太潛等。按其罪於法。撫卹永民之被禍者。復以嚴法治匪勇百餘人。自是兵患以息。匪風以熾。而人民得安枕矣。

騰越千厓土司刁安仁。平日頗懷異志。未發。聞文光起事。則揚言騰有匪亂。將率土人出。後見事已定。又號都督公。轉而索文光餉械。且強發紙幣。得資無算。又據迤西道署焚燬案牘一空。更藏禍心。煽惑西南諸土司叛漢。自王。嗾使刁上達據永康州。殺官吏。引外夷兵爲亂。永康界緬甸。且啟邊疆禍。文光乃使永昌軍彭莫平之。後刁上達敗逃耿馬。根源密檄順寧府張漢皋捕得之。戮於永昌。刁安仁自永康亂平。遂內自恐。亟出緬甸南去。爲南京司法部逮囚獄中。故邊境幸得無事云。

騰榆軍興之際。又有杜文里。爲哥老會人。合羣不逞之徒千餘人。假號騰軍。自永平掠

曹澗、據嗽鷄鳴井數日。巡按趙藩遣兵擊走之。然俱不詳文里何人。亦有以爲騰軍口實者。會文里遁回永昌。文光誘至橄欖站格殺。其事始明。紛擾之際。假竊名號者。往往而有。倉卒不察。遂啓嫌猜。亦當事者所宜鑒也。

騰軍三道之師。陳雲龍既違節制。啓兵禍。幾使騰軍胥受惡名。誠無可道。故當其旋軍至騰。嘗畏罪不自安。聞根源抵永昌。遂隻身出緬甸去。後至北京。爲陸軍總長段祺瑞逮捕殺之。然聞其罪狀。乃以殺張桐故。桐祺瑞門生。而舉義之夕。以梗命被殺者也。則亦無以當其罪。厭其心矣。順雲兩道。李學詩劉得勝主之。得勝保安地方。頗得民心。而學詩力平譚匪洪鑫之亂。民賴以安。又能協和守吏。裁遣兵勇。始終無事。亦有足多者。云（後學詩以順雲協副將。調補維西協副將。出征巴裏塘。屢著戰功。西事大定。文光以協都督調任雲南提督。移駐大理。後中央錄光復功。授中將銜。陸軍少將。並給予二等嘉禾章。騏又按辛亥之秋。義師颺發豪傑之士。乘時蠱起。提一旅卽號將軍。略一城卽開幕府。後雖稍稍削跡。計一省之地。都督之外。號稱軍政分府者。所在皆是。及大勢粗定。乃議合併。而締約遣使。隱若敵國。甚或怙勢不下。日尋干戈。久而後定。若此之難。

也。騰越發難最先。而合併獨早。當事未定。亦有建軍政分府之說者。卒屏不用。以去畛封。雖還定安輯者。根源之功。而文光激於公義。不怙權勢。降心相從。終始無間。亦當世之所難。而不可沒者乎。中間以陳雲龍之故。啟騰榆兩軍之鬩。良足深惜。然以是之故。得所藉手。遂能蕭勺羣慝。澄霽大勢。根本之計。實開於此。小懲大戒。其在是乎。其在是乎。此亦求治者之所徵也。故又表而出之。中華民國二年癸丑夏四月求牟山民曹之騏述。

清廷又下詔罪己。諭資政院議憲法。并諭取消黨禁。

九、九月十二日 漢口失守 湖南兵變殺焦陳 舉譚延闓爲

都督 湘軍援鄂

十二日晨。黃興卽命漢口各隊仍在後隄至玉帶門一帶防禦。又派查光佛、通知甘績熙、楊傳連、伍正林、防禦張美之巷附近。

是日午前七時。清軍在歆生路劉家花園一帶。專用砲隊射擊。并以砲隊向漢陽兵工廠及武昌都督府射擊。故意擾亂。一面仍在漢口市街節節縱火延燒。是日午後一時。清軍



派一部步隊與機關槍由王家墩附近。繞至玉帶門以北。向民軍左翼攻擊。行至距玉帶門六七百米達之地。民軍預備隊及敢死隊潛繞清軍右側散開。向清軍側擊。旋吹衝鋒號。於是黃興命各隊齊出向敵衝鋒。清軍係一小部隊。即往後速退。民軍向之追擊。清軍復以砲火向民軍追擊隊猛射。民軍仍退回原陣地防禦。

是日漢口市民陸續搬遷。民船僱盡。唯火頭隨風所扇。愈焚益烈。至晚間市民漸漸遷盡。於是民軍與清軍彼此均以火爲界。各守防禦綫。專用砲戰。

是日午後六時。黃興即命各隊仍佔領原陣地防禦待援。如萬不獲已。即漸漸退至漢陽沿襄河一帶防禦。黃興吩咐後。即令宋錫全到漢維持。黃興即返武昌。與黎都督會商。以後湘軍來時應敵之策。於是軍政府即召集緊急會議。大眾集合時。黃興即主席宣言。特略述之於左。

一、兄弟前日來鄂。即往漢口督隊。意欲反攻。恢復漢口。不料各隊新兵最多。秩序不整。頗難指揮。

二、軍官程度太低。均不上前指揮。至戰時因與兵士穿一樣服裝。辨別不清。亦極複雜。

三、各隊戰鬪日久。傷亡過多。官與兵均已疲勞太甚。毫無勇氣。且一聞機關槍聲。卽往後退。

四、兵士中在武漢附近所招者甚多。一到夜間。卽潛回其家。以致戰鬥員減少。各軍官因倉卒招募。亦無從查實。

五、民軍軍火。全在步槍。無機關槍。一與敵接近。卽較敵人損傷較重。民軍砲隊。又係山砲。子彈射出。又不開花。且射出距離太近。不及滿軍管退砲効力之遠。

六、查滿軍俱係北洋久經訓練之兵。秩序可觀。亦善射擊。唯衝鋒時不及民軍靈敏。故每聞民軍衝鋒喝殺聲。卽往後退。此民氣之盛。可恃者僅此耳。

由此以觀。漢口若無湘軍來援。恐難保守。依兄弟之意。俟湘軍到後。再圖恢復可也。是時大衆聞黃興之言。頗以爲然。於是大衆望湘軍之來甚急。一面準備固守漢陽。及武昌根本。同時大衆又商議分電各省。已響應者。均派兵來鄂援應。未響應者。仍促其響應。少頃。居正、田桐。卽邀請一般同志復開秘密會議。由居正提議。擬公推黃興爲湖北湖南大都督。其中有一般同盟會同志極力附和。其時吳兆麟卽說明當時情形。萬不可發表。

以啟紛爭。又云黎元洪雖非同志。但在湖北軍界資深望重。此次大衆公舉其爲都督。并非黎之本願。且起義時大衆說他渾厚。外人均依其名義。認民軍爲交戰團。各省陸續響應。羣來電推崇。頗表敬仰。若一旦將其推倒。中外必生疑團。視我輩有爭權利之嫌。不顧大局。此不可者一也。黃陂（黃興舊號）爲革命巨子。海內皆知。此次來鄂。大衆皆爲愛戴。如趁此在湖北立功。將來達到革命成功目的。再由同志公舉爲全國首領。前途遠大。天下歸心。區區都督虛名。又何足計較。此不可者二也。前日黃陂抵鄂時。已由大衆公推爲總司令。由黎都督命令發表。是黃已在黎下。忽以大都督名義節制黎都督。在黎原無可如何。如有人代鳴不平。豈不立起內爭。此不可者三也。若黃之大都督發表後。黎如辭職。屆時各省及外國人羣來質問。我輩如何答復。卽云我輩公意。當此軍書旁午之際。致令主將辭職。授敵以隙。各方必疑我輩不能容物。好惡偏狹。此不可者四也。進而言之。湖北軍人中同志。此次倡義。自擁黎登場後。對黎絕對服從。以表示一德一心。只知殺敵。不問權利。因與黎發生好感。若一旦更換都督。大衆頓生疑慮。必不安心。且與黎接近之人。藉此挑撥惡感。頃刻卽發生危害。反令黃陂面子不好。此不可者五也。目下大敵在

前清軍時派間諜偵察民軍缺點。并圖煽惑軍心。因民軍舉動文明。民心又協力一致。清軍無隙可乘。如民軍內部發生變化。是與敵以隙。自取敗亡。回憶洪楊之在南京。奄有天。下。僅北京一隅。爲滿清所據。當時洪楊勢力不可謂不雄厚。人才亦不可謂不衆多。卒因權利之私。自相殘害。以致功敗垂成。清廷喜之。遂云要知清朝江山穩。除非賊殺賊。此語成爲漢族遺恨。我輩同志。此時應以洪楊之敗爲戒。此不可者六也。總之。此時急宜團結軍心。維持現狀。不可更張以生內亂。我非反對黃蘆午之爲大都督。實情勢有所不許也。望大家同志務以大局爲重。謹慎從事爲幸云云。吳兆麟將以上情形解釋後。其中有與黃接近之激烈分子楊王鵬等。不以爲然。謂江西革命軍始以吳介璋爲都督。繼以馬毓寶。亦未見中外人質問。與其內部反對。且湖北反去電歡迎。況我輩公舉黃蘆午爲大都督。於黎之位置原無妨礙。試問將來推倒滿清後。中國不舉大總統乎。豈以各省之有都督。卽算完事耶云云。吳兆麟曰。各有情形不同。湖北是首義之區。關係全局。所以各省皆以湖北爲重心。外人僅照會湖北爲交戰團。與他省之大小輕重有不同耳。吳楊辨論未終。而宋教仁卽云。此事不過徵求大衆同意。原無成見。蓋因黃蘆午實行革命多年。聲望

甚好。諸同志擬推其爲首領。藉以號召。以達迅速成功之目的。并無他意。我們初來湖北。對於湖北軍隊情形不熟。既有利害衝突。即作罷論可也。於是大衆復擬舉黃興爲戰時總司令。所有各省軍隊均聽其節制調遣。并效漢劉邦聘韓信爲大將故事。請黎都督聘黃興爲總司令。登壇拜將。以鄭重其事。使各省來鄂軍隊均聽指揮。以便作戰。大衆均以爲然。遂將此舉請黎都督照辦。黎頗表贊同。遂擇定九月十三日吉期。行拜總司令禮。是日湖南兵變。殺正副都督焦達峯陳作新。卽公推譚延闓爲都督。先是湘撫余誠格聞武昌起義後。卽將長沙新軍盡調駐外縣。以防其變。又與黃忠浩秘商。將巡防兵調入長沙省會。自焦達峯佔長沙。余誠格逃。斬黃忠浩。而分駐各縣之新軍。於是又調返長沙。初梅馨之歸自益陽也。焦達峯令率其衆由株萍鐵道攻贛。因斯時南昌尙未響應故也。馨言須休息半月。然後出師。達峯不可。又言至少須八日。亦不從。且曰。不從令者死。於是梅馨只得應之。及歸營。乃集將士言其事。因激怒之曰。今滿清之運命不可知。而達峯起於會匪。不諳兵事。吾曹至省。喘息未定。卽令出攻江西。吾要求半月成行。不可。乃欲治吾以軍法。吾非畏死不能革命。第憫吾士卒之勞。且羞爲之下。彼必迫吾行者。吾當手刃之。以

救湘人如何。皆不應。馨恐其士卒離心。或已附焦也。因內悔。遽嚙舌而吐曰。予病。衛士扶以入。諸將亦散。會達峯以讒言遽撤梅標統。其三營十二隊之長悉更以己所親信。於是衆乃大譁。相率來見統領。而梅皆不見。曰。病甚。不可以風。從醫令拒客。祈諸君勿怪。衆益恐。有楊子玉者。獨披帷入見。曰。前統領有命。而吾輩勿行者。未知決心如何耳。今事急。當唯命。馨聞。蹶然起曰。汝曹能從老子令乎。必從吾令。可卽發。子玉卽當携一隊往和豐公司門外挑釁。陳作新淺人。必自來彈壓。卽誅之。並携其首入北門。吾自携餘衆由小吳門又一村而衝都督府。則達峯首級可得。從之。楊子玉以衆至和豐公司門外。小有刼掠。作新往諭以軍法。子玉誅之。達峯都督府無守衛。梅馨兵至時。有陳副都督於北門外落馬者。達峯方握劍乘馬以出。梅馨遇之於門。卽揮衆斷其首。而陳作新之首亦至。譚人鳳。譚心休。閻鴻飛。曾傑。陳樹人輩皆逃。於是衆議舉梅馨爲都督。馨固辭不肯。余欽翼獻策曰。今舉都督。非資望不能服衆。梅馨既不爲都督。則吾輩軍人皆無一可者。如吾意。則莫若選文治派中如諮議院院長譚延闓輩爲之。諸君以爲何如。皆曰善。梅馨曰。誰可使者。余欽翼曰。某能。於是往迎延闓。延闓拒弗納。前鋒將火其門。譚氏懼。啟而納之。時延闓猶匿

不見其母出。頓首於諸將之前曰。吾子與諸君非有宿惡。何忍見害。衆告其謀。弗解。惟涕泣叩頭如故。余欽翼百般安慰之。延闈尋出。亦痛哭不已。余告以推爲都督之意。不允。乃強之同入教育會。衆軍望見大喜。拍掌如雷。議投票選舉。旣而譚延闈得多數。於是乃強之就職。譚亦無可如何。入府門。涕猶潺湲不止云。

是晚宋錫全與林翼之及漢口劉英帶至之團防兵士皆潛逃。卽由甘績熙查光佛等到武昌報告黎都督。謂宋錫全在漢陽封民船多隻。搜索洋元二十餘萬。林翼之亦在漢口搜索款項不少。均已遠颺。漢陽空虛。而在漢口各隊兵士亦潛逃不少。恐漢口漢陽頃刻莫保。幸清軍爲火所阻。不能進攻。漢口尙有一綫生機等語。軍政府得此報告。極爲恐慌。於是復召集緊急會議。遂決定以蔣肇鑑爲第一協協統。卽令其到漢陽集合所有隊伍。暫時防禦。一面招募新兵補充足額。又一面令胡效騫之一標趕赴漢陽警戒。并保護兵工廠。但漢口各部隊暫令熊炳坤維持。以上處置規定後。大衆有主張放棄漢口漢陽者。又謂決不可棄漢陽。以免漢陽兵工廠資敵軍者。又有謂不可速棄漢口。免湘軍來鄂進攻不便者。一時議論風生。各陳利害。唯黎都督對於一切大事。向無主張。是時吳兆麟楊

璽章及參謀部全體人員力爭。主張以全力固守漢陽。并謂戰事緊急。設無兵工廠。子彈槍枝均無來源。縱有援兵。徒手無益。且漢陽大別山能瞰制武昌。若滿軍佔領大別山。以砲隊轟擊武昌。豈不束手待斃。請都督立將軍政府。遷至漢陽。藉以鎮攝大局。該處依山帶河。衆志以爲城。襄水以爲池。萬一不幸。與漢陽偕亡。亦天之厄漢族也。云云。大衆遂決定固守漢陽。待援。都督亦不遷移。當派吳兆麟率參謀數人到漢陽。指示各部隊。布置防務。是晚軍政府諸同志對於宋錫全林翼之潛逃。極爲憤懣。勿論如何。非捕獲處以死刑。以警其餘。不可。旋得偵探報告。謂宋錫全逃往湖南。林翼之逃入襄河等情。當由黎都督致電長沙。請譚延闓都督設法。將宋錫全捕獲。後果在岳州被譚延闓派兵拿獲。并將其子彈武器金錢一律沒收。電知武昌軍政府。黎卽去電將宋錫全正法。林翼之隱匿襄陽。及共和成立後。託人求情免咎。既往。然後安居隨州故鄉。欲有所謀。反民國軍孫建業駐紮該處。誣其通匪。遂被槍斃。亦可爲不忠於民國者戒。

是日湖南衡州府爲革命軍光復。

同日江西南昌省城新軍響應。城守巡防水師各軍概懸白旗。手紮白布。并公推清撫馮



汝駭爲大都督。如馮不就。卽舉協統吳介璋。又公推諮議局副議長葉先圻爲民政部長。如葉不就。則舉劉起鳳充任。旋九江軍政分府馬統寶帶兵入南昌。馮卽辭去。

是日黃興見漢口已有十餘處起火。風猛火烈。極爲愁慘。遂亦不便往漢口。仍囑在漢口軍隊忍耐支持。然清軍兵力究亦有限。亦未進攻。徒以砲隊向武昌漢陽威嚇。但自倡義以來。大戰已經兩旬之久。民軍與武漢市民。見砲火射擊。已屬司空見慣。不甚恐怖。軍政府仍令漢陽兵工廠開工。各機關照常辦事。藉資鎮靜。一面在漢陽趕做堅固防禦工事。是日民軍在漢口各部隊。見滿軍縱火延燒。已成燎原之勢。市民俱已遷徙淨盡。一切糧秣給養。極爲困難。陸續向漢陽退却。利用襄河一帶天險。以爲防禦。茲將是日退至漢陽軍隊揭示如左。

一、步隊第一協。協統蔣肇鑑。其兵力約一千餘人。防禦兵工廠。

二、步隊第四標。統帶胡效騫。其兵力約三營。共一千二百人。防禦漢陽黑山割絲口一帶。

三、步隊第四協。協統張廷輔。其兵力約兩標。共兩千人。防禦漢陽南岸嘴至兵工廠一

帶。

五、步隊第五協協統熊炳坤。其兵力兩標約兩千六百餘人。防禦漢陽十里鋪鍋底山一帶。但派有一部警戒琴斷口三眼橋。

六、砲隊約山砲兩營。以一營在大別山（即龜山）以一營在黑山。歸曾繼梧指揮。

七、工程一營。管帶李占魁。分配步砲隊構築防禦工事。

以上各隊既退至漢陽。歸黎都督特派吳兆麟到漢陽指示防禦區域。令各隊分段守之。一面構築工事。一面整頓隊伍。一俟湘軍開到。即行換防。雖各隊疲困萬分。然對於防務。仍熱心盡職。吳兆麟即將以上防禦配備情形。繪圖說明。報告黎都督。黎都督立即傳知各隊。務嚴行防禦待援云云。

所有各隊除第三協仍在原地防禦外。其餘均在武昌補充編練。

是晚接嘉魚縣來電。謂湘軍第一協已抵嘉魚。明日可抵武昌。其第二協亦可續到云云。同時又接偵探報告。謂清軍均集中漢口劉家廟至橋口一帶。

又接報告。謂袁世凱已抵孝感。在各車站遍貼安民告示。并運有重砲數門至漢口。及架

橋材料等件。

同日袁世凱又令劉承恩函知黎都督。言和平辦法。大眾主張仍不答復。俾免中漢奸之計。

是日民軍與滿軍在漢口各隊伍。爲滿軍縱火後之大火所阻。未有戰鬥。黃興亦未往漢口。即在武昌與宋教仁等磋商組織司令部事。

是日接山西來電。謂清廷業派吳祿貞爲山西巡撫。吳祿貞已駐石家莊。黎都督當覆電請其阻止。并速出兵以斷清軍後路。又電吳祿貞請其爲漢族四萬萬同胞盡力。吳祿貞乃日知會會員。實行革命者。當覆黎一電以表同情。大眾聞之甚喜。故漢口雖受清軍之焚。而各方革命消息極佳。軍政府頗抱樂觀。

按漢口之戰。民軍雖受挫折。而戰畧上已獲莫大之勝利。所以者何。蓋民軍當日所慮者。誠恐清軍以海軍掩護。由青山以下渡江進攻武昌。若武昌不守。則民軍失根據地。漢口漢陽自不戰而亡。無如清軍暮氣甚深。漢奸行動。早爲全國人心所不容。卽抗順之袁世凱。亦毫無把握。自儉以下。不問而知。其不暗渡武昌專攻漢口者。乃天奪漢奸。

之魄。使之昏迷。民軍雖失漢口。卽令繼失漢陽。原無損乎毫末。且民軍作戰。利在持久。一可以作各省同志籌備光復之氣。一可以待隣封同志精銳之來援。況漢口有極大市街。依托掩護。逸以待勞。持久之力。明如指掌。加以劉家廟初次開戰之役。民軍大捷。士氣極旺。全國人心。爲之大快。清軍敗退。極形恐慌。後雖來襲。不敢猛進。其膽旣怯。其心已寒。設當時民軍以守爲攻。不圖急進。抱定持久戰之計劃。漢口穩如金湯。卽漢奸袁世凱亦不敢出山。天下傳檄可定。亦未可知。但民軍失敗原因。不可不細爲推究。一爲姑息養奸。不肯將抗順之海軍擊沉。致於大捷之後。三道橋以南之堅固防禦綫。受海軍側擊。壯敵之氣。二民軍雖勇銳無匹。而戰器不及滿軍之利。因缺乏機關槍。又無管退砲。棄險攻人。徒招損失。三民軍大將謝元愷。蔡德懋等。攻敵陣亡。以致各隊軍官寒膽。新軍無人維持。四自驕輕敵。取敗之由。民軍初勝。一鼓作氣。新集之兵。不教而戰。專取攻勢。不顧防禦。而不知兵之同志。從中鼓噪。不知危急存亡。徒死無益。新兵又無秩序。何以勝久練之師。五蔣翊武等任意擴充勢力。求遂其私。以致軍中日益紊亂。老兵分散。軍隊愈多。則指揮力愈薄。甚至擴充軍隊。毫無限制。以新兵充軍官者有之。種

種缺點。不勝枚舉。設非各省響應。派兵援助。僅湖北一省之力。滿清孽數。尙不知何日能終也。

是日黃興卽在武昌組織戰時司令部。其部內設參謀副官秘書三處。設偵探間諜兩科。以李書城爲參謀長。以曾昭文爲副官長。耿觀文何成濬等爲副官。以田桐爲秘書主任。總計該部有職員百餘人。一俟登壇拜將。卽往漢陽指揮作戰。

同日午前十時湘軍援鄂第一協統領王隆中。及第二協統領甘興典。各率步兵一協抵武昌。黎都督派員率軍樂隊到文昌門外江干迎接。王隆中協暫駐城內兩湖書院。甘興典暫駐城外平湖門乙棧。及附近各營房。當時湖北人民對於湘軍特別歡迎。格外優待。城內外百姓。均放鞭砲迎之。黎都督犒賞軍需物品及酒肉等類甚多。少頃王隆中甘興典二協統至軍政府謁黎都督。黃總司令。及一般倡義同志。歡聚一堂。精神奮發。黎都督向王甘二人曰。貴湘軍在國內素有威名。百戰百勝。此次來鄂作戰。軍政府極表歡迎。先請固守漢陽。則漢口不難恢復。指日大功告成。滿清消滅。論功行賞。貴統領必得千秋萬世之光榮。此次武昌倡義。軍隊不多。不得已擴充數協。但時間急迫。不及訓練。驅之作戰。

形同心合。軍容不整。指揮困難。加以戰鬥太久。極爲疲勞。死傷頗衆。目下兵數缺額太多。擬請貴軍明日赴漢陽接防。以便將久戰之軍。另行補充編練。再圖合攻漢口之敵。望貴統領等轉告各部屬。務齊心努力。奮勇立功。無任盼禱云云。王隆中甘興典等極謙恭答謝。并與諸同志一一周旋。卽回營。具領子彈及軍需物品。準備出發作戰。

湘軍既至。黃興喜形於色。以爲恢復漢口。擊滅漢奸。可以犁庭掃穴。立功竟志。而一般同志精神更爲之一振。亦謂湘軍有勇知方。雖洪楊時代。不明種族大義。代滿清成中興之業。今既覺悟。區區清軍。何難撲滅。故一時武漢人心皆爲之安。

入寇漢口之滿軍。聞湘軍既抵武昌。加以黃興威望。中外咸知。甚畏懼之。清軍遂皆不敢輕於進攻。僅於黃孝以南至漢口一帶各車站。增加隊伍。在漢口構築防禦工事。以防湘軍之進攻。若湘軍固守漢陽。以守爲攻。而吳祿貞嚴於自衛。不被袁世凱暗殺。以斷清軍後路。則斬漢奸袁世凱之頭。以定天下不難也。

是日袁世凱又命劉承恩函達黎都督。謂項城宮保願和平了結。不欲再戰。徒使漢人吃苦。重受蹂躪。如表同情。宮保卽上達辦理。不咎既往。并重用諸公助理朝政。且項城爲人

誠信。決不至失信於諸公也。云云。大眾接閱此函。互相磋商。主張利用袁世凱反戈。只要袁世凱不抗漢人革命。即推戴袁世凱爲大總統。亦可爲權宜一時之計。遂以此意答復劉承恩。

清廷仍仗袁世凱之勢。命資政院草憲法以欺漢人。又以段祺瑞署湖廣總督。

### 十、九月十三日 黃興任戰時總司令 上海光復

九月十三日。午前八時。都督府前面建一將壇。黎都督即傳知各機關人員。及武昌軍隊長官。并派軍隊一標。準於正午齊集軍政府。請黃興登壇拜將。於壇之四角樹立軍旗。中立一戰時總司令黃六字大旗。威武森嚴。天地生色。屆時軍隊軍樂隊畢至。文武咸集。黎都督偕各機關人員先登壇發表大意曰。本都督代表中華民國四萬萬同胞及全國軍界同袍。特拜黃君興爲戰時總司令。於本日此時就職。率我軍隊。推倒滿清惡劣專制政府。光復漢族。建立良善真正共和。共謀人民福利。我將士皆須誠心悅服。聽其指揮。羣策羣力。驅除韃虜。以衛國家。中華民國幸甚。同胞幸甚。云云。說畢。即請黃興登壇受職。并由都督將關防聘狀令箭等項。親交黃總司令。當時黃興在將壇上向大眾演說云。此次革

命。是光復漢族。建立共和政府。斯時清廷仍未覺悟。派兵來鄂與民軍爲敵。我輩宜先驅逐在漢口之清軍。然後進攻。收復北京。以完成革命之志。今日既承黎都督與諸同志舉兄弟爲戰時總司令。爲國盡瘁。亦屬義不容辭。但是軍人打仗。第一要服從命令。第二要同心協力。自今而後。對於作戰。倘有不服從命令及臨陣怯敵者。卽以軍法從事。尙望大衆努力前途爲要云云。旋大衆拍掌。齊呼中華民國四萬萬同胞黎都督黃總司令萬歲。互相致敬。禮畢退班。

是日黃興卽派參謀副官往漢陽選定昭忠祠爲總司令部。當遷移漢陽。一面傳知湘軍兩協。準於明早同到漢陽接防備戰。

是日接吳祿貞擁兵石家莊。截留清軍子彈。響應民軍消息。大衆極喜。以爲轉瞬可攻北京。

是晚又聞清廷下罪己詔。取消皇族內閣。命袁世凱組織責任內閣。頒布憲法信條等事。是日上海被革命軍陳其美潘月樵等佔領。李激五組織光復軍。革命軍先佔領閘北警察局。卽舉陳漢欽爲臨時領袖。浦東警察局以陳天民沈俠民爲領袖。一面出示安民。一



面派騎巡巡視各區。觀者如堵。歡聲雷動。城內遍貼四言告示。城門大開。四民安堵。黃帝四千六百零九年九月十三日上海革命軍示曰。

上海巨埠。保護華洋。免受兵火。獨立主張。凡我商民。切勿恐慌。照常營業。痞棍宜防。如有鬧事。軍法照行。右軍府示。各各傳揚。

不久光復江南製造局。及吳淞砲臺。湘人李燮和在吳淞自稱都督。上海公舉陳其美爲滬軍都督。李平書長民政。

## 一一、九月十四日 湘軍抵鄂 浙江光復

九月十四日。湘軍王隆中甘興典兩協全部開往漢陽接防。

先是十一日軍政府接湖南來電。謂都督另舉譚延闓。援軍卽發。當是時軍政府正開軍事會議。黃興宋教仁湯化龍均不以湖南另舉都督爲然。黃興等并不知焦達峯陳作新兩都督已被梅馨所殺。遂云焦達峯乃日知會老同志。熱心救國。自是好人。何得改易。宋教仁謂焦達峯乃光復湖南之立大功者。不宜另舉他人。湯化龍亦云軍事緊急之秋。一省都督不宜文士。當用武人。適錢維驥自北京清政府陸軍部來投。錢維驥

與孔庚皆在北京陸軍部辦事。聞武昌起義。錢孔皆潛歸武昌。聞此不贊成湖南易督之會議。即向大衆發言曰。湖南人素講門第。焦達峯之名。湘人不皆知。雖屬同志。恐爲湘人所不服。且素非軍人。而軍人亦未必擁戴。今漢口清軍猖獗。急盼湘援。湘人另舉都督。而武昌軍政府反對。援兵因而不出。後患何堪設想。於是黎都督感動。即云吾輩但賀新都督。不問舊都督。催援兵速出如何。錢維驥贊成之。黃興宋教仁湯化龍等相率起而去。無人覆湖南之電。錢維驥即草覆電曰。聞公被舉爲都督。萬衆皆喜。援兵祈速發。譚延闓接電。乃安。當覆電云。令王隆中率四十九標先至。餘并集中即發。但湖南雖有來電。而援兵遲遲不至。戰頗不利。錢維驥又向黎都督云。事急矣。某請一行。然有要求者數事。允某即去。一。所有湖北公私小火輪。除預備濟江外。通往湖南運兵及糧食。湖南缺金錢而足米糧。自後湖南出兵及米糧。以助鄂。湖北則資軍械子彈。以助湘。黎都督問教於吳兆麟。而後慨然曰。如湖南出救兵。則軍械服裝皆由湖北供給。而在湖南所有之軍械。留作湘省鎮壓盜匪之用可也。錢維驥遂還湘。臨行告黃興曰。蔡甸重要。防敵人偷渡襄河。襲民軍後路。黃興等唯唯。錢維驥至湘。湘人殊觀望。王隆中在

岳州錢促之不得已乃行。先由閩鴻飛向海潛促之不動也。又爲黎都督捕獲棄漢陽而走之。第一協統領宋錫全解其首級以警餘衆。蓋兩湖合作則不畏漢奸作亂。後漢陽之失果如錢說。陳登山并陳手摺與黎都督說明。蔡甸爲軍事上必守之點。

湘王正雅之取荊州也。其可用之槍僅四百支。餘多廢物。聞端方所寄存之槍砲甚多。恐難攻下。故欲決大城隄以灌之。遣參謀至岳州詢錢維驥方畧。錢怒曰。有人決大城隄以灌荊州者。予必斬之。因決隄則所淹州縣不止一處。非伐暴救民之意。今爲王正雅計。可爲疑兵。多出告示。言湘軍數鎮不日四面攻擊。并多派洋鼓號筒。伏於城外。及沙市大城隄等百姓之家。及晚則四出吹之。使百姓疑惑。兵則徐徐以一營爲一路。選擇形勢各地。更請城外傳教士介紹派人入城游說。俾遵命而行。荊州遂不戰而降。王正雅獲新槍四千支。砲十餘門。子彈甚多。而長沙籌餉局周震麟復勒捐曾國藩左宗棠各富豪之儲蓄以濟軍費。是役之成實各省同志之各盡所能以順天應人也。是日黃興命王安瀾爲兵站司令。在漢陽歸元寺設糧台。又派胡祖舜爲輜重營長。以輸送軍需接濟。又令李書城在漢陽計畫軍事。布置防務。

是晚軍政府接浙江來電。謂民軍率敢死隊佔領保國寺軍械局。焚撫署。浙撫增韞逃。舉湯壽潛爲都督。

是日下午杭州各官紳齊集撫署要求宣布獨立。至晚八時。增韞仍不允。至夜半。有南星橋專車一列。至杭站。載新軍八十二標及敢死隊。先攻撫署。增韞逃於署內馬房。旋捕獲。押禁於福建會館。撫署被焚。閱一時。八十二標統帶周承業遂佔領撫署。而代理八十一標管帶朱瑞佔領軍械局。顧子材白釗兩管帶維持全城秩序。惟駐防旗營不降。仇殺漢人甚多。旋被民軍包圍。民軍大勝。市民數千在清泰車站觀戰。歡呼民軍大捷。於是以諮議局爲軍政府。以鐵路總理湯壽潛爲都督。以周承業爲副。又諮議局議員褚輔成襄理民政。并出六言告示曰。

滿人竊踞中國。	二百六十餘年。	漢族降爲奴隸。	河山久被腥膻。
同胞憔悴虐政。	備嘗困苦顛連。	近且名爲立憲。	專制實甚於前。
都督弔民伐罪。	保護所在必先。	地方務守秩序。	切勿聽信謠傳。
若有匪徒搶掠。	政府禁令森嚴。	須知此次起義。	實爲共保安全。

黃帝四千六百零九年九月十四日浙江都督湯示。

是晚接得偵探報告。謂清軍在漢口橋口玉帶門觀音閣一帶防禦。又劉家廟至橋口一帶均有清軍節節駐紮。又謂孝感至新溝方面亦有清軍小部隊出沒。似有繞攻漢陽之勢。

黃興接得以上報告。當商之李書城。李書城初至漢陽。不知情勢。對於各軍隊又不熟。殊多束手。當向黃總司令報告。謂非請一熟於軍隊情形及優於軍事學者。到司令部幫助不可。黃興即函知黎都督。黎派楊璽章到漢陽與李書城幫忙。楊璽章到漢陽時。即按當時軍情配備防務。不願李書城參與意見。旋與李意見不合。時黃興田桐居正等極爲驚慌。謂參謀不得其人。軍事難望進步。復托居正田桐等到武昌商之黎都督。黎仍以楊璽章爲宜。居正田桐謂與李書城不合。頗難相安。黃總司令以爲無參謀人才。一切皆不能行。意欲借重吳兆麟。黎都督云。武昌軍政府須仗吳兆麟辦事。且李書城已爲參謀長。又無位置可以相宜。居正田桐云。現漢陽軍事緊急。如都督許可。我輩即與吳面商。黎云。漢陽與武昌一江之隔。即請吳兩邊照料可耳。於是居正田桐等即請吳往漢陽。吳不願往。

居正云。今事急。李楊意見不合。設軍事無人計畫。豈不遺誤大事。且黃興非真軍事人才。我輩推爲總司令者。不過借重其聲望耳。李書城又係生手。實難辦理。非請渡江幫忙不可云云。吳兆麟遂許之。謂漢陽緊急時。以電話通知之。卽來。於是仍請楊璽章回都督府。是晚吳兆麟卽派參謀姚金鏞、賓士禮、蔡濟民、徐達明、吳醒漢、夏維善等。同往漢陽總司令部。幫同辦理軍中一切事。

## 二一、九月十五日 蘇州光復

十五日。黃興令湘軍第一協準備開赴漢陽集合。是日黃興卽偕李書城、吳兆麟等巡視防禦陣地。先至大別山。然後由右翼南岸嘴起。經十里鋪。至左翼三眼橋止。旋回總司令部。遂命偵探科長胡鄂公多派偵探。問諜赴漢口方面偵察敵情。并派偵探赴新溝蔡甸方面廣遠搜索。是晚接得各方報告如左。

- (一) 滿軍仍沿京漢鐵路自劉家廟至玉帶門一帶備戰。
- (二) 孝感至新溝方面亦發現滿兵偵探。
- (三) 滿軍利用湖北舊日軍官充其間諜。偵察民軍情形。一面散布謠言。一面派人投毒。

藥於水井。以圖殘害民軍。

黃興接以上報告後。即傳知各部隊嚴爲防禦。又派人捕形跡可疑之人。

是晚得上海來電。謂程德全宣布獨立於蘇州。先是上海獨立後。黨人即由滬赴蘇。計五十餘人。以章梓爲首。初至新軍標營。宣告一切。并邀集紳商謁清撫程德全。請其宣布獨立。程德全深明大義。慨然允諾。而蘇州新軍。皆表同情。即袖紮白布。於十五晨下令。城內外一律懸掛白旗。公推蘇撫程德全爲大都督。撫署已懸中華民國大都督程旗號。並推協統艾忠琦爲軍事司令長。防營亦歸順。當派守城門。當事起時。藩司左孝同（左宗棠第四子）右營參將曾道亨（曾國藩之孫）極端反對。後見衆寡不敵。即潛逃。聞赴鎮江。乞錢寶臣派旗兵決一死戰。當日城內照常交易。較未光復時爲安堵。

十四日傍晚。有三人至撫署請見。程立刻請見。謂諸君來意。本撫院早已知悉。極願共表同情。三人歡呼而出。旋至督練公所。即商議宣布獨立。

是夜占領時。居民皆未得知。迨晨起視。則已白旗高懸。滿城皆新氣象矣。

新軍憲兵。巡警巡防營。均已手纏白布。

各店鋪皆照常交易。卽小販亦皆照常負販。絕無驚惶之色。一若不知有此事者。各門頭城上。皆已架置大砲。

軍政府發出臨時命令九條如下。

臨陣退縮者斬。

姦淫婦女者斬。

造謠惑衆者斬。

縱火殃民者斬。

漏洩軍情者斬。

傷及外人者斬。

騷擾百姓者斬。

劫奪財物者斬。

傷及婦稚者斬。

當時江防營尙未允許。

是夜並未放一槍。連次日子午砲亦未放。以是居民頗安然。

軍政府有臨時命令。如滿人不抵抗。皆不殺戮。

旅蘇外人。均懸旗致賀。

城內養育巷。有日本人開設之回春藥房。已設有臨時赤十字會。

城內居民。不准攜帶物件出城。各城門口。均有民軍防守。狀至嚴肅。

有敢死隊二百餘人。乘滬寧末班車至蘇。



八旗會館內之旗人。已逃無一人。

都督府門前。懸有紅字白旗一面。上書中華民國軍。江蘇都督府。傍有興漢安民四字。各學堂聞信後。皆拍手唱歌。停課三天。

各街巷有馬隊來往梭巡。

滬寧車蘇站。亦派有民軍防守。

新軍子彈。次日均由督練公所發出。各居民以民國軍如此文明。不傷一人。皆極滿意。程雪樓次日薙髮後。特出遊大小各街。又入各學堂與之唱歌。

藩庫內現銀。軍政府欲令該庫管庫人照賬交出。

一三、九月十六日 民軍固守漢陽 吳祿貞被刺 松江清江

光復 汪兆銘等出獄

十六日。湘軍第一協已完全開至漢陽。黃總司令命該協統王隆中赴十里鋪附近防禦。王協統云。到十里鋪可也。如令我協在該處防禦。未免阻喪士氣。我協願休息數日。聽總司令之命。攻漢口之敵。黃興悅之。遂優待王隆中。即令其軍隊在十里鋪附近集合待命。

一面派夏維善賓士禮二員購買酒肉犒賞湘軍。是晚黃興即召集司令部人員商議軍事進行策略。并稱贊王隆中頗有膽量。願告奮勇攻擊漢口敵人云云。時賓士禮云。今日奉總司令命令犒賞湘軍。見有一頭目與該棚兵士集賭。該目兵之隊官見吾輩至。即警戒該賭者立止。無如目兵抗命。集賭依然。該隊官即將賭具拿去。孰知該頭目因輸致怒。即持槍將隊官擊斃。似此軍紀風紀。毫不嚴明。且兵不畏官。而又將官擊斃。更屬可危。請總司令傳知該協統。務要整飭軍紀。服從命令。不然。難操勝算。孫子兵法有云。愛而不能令。厚而不能使。亂而不能治。譬如驕子。不可用也。望總司令留意及之云云。黃興聞以上所言。深滋不悅。并云湘軍在洪楊時代。百戰百勝。現當行軍之際。目兵稍有不法行爲。毋庸計較。況軍人在戰線上。今天不知明天事。只要打仗勇猛。則得之矣。昔鮑超帶兵。屢戰必勝。每光復一地。必令兵士安樂數日。所以兵士無不効命。賓士禮又云。鮑超之兵。雖軍紀不嚴。然對於鮑超極端服從。但曾國藩初用兵時。不重訓練。遇戰失敗。旋即講求訓練。而收大効。請總司令以曾國藩爲法。以鮑超爲戒。則庶有希望。黃興不聽。并飭賓士禮不必多言。

是晚吳祿貞被刺於石家莊。其秘書長周幹臣、參謀長張世膺、同及於難。劉百剛、孔庚、副官曹進等皆痛哭。吳祿貞乃日知會幹員，素懷大志，自武昌倡義，即聯絡張敬輿、藍天蔚等，爲收京之謀。京張、京奉、京漢鐵路，布置重兵，將一舉而擒異族之君臣，不使漏網。不期漢奸袁世凱乘時出山，先奪吳祿貞駐保定第六鎮之兵柄，使之巡撫山西，及抵石家莊，良弼、段祺瑞等，即秘令周符麟往刺之。周符麟本第六鎮第十二協統領，早被吳祿貞所革。吳祿貞所提拔之一營長馬惠田，即周符麟之衛兵。吳祿貞極信任之。夜半馬惠田求見親上手摺行跪賀禮時，即出手槍向吳祿貞一擊。吳尙繞案避之，并諭以大義。馬惠田追擊不已。吳祿貞即開後門而出，甫開門，而馬惠田之伏兵，即將吳祿貞之好頭顱砍去矣。自後周符麟、馬惠田二漢奸，永爲段祺瑞供養焉。所以遵袁世凱之秘命也。周幹臣、張世膺同時被暗殺。

蓋吳祿貞以英雄本色，愛國至誠，生平功德，散見於社會者頗多。若不遭袁世凱之暗殺，其事業必大有造於中國，并影響及於世界無疑。今特就錢維驥所跋於吳祿貞延吉廳邊務報告書三卷一文，即可徵吳祿貞之一生真相焉。跋曰：右延吉廳邊務報告書三本。

計九章三十八節。吾亡友吳祿貞綬卿所著。而親贈於吾以爲考案者也。初吾國東三省與朝鮮接疆之地。以滿人封禁故不詳。及康熙五十三年設理春協領。隸於寧古塔副都統。於是方有建設。而漢人朝鮮人無產業者。漸以爲尾閹。清政不綱。有漢人爲馬賊之韓登舉者。據夾皮溝光霽谷等爲巢穴。地本沃壤。富森林及野獸。日本游歷者涎之。及併吞朝鮮。遂欲越圖們江而霸其地。有日人守田利遠者。著滿洲地誌。稱圖們江曰豆滿。而言其北岸向來所屬於延吉廳臨江一帶之地以爲間島。且指爲朝鮮屬地。於是日本駐韓統監伊藤博文。遂令其中佐齋藤季治郎率兵一營。至於延屬之六道溝。將遂佔領之。賴綬卿據歷史而爭。遂保有其地。綬卿之學博而功亦巨矣。嗚呼。以綬卿之才。使得行其志。則吾國之所保。寧止於一延吉廳而遂已乎。雖然。綬卿固偉男子。而亦多情人也。初綬卿既畢業於日本。在湖北不能行其志。乃至北京投練兵處。爲騎兵監督。監督者無兵。而但令閱操及編操典各事。所言當改革者俱不行。綬卿不樂閒曹。乃自陳於軍機大臣鐵良。願獨身而往陝西甘肅新疆三省調查一切。與之數千金爲旅費。不受。曰。但求軍機處一紙條。令得在沿途藩庫領銀爲盤費足矣。鐵良許之。及至甘肅。會樊增祥。言詞慷慨。意頗

輕其老朽。樊固以守舊反對戊戌維新。且贊成庚子義和拳而漏網者。聞綬卿所言。疑爲康黨故事。軍機處大臣從無有以紙條而索銀於外省之藩庫者。因是益疑其妄。乃白升允。擬就地而誅之。升允曰。彼言自軍機處。何不奏聞而後處置。於是遂電京城。會鐵良已出軍機。諸大臣皆不曉本末。以聞西后。西后曰。今天豈不是陸軍部尙書鐵良值日麼。對曰。然。於是鐵良叫起。西后問故。曰。吳祿貞是奴才在軍機時派去調查邊務者。西后曰。然則你去回他們的電罷。鐵良叩首趨出。電甘。升允樊增祥益忌之。曰。吳某雖是奉命而行。然沿途不應滋擾。以此調查邊務。不稱。遂押解回京。綬卿益無聊。間以詩酒及女閭爲樂。會徐世昌督東三省。調之行。綬卿以爲可行吾志。及至東。世昌宦習甚深。綬卿與言。多不省。會有言韓登舉在夾皮溝。日本將認爲獨立國者。綬卿擬私往偵之。而綬卿所結交之鬚匪。如張作霖馮麟閣湯玉麟等。聞綬卿將往會韓。并爲書介紹。綬卿齎數千金請假而行。周維楨（字幹臣）李恩榮及測繪生等十數人從焉。既抵皮子溝。出介紹書投羣匪。匪爭延酒食。日或數起。綬卿詢一切。諸匪言詞誇大。綬卿故給之曰。我固南方盜首也。有衆三五萬人。快槍等是。然有山寨聚處。不似汝曹散漫。且多徒手。不足有爲也。於是諸匪乃

言。吾輩亦可招其部屬。請吳大哥觀之。如何。綬卿曰。善。既聚。可三千四百餘人。馬近一千。槍不一式。然其數與人相等。於是綬卿乃出千金犒之。并購牛羊數十頭。宰而大嚼。且曰。吾南方義士。其會飲咸如是。不似北方人鄙吝也。諸匪既大慙。且心服焉。會齋藤至於六道溝。貼倭人告示。有起之送於綬卿者。綬卿乃勃然怒曰。吾曹爲匪。亦宜愛國。今日日本人強占我疆土。吾曹何不同心竭力以拒之。而待國家官吏爲之保護哉。匪曰。吳大哥不畏日本。我曹亦不畏。但我曹決戰。而徐總督將來要殺我曹以謝日本。則如之何。綬卿曰。不然。此事由我擔任。我雖匪。與徐總督亦故交。奈何畏其殺我哉。諸匪猶不信。於是綬卿乃解其包袱。出其在練兵處所穿之軍帽。軍衣。佩刀。皮靴。龍旗等。光彩奪目。從官亦咸衣其軍服。威儀濟濟。至是羣匪咸拜伏於地。曰。吾今日乃知吳大哥不但南方豪傑。又徐總督故人也。歡欣不已者久之。綬卿部署既定。通牒敵人。限其卽日出境。齋藤聞之。大駭。曰。此舊屬朝鮮。無清官署。更何有兵駐守。必詐也。綬卿又通牒請之。齋藤隨使者而來。見綬卿立於廟外。其上龍旗招展。軍服皇皇。兵士不下數千人。雖制服不全。而糾糾之狀。已爲心折。乃進前與綬卿握手。綬卿操日語與之爲禮。且延入。詰難何以至此。齋藤言。此地本屬

朝鮮。今朝鮮合併於敝國。故此來鎮守。君何故來此挑釁。綬卿曰。我中國官。守中國地。且一向居此。汝今日方來。乃言吾挑釁貴國哉。吳某性直。不願多言。貴官能速退出境。則善。不然。惟決戰而已。齋藤言。汝要吾退出。可速送文書於朝鮮統監。俟其答覆。允吾讓出。卽退。否則不能。綬卿曰。吾不能與貴國講外交。惟知守土。若外交則有吾國外交部。與貴國外務省在。齋藤知不可勝。卽曰。吾回營將致電敝國去矣。卽分散。明日。日本人插標木於地。云日本界。綬卿遣人拔去之。綬卿於是一面致電北京軍機處。外交部。一面送文書與徐世昌及陳昭常輩。幾處聞此。不知所措。時張之洞在軍機。退朝。傳劉道仁哈漢章良弼等問之。諸人皆以綬卿所辦爲然。且與吳同學。稱其胆不置。張之洞尤激賞之。於是令綬卿暫署吉林副都統。且調回京。詳詢一切。此書其在京時所作也。吾國外交部。於吉林邊界無詳細之圖。又無可徵之歷史。綬卿在日本。於朝鮮頗有研究。又新得宋教仁所著間島問題一書。故能源源本本。詳言其故。卒之折衝樽俎。使日人退讓。而延吉廳約數縣之疆土得以保存。非偉男子而能若是乎。又綬卿初至奉天。狎一女優。爲徐世昌指摘。以爲職官無品。及綬卿署吉林副都統。世昌俟其入見。以張之洞門生郭宗熙代之。恐其復任。

張之洞喜其愛國。且能讀書。遂以延吉邊防大臣界之。綬卿往延吉開府。過奉天。徐世昌訪之。不答。請宴。不赴。徐世昌初擬釋怨。召綬卿前所狎女優演戲。及綬卿不至。甚慙。曲將終。綬卿則衣夏布長衫。持大蒲扇。搖搖至於臺下。世昌望見趨揖之。綬卿不顧。觀看良久。俟女優下臺。携與共車而去。是夜納之矣。則其有情又當何如也。予至崑山。訪老友曹亞伯。曹與予皆與綬卿爲至交。聞曹欲刻吳祿貞之調查延吉邊務報告書三卷。以公同好。故跋其行事如此。補國史所未及。云。

周幹臣、張世膺皆救世之才。文章道德冠乎當世。惜與吳祿貞同遭馬惠田暗殺。人之云亡。邦國殄瘁。誠中國之大不幸事。

張世膺字育和。一字華飛。江西德化人。少孤貧。事母極孝。母故世家女。矜禮節。世膺恐娶婦不合母意。終不娶。夙抱光復神州大志。藉譯述以畢業於日本士官。後爲吳祿貞邀赴奉天。充教練處提調。兼總辦陸軍小學。每勵學生以文事。旋充北京陸軍部馬兵科科长。武昌倡義。清廷震驚。世膺時與吳祿貞秘謀以滯清軍之行。清軍購德械數十萬。世膺赴灤州。強張紹曾截之。及吳將巡撫山西。周幹臣襄辦軍務。世膺聞滿人將害吳。急往石家



莊故被難。著有鬼士官一書。商務印書館出版。

是日松江亦宣布獨立。

民軍於十六晨。派數人來松。探察進止。時松人士。已得蘇垣獨立之宣告。乃急招集紳商軍學警各界。至城自治所議事。公推鈕鐵生君爲臨時會長。鈕君稱離鄉日久。未嫻近今風尚。隨由楊蔭安君宣言。時局艱危。土匪最宜注重。惟邇日留防兵隊。有至典舖恃衆強質者。非設統一機關。擔任防遏。最易惹禍。遂公舉鈕君爲軍政司長。鈕君言鄙人學殖蕪淺。惟對於父老昆弟。極應稍盡義務。復舉民政部長。有與官府有感情者。頗屬意戚守。及大衆譁然。不肯承認。乃舉定謝宰平君。並舉錢選青君爲財政部長。沈思齊君爲執法部長。（沈本裁缺仁和縣）沈君起言。鄙人自杭歸。見杭垣獨立。官長照常借重。今吾鄉似欲併去府縣。人民習慣已久。恐駭耳目。且執法一席。於舊律不適用。新律未有依據。並審判乏人。恐不便率爾從事。請俟三日後報命。時謝君亦起辭。鈕君曰。吾民生死關係。爭於今日。深望諸君共肩巨責。力圖進行云云。旋議決。請華婁兩縣照常辦事。卽召兩縣漕總至。令將已未徵解銀款。刻日全數繳報。並查得強當衣物者爲第二留防隊兵。乃請張壽

椿奚叔平二君。馳入該軍慰導。隨集現款預備給餉。第一第三兩營。仍請余劉二參戎營帶巡緝。以提轅爲軍政府卽出安民示云。松江軍政分府示。照得武昌起義。同胞萬衆一心。凡我義旗所指。罔不鼓舞歡迎。各省各城恢復。從未妨害安甯。松江毗連上海。鐵路交通著名。一經大兵雲集。損害自必非輕。今奉軍政府命。但令各界輸誠。茲已紛紛歸順。具見敵愾同情。惟願親愛同胞。仍各安分營生。洋人生命財產。切勿乘此相侵。轉瞬民國成立。人人共享太平。所用係松江府印信。惟劃去滿文。華婁沈李兩大令亦同出安民告示。署銜爲中華民國華婁民政長。戚守自交印信後。本限三日內不得離署。當晚忽謠傳穴壁圖逸。飭騎追回。同時中營余參戎因發餉事。由第三營兵誤會。與之齟齬。竟被恃蠻毆傷。夜間講武會警察隊巡防隊。澈夜梭巡。城內士紳。議立保安會。凡簽名入會者。皆給械輪巡。此係自衛身家。概不發給餉項。茲將松城光復通告書錄下。松城自十六日得蘇撫電後。城自治公所。卽發傳單開會。當場宣布獨立。衆皆贊成。松府戚揚。派代表蒞會。當卽推定鈕惕生君爲軍政部長。謝宰平君爲民政長。沈思齊君爲執法部長。錢選青君爲財政部長。另專設參謀部。爲四部之總機關。以提署爲松江軍政分府司令處。衆議僉同。

當時因松府不親自蒞會。故卽派人至府署。陳述衆意。而松府自將印信交出。并約三日內交代地方公欸。及一併未了事宜。大局遂定。舊有之防營。騷擾無序。責成防營管帶余志斌。三營管帶劉世奎。分投彈壓。擔任保護治安。並請奚叔平君。張壽椿君。至各防營。宣布軍政府德意。飛划營沈管帶。請其分撥軍隊。任巡邏彈壓之責。各段均設立自衛團。當由參謀部發出六言韻示一道。徧貼通衢。城廂內外。均一律懸掛白旗。市面安堵如常。人民皆欣欣有喜色。口呼光復大漢。中華民國軍萬歲不絕。松江軍政分府佈告。

是日清江浦宣布獨立。先是十四晚清江十三協輜重營前隊隊官趙雲亭。二十五標掌旗官龔振鵬起義。率領輜重營前隊日兵由小水門入城。進攻道署。斯時淮揚海道甯良兼護江北提督。命其參議蔣雁行。十三協統領魏宗瀚。派兵追勦。而馬隊管帶吳士芬。富於革命思想。因而抗命。十五晚輜重營前隊連合左右兩隊佔守西壩王家營二鎮。要求各營同時光復。於是十三協日兵步六營。馬一營。砲二營。工程一營。全體贊成。進攻清江十六晨。由魏宗瀚率領全協進攻清江。秩序整齊。清江四城緊閉。巡防官兵登城開槍抵抗。約戰半日之久。砲兵始開砲轟城。巡防兵不支。甯良乘二人肩輿逃出南門。顧一民船。

而走。蔣雁行不知下落。軍械局局長張復太尙不明大義。命軍裝庫科員管金聚架砲城上還擊。革命軍當時由軍械科科員周詩說以利害。邀同警務公所科長梁星五區長胡仲芳商會會長各人員。合請清河邵令靖江投降。各商民均懸白旗。周詩登城演說革命宗旨。各商民歡呼革命軍萬歲。開城歡迎。由石碼頭繞至鐵路口。卽請砲隊管帶費國祥下令停戰。并演說武昌起義宗旨。各省響應理由。各官長及目兵均拍掌贊成。隨即入東門。并囑輜重營管帶夏鴻鈞。砲兵管帶費國祥。維持軍隊秩序。商會總理與清河邵令。維持商務。步兵管帶車慶雲收復殘兵。而清江遂安堵如常。旋舉蔣雁行爲清江浦軍政分府都督。

是日北京清監國赦汪兆銘黃復生等三人。自八月十九武昌革命軍起。清廷大懼。監國不得已。欲赦黨人以期解救。先是去歲四月汪受黨內外各方譏刺。遂萌犧牲之志。欲與清政府拚一死。因偕黃復生入北京。設守眞影相館爲暗殺機關。製造炸彈。以謀炸攝政。并致書其未婚妻劉氏。請其另行擇配。以示決絕。案破。因政客多方營救。故舍死刑而處以終身監禁。至是交旨赦汪等三人。交張鳴岐差委。汪出獄後。有人叩其行狀。汪病甚。且

沈默久之。乃歷述在獄時之情況。謂入獄後。項上卽荷鐵械。量甚重。非書生所能耐。每日僅食粥一盂。及粗麪一撮。且不能以手取之。惟以口就食於架上而已。前日忽有禁子入。余昏瞶間。彼竟折吾刑具。擁之出。吾眼花不知何往。以爲必殺我也。旋擁至騾馬市大街。泰安棧。予意豈以棧房爲殺場耶。禁子又交我行李及銀百兩。并向予討喜錢。謂吾已遇赦。

#### 一四、九月十七日 廣西光復 鎮江光復

十七日、接廣西桂林來電。謂已宣布獨立。舉沈秉堃爲都督。先是周震麟由長沙假劉人熙名義。致電王芝祥。促其響應武昌。因王以藩台而握廣西全省兵權。與劉人熙爲姻婭。章陶嚴陳元伯輩。又與新軍警察聯絡。故獨立時。秩序如恒。并以王芝祥陸榮廷任副都督。

是日接得各方面偵探報告如左。

一、袁世凱馮國璋命南下之清軍。於黃河以南所有鐵道鐵橋車站及電局均派重兵保守。但袁世凱之大本營在孝感。馮國璋之司令部在漢口大智門。其所到地方遍貼

布告。

二、清軍現由北運來重砲數門。并架橋材料。均已到漢。但架橋材料似欲在襄河架設橋梁。有準備攻我漢陽之舉。

三、清軍在大智門及招商局附近。設有管退砲位。專向我武昌漢陽射擊。

黎都督即將以上報告及武昌防禦情形通知黃興總司令。黃總司令亦將漢陽準備情形報告黎都督。除以步隊第二協防禦武昌城附近。以步隊第三協仍防禦青山一帶。武昌鳳凰山設有重砲外。茲將漢陽防禦部隊列於左。

鄂軍步隊第一協。

協統蔣肇鑑。

鄂軍步隊第四協。

協統張廷輔。

鄂軍步隊第五協。

協統熊秉坤。

鄂軍步隊第四標。

統帶胡效騫。

湘軍步隊第一協。

協統王隆中。

鄂軍砲隊團。

團長曾繼梧。由黃興帶來。

鄂軍工程第一營。附架橋材料。管帶李占魁。

以上各部隊。員額槍枝被服彈藥等項。均補充完足。

是晚林述慶獨立於鎮江。特將當日許崇灝所記之鎮江獨立。及克復南京之事實。以明真相。

鎮江扼長江之咽喉。撫徐淮之肩背。象山、北固、金焦、覲涼諸險要。環列左右。形勢雄偉。自古視爲重鎮。滿清於此亦駐重兵。除駐防旗兵之外。另有巡防隊、水師。共合萬餘人。嗣後添練新軍。又將新軍第九鎮步隊第十八協移駐於此。其重視此地。可以想見矣。新軍第九鎮軍官。全由江南陸師及將備學堂畢業學生充任。盡屬青年學子。富有新智識。士兵均用實行徵兵制度。由鄉間徵募而來。其中秀才學子。中學、高小學生甚多。無不識字者。且均有愛國思想。故對於啟發訓練。種種工作。均極容易。革命主義之精義。一經宣傳。莫不深入腦際。其精神。每每流露於不知不覺之間。因此頗爲滿清官僚及駐防旗兵所嫉視。目爲革命黨。至趙聲、熊成基（均第九鎮軍官）在粵皖先後起事失敗後。防備更爲嚴密。第九鎮之官兵。每日不在被監視中。行動言語。均失其自由。

林君述慶。閩侯人。第十八協第卅六標第一營營官也。性沉毅。好讀書。軍事訓練餘暇。手執一卷。每至忘倦。所有新出版之軍事、政治、學術諸書。無不盡量收集。從事研究。暇時與同袍將領談論辯難。滔滔不絕。與談者幾忘其爲軍人。而都日爲學者也。其時與崇灝共事一標。性質相同。故相友愛。既屬同袍。又爲至友矣。庚戌年秋。至友宋遜初、黃克強、歐陽振聲先後致書與崇灝。略謂現已組織中部同盟。設機關於上海。囑崇灝物色軍中人材。加入本會。崇灝接信後。微露意義於林君之前。林君素富於愛國思想。民族精神。一經道及。慨然贊許。同時加入者。劉君成、盧君祥麟、沈君家煒、陳君鳳文、臧君在新、易君續仁、楊君韻珂、黃君祖澄。嗣後分頭接洽。暗中宣傳。軍官士兵。陸續加入者。不計其數。辛亥武昌起義。第九鎮準備響應。風聲傳播。政府震驚。其時兩江總督張人俊、江甯將軍鐵良。疑九鎮甚嚴。令統制徐紹楨。將駐甯之步隊第十七協及馬砲工輜各種兵。一律移駐南京城外之秣陵關。收繳子彈。並調江防軍張勳防營王有宏、胡令宣等軍入城防守。全鎮官兵。非常憤激。而代理第十七協協統沈同午。正參謀史久光。憤激尤甚。林君述慶以時機已至。約崇灝與劉盧沈臧楊陳等密商。公推林君赴滬接



洽。決定起義日期。其時鎮江旗兵防營。防備甚嚴。偵探步哨。滿佈營房四週。協統標統。畏懼稱疾隱匿。在軍中主持者。惟營長與隊官耳。決定日期後。遂招集軍官會議。各營營長章祖衡。明羽林劉成端。木璜生等。一致贊同。當即派出湘籍軍官葛應龍。葉開鑫。吳金彪。劉得標等。遊說各防營。及砲台水師。並派黃祖澄赴滬。領取子彈。楊韻珂。李文。滙程鳳璋。奔走鎮甯之間。以通聲氣。佈置既妥。遂於九月十七日夜。集合全協軍隊於峴涼山。宣佈起義。援應武昌。公推林述慶爲鎮軍都督。崇灝爲參謀長。圍攻鎮江城。威脅旗兵繳械。駐防都統服毒自盡。道府縣官吏。相繼潛逃。十八日午後。旗兵全體屈服。投降繳械。巡防水師砲隊。同時響應。於是鎮江要地。完全光復矣。翌日聞第十七協及馬砲工輜各標營。由秣陵關進攻雨花台。因子彈缺乏失利。向鎮江方面退却。遂分兵佔領龍潭。溧陽等要地。掩護收容。其時柏君文蔚。率領炸彈隊。由申來投。即委柏君爲收容處主任。黃祖澄爲副主任。收容潰退來鎮之軍隊。編爲鎮軍第一師。是時南洋海軍軍艦。共十二艘。由上遊開駛來鎮。林都督電令象山砲台。發砲阻止。海軍各艦。遂停碇於鎮江上遊。海軍將領多粵閩籍。宋統領文瀚。香山人。與崇灝有戚誼。灝親自登艦。

曉以利害。勉以大義。宋君首先表示服從。吳君振南同時表示。其餘閩籍將領。因與林都督爲同鄉關係。且多林姓。故亦一致贊同。於是同樹革命之旗幟。遂以宋文瀾爲海軍司令。吳振南爲都督府海軍處長。未折一彈。而十餘艘軍艦。收集於指揮之下矣。揚州徐寶珊。鹽務緝私統領也。爲鹽梟出身。性質強悍。素有徐老虎之徽號。負固揚城。擁兵自衛。尙未收服。頗爲隱憂。遂派李君竟成。會同水師統領趙鴻禧。率領水師。前往收撫。徐寶珊雖然梟悍性成。而富於民族思想。一經遊說。欣然來投。遂收其部伍。編爲鎮軍第二師。並令其兼揚州軍政分府。防守揚州各屬。於是揚州數縣。亦歸鎮軍都督所屬之範圍矣。

淮安爲鎮揚屏障。由鎮北伐。必經之路也。臧君在新。爲淮安人。熟悉該地之形勢。其時淮安尙在清軍範圍。遂派臧君在新。統領所屬部伍一支隊。附以炸彈一排。以韓恢爲排長。前往光復。軍威所及。駐淮清兵。望風投降。臧君收編部衆。爲一混成旅。淮揚光復以後。準備進攻金陵。鎮軍所屬。分爲三支隊。崇灝及柏君文蔚。劉君成。各統一支隊。當鎮江光復以後。駐蘇新軍混成協。與浙江新軍。同時發難響應。各發難軍隊。均分派軍

隊一部來鎮。會攻南京。到鎮軍隊。有蘇軍劉之潔所部一支隊。浙軍朱瑞所部一支隊。滬軍黎天才所部兩營。滬軍光復軍洪承典所部六隊。以上部隊。先後來鎮集中。上海總機關已推前第九鎮統制徐紹楨爲總指揮。到鎮後。與林都督會商攻寧計畫。及後方諸問題。並要求將海軍各艦隊歸其指揮之下。以期動作一致。林都督均慨然許之。於是聯合各軍。分期出動。林都督以浦口爲津浦路之起點。北伐軍必經之要路。清軍退潰。必經於此。遂派柏文蔚李竟成爲正副司令。率領鎮軍一支隊。及水師全部。由十二圩渡江。佔領儀徵六合。攻擊浦口。扼清兵之退路。復派吳忠信爲兵站司令。辦理兵站業務。部置既妥。崇灝隨林都督率同兩支隊。向南京進發。軍次堯化門。復派官成鯤、李祝陶、携欸五萬。運動烏龍幕府山諸砲台。砲台官兵。因金陵未克。未敢舉事。要求派兵駐台掩護。方敢改豎革命旗。林都督遂令滬軍黎天才所部。擔任掩護。滬軍一到。而台上白旗隨風招展。上海各報。遂載黎天才克復幕府砲台之專電矣。聯軍圍攻寧城。改變攻城計畫。凡三次。均未攻克。以其攻擊點選定錯誤之故也。南京城池堅固。形勢雄偉。龍蟠虎踞。自古視爲金湯。而紫金山天堡城。尤爲險要。實爲金陵

存亡之要點。戰術學所謂陣地鎖匙也。天堡城若能得手。俯瞰全城。垂手可得。崇灝因此。在參謀團會議席上。力主先佔天堡城。浙軍參謀呂公望。贊成崇灝之提議。因此遂決分兵四路。蘇軍仍任左翼。攻雨花台。鎮軍浙軍及滬軍擔任攻天堡城。十月初十日。夜。開始運動。三面圍攻。浙軍由左路。孝陵衛方面。鎮軍由中路。馬羣方面。滬軍由右路。籐子樹方面。三面夾擊。翌日拂曉。遂將號稱天險之天堡城佔領矣。是役也。鎮軍營長楊韻珂陣亡。排長同時陣亡者三。司務長一。士兵數十人。其最勇敢者爲連長季遇春。天堡城之佔領。季君之功也。

天堡城佔領後。清軍仍負固死守。城堅不易攻破。初十日午夜。由滬運到二十四生的口徑攻城砲兩門。到堯化門車站。林都督令崇灝爲攻城砲指揮官。連夜運砲進入籐子樹附近高地。黎明發砲攻城。第一發中富貴山砲台。張勳所在地也。第二發中北極閣。張人俊鐵良之大本營也。第三發中太平門城樓。三砲皆中。敵將膽寒。張人俊鐵良張勳率其殘部三千餘人。出漢西門繞八卦洲向浦口方面逃竄。巡防營張聯陞趙榮華率所部三千餘人。由英國教士馬林接洽。開太平門投降。於是鎮軍全部進城。其時

在十月十二日也。

鎮軍進城之後。通知城外各軍。停止攻擊。並下令開放南門朝陽門。請各軍進城。是時軍隊複雜。軍紀廢弛。蘇良弼部衆。自號蘇軍。在城內旗營。焚殺搶劫。秩序混亂。鎮軍會同各軍。編成臨時憲兵。馳往彈壓。拘捕蘇良弼。解散其部衆。秩序始復。而旗營一帶。已化爲焦土矣。旗民老弱男女。死於水火者。不計其數。殘餘旗民數千人。由鎮軍保護。收容於都統衙署。令糧食處處長陳鳳文。分配糧食周濟之。是時武漢與清兵激戰失利。黎元洪退守洪山。知南京克復。飛電請援。聯軍會議。共推黎天才統其所部。馳往援應。黎天才以兵力不足。要求將鎮軍所收編之張聯陞趙榮華所部。撥歸指揮。始肯前去。以該兩部之槍械新利故也。林都督以武漢爲首義之區。若稍有失。長江一帶。必爲動搖。不欲因個人實力之故。而誤援鄂時機。遂允將收編全部防營四千人。完全撥歸黎天才統率。並委之爲鎮軍第三師師長名義。黎天才之入鎮軍者。自此始也。柏文蔚所部既達浦口。適與張勳退兵遭遇。迎頭痛擊。繳械甚多。並截獲輜重無數。及現款十餘萬元。張勳率殘兵二千向北逃竄。柏文蔚指揮所部。星夜追擊。至臨淮關止。

於是浦口以北。臨淮以南。亦爲鎮軍佔領矣。

臨淮既得。南京穩固。林都督遂與各軍將領會議。歡迎孫總理中山先生來寧。就大總統職。並派參謀黃家濂爲代表。會同各軍代表。至滬歡迎。南京政府成立。任林都督爲北伐臨淮軍總司令。以崇瀨爲參謀長。兼兵站總監。及第三獨立混成旅旅長。以柏文蔚爲鎮軍第一軍軍長。徐寶珊爲鎮軍第二軍軍長。未幾南北議和。中止北伐。林都督因不贊成議和。辭職下野。崇瀨亦去職。柏文蔚由皖人電舉。爲皖軍都督。率其所部赴皖就職。而鎮軍名義。遂從此銷滅。成爲歷史上之名詞而已。而當時滬軍都督陳其美。極忌林述慶之功。屢欲害之。并殺陶金保。以其爲鎮軍要人也。林知淵收降海軍。亦有功。復參加漢陽之戰。胸中二槍。至今并無恙。

### 一五、九月十八日 安慶光復 福州光復

十八日接九江轉來電報。謂安慶業已光復。并舉朱家寶爲都督。王天培爲副都督。先數日皖志士吳春陽謀光復安慶。被朱家寶王天培所殺。至是亦隨風氣轉移而歸順矣。詎十八日朱撫受印後。以爲各省均無副都督之設。因卽函致諮議局。商請改爲軍事總

監。而王不允。立至諮議局。要挾各紳。將印取回。并限二小時回信。否則鐵血相見。衆紳無法。卽往朱撫處。將印取交王天培收執。十九日。王卽不待公舉。自爲都督。於是各界中人。已爲不服。而王天培辦事。又涉強權。不能兼顧民隱。因此軍警各界。怨聲嘖嘖。又聞知朱撫定於二十起節離皖。挽留無術。夜間一句鐘時。遂有衛隊巡防兩營兵士約數百人。突向司令部放槍數排。奪城而出。聲言王都督威凌兵士。且到此兩日。并不放餉。若朱大帥一去。我等必要餓死殺死。不如逃命等語。居民於睡夢中驚覺。擾亂萬狀。次日天明。商民齊至諮議局商會會議。八句鐘一律閉市。商民均頂香擁至撫署。闖入二堂。哭跪朱撫前。痛不能聲。惟有牽衣扯袖。以表挽留之意。一時圍集約十數萬人。四牌樓橫直兩街。及撫署左右。均被填塞擁擠不動。朱撫見民心堅固。只得權允暫留。再議辦法。商民等遂又擁至督練公所司令部。索取都督印信。彈壓各員。皆被毆擊。王天培亦知民氣激烈。萬衆一心。先期藏避。一面電致砲營管帶某。將營內退山快砲。率兵拉出六尊。騎馬冲至。意將開放。并手持大刀。逢人便砍。各商民見之憤怒。一擁而前。將該管帶徒手攢毆。登時斃命。復將大砲拉進撫署。以防暗中轟擊。嗣經各界代表竇以鈺、蔡正、趙曾重、洪思亮等。進內將

都督印信取出。送至撫署。一面分人再至商會開議。未幾朱撫亦派左右翼統領劉曹二君到會商布。決意留皖。維持治安。寧可犧牲一命。斷不有負皖民云云。於是全體公電鄂軍黎都督。申明此意。并派代表分赴鄂贛等省。面陳詳情。直至三點鐘後。司令部各員聚而不散。竟開放手槍亂擊。飛彈如雨。有十歲之小童。被彈傷及左肩。幸未斃命。當時朱撫卽派巡查員用手招降。亦被槍彈洞穿手掌。朱撫見此情形。即將城外水師調入城內。圍繞司令部。一面派員會同紳商各代表妥爲開導。隨將開槍之民軍各執事員設法誘出。護送諮議局。大眾始散。惟時已五點鐘。市面稍行安靜。城上興漢保民旗及各舖戶居民之歡迎旗幟。亦均照常懸掛。朱撫卽發電鄂潯兩軍政府。請其派兵來皖鎮壓。旋潯陽軍政府已派混成一協分乘小輪八艘來皖。於二十一日下午二點鐘到皖。陸續登岸。分駐城內。以資防禦。

但黨人鑒於吳春陽之被殺。及朱家寶之蓄謀攻武昌。終恨官僚之狡詐。旋王慶雲袁家聲等起兵壽州。推王慶雲爲淮上軍都督。不數日皖北各州縣相繼響應。聲勢浩大。將進攻省會。朱家寶等乃離皖。後孫毓筠柏文蔚相繼任安徽都督。



又接得偵探報告。滿軍於漢口上關及花樓一帶。并在黑山對岸。構築掩堡。沿江岸均設有砲位。

又據諜報。謂滿軍兵力。除連日戰鬪死傷外。尙有一萬餘人。本日下午一時。其後方續到增援隊約五千人。已抵祁家灣。又有步隊約一標。由信陽蕭家港南下。今晚可達漢口。是日黃總司令乃發下如左之命令。

民軍總司令官命令

九月十八日午后三時  
于漢陽昭忠祠

一、滿軍在漢口兵力約一萬餘人。在漢口劉家廟至橋口附近。又於上關及花樓一帶。并黑山對岸。均構築掩堡。沿江岸設有砲位。又由孝感至新溝方面。有滿軍出沒。清廷派袁世凱南下。現已抵孝感。馮國璋在大智門。

又迭接上海浙江江蘇廣西安慶來電。均已宣布獨立。擬派兵應援武昌。

二、本軍擬在漢陽南岸嘴至三眼橋附近一帶防禦。

三、步隊第四協統領張廷輔。率該協於南岸嘴至兵工廠附近佔領陣地。且派一部掩護我右側。

四、步隊第一協統領蔣肇鑑。率該協佔領陣地。右翼與第四協連絡。左翼至鋼藥廠西端附近。

五、步隊第四標統帶胡效騫。率該標與步隊第一協連絡。須於黑山至割絲口附近佔領陣地。

以上各隊須利用時間構築強固防禦工事。

六、湘軍第一協統領王隆中。率該協及工程第一營在十里鋪鍋底山附近佔領陣地。但須構築強固防禦工事。且派一部警戒琴斷口三眼橋附近。

七、砲隊團統帶曾繼梧。率該團須於大別山黑山仙女山扁擔山附近選佔陣地。以能射擊漢口龍王廟至玉帶門及琴斷口三眼橋附近爲要。

八、步隊第五協統領熊秉坤。率該協在七里鋪爲預備隊。

九、各部隊給養。派員在歸元寺糧台領取糧秣。

十、予在漢陽昭忠祠。

總司令官黃興。

同時又給糧台司令及輜重第一營訓令如左。

給糧台司令官及輜重第一營訓令 十八日午后三時  
于漢陽昭忠祠

一、本軍擬在漢陽南岸嘴至三眼橋附近防禦。

二、該糧台司令官王安瀾。輜重第一營胡恢漢。須按照在漢陽本軍所轄各部隊準備糧秣。以便各部隊派員領取。并須先在本司令部計算各部隊報來人數。妥籌辦理。

三、予在漢陽昭忠祠。

總司令官黃興。

是晚福建省城福州被革命軍佔領。先是彭壽松與馬景融等運動警察與常備新軍將成熟。而福州將軍樸壽。自湖北起義後。對於該省新軍。即加意防範。藥庫子彈。悉行搬入旗界。凡旗人十三歲以上男子。均發給洋槍一桿。子彈三百顆。婦女則發給小刀一柄。以備與漢人決戰。且於旗界內安放大砲。埋伏地雷。宣言必使全城漢民同歸於盡。又有文楷等組織殺漢黨。居民聞之。無不惶惶。由是均遷徙城外。十七日復喧傳旗兵議將圍攻第十鎮統制孫道仁公館。搶奪陸軍小學堂軍械。焚燒各處民居。爲先發制人之舉。至十

八晚。果有旗兵數百名。擁入漢界放火。其放火方法。係用水龍。灌以煤油。散潑屋頂。故火勢甚烈。因此軍民愈憤。卽推舉二十協統領許崇智爲總司令官。督師與旗營宣戰。勢若拉枯。旗兵知勢不敵。十九晚遂高掛白旗乞和。總督松壽自盡。詎二十早。又有旗兵百餘名向漢界攻擊。幸經民軍擊退。該旗兵始相率來降。將軍樸壽。都統勝恩。亦均先後被擒。旗兵一切軍械。悉數繳出。所有俘虜。拘留數點鐘。卽放令回家。每人給以銀一元。米一斗。以爲安家之用。又許以每日酌給糧食。至負傷各旗兵。概由赤十字會昇入醫院療治。其死亡者。亦復分別掩埋。都統勝恩及藩司尙其亨。亦經派人護送出境。將軍樸壽。以其既降復叛。卽予誅戮。由是人心始安。遂公舉孫道仁爲大都督。於二十二日入署視事。沿途均懸掛白旗。而大局遂定矣。廈門商會。洪總理。陳協理。施坐辦等。二十二日。接孫都督宣告獨立電後。新廈道章拱北。及廈廳王子章。均逃匿無蹤。乃由商會自治會。各紳公議。設立保安會。公舉六人。分部辦事。地方頗安靖。二十日晨。新加坡輪到埠。來革黨四十餘人。舉楊王黃三君爲代表。與廈門紳商學界聯絡運動。卽將砲台營警名冊。送與楊代表點驗。楊君允卽發餉。一面樹旗招兵。一面組織敢死隊數十人。每名月餉六十元。每兵月餉

八兩。三日內。卽已招足民兵三千餘人。是日卽佔領漳州府城。二十三日。又佔領泉州府城。卽請該府管太守任事。管以年老力辭。乃請晉江縣黃韵生。照舊辦事。所有地方賦厘各捐。一律裁撤。海關另舉黃仲訓君掌管。二十四日下午。廈門各商界。以布置已妥。遂一律懸樹白旗。大書漢旗萬歲。燃砲慶祝。頗極一時之盛。人民無不鼓掌歡呼也。

十九日都督府接得情報。聞袁世凱向清政府要求特權。

是日又據各偵探報告。滿軍第四鎮全部兵力駐紮漢口各要地。及第十混成協全部駐孝感。第五鎮之一協。於今早八時已抵孝感。

又據土人云。滿軍一支隊似由新溝向蔡甸前進。

是日民軍接得以上報告。卽派祁國鈞率馬隊一營、步隊一營、赴蔡甸附近。防止滿軍渡河。

是日湘軍第二協統領甘興典。率該協已抵漢陽。受黃總司令官指揮。

同日江陰要塞宣布獨立。先是上海獨立後。江蘇黨人分途運動。李懷誠、葉正叔等卽至江陰。而江陰新軍管帶王鑑。會同砲隊營營長劉筱如。宣布獨立。將江陰要塞及防營七

千餘人。同時收復。王遂誠亦獨立於宜興。揚州亦懸獨立旗。

一六、九月二十日 黎元洪通電請組臨時政府 袁世凱遣使

### 議和

二十日、武昌黎都督發出通電。請獨立各省組織臨時中央政府以一軍權。致各省都督電如下。

大局粗定。非組織臨時政府。內政外交。均無主體。極爲可危。前電請速派委員會議組織。諒達尊鑒。惟各省全權委員。一時未能全到。擬變通辦法。先由各省電舉各部政務長。擇其得多數票者來鄂。以政府成立。照會各國領事。轉各公使。請各本國承認。庶國基可以粗定。敝省擬中央臨時政府暫分七部。一內務。二外交。三教育。四財政。五交通。六軍政。七司法。其首長之條件。以聲望素著。中外咸知。并能出而任務爲必要。蓋非此不足以昭各國之信用也。現除外交首長。多數省分已舉伍廷芳溫宗堯二君外。其餘各首長。應請協舉電知敝省。候彙齊後。其得多數當選者。一面電聘。一面通告。時事迫急。希卽會議舉定。再財政首長。敝省擬舉張謇。并聞萬祈速覆。旋各省都督皆復電贊成。

是日袁世凱派蔡廷幹劉承恩來武昌都督府與民軍構和。并携有袁之手書。據稱如能承認君主立憲。兩軍即息戰。否則仍以武力解決云云。當時黎都督召集湯化龍孫發緒胡瑛等商議。一面招待蔡劉二使。一面通知各機關人員。齊集都督府（諮議局）先歡迎蔡劉二使。并請宣布來意。其時劉承恩登台說明。謂鄙人係漢人。湖北襄陽籍。前充湖北武建營督帶。旋奉命調赴廣西。在廣西解職後。即到北京。此次武昌起義。袁項城奉命出山。即調鄙人隨營辦事。但項城此次派蔡君與鄙人前來與黎都督接洽和議。免得同胞相殘。按中國國情。是要順從人民之意。實行君主立憲。如大家同胞贊成。兩軍即可息戰。俾免生靈塗炭云云。旋蔡廷幹登台。亦云袁項城頗不願以武力解決。同胞相殘。按照政治原理。中國人民程度。第一步實行君主立憲云云。蔡劉二使演說畢。湯化龍即登台演說。謂今日蔡劉二君來到武昌。我輩同胞極爲歡迎。但是我們武昌此次首義。并非專行種族革命。實政治革命。我中華民國據有二十二行省。內有漢滿蒙回藏五大族。求五族平等。所以必須改建五族共和。處現在二十世紀時代。君主國逐漸減少。民主國日益增多。如能按照共和制度。實事求是。則滿清永久立於優待地位。享共和幸福。較之君主時

代之危險。至有世世子孫莫生帝王家之慘勝百倍矣。我想清廷真有覺悟。順應潮流。必以吾言爲然。請蔡劉二君轉達袁項城。不必固執可也。云云。旋孫發緒登台演說云。我們武昌此次首義。各省聞風響應。卽北五省秦晉及山東已宣告獨立矣。想再過幾日。全國無一省不響應矣。是民心之趨嚮如此。袁項城乃中國當代人傑。前日之忠於滿清者。其過去成績。項城乃身歷其境。不待言也。是滿清對於漢人。勿論何時不在猜疑之中。試問上下既有猜疑。能辦事乎。如稍有不遂意。能免危險乎。此吾人望於項城反省者一也。項城謂君主立憲。試問仍以滿人爲君主乎。抑以漢人爲君主乎。若仍以滿人爲君主。我同胞又何必多此一舉。而各省又何必響應。此吾人望於項城反省者二也。袁項城此次出山。我漢族同胞無一人不歡忻鼓舞。意謂項城飽經憂患。外察大勢。內審國情。必不能再以滿清之立憲來欺人而自欺。并爲天下笑。此吾人望於項城反省者三也。如項城堅執己見。效忠滿清。仍以武力解決。是響應各省。已佔中國三分有其二矣。試問項城有若干兵力。豈能以六鎮兵力壓迫全國乎。想項城自思亦不能也。此吾人望於項城反省者四也。總之項城乃漢族同胞。吾人愛之敬之。其所處地位。如順從民意。則達目的易於反掌。



不然。同胞雖受塗炭之禍。則鳥盡弓藏。復爲項城危。此不過大概言之。不盡之意。望蔡劉二公代爲轉達。是幸云云。接連胡瑛。胡瑞霖等均有演說。無非是勸蔡劉二使轉達項城。息戰。犧牲君主立憲。贊助共和耳。蔡劉二使聞得以上所言。雖是揄揚袁世凱。然觀察實情。非改建共和不可。當答云。諸君之意。我二人已領教矣。一俟返漢。即將尊意轉達。能否收効。尙不敢必。因爲我們所受意旨。是君主立憲。如項城能犧牲己見。免除戰禍。亦屬幸事云云。於是蔡劉二人在都督府餐畢。卽携帶黎元洪致袁世凱之書。返漢口報告袁氏矣。茲錄黎氏當日所公布致袁世凱之書如下。

頃覆袁慰帥書如下。蔡劉兩君來。備述德意。具見執事俯念漢族同胞。不忍自相殘害。令我佩荷。開示四條。果能如約照辦。則是滿清幸福。特漢族之受專制。已二百六十餘年。自戊戌政變以還。曰改革專制。曰預備立憲。曰縮短國會期限。何一非國民之鐵血憤爭而來。徐錫麟之刺皖撫。安慶之召兵變。孚琦之被炸彈。廣州督署之被轟燬。滿清之膽。早經破裂。然逐次之廷諭。純係牢籠漢人之詐術。並無改革政體之決心。故內而各部長官。外而各省督撫。滿漢比較。滿人之掌握政權者幾何人。兵權財權爲立國之命脈。非毫無智

識之奴隸。卽乳臭未乾之親貴。四萬萬之漢人之財產生命。皆斷送於少數滿人之手。是而可忍。孰不可忍。卽如執事。豈非我漢族中之最有聲望最有能力之人乎。一削兵權於北洋。再奪政柄於樞府。若非稍有忌憚漢族之心。已西革職之後。險有性命之虞。他人或有不知。執事豈竟忘之。自鄂軍倡義。四方響應。舉朝震恐。無法支持。始出其咸同故技。以漢人殺漢人之政策。執事果爲此而出。可謂忍矣。嗣又讀奉條件。諄諄以立憲爲言。時至二十世紀。無論君主國。民主國。君民共主國。皆莫不有憲法。特其性質稍有差異。然均謂之立憲。將來各省派員會議。視其程度如何。當採擇何等政體。其結果自不外立憲二字。特證諸輿論。滿清恐難參與其間耳。鄂軍起義。只匝月。而響應宣告獨立者。有滇蜀贛皖蘇杭粵桂秦晉等省。滬上反正之兵輪。及魚雷艇。共有八艘。其所以光復之速而廣者。實非人力之所能爲也。我軍進攻。竊料滿清實無抵抗之能力。其稍能抗拒者。惟有執事。然則執事一身。繫漢族及中國之存亡。不綦重哉。執事之於滿清。其感情之爲何如。執事當自知之。不必局外人爲之代謀。同志人等。皆能自樹勛業。不願再受滿人羈絆。勿勞錦注。至擬鷓鴣一層。讀各國報紙。自知鄂軍舉義價值。比擬似覺不倫。頃由某處得無線電。知

北京正危。有愛新氏去國逃走之說。果如是。則法人資格喪失。雖欲贈送友邦。而已無其權矣。執事又何疑焉。比聞清廷有召還執事之說。竊爲執事分二策以研究之。(一)清廷之召執事回京也。恐係疑執事心懷不臣。藉此以釋兵權。則宜援在外君命有所不受之例以拒之。(二)清廷果危急而召執事乎。庚子之役。各國聯軍入都。始召合肥入定大亂。合肥留滬不前。沈幾觀變。前事可師。所惜者合肥牽於舊義。僅得以文忠結局。了此一生歷史。在今日豈能終無餘憾。昔孟子數言保民。元洪本一武夫。罔識大義。惟常奉教於孟軻。其心得除保民外。無第二思想。況執事歷世太深。觀望過久。不能自決。須知當仁不讓。見義勇爲。無待游移。孟子云。雖有智慧。不如乘勢。雖有鎡基。不如待時。全國同胞。仰望執事者久矣。請勿再遲疑三思。有失本來面目。則元洪等所忠告於執事者也。餘詳蔡劉兩君口述等語。除函覆外。特聞。

一七、九月二十一日 黃興在漢陽籌攻守 山東獨立旋即取消

二十一日。接得偵探陳愛濤報稱。滿軍有騎兵數百騎。步兵約三千人。欲於毛陳渡架橋。

佔領蔡甸之金牛山。爲進攻漢陽之計。又於漢口橋口鐵路南端及歆生路附近。均築設砲壘。且滿軍由北運來野砲甚多。陸續增加戰線。

同日接九江來電。海軍俱已反正。擬不日來漢協攻滿軍。同日又接得各偵探報告之敵情如左。

一、滿軍在南岸嘴及高公橋對岸。均設有機關槍數尊。又鐵廠對岸。有敵砲兵陣地。

二、漢口水電公司至橋口一帶。均有滿軍步兵駐紮。戴家山有滿軍步兵約一營。又姑嫂樹附近。有滿軍騎兵約一營。

三、聞滿軍現由國外購來野戰砲十二門。

四、滿軍步兵約千餘人。由新溝南下。於本日午後一時其隊頭已抵油榨坊附近。

是日黃總司令因步第一協防禦不密。令赴武昌換第六協到漢陽接防。

黃總司令接得以上報告。即召集各部隊長官。開軍事會議。規定各部隊防禦地區。并繪畧圖。乃發下如左之命令。

民軍總司令官命令

九月二十一日午後四時  
於漢陽昭忠祠

一、綜合各種情報。滿軍主力仍在漢口至孝感附近一帶。另有一部似由新溝方面南下。

又接九江來電。海軍俱已反正。擬不日來鄂協攻滿軍。

二、本軍擬仍在南岸嘴至三眼橋附近一帶防禦。

三、步隊第四協統領張廷輔。率該協仍在原陣地防禦。并須利用時間加築防禦工事。

四、步隊第五協統領熊秉坤。率該協（欠第十標）右翼與步第四協聯絡。須於兵工廠至鋼藥廠之間佔領陣地。

五、步隊第四標統帶胡效騫。率該標於鋼藥廠及黑山西麓佔領陣地。須與步第五協聯絡。

六、湘軍第一協統領王隆中。率該協及工程第一營（欠二隊）右翼與步第四標聯絡。須於割絲口至琴斷口附近佔領陣地。

七、湘軍第二協統領甘興典。率該協及工程第一營之兩隊。於美娘山三眼橋至扁擔山附近佔領陣地。并與湘軍第一協連絡。但須派偵探搜索蔡甸方面之敵情。

八、砲兵團仍佔領原陣地。以能射擊漢口新停車場至東亞製粉工場一帶。并三眼橋附近爲要。

九、步第六協在七里舖同第十標在歸元寺附近。爲預備隊。

十、各部給養。仍派員到歸元寺領取糧秣。

十一、予在昭忠祠。

注意 各部隊須按規定防禦配備畧圖構築工事。

總司令官黃興

以上命令發下後。黃興派參謀副官到各部隊。指示防禦工事。然後自己赴各部隊視察防禦陣地。

連日以來。滿軍在漢口砲隊。晝夜向漢陽兵工廠及歸元寺射擊。然無大損傷。惟兵工廠內仍照常興工。又滿軍每到夜深之際。用民船在襄河黑山附近一帶作渡河之勢。俱被民軍守兵擊沉水中。但兵工廠日夜興工。所製造槍枝彈藥。極形充足。

又自黃興爲總司令以來。湘軍又到漢陽援助。民軍士氣爲之一振。人民喜悅。加以漢陽

有襄河之險。武昌又有揚子江天塹。海軍既全爲我有。兵力漸次擴充。是防禦之力有餘。但漢口滿軍爲顧慮。京漢路起見。在漢兵力不及二萬。且人民絕不幫助。又無海軍。於是袁世凱以下。均爲惶惑。不但不欲進攻。似有復求講和之意。其時有日人大元。帶日本浪人多人來漢。見民軍勢力日益增大。滿軍漸至窮蹙。特到漢陽投効於黃總司令。謂漢口之滿軍。兵力較民軍薄弱。中外人民。又不幫助。不難擊滅云云。又擬代民軍偵探敵情及幫同計畫軍事。黃興聞之甚喜。立聘大元爲客卿。在黃興之意。是欲借湘軍之力。向漢口進攻。驅逐滿軍。藉以立功。以達革命成功目的。此時日人大元前來投効。大元又係日本陸軍大佐。黃興又通日語。以爲軍事從此不依賴他人。卽得便利。不覺喜出望外。適湘軍第一協統王隆中亦非常氣盛。謂由湘至鄂。是在助戰。孰知到漢陽多日。未受命進攻。僅在防禦。心滋不悅。遂與參謀賓士禮云。黃興既非軍人。如何能充總司令。現在滿軍在漢口與我僅一河之隔。其兵力實較我少。據報對於我湘軍來鄂。自袁世凱以下。均甚懼怯。理應趁此滿軍兵力未充之際。迅速進攻。望閣下（指賓士禮）報告總司令。若再不轉取攻勢。我卽不願盡防禦之責。我卽報告黎都督回湖南矣云云。賓士禮卽將王隆中之

意報告黃總司令。黃甚表同意。當請王統領來司令部。極爲稱贊。并令王妥爲準備。一俟攻擊計畫規定。卽行進攻。惟湘軍第二協協統甘興典。又不以王隆中爲然。謂王先到鄂。已休養多日。我第二協尙未休息。須從容辦理。以便計畫周到。免致失敗。王隆中云。你（指甘）是巡防軍。只能守城。不能打仗。甘云。我是見過仗的。你是新軍。尙未見仗。能否打仗。不得而知。請你不必趾高氣揚。到時再見高低云云。湘軍來鄂援軍只兩協。而協統彼此卽鬧意見。甚至在總司令部彼此爭論。大鬧特鬧。黃興亦莫可如何。是時黃興卽與李書城商量。謂湘軍第一協既欲進攻。我則利用其士氣。如能將漢口之敵驅逐。將來一切事進行必能順利云云。黃李商量已定。卽派李書城赴武昌。面報黎都督。不日計畫準備進攻。黎聞黃興意決。亦無可無不可。於是李書城復回漢陽。與黃秘議。并請大元計畫攻擊事宜。又派日本浪人多名往漢口偵察敵情。

是日山東濟南宣布獨立。推孫寶琦爲都督。孫寶琦以獨立請命清廷。先是山東紳商聞武昌起義後。躍躍欲動。又聞清廷向德國借款三百萬。以買軍火。以山東全省土地爲抵押品。民氣極憤激。遂於九月十五日在諮議局開會。以八事要求清廷。限三日答復。如三



日不答復。即宣布獨立。請清撫孫寶琦報達清廷。其所要求八事。實與獨立無異。清廷未能盡允。二十日乃改組保安會。二十一日公舉孫寶琦爲臨時都督。宣告獨立。孫寶琦暗中密奏清廷。謂爲不得已。後袁世凱致電詰責。孫寶琦竟取消獨立以媚之。是晚聞上海軍政府以徐紹楨爲聯軍總司令。將會攻南京。又聞奉天設立保安會以東三省清督趙爾巽爲正會長。

一八、九月二十二日 廣東光復 廣西改舉陸榮廷爲都督

### 烟台光復

二十二日。接廣東來電。謂該省業已光復。公舉胡漢民爲都督。

先是九月十八日。省中各善團行商。在總商會集議後。即刊傳單。聯合各界。舉派代表。再赴諮議局議事。軍商工學各界。到者凡千餘人。胡銘盤代表張鳴岐、祥康等八人。代表滿漢八旗赴會。兩點鐘開議。衆舉主席。愛育代表黃雲軒。八旗代表余順卿。宣布莫任衡書。記羅少韜。凌子雲。先宣佈開會理由。大意謂現在大局危急。各團體以議局爲全省言論機關。在此集議。政治革命。實中外所同認。廣東全省人民。極表同情。今第一次集議。組織

新政府。有兩問題。一爲議事機關。(甲)指定諮議局爲辦事所。(乙)舉人擔任作爲臨時辦事人。先由省城及港澳各團體舉出。至少每團五人。一面通函各府州縣。趕緊舉人來省。凡被舉代表。每日均須到辦事所。不得放棄。將來開辦正式選舉。卽退居選民。未舉定以前。由議局議長議員擔任。衆贊成。二爲行政機關。經衆舉定張鳴岐爲臨時都督。龍濟光爲副都督。用正式呈文。俟接收後。由都督分別咨移各省都督。其餘行政官廳。及軍隊防營。暫由臨時都督主持。再宣佈。是早總商會議案。提出三問題。(一)新軍防營。暫由臨時都督。負完全管轄責任。衆贊成。(二)旗滿軍民。先請旗滿代表。陳述意見。主張人道主義。不分滿漢。一律看待。衆贊成。(三)土匪經衆再三討論。未經表決。下次再議。隨決定十九日八點鐘。在議局大會議。宣佈呈文。表決後。連同關防。送呈軍政府。臨時都督開用。請卽正式公布。一律懸豎獨立旗。以定衆志。遂搖鈴散會。昨九善總商會。以地方危迫。決議立派代表。聯謁張督。龍李兩提。請示。惟維持方法。本日早。再集總商會。適張督先派胡君銘槃。偕江君少泉蒞會。陳述意見。由胡君提出三問題。(一)軍隊防營。(二)旗滿軍民。(三)土匪請速解決後。然後進行。免陷危險。經衆再三討論。軍隊防營。於未舉定民政府

都督以前。仍須由張督龍李兩提。負完全彈壓責任。通知旗滿。速派代表。即日與議。共保和平。土匪與革黨。性質不同。俟廣東政府機關成立。速議條件。分別解散。制止懲辦。表決如下。一、定諮議局爲全省議事總機關。所有各團。均舉代表與議。一、准期即日兩點鐘。在諮議局開議。一面通知議局辦事處準備。一面請各報刊發傳單。一、函達滿漢八旗。舉代表與議。一、電告港澳團體。一、目下進行方針已定。應由各界聯同保守秩序。實行維持治安。茲事體大。人民各宜存敬畏。勿涉輕妄。一、機關部成立。議定條件。送呈張督執行。各界見有總機關部傳單。方可一律豎旗。鳴砲。以維秩序。廣東七十二行總商會。九善堂。暨各界團體公佈。

兩廣督院示。國勢日危。大局岌岌。多數人民。主張獨立。現正籌議。完全組織。官紳商民。同心協力。不日議妥。宣佈在即。定期豎旗。以昭正式。凡我軍民。同心愛國。切勿暴動。共保大局。特示。

各處革命軍。本約定昨日到省。居民異常驚疑。共企望獨立。真有遲一刻似一夏之勢。及見議案。及張督示。全省欣然。各舖即時開門貿易者。不計其數。初時各人尙歡呼喧嚷。及

憂心已息。全省肅然。自三月二十九至今。無有如此日之怡然者。蓋如釋重負也。

廣東既決定獨立。所有砲樓營盤城樓各處。已一律撤去防備。原有大砲。俱即日取下。并下令各警局。各營隊。遇有真正革黨。如非擾民。不許妄拿。其桂軍各營。擬要求新政府發恩餉三月。派員送令回籍。防綠旗滿各營。暫仍其舊。卽此數端。三數月後。已可回復和平幸福也。

各國革命後。必將監獄人犯。一律釋放。以示咸與維新之意。昨日粵人。既決定獨立。所有南番兩縣。廣府及各審判廳犯人。一聞消息。紛紛要求。已卽日將輕罪囚徒省釋。其重罪者。現仍暫留。以待新政府之命令。

粵人既決定宣佈獨立。政界卽日在各車衣店。定製民國新旗三千六百面。預備今日懸掛。李水提且於昨早已飭寶和製定新旗七十面。其餘公地及各舖戶。自行製造者。不計其數。粵漢各車站。及離省稍遠之村落。未知樹旗時日。急不及待。昨已紛懸新旗。可見人心之趨向矣。

是日諮議局集議。雜聞頗多。茲酌錄下。會議以七十二行代表爲最多。各人對於張督示

文。不日宣佈四字。反駁最力。謂恐鬆懈初議。本日十一點鐘送都督印。辯論許久。卒定十  
九早八點鐘。又初集議時。有行商代表招某。痛責諮議局腐敗。謂新政府成立後。應重新  
改選。八旗代表蔡某演說。謂舊政府於彼等本無甚裨益。此番組織共和。各人無不歡悅。  
張督代表胡銘盤代張督辭臨時都督頗力。陳援庵痛切駁之。卒又舉龍濟光爲臨時副  
都督。又因粵省政府應與湖北政府血脈相接。遂又舉定汪精衛胡漢民陳景華等在粵  
辦事。由臨時都督以禮延聘。其臨時都督印及文書。公推報界製辦。文曰中華民國軍政  
府粵省大都督之印。丁方約四寸。昨晚漏夜刊刻備齊。十九早送去。是日爭論雖多。然無  
不各守秩序。誠幸事也。

時陳炯明王和順等之革命軍。亦將抵廣州。南海、順德、三水、番禺各縣之黨人。亦乘機發  
動。附郭之新軍。預備響應。而張鳴岐李準輩。平日仇殺黨人太多。至此實形危懼。適藩司  
陳夔麟派其戈什吳樹梅曹福亭（皆湖北黃岡人）二人。巡邏街市。二人放槍。詐稱革命  
軍。於是全城大譁。官民四竄。張鳴岐等即於是夜挾庫帑遁香港。諮議局乃再舉胡漢民  
爲都督。未到以前。由蔣尊簋代之。

是日廣西又以陸榮廷爲都督。

廣西於九月十七日宣布獨立。即公舉沈秉堃爲都督。民心本極安靖。不意二十一晚間。巡防營十四十五兩隊。忽然兵變。搶劫藩庫不成。即轉攻諮議局。及電報局。機器各件。全行毀壞。一時變起倉猝。沈都督不知所爲。避匿無蹤。各客亦大半逃避。不得已由龍州李道標統陳元伯於二十二日公舉廣西提督陸榮廷爲都督。現下變兵已經擊散。地方安謐。電線亦已修通。茲將陸都督致各省都督電錄下。各省軍政府鑒。現承桂省人民公舉榮廷爲全省都督。自慙德薄能鮮。惟顧念大局。保持治安。不得不勉肩其責。務望聯絡匡助。共與我漢族以光歷史。以後彼此應商之事甚多。望隨時以文電相告。榮廷叩養印。

是日山東煙台商埠宣布獨立以響應武昌。

自濟南省城宣布獨立後。即有軍政府特派員來煙。聯絡海防營兵及警衛隊。誓以大義同謀獨立。即於二十二晚九鐘後。先至海防營。董游戎首表同情。復問三區區官祖殿臣亦表同情。遂由衆議定。遣分三隊。一襲電報局。一襲大清銀行。一襲東海關道署。出發後。審判廳官員。各纏白布於臂。并懸樹白旗以示歸順民軍。至電報局及大清銀行時。不過

略告大意。機器銀錢毫無損失。且留兵爲之看守。當赴道署時。徐道早已遠避。巡警總局亦無人。該兵隊乃直入道署駐紮。前後三點鐘之久。不血一刃。而大事已成。惟兵隊從海防營初出時。因舉號火。延燒街面小本經營之常棚二座。次日立由軍隊中照值賠洋二百元。遣人送給兩棚主。迨二十三日早。卽出安民告示。并得東山海軍警衛隊均表同情。道署巡警總局及各商號一律懸掛白旗。又有舞鳳砲艦管帶王傳炯及各區官警亦均投順。并由軍隊支出餉銀若干。又有各國領事均親至國民軍隊慰問。復由軍隊發給照會。擔任保護。并要求嚴守中立。並照會大清銀行照常貿易。延及十一點鐘。乃由商董數十人赴道署開議。并推舉臨時各職事。議定以道署爲行政部。所有行政民事等均歸衆商董擔任。以海防營爲兵隊根據地。所有兵事仍歸起義諸軍擔任。一面電告軍政府。請爲協助。并通告附近各同志。同聚煙埠。協議善後之策。

是日有漢口法租界商人來總司令部報告。謂有滿軍約二百人。今早搬運劉氏機器廠之材料。在後湖堤築設砲台。又據偵探報告。謂滿軍在漢口兵力約有二鎮。其主力在智門附近。其第一綫在橋口及龍王廟一帶。但橋口附近設置砲兵陣地。共計有野砲十

## 六門。

是晚又接得報告。謂滿軍擬對於漢陽取夾擊之勢。已派遣一支隊、出新溝、經蔡甸、渡襄河、向我左側背攻擊。另以一支隊繞黃陂、經陽邏、擬進攻武昌。

黃總司令接得以上報告。一面轉報黎都督。一面下命令於各部隊。仍續行前任務。黎都督接報後。即通知薩海軍司令。須率各艦隊停泊於陽邏附近。以防滿軍渡江進攻武昌。

是日有一般同志陳報黎都督云。襄陽尚未全行反正。而滿軍又派隊在襄河上游繞攻漢陽。如派一人前往襄陽一帶招討。藉以擾害京漢鐵路。則漢口之敵。不攻自退。黎都督即以為然。於是派季雨霖為襄陽招討使。并率兵一標沿襄河向襄陽前進。

## 一九、九月二十三日 民清兩軍在武漢相持

二十三日。黃總司令接得日人偵探報告。并繪一略圖。將漢口滿軍兵力配備。一一註明。茲將其報告列后。

一、在漢口滿軍之兵力約一鎮以上。



二、其主要砲兵陣地。在水電廠、滿春茶園、及劉氏堤防附近。

三、其步兵陣地。在龍王廟至玉帶門一帶。

四、劉家廟及大智門。均有步砲兵佔領。

是日黃總司令特將以上情形轉報黎都督。爲求我軍在揚子江上下游安全計。須組織別動隊。一則掩護上下游。一則擾害敵之後側。以牽制敵之兵力。黎都督亦以爲然。卽編成游擊隊二營。一派赴黃陂方面。擾害敵之後側。一派赴京口及大軍山附近。防禦武昌上游。是日黎都督爲防禦武昌嚴密計。特發下如左命令。

中華民國中央軍政府大都督命令

九月二十三日午后四時  
于絡驛局

一、滿軍在漢口兵力約一鎮以上。其第一綫仍在龍王廟至玉帶門一帶。但派一支隊出新溝經蔡甸南下。另以一支隊由黃陂向陽邏進。我漢陽各部隊。仍沿襄河一帶。由南岸嘴至三眼橋附近防禦。

二、本軍擬防禦武昌省城。

三、步兵第二協協統何錫藩。率該協防禦武昌城。但派一部附砲兵一隊騎兵一排防

禦東湖門附近。

- 四、步兵第三協協統陳炳榮率該協仍防禦兩望至青山一帶
- 五、步隊第一協及其餘各部隊仍在武昌城內待命。
- 六、余在諮議局。

都督黎元洪

是晚接得偵探報告。滿軍有步兵約兩營。在漢川安陸連界之蝦蟆潭。擄掠民船四百餘隻。向蔡甸方面下駛。

又據由北方潛回之各將校報稱。滿軍原擬在漢口龍王廟玉帶門一帶防禦。夜間即在該處用民船施行佯渡之法。并用砲向漢陽武昌射擊。以牽制民軍。在漢陽及武昌之兵力。另派一支隊繞攻漢陽。嗣後察得湘軍來援。極爲謹慎。刻下正在準備中。能否施行政擊。不得知也。但滿軍中有種族思想者。均不願戰。或潛逃。或觀變。均不乏人。惟有一般漢奸。仍諂媚當道及滿人。慫恿主戰。又云民軍之砲。射擊効力不大。想係山砲。其砲彈均不開花。即能命中。亦不過損傷一二人耳。又缺乏機關槍。是其短也云云。

又據入伍學生隊回鄂學生多人云。北京極形恐怖。滿清誠恐入伍學生隊在保定爲害。特囑隊長蕭展舒一律遣散。我輩抵上海時。民心甚爲歡悅。船經揚子江時。沿途遍插白旗。聲勢浩大。無一人不歡迎云云。

二十四日。午前九時。黃總司令集合各部隊長官在司令部開軍事會議。規定攻擊計畫。指示各隊應準備之事件如后。

一、工程第一營管帶李占魁。赴東亞製粉工場附近。偵察渡河點。準備架橋材料。架設橋梁。

二、砲隊團統帶曾繼梧。派砲隊兩營準備渡河。其餘仍在原陣地援助進攻步隊。

三、步隊第四協協統張廷輔。準備船隻及小火輪。卽由原陣地準備渡河。向漢口市街攻擊。

四、步隊第六協協統楊載雄。準備小火輪及民船。由漢陽東北岸前進。向漢口龍王廟登陸。攻擊敵人左翼。

五、湘軍第一協同第二協。及步隊第五協。馬隊一隊。砲隊兩營敢死隊一營。均準備渡

## 橋攻擊。

六、步隊第四標防禦兵工廠及鋼藥廠。

七、各兵須攜帶子彈百粒。乾糧一日份。先派員至歸元寺領取。

八、戰鬪時各部隊應需糧食。由糧台司令王安瀾派員補充。應需彈藥。由輜重營管帶胡恢漢補充之。

以上各件。各部隊須限於明二十五日準備齊全。以便施行攻擊。

黃總司令於攻擊計畫指示後。除湘軍第一協統領王隆中贊同外。其餘各部隊長官。咸因所率皆係新兵。一旦進攻。指揮恐難如意。不能期得良好結果。似有難色。當時第二協協統甘興典云。本協兵士。俱係倉卒之間招募而來者。槍之使用法。尙且不知。使之攻擊。恐難收効。但由湖南至漢陽。雖有十餘日時間。并未受有一日訓練。以如此新兵。形同烏合。至攻擊時。能否聽其指揮。實無把握。但是總司令命令。本協不敢違抗。然兵士之程度。及一切實情。不能不先陳明。俾免貽誤。戎機云云。黃興云。我軍兵力較滿軍爲優。加以湘軍第一協皆經訓練。而爲有節制之師。爾第二協至攻擊時。不過援助他隊而已。不必過

慮。況在漢口之滿軍。若不卽時驅逐。何能達到革命之目的乎。王隆中云。總司令既規定攻擊。我軍惟有遵命而已。大家好爲準備。爲軍人者不可臨敵畏死。甘興典又云。既是軍人。誰敢畏死。不過所慮者新軍不能受指揮耳。假使爾協兵士未經訓練。爾一人又有何能力。二人相爭。幾至用武。經黃興勸解。務要顧全大局。該二人方始回隊。各部隊長官散會後。吳兆麟見此情形。誠恐進攻時。遭失敗。乃謂黃興曰。滿軍與我軍相持於襄河兩岸。已旬餘日矣。彼此進攻。皆有困難。我欲達革命目的。非首先擊攘漢口之敵不可。但是我軍經漢口挫折後。元氣尙未恢復。兵力亦未整頓完好。此時各部隊其所以能在漢陽堅持防禦者。一則恃有襄河之險。足以壯兵士之膽。二則因海軍及各省相繼響應。擬派兵來援。以振士氣。三則有湘軍來到。以振軍威。所以滿軍不敢輕向我攻擊。因有以上三件。我軍卽可利用時機整頓。一面通電各省響應。如能不戰而屈人之兵。是上策也。爲今之計。我軍仍利用襄河。嚴爲防禦。以老其師。想滿軍卽向我攻擊。亦不過徒盡犧牲而已。倘能持久。則我利而被害。若我向彼進攻。勝則固然有利。萬一不勝。其患不堪設想。且我軍兵力雖大。而新兵占十之八九。指揮上殊多困難。今日開會觀察。各部隊長官均有難色。

似有苦說不出口之意。至於湘軍第一協。固係訓練之師。并未經過戰事。而驕氣極盛。日前目兵擊斃隊官。足見無服從之心。況驕兵頗犯兵家之忌。不可不慎也。又我軍火器。遠不如滿軍。前在漢口挫敗。火器爲一大原因。麟意我軍事防禦。亦非善策。何則。滿軍現在正偵察我之虛實。我不攻彼。彼必來攻我。此必然之勢也。我軍宜乘此時機。挑選敢死部隊一標或一營。渡河夜襲。其餘各部隊準備渡河。如夜襲有効。我之準備各部隊旋即渡河。一齊進攻。則敵不難驅逐矣。萬一夜襲部隊無効。則繞道退却。是敵已被我擾害。必刻刻以備我。而我亦不傷元氣也。否則我以全軍進攻。設有不測。則一敗塗地。敵必乘我之虛而施行追擊。欲求挽救。難矣哉。再進而言之。漢陽乃武昌之保障。漢陽不保。則武昌受大別山之瞰制。亦不能保。武昌一失。則滿軍之氣振。而各省必多觀望。不我援矣。倘不幸而至功敗垂成。則總司令之失計。豈不爲天下笑乎。以上所言。不過麟一人意見。未識總司令以爲何如。黃興云。兵貴神速。我已準備進攻。望不要議論。徒亂人之心志可耳。吳兆麟云。當今戰事。必須判斷敵我之情形。審度彼此之優劣。多算則勝。不宜以人議論爲非。總以詳細研究爲是。黃興云。我總司令官也。決心在我。無論何人。不得干涉。吳兆麟見

黃興性急貪功。遂不復言。旋吳兆麟將以上情形面報黎都督。謂漢陽關係武昌存亡。不可不慎。黎云。據黃興派李書城來言。現在攻擊計畫已定。頗有把握。我亦不便阻止云云。吳兆麟因黎言如此。亦不便再說。於是仍返漢陽司令部。其時有日人數名與黃興秘商。謂漢口滿軍之配備。是如何不好。中外人民是如何反對。民軍兵力是如何充足。如行攻擊。必能收良好結果云云。黃興深以爲然。於是黃興與李書城及日人某某據圖研究計畫。準備攻擊矣。

二十五日。江蘇浙江上海各處來電。請組織臨時政府。并設臨時國會於上海以利進行。同日又接福州來電。謂福建業已光復。已舉孫道仁爲都督。

是日安慶兵變。朱家寶逃。

連日以來。漢陽武昌防禦極形穩固。袁世凱又派人來武昌搆和。人心頗爲安定。加以響應省分。無日不有消息傳播。人人雀躍。招賢館之人日多。各機關來投効者亦不少。派別複雜。各懷猜忌。因猜忌而生排擠。於是革命黨人。個個爭雄。各自擴充勢力。（即軍務部孫武蔣翊武張振武三人。如委一軍官。三人都要委派。平均勢力。）兼之是日各省來電。

請組織臨時政府。悉表贊同。以爲政府成立。可謀捷足先登之大權。惟有一般狡猾之徒。在旁觀察各方勢力之大小。到處逢迎。一旦與革命黨接近。卽施其挑撥手段。而革命黨不察。以爲逢迎我者皆心腹也。既不追念從前患難與共之苦。又不計建設而立求賢才之謀。驕縱自傲。盛氣逼人。辦事不問人之賢不肖。惟多是務。不數日之間。非但甲與乙爭。彼此傾軋已也。卽一個團體之下。亦生傾軋相爭之怪象。不獨此也。如從前帶有色彩之民主黨及官僚派之能作事者。不來逢迎我。則排斥之。不能作事者。來逢迎我。則袒護之。以致謠言繁興。互相暗鬪。視黎都督如傀儡。跋扈自恣。各自爲政。任意添募軍隊。擅立名目。曰援助隊。曰先鋒隊。曰奮勇隊。以致軍名凡十餘種。月餉須二百萬。此大不幸事也。是日黃興同李書城日人等往大別山及各防禦區域視察情形。一面問各部隊準備完好否。

是日午後八時。黃總司令召集各部隊會議。并將各省響應情形通傳各隊。但各部隊已當面報告。將攻擊之事皆準備完好矣。於是黃總司令開會規定如左事項。

- 一、通知武昌鳳凰山砲隊。當我軍施行攻擊之際。卽向漢口射擊。以援助我軍。



二、通知海軍。於我軍攻擊時。即向漢口滿軍射擊。

三、設信號於武昌黃鶴樓鳳凰山及漢陽大別山等處。以資連絡而期迅速。

四、派吳兆麟王安瀾專辦攻擊部隊補充彈藥糧秣。及收集情報等事。

五、各部隊即按照如左命令施行。

民軍戰時總司令官命令

九月二十五日午后九時三十分  
於漢陽總司令部

一、滿軍在漢口龍王廟至玉帶門一帶佔領陣地。其砲兵陣地在劉氏堤防水電廠及滿春菜園附近。

我游擊隊已向黃陂方面進發。擾滿軍之側背。

二、本軍擬於明二十六日渡襄河前進。出其左岸攻擊漢口滿軍。

三、工程第一營。明日午后三時。用鐵舶及民船。將湘軍步隊第一標（欠一營）輸送於東亞製粉工場。同時架設軍橋。

四、左之諸隊掩護架橋。

湘軍第一協（欠第一標（欠一營））明日午后三時佔領趙家湖西北附近。

步隊第五協（欠第十標）明日午后三時佔領琴斷口東端附近。

砲隊第一標（欠一營）明日午后三時於黃家灣大吳灣附近布置放列。以能射擊博學書院及東亞製粉工場北方之無名獨立家屋方向爲要。

五、步隊第四協。明日由原地準備渡河。俟我左翼部隊出襄河左岸施行攻擊時。卽開始動作。向漢口中國街市攻擊。

六、步隊第六協。明日準備由漢陽東北岸航進。與步隊第四協協同動作。至龍王廟登岸。向漢口滿軍左翼攻擊。

七、砲隊團（欠第一標（欠一營））仍佔領原陣地。須限於明日午后三時三十分向漢口龍王廟至玉帶門一帶及劉氏堤防附近。開始射擊。援助我攻擊部隊。

八、步隊第四標。明日防禦兵工廠及鋼藥廠。於明日午后三時向襄河對岸開始射擊。援助我部隊進攻。

九、其餘諸隊。須限於明日午后三時在花園附近。集合待命。

十、予明日午后三時在花園。

總司令官黃興

二〇、九月二十六日 清廷命袁世凱組閣

二十六日。上海都督陳其美來電。請以伍廷芳爲外交總長。

是日午前七時。黃總司令派騎兵隊長王作賓率騎兵一排。搜索敵情。又派朱樹烈率便衣軍士數人。并間諜數人赴漢口。由租界登岸。搜索漢口之敵情。又派敢死隊長方興率兵一隊。各帶手槍。潛至漢口日租界登岸。於本晚到車場附近。擾害漢口滿軍。

是日午后二時。接得各偵探間諜報告。漢口滿軍在劉氏堤防及水塔附近之砲隊。均已布置放列。時向漢陽兵工廠大別山及黑山等處射擊。其步隊仍在龍王廟至玉帶門一帶佔領。尙未見有若何動作。至於大智門劉家廟及各主要地點。均有滿軍佔領。劉家廟以南至日租界止。沿江岸滿軍設有砲位。又劉家廟大智門兩處車站。滿軍設有糧台。司令部亦在該兩處。

是日午后三時。黃總司令率總司令部人員赴花園。同時工程營正在架設橋梁。掩護隊均已佔領陣地。其餘各隊均在花園集合。

午後四時。我砲隊及兵工廠附近一帶之步兵。并武昌鳳凰山砲隊。俱開始射擊。漢口滿軍砲隊。亦向我砲隊還擊。

午後五時。我軍架設橋梁。業已完竣。黃總司令即於漢陽花園發下命令如左。

民軍戰時總司令官命令

二十六日午後五時二十分  
於花園發

一、滿軍仍佔領漢口龍王廟玉帶門及劉家廟大智門劉氏堤防并水塔附近。

二、本軍擬於今晚向玉帶門一帶攻擊。先展開兵力於博學書院附近堤防一帶之綫。

三、湘軍第一協統領王隆中。率該協爲右翼進攻隊。即時由軍橋渡河前進。展開於博學書院北端至襄河左岸之間。須與湘軍第二協連絡。

四、湘軍第二協統領甘興典。率該協爲中央進攻隊。俟湘軍第一協渡河畢。即由軍橋渡河前進。與右翼進攻隊連絡。展開於博學書院以北堤防之綫。

五、步隊第五協統領熊秉坤。率該協（欠第十標）爲左翼進攻隊。俟湘軍第二協渡河畢。即陸續渡河前進。右翼與中央進攻隊連絡。向北展開。

六、砲隊第一標統帶尙安邦。率該標（欠一營）及工程一隊。即時準備渡河。須於博學

書院西南端附近布置放列。以能射擊玉帶門一帶爲要。

七、工程第一營管帶李占魁。率該營（欠一隊）保護橋梁。

八、步隊第十標及其餘各隊爲預備隊。赴博學書院西端家屋附近。集合待命。

九、予午後六時以後在博學書院。

### 總司令官黃興

以上各部隊接得命令後。一面偵察地形。一面按命令順序渡河前進。至指定地點展開。至午後十時。各部隊陸續前進。始達預定展開地點。是時天氣黑暗。方向不明。彼此詢問。極形喧譁。滿軍已偵知我軍渡河。嚴行防禦。惟我軍新兵過多。不知夜戰原則。非但不能靜肅。且內部殊多紊亂。幸滿軍尙未派隊襲擊。我軍始從容佔領陣地。

當我軍渡河之際。我大別山及武昌鳳凰山砲隊。已向漢口猛烈射擊。我兵工廠至黑山一帶之步兵。亦向對岸滿軍猛烈射擊。

少頃。我進攻部隊。均已沿隄防展開。均向玉帶門一帶射擊。滿軍是晚聞我軍渡河。步砲射擊熾盛。已覺我軍進攻。極爲鎮靜。專依托掩堡防禦。滿軍步砲隊。亦向我之槍砲聲處。

還擊。

午後十一時。我步兵第四協。由南岸嘴至高公橋一帶。向對岸施行猛烈射擊。業將滿軍火力壓倒。即派教練官馬得勝及第七標第一營管帶李國棟。率該營由南岸嘴渡河。我軍行將登岸。滿軍用機關槍射擊。我軍死傷百數十人。仍退回南岸嘴。

是時滿軍見我軍步砲射擊猛烈。各方面已實行進攻。滿軍甚爲恐慌。業將火車準備齊全。萬一不利。即向北退却。

黃總司令是時已達漢口。見滿軍守於防禦地位。不敢越雷池一步。我軍進攻部隊。悉數達至彼岸。逐次向玉帶門方面前進。心中極爲喜悅。特令各部隊連絡前進。向敵射擊。俄頃敵我兩軍。漸次接近。火力極猛。我軍各部隊死傷雖衆。仍勇往直前。

午後約十二時。黃興派人到十里舖。用電話通知步兵第四協同第六協。迅速渡河。向滿軍左翼攻擊。又通知吳兆麟。王安瀾。胡恢漢等。對於各部隊之糧秣彈藥。務要陸續接濟。不得貽誤。否則即以軍法云云。但黃興此時異常嚴厲。不知是何用意。查是時各部隊糧秣彈藥均甚充足。惟後方之補充。均由吳兆麟。王安瀾等按戰鬥員需要一一計算。陸續

加倍轉運前方。由王安瀾胡恢漢親爲督運戰綫。頗有餘裕。是晚敵我兩軍相持於玉帶門一帶。射擊猛烈。無一刻間斷。是晚聞吉林設立保安會。以吉林巡撫陳昭常爲會長。

又聞清廷以袁世凱爲國務總理。卽日入閣辦事。袁世凱面奏組織內閣。推舉國務大臣。任

梁敦彥爲外務大臣。

趙秉鈞爲民政大臣。

嚴修爲度支大臣。

唐景崇爲學務大臣。

王士珍爲陸軍大臣。

薩鎮冰爲海軍大臣。

沈家本爲司法大臣。

張謇爲農工商大臣。

楊士琦爲郵傳大臣。

達壽爲理藩大臣。

梁敦彥嚴修王士珍薩鎮冰張謇未到以前。

外務大臣着胡惟德暫行署理。

度支大臣着紹英暫行署理。

陸軍大臣着壽勳暫行署理。

海軍大臣着譚學衡暫行署理。

農工商大臣着熙彥暫行署理。

又袁世凱面奏請簡各部次官。

胡惟德着補授外務副大臣。

烏珍着補授民政副大臣。

陳錦濤着補授度支副大臣。

楊度着補授學務副大臣。



田文烈着補授陸軍副大臣。  
譚學衡着補授海軍副大臣。  
梁啟超着補授司法副大臣。  
梁如浩着稱授郵傳副大臣。  
榮勳着補授理藩副大臣。

胡惟德熙彥現署國務大臣。

外務副大臣。着曹汝霖暫行署理。

農工商副大臣。着祝瀛元暫行署理。

梁啟超梁如浩未到任以前。

司法副大臣。着定成暫行署理。

郵傳副大臣。着梁士詒暫行署理。

但袁世凱跪奏清廷。所簡各員。除向在清廷任職者外。均辭不就職。

二十七日。午前三時。玉帶門附近之滿軍。向東北退却。我軍前進。佔領玉帶門一帶。黃興

復派員用電話通知各部隊。謂漢口玉帶門之敵。業已被我軍擊退。望步隊第四協同第六協必須奮勇渡河協攻。以收夾擊之効。但第四協統領張廷輔。派第七標統帶胡廷佐。率該標由南岸嘴至高公橋附近渡河數次。皆被滿軍用機關槍擊回。死傷亦重。步隊第六協楊載雄。見第四協渡河不能登岸。亦不敢徒供犧牲。遂將危險情形與張廷輔報告黃總司令矣。

是日午前九時。我湘軍一二兩協第一綫。已進攻佔領居仁門之綫。我第五協之第九標并敢死隊兩隊。已佔領王家墩之綫。此時兩軍相距約千餘密達（一密達合華尺三尺一寸五分）。滿軍用排砲向我軍射擊。我軍雖死傷甚多。猶沉着射擊。滿軍步兵火力漸衰。至正午。滿軍漸次向北退却。我軍尙未前進。仍在原陣地射擊。

是日午後二時。我軍因戰鬪一晝夜。極爲疲勞。黃總司令特令各部隊食飯。各新兵不知戰鬪利害。一聞食飯。羣往後爭食。湘軍第一協見他部隊動搖。忽向後退。滿軍斯時察知我軍後退。隊伍紊亂。卽前進用機關槍猛擊。我軍即時慌亂。紛紛後退。黃總司令命令停止。皆不聽命。一時極爲紊亂。滿軍乘機前進。向我軍追擊。於是我各部隊因以瓦解。勢如

山崩。滿軍節節追擊。復佔領玉帶門一帶。向我軍行射擊追擊。我軍死傷頗重。旋渡橋回漢陽。時極擁擠。已將橋梁擠壞。當時躍水渡河因而溺斃者有五百餘名。在漢砲隊兩營全失。軍械子彈損失無算。共計傷亡約千人。元氣大傷。軍心不固。甚形危險。黃總司令垂頭喪氣。幾不欲生。田桐等在旁勸解。謂勝敗乃兵家之常事。另行整頓。再圖恢復可也。於是黃興請吳兆麟速急計畫佈置防禦。吳兆麟即令工程營先將橋梁折毀。一面代黃總司令下命令。仍固守漢陽。茲將是晚發下命令如左。

民軍總司令官命令

二十七日午後七時三十分  
於昭忠祠總司令部

- 一、滿軍仍佔領漢口龍王廟至玉帶門一帶。
- 二、本軍今夜擬仍防禦漢陽。以戰鬪隊形準備徹夜。
- 三、步兵第四協仍佔領南岸嘴至兵工廠東端附近。
- 四、步兵第四標防禦兵工廠。
- 五、步兵第五協在兵工廠與鋼藥廠之間佔領陣地。
- 六、步兵第六協佔領梅子山及割絲口一帶。

- 七、湘軍第一協。在割絲口至琴斷口之間佔領陣地。
- 八、湘軍第二協。在美娘山三眼橋扁擔山附近佔領。
- 九、砲隊團仍佔領原陣地。
- 十、工程第一營。將橋梁撤收後。在十里鋪集合。
- 十一、各部隊給養。用歸元寺糧秣。
- 十二、予在昭忠祠。

總司令官黃興

是日各部隊在漢口與滿軍戰鬪。始極奮勇。已將玉帶門一帶之滿軍擊退。向北退却時。滿軍總司令馮國璋以下。均甚惶恐。準備車輛以備逃竄。倘民軍於斯時處置得當。忍耐須臾。則漢口恢復。指顧間耳。詎料黃興不明當時軍隊內之性質。以爲滿軍既退。不足爲慮。迨我軍佔領玉帶門時。見兵士疲勞過甚。卽令後方送飯。令兵士中餐。此戰綫上最危險事也。加以新兵太多。疲餓之餘。一聞食飯。羣相爭食。以數協之衆。戰綫過寬。一部動搖。則他部自然牽動。以致頃刻瓦解。自由退却。可惜亦復可危。幸滿軍敗退之後。不敢輕動。

所以各部隊仍得以退回漢陽防禦。若漢陽無襄河之險。則兵士亦無膽防禦矣。是晚黃興即派李書城赴武昌報告黎都督。黎恐漢陽有失。又慮黃興灰心。不願負責。當派蔣翊武到漢陽慰勉黃興。謂漢陽有襄河之險。且係武昌保障。仍要固守。此時之敗。不足慮也。一俟各省援軍齊到。再圖恢復可耳云云。

是晚午後八時。各部隊已按命令佔領陣地。以戰鬪隊形澈夜。但由南岸嘴至黑山沿襄河一帶。兩軍槍聲不息。黃興請吳兆麟帶參謀副官十餘人分途往各部隊察視戰綫。并安慰各軍隊。

是晚午後十二時。總司令部收集各部隊戰後報告。知此次戰鬪軍官死傷共五十七員。兵士死傷共七百九十二名。失去山砲十八尊。步槍六百餘支。子彈約二千三百餘箱。（每箱一千粒）

少頃。接得敢死隊長方興報告云。該隊於昨晚九時到漢口。由日人指導前進。經華景街附近。向大智門襲擊時。被敵機關槍猛烈射擊。我隊死傷二十餘人。該指導日人亦同時陣亡。其餘兵士現已退回漢陽矣。

是晚聞黑龍江設立保安會。以黑撫周樹模爲會長。

二十八日。桂林都督來電。請推鄂軍政府爲臨時中央政府。以伍廷芳爲外交總長。駐漢辦理一切交涉。

是日接偵探報告。謂滿軍司令官馮國璋。其司令部仍在大智門車站。馮國璋駐該處第一賓館。本日聞其派人在漢口美最時洋行購琵琶桶七百個。又在祥太洋行購松木數百株。以爲架橋材料之用。

是日黃興請吳兆麟視察漢陽防綫。凡關於最緊要之處。卽派工兵構築附防禦工事。以防滿軍攻擊。

是日漢口滿軍砲隊。向漢陽兵工廠黑山大別山射擊。我大別山砲隊。亦向漢口滿軍還射。砲聲不息。

是日午後三時。又接偵探報告。滿軍由枯桐樹至漢口向三眼橋附近之湖水內搬運架橋材料。似欲架設浮橋。

是日黃興卽傳知各部隊速爲整頓。并須將缺額設法補充。

同日午後四時。黃總司令發給各部隊命令。仍佔領原陣地。以戰鬪隊形。準備徹夜。是晚接得漢口商紳宋偉臣報稱。滿軍於昨日視民軍進攻極爲勇敢。惶恐異常。業已預備火車。施行退却。忽見民軍自亂。向漢陽退。滿軍亦不敢前進追擊。誠恐民軍行誘敵之法。後見民軍渡橋擁擠。并淨水而過。仍莫明其妙。於是逐漸前進。復佔領玉帶門。刻據滿軍所言。前多日對於漢陽不取攻勢者。一則因湘軍來援。增加兩協之衆。且因湘軍從前在國內頗有威名。故不敢攻擊。二則因黃興係革命首領。又係湖南人。海內馳名。加以各省陸續響應。若攻擊失敗。則危險曷堪言狀。故亦不敢攻擊。現在湘軍一退。滿軍之士氣又振。預備挑選敢死隊向漢陽進攻。望民軍好爲防備云云。

二十九日。接各方面間諜報告。謂滿軍派兵由京漢路南下增援。自黃河以南。約有兵力三鎮之譜。

同日接上海來電。謂江蘇聯軍總司令徐紹楨率第九鎮進攻南京失利。是日午後三時。又接報告。謂滿軍有步兵約千餘人。騎兵一隊。砲兵一營。已佔領油榨坊附近。并在新溝架設橋梁。

是日湯薌銘杜錫珪率海軍兵艦三隻。開至青山附近。黎都督命向劉家廟之滿軍射擊。滿軍在劉家廟之砲隊。卽向海軍還擊。彼此交射約三十分鐘。滿軍砲隊旋沉默無聲。我艦隊戰至日沒。卽奉黎都督命令。開赴陽邏附近停泊。掩護武昌下游。

同日又接報告。謂滿軍約千餘人。集合民船百餘隻。佔領新溝。以一部經蔡甸佔據城頭山。其本隊隊頭已抵馬家湖。漸向我漢陽左側背燒進。似有圖攻漢陽之舉。

是日午後五時。黃總司令發下各部隊命令。仍續行前任務。但命湘軍第二協派一部赴蔡甸方面偵察敵情。并妨害滿軍渡河。又命工程第一營在三眼橋仙女山附近設置附防禦。以堅固我軍陣地。是夜仍命各部隊以戰鬪隊形準備徹夜。

是晚黃總司令將海軍兵艦在青山攻擊漢口劉家廟滿軍之情形。通知各部隊。又請黎都督派兵到漢陽增援。黎都督卽派第七協統領鄧玉麟到漢陽援助。第七協卽先派標統黃申薌。率該標開赴漢陽。

三十日。蘇州都督程德全來電。請公推孫中山組織臨時中央政府。

同日午前八時。接得報告。謂諸兵混合之滿軍約二千餘人。自孝感南下。由新溝渡河至



蔡旬。設司令部於該處樂善堂。并在城頭山構築砲壘。另以民船載機關槍四桿。在該處登陸。又以一部佔領沱落口。與下游漢口之滿軍相連絡。而漢口之滿軍已備就番布舟數十隻。似準備架橋。又劉家廟江岸布置野砲十數尊。似防我海軍攻擊。

黃興接得以上報告。判斷滿軍似已準備向漢陽進攻。是時一般日本浪人。均已束手無策。黃興亦不似前此之高興。雖計畫防禦之法。而各部隊新敗之餘。士氣沮喪。能否盡力抵禦。未可逆料。惟有請李書城吳兆麟等視察防綫。鼓勵軍心。以盡人事耳。

是晚黃興召集各部隊長官到總司令部會議。討論對付滿軍策略。黃興云。現在各省響應。民心歸向。全國已十之七八爲我有。僅京漢鐵路滿軍與我爲敵。我若將漢陽武昌嚴密防禦。使滿軍不能得志。再經幾日。則滿軍必漸窮蹙。望大家各督率所部。好爲防禦。如各位有好辦法。請發表意見。以便討論云云。其時吳兆麟云。漢陽武昌有襄河揚子江之險。是一天然好防禦陣地。如各部隊防禦不懈怠。滿軍無論從何方進攻。皆難收効。徒盡犧牲而已。查現在漢口滿軍。兵力不及兩鎮。尤須顧慮後方。是其力量有限。我若持久多日。則響應各省。陸續派兵來援。而漢口滿軍。不難撲滅。望各部隊盡力固守。各佔領陣地。

爲要。夫戰爭之道。不在計巧。而在齊心。如各部隊長官協力督率。一致忍耐死守。未有不優勝者也。更有一法。現在揚子江。惟我有海軍。我軍在漢陽者。取守勢。在武昌者。連合海軍向漢口取攻勢。使滿軍腹背受敵。分兵備我。且對我時。立於防禦地位。而未能分兵攻擊漢陽。則漢陽之危解矣。未審總司令及各部隊長官。以爲何如。黃興與大眾均以爲然。於是吳兆麟卽商量黃興。派參謀姚金鏞。賓士禮。准於明晨出發。偵探武昌漢口情形。繪具略圖。以便計畫向漢口進攻。并將是晚開會討論之事。報告黎都督指示施行。是晚接雲南蔡都督來電。

兩咸及篠電讀悉。效日通電計達。盼示海外郵電。已可由越南接通。惟廣州尙阻。昨聞法領言。廣州復掛龍旗。未知究竟。俟探實再聞。現擬電告張堅白、沈幼嵐、龍稚承、凱切勸導。現上海已復製造局。想歸我有。請電滬加工趕造。漢陽戰情。請隨時賜示。敵帥北歸。軍心必渙。似宜乘機招撫。俾歸我用。滇居邊遠。分兵助戰。緩不濟急。至深愧憤。惟有以蜀事自任。現正準備入川。川定東下。會師長江。共圖北進。師期既定。卽當電告。又接九江馬都督來電。

敵處事多人少。請飭許君匯東速回。鍾君子瑜頃已到潯。即日隨贛軍來鄂。遇有詢問南昌事件。請與鍾君接洽。前蒙電允撥銀二十萬兩。以資接濟。諒已撥定。現在需餉孔亟。擬請尊處撥款。飭交許君匯東帶回。無任企盼。敬乞電復。

十月初一日。午前七時。接湘軍第二協報告。謂滿軍兵力約一混成協。已由蔡甸渡河。向漢陽攻入。當渡河時。我軍派往蔡甸方面部隊。努力防止之。惟敵人砲隊威力甚大。弗克抵禦。是以退回三眼橋附近防禦。

黃興接報告後。仍令十里舖至三眼橋之部隊嚴行防禦。

連日以來。黃興極爲憤怒。如有形跡可疑之人。或被控告。或拿獲敵方土人。俱以奸細目之。繩以軍法。

是日參謀賓士禮姚金鏞將漢口敵情及地形偵察畢。即繪以略圖。報告黎都督與黃總司令。黎都督閱畢。即發下如左之命令。

中華民國軍政府湖北都督命令

十月初一日午後八時  
於都督府

一、滿軍之主力。仍在漢口劉家廟至玉帶門一帶。另有一部由新溝經蔡甸向漢陽北

進。

我漢陽各部隊。在南岸嘴琴斷口至三眼橋附近防禦。

我游擊隊在黃陂方面騷擾滿軍之側背。

二、我軍擬陸海軍并進。由青山附近渡江。先佔領漢口諶家磯。然後向劉家廟滿軍施行攻擊。

三、步兵第三協統領成炳榮。率該協及工兵一隊。於明日由青山附近渡江。由諶家磯登陸。向劉家廟進攻。

四、海軍司令官湯薌銘。率陽邏各艦隊於明日會同步兵第三協統領成炳榮。掩護該協渡江。協同攻擊劉家廟之滿軍。

五、鳳凰山及青山要塞砲隊。於明日步兵第三協與海軍進攻時。即向劉家廟附近射擊。援助我軍進攻。

六、予在武昌諮議局。

都督黎元洪

黎都督發下命令後。又派參謀楊璽章姚金鏞賓士禮幫同成炳榮計畫。又派參謀徐達明王文錦吳兆鯉幫同海軍計畫。惟成炳榮極爲昏庸。終日飲酒。一旦受命。手忙脚亂。恐怖萬分。楊璽章等見成如此糊塗。卽代爲計畫。并與該協之兩標統帶劉廷璧胡廷翼會商。準備船隻火輪。由海軍掩護。在青山下游渡江。該協統成炳榮聞之。卽投江。當被船夫救起。官兵等見協統投江。極爲喧譁。惟成炳榮似有神經病者。誠可笑也。

楊璽章等回報黎都督。卽將成炳榮撤差。遺缺以劉廷璧升補。仍繼續前任務。

是日午後二時。由蔡甸北進之滿軍已達三眼橋南方約三千密達之地。黃興命管帶祁國鈞赴三眼橋增援。與湘軍第二協協同防禦。彼此砲火交擊。未曾稍息。是日天氣黑闇。該處地形狹隘。我軍防禦嚴密。滿軍亦難前進。至晚兩軍在三眼橋附近。以戰鬪隊形徹夜。

是晚覆雲南蔡都督電

鄂電悉。貴都督以川事自任。碩畫極佩。川事定。湘鄂可免西顧之憂矣。敵帥北歸。敵軍仍與我相持於漢口。前後大小數十戰。勝負未分。現長江兵艦均爲我有。擬候湘贛皖各省

兵到。水陸會合。再斟酌情形辦理。此時招撫恐不易言也。謹復。

又覆雲南蔡都督電

個電悉。敝軍政府成立之初。諸事草創。權設軍令參謀軍務內務理財外交交通司法編制九部。軍官仍依鎮協標營之法。現擬改定組織。都督之下。設政務省。軍謀府。參議府。政務省。設政務長。統一軍務財務外務內務文教虞衡交通司法各部。地方官制。存縣去各府道。惟首都訂縣爲府。尙未開會定議。各省官制。與中央官制相關。聯現各省擬共同組織臨時政府。其劃一辦法。似當俟各全權委員會議定奪。較有效力。此覆。

一一、十月初二日 蘇滬聯軍開始合攻南京 重慶光復

初二日上海來電。謂蘇滬聯軍向南京進發。合攻南京。

又接重慶來電。宣布獨立。響應武昌。

先是九月下旬。端午橋部下排官夏之實。自永川退歸重慶。該處學界朱叔癡楊滄白朱必謙江岳生數人。開秘密會歡迎。決議獨立。遂於本月初二日。邀請川東道朱某。知府鈕某。及知縣等到會。勒令交印。道府知難抗拒。遂皆交印出城。公舉中學校監學張烈五君

爲正都督。夏之實君爲副都督。朱楊江等君爲各部長官。梅亦愚君爲行政長官。又派學生數人分道帶兵往各縣逐官收地。涪州官印爲冉光泰所得。鄧都官印爲耶爾宜所得。故川東一帶。不數日間。均皆光復矣。

是日午前七時。滿軍在漢陽三眼橋附近與我軍戰鬪甚烈。滿軍在漢口砲隊向仙女山鍋底山附近行猛烈射擊。援助其在漢陽進攻部隊。我湘軍第二協在仙女山鍋底山守兵死傷極重。俱退至山麓。

是日兩軍戰至正午。滿軍正面與我三眼橋之部隊相持。另以一部攜帶機關槍多桿。由彭家嘴兩端徒涉。潛佔美娘山。向我三眼橋之守兵側擊。管帶祁國鈞受傷。其餘官兵亦受傷甚重。我三眼橋之隊伍及湘軍第二協。即退佔鍋底山與花園之綫。是時黃興接得以上情報。即命步隊第四協抽派一標趕赴花園增援。進攻美娘山。午後三時。步隊第七標統帶胡廷佐率該標已由南岸嘴出發。午後五時半行抵花園。向美娘山滿軍攻擊。黃興時見漢陽緊急。即電請黎都督派兵增援。黎都督即派步隊第十四標及步隊第三標到漢陽激戰。少頃。黃興即偕同吳兆麟賓士禮曾昭文等赴十里鋪花園等處察看敵

情。

午後六時。滿軍漸向美娘山增加。携帶機關槍極多。火力頗形猛烈。我軍傷亡亦重。惟仙女山與美娘山距離較近。我湘軍第二協復由仙女山退佔鍋底山扁擔山附近。滿軍已進據仙女山矣。

是日兩軍戰至午後七時。始停止射擊。兩軍皆以戰鬪隊形徹夜。是晚黃總司令即發下如左命令。

民軍總司令官命令 十月初二日午後七時  
於花園發

一、美娘山仙女山三眼橋等處之敵。其步兵約兩千人。漢口之敵。其兵力約一鎮。仍在龍王廟玉帶門一帶。

我海軍現在陽邏附近。掩護武昌下游。

二、本軍今晚以戰鬪隊形徹夜。

三、各部隊今晚佔領陣地如左。

湘軍第一協在琴斷口至郭家灣一帶。



湘軍第二協在鍋底山及扁擔山附近。

步隊第七標與湘軍第二協連絡在花園附近。但派一部夜襲仙女山及美娘山之敵。敢死隊一營在湯家山附近。掩護該山砲隊。

步隊第四協（欠第七標）在南岸嘴至兵工廠東端。

步隊第四標在兵工廠。

步隊第五協在兵工廠與鋼藥廠之間。

步隊第六協在梅子山黑山及割絲口一帶。

砲隊團仍在太別山湯家山原陣地。

工程第一營在十里舖。

四、各部隊接濟。仍用歸元寺糧秣。

五、予今晚九時以後在十里舖。各隊於十時派員來領命令。

總司令官黃興

以上命令發下後。各部隊均嚴爲防禦。以防敵人夜襲。步隊第七標統帶胡廷佐。即命第

## 一營襲擊仙女山。

午後八時。步隊第七標第一營管帶左國棟。率該營由花園向仙女山襲擊。滿軍防禦極嚴。及至該山東麓。滿軍步哨卽開槍射擊。山上機關槍亦猛烈射擊。我襲擊隊卽在山麓附近還擊。旋派一排由山麓向南繞進。向山上仰攻。滿軍在山之週圍佈滿機關槍。射擊不息。我襲擊隊前進襲擊數次。均因滿軍警戒嚴密。弗克前進。遂仍退回花園。共死傷官兵十餘人。

是晚兩軍均以戰鬪隊形相持於鍋底山仙女山附近。

是晚偵察滿軍進攻仙女山美娘山附近之兵力。不過一標。附機關槍十餘桿。其所以敢於佔領仙女山者。恃有機關槍耳。我軍缺乏機關槍。故戰鬪時較輸一籌。

是晚黃總司令在十里舖。見滿軍佔領仙女山。一可瞰制漢陽。一能側擊大別山。漢陽極形危險。非速驅逐之。漢陽不能保也。於是決心拂曉向敵攻擊。乃發下如左之命令。

民軍總司令官命令

初二日午後十時  
於十里舖發

一、據偵探報告。滿軍抵三眼橋附近之步兵不過一標。佔領仙女山美娘山者。步兵約

一、營機關槍十餘桿。

二、本軍擬明日拂曉擊攘仙女山美娘山之敵。

三、步隊第七標（欠第一營）明早五時以前由花園之綫向仙女山開始進攻。

四、湘軍第一協派一標（欠一營）明早五時以前佔領郭家灣之綫。同時向美娘山開始進攻。

五、湘軍第二協派一標（欠一營）明早五時以前與步隊第七標連絡。同時由鍋底山向仙女山開始進攻。

六、在扁擔山及湯家山砲隊。明早天明即向仙女山及美娘山開始射擊。援助我步隊進攻。

七、步隊第七標第一營及湘軍第二協（欠一標（欠一營））爲預備隊。明早五時以前在花園集合待命。

八、其餘各部隊仍佔領原陣地。

九、予明早五時在十里鋪。

總司令官黃興

是日黎致長沙譚都督電

童舜琴來湘辦麵米冰鹼。請將宋錫全繳款撥給二萬兩正。並請派員會同辦理。

附覆電

童舜琴運灰麵一千五百包。洋鹼一千罇。由楚滄裝載。明晨開。

又致九江馬都督電

海容海琛藥彈存通濟兵輪。如通濟在潯。請即轉運來鄂。

附覆電

頃電敬悉。海容海琛缺乏彈藥甚急。敝處業已電滬海軍司令部。通飭通濟兵艦迅速運彈赴鄂。

又覆廣西沈陸王三都督電（沈秉堃陸榮廷王芝祥三人）

鑑電敬悉。大舉援鄂。沈都督躬親督師。具仰義憤。軍民聞之。同聲鼓舞。漢口日內無大戰事。並聞。

## 一二二、十月初三日 民軍仍堅守漢陽

初三日午前五時。我步隊第七標由花園開始進攻。至午前七時已佔領仙女山東北部。我湯家山砲隊亦向仙女山美娘山注射。滿軍損傷甚重。似有動搖之勢。惟滿軍陸續派兵增加。其後面已派隊督陣。勿論如何犧牲。不准後退。我第七標亦耐苦抵抗。惟湘軍第一協統領王隆中。恐怖非常。個人潛至民房隱匿。統領如此。其部下軍官亦不願身先士卒。見前面射擊猛烈。該協所派隊伍逗留不進。湘軍第二協見第一協不向前攻。遂亦停止不進。各軍官見統領隱匿。因亦聞風效尤。潛向後退。以致兵士自由行動。實屬不成事體。午前八時。步隊第七標已進至仙女山東南部。成爲孤立之勢。滿軍用機關槍掃射。傷亡頗重。且滿軍陸續向火綫增加。我軍則無一增加者。是時黃興由十里舖到花園。見湘軍不進。派員催令前進。孰知其王甘二統領俱尋不着。在隊軍官皆不負責。黃興即親往指揮。該湘軍置若罔聞。各兵亦自由後退。所有在戰綫者無幾。黃興不得已。即令預備隊一營向前增加。旋又派敢死隊一營向前增援。

午前十一時。步隊第七標統帶胡廷佐左膀受傷。第一營管帶左國棟亦受重傷。該標在

戰綫傷亡極重。黃興一面派該標第二營管帶楊澤鴻代理統帶。并派參謀副官幫同戰綫指揮。

是日午後二時。滿軍逐漸增加。火力益猛。并派一部繞攻我右側。由仙女山出擊。我軍因火力不支。即退佔大吳灣西北高地。及扁擔山湯家山之綫。滿軍遂前進佔領鍋底山。同時黎都督所派步兵第三標。及第十四標。均赴漢陽援應。黃興乃抽調步兵第四協。即到火綫增援。并派第三標在南岸嘴防禦。派第十四標到梅子山防禦。是時湘軍第一協。尚有一大部在花園以北陣地佔領。其第二協似已瓦解。王隆中隨帶從卒二人。匿於十里舖民房內。有戰傷兵士到該房稍息。遇之。問曰。王統領何故不到戰綫指揮。王隆中云。我在此替兵士照拂補充糧秣。以免兵士飢餓云云。該傷兵曰。貴協有軍需官否。王隆中不答。旋出外潛往割絲口去矣。

是日我步隊第三協由青山渡江。已抵譙家磯。與海軍協攻劉家廟。海軍射擊時。已將丹水池洋油棧附近俱毀壞。滿軍在漢口第一道橋梁防禦。我軍爲河所阻。不能前進。兩軍相持約數時之久。至晚我步隊第三協仍退回青山。海軍復往陽邏停泊。

是日黃興在十里鋪接得武昌電話。謂我步兵第三協已渡江佔領譙家磯。與海軍協攻劉家廟。遂將此情形通知漢陽戰鬪各部隊。并鼓勵各隊迅急前進攻擊鍋底山。仙女山之敵。以收夾擊之効。倘能恢復所失各地。將敵人驅逐於襄河北岸。皆有重賞。於是各部隊有勇敢熱心之士。率隊前進攻擊鍋底山。仙女山之敵。不期各隊進至山腰。滿軍用機關槍掃射。我軍衝鋒數次。均被擊退。一般熱心之士。在前奮勇登先。俱已陣亡。死傷四百餘人。其餘兵士皆已膽怯。仍退回原陣地。

是晚兩軍在花園扁擔山之綫相對徹夜。黃興見我戰鬪部隊損傷極重。而湘軍又不受調遣。自由退却。其他各隊又已膽怯。皆無鬥志。預料漢陽恐不能保。特派李書城往武昌報告黎都督。謂漢陽恐難支持。萬一不守。則武昌危。須速設法挽救云云。黎都督聞報。殊爲著急。於是當夜召集各機關人員討論挽救漢陽之法。

是晚十時各機關人員齊集都督府。由黎都督將漢陽情形說明。究應如何。於是大衆聞我軍在漢陽失利。并滿軍進佔鍋底山之情形。極爲憤慨。有謂另派隊援助者。有謂必須死守幾日。電催響應各省迅派兵來援者。又有謂須大家齊心努力。均到漢陽計畫抵禦。

者。衆議辦法。都表贊同。遂一面電催響應各省。或迅派兵來援。或直接出兵。向京漢路進攻。又軍務部副部長張振武頗爲憤懣。當組織學生軍赴漢陽助戰。派甘績熙劉雄飛吳兆鯉余鴻勳高建翎（字辛吾）爲學生隊隊長。是晚約一時許。張振武等組織學生軍二百餘人。旋即渡江往漢陽十里舖集合。準備作戰。

是日黎致上海陳都督轉徐統制電

鄂戰甚烈。援寧軍隊如已得手。速來鄂援助。並煩轉大小各兵艦。酌留船隻防守長江口岸外。其餘一併飭令來鄂。盼切。

又致九江馬都督電

冬電悉。已籌撥銀六萬元。官票六萬張。明日由許君瑞解來。餘款及槍械當竭力設法代辦。

又致鎮江林都督電

通濟運船。請令開赴漢。並請專員赴寧。速令海軍司令部部長海籌軍艦黃鍾瑛君。卽率楚謙楚觀江貞刻日到漢。頃預備鑒戰。非全力不足制勝。卽盼施行。



又致蘇州程都督電

聞上海製造廠有機關槍十二尊。敝處戰事需此物甚急。祈全數連子彈借用。速派兵輪運鄂爲盼。

附覆電

絳電悉。聯軍攻寧。蘇防緊急。淺水兵輪及各砲。正資扼要駐守。一俟寧下。卽遵運鄂助。勤。特覆。

又致各省都督電

據駐漢俄領袖領事敖康夫君照會敝軍政府。報告北京外交團來電。其文曰。漢口領袖領事敖康夫鑒。各國外交團代表。對於清國政府。感情頗惡。因其殘殺無辜。致令各國憤怒。現各國代表。擬請鄂軍政府擔負漢口交涉全權。並將與中國政府要求重大賠償云云。特此奉聞。

附長沙譚都督覆電

江電悉。各國外交團。已不承認清政府。急應趕派全權大使致聘各國。宣布宗旨。聯絡

感情。伍溫任外交部長。不能遠出。道遠尤稽時日。擬由貴處電商各省都督。公推孫文君爲全權大使。就近赴各國交涉。俾其承認爲獨立國。孫文君在外有年。必勝此任。乞核奪通電各省爲盼。

附上海陳都督來電

頃接閩都督孫江電。稱各省公推武昌都督府主行中央軍政府所轄一切事件。伍廷芳溫宗堯二君爲全國外交總副長。駐滬辦理全國外交事件。閩代表潘祖彞林長民不日即可到鄂等因。合亟轉呈。希卽查照。

又致上海居陶二委員電

會議期定十月初十日。已通電各省。想均悉。除秦晉尙不通電。湘粵代表。業已抵鄂外。現桂贛潯均已覆電。全權委員。擬不日來鄂。君等與滬接洽如何。伍溫張三公。暨蘇浙代表。何日首途來鄂。盼電告。以便歡迎。

又覆九江馬都督電

冬電悉。不以祿位縈懷。高誼熱忱。極堪欽佩。潯江重鎮。有我公在。可免他慮。尤爲欣慰。謹

復

附來電

前奉鑑電後。詳述赴皖救濟情形。諒已邀覽。頃江貞兵艦報告。皖省仍分四黨。各懷私意推舉。以故不出數日。連將新舉兩都督槍斃。又有前皖協統趙理泰。起義時隱避。刻又出頭干涉。與李司令官烈鈞勢不相下。彼處紳商。屢次函請。非毓寶親往。不得平和。故毓寶前電暫兼皖潯都督。無非爲大局起見。實非以名義競爭。惟九江重要地方堅留。卽欲赴皖一行。非公同會議不決。目下皖省餉械兩項。搶劫一空。卽煤米等項。亦異常缺乏。此次江貞回潯。專爲籌備接濟。似此善後。直無從着手。尊處遴派陳君樹屏督皖。惟有請都督寬濟餉需。并給兵力。威撫兼用。事庶可調。毓寶當待命奉交。湖鵬魚雷現須赴滬修理。陳君督皖事定。卽將陸軍調回駐潯。海籌一艦。擬駛赴麾下助戰。以期早奏大功。諒都督所深許也。

又致各省都督電

頃接濟南孫君寶琦來電云。清廷二十五日上諭。各省應舉代表赴京。公同會議國事等

語。寶琦前經電奏。確定共和政體。現在全國軍民意見相同。萬無更變。擬請由程都督聯名電致清廷。如承認不私君位。宣布共和。仍當承認北京爲中央政府。各派員赴京會議。優禮皇室。制定國法等事。否則談判無可開端。惟有另行組織臨時政府以維大局。乞卽酌核電復等語。當卽電復。其文曰。確定共和政體。優待清皇室。可謂識時之論。極佩。惟國體既變。形勢亦遷。何以仍當承認北京爲中央政府。雪樓既經江蘇公舉爲民國都督。已與清廷斷絕關係。何獨請其聯名。均所未解。尙乞明白賜教。再山東於何時宣布獨立。公在民國軍政府被舉何職。深切瞻念。并望電復等語。特此奉聞。

### 附蘇州程都督通電

孫都督電敬悉。敝處前日通電。請孫文君回國組織臨時政府。計邀明察。惟事機急迫。未能久待。孫君未回以前。臨時政府事務。仍由黎都督暫攝。至孫都督所稱。敝意宜聲明。如清廷不私君位。宣布共和。可派員赴鄂會議。即請黎都督主稿。掣銜電告各省。如表同意。乞逕電武昌爲感。

### 附濟南孫撫台來電

建設共和政體。原爲國民要求幸福。同類相殘。大非初志。近者南北意見。尙無歸宿。停滯日久。戰源方長。萬一牽及外交。爲患更鉅。前因清廷召集各省代表。曾經電達鄙意。請聯各省。公電袁內閣。首先提議共和。不知此電已否照發。有無覆電。頃順直諮議局來電。欲另擇地點。速開臨時議會。解決危局。此爲最良而組織議會最簡便之方法。莫如仿德國聯邦參事之制。先立上院。以爲國政基礎。其會員由各都督府派代表人充當。若未經獨立省分。則招令各諮議局派員與會。其會地即宜於京津酌定一處。使北方易於加入。凡國體政體問題。皆可於此議決。如此。則議會兼有臨時政府之作用。外交易於締造。而會員兼收未獨立各省在內。異日以全國意見要求遜位。可無兵戈而收勝利。較之武力從事。保全實多。且亦須帶榮譽。異懦之談。或不能盡快人意。惟義軍之起。爲真理。非爲血氣。謹效忠告。倘蒙採納。請商實行。中國幸甚。

#### 附長沙譚都督來電

頃致孫撫台電。其文曰。兩電均悉。維持平和。甚佩苦心。漢苦滿虐。普天同憤。故起義未五旬。而全國響應。人心如此。豈公婉言調解所能挽回。聞魯已舉公督師。卽當奮然改

圖直搗幽燕。共成大業。顧乃依違不決。貽誤事機。明達如公。甚所不取。會議地點。已確定在滬。不能移我就彼。清廷如肯遜位。當即停戰。宣告中外。派員赴鄂定議。否則征北之師已編成。不日出發。乞即將此意電達清廷爲盼云云。謹此錄聞。

初四日、蘇州來電。謂所有海軍全體反正。亟應統一。請以吳應科爲海軍司令官。

同日上海章太炎來電。謂須發起全國聯合會。以促共和政體之完全成立。

是日午前四時、黃興在十里舖發下如左命令。

民軍總司令官命令 十月初四日午前四時  
於漢陽十里舖

一、漢陽之滿軍。現佔領鍋底山、仙女山及美娘山附近。漢口之滿軍。仍在龍王廟至玉帶門一帶。

二、我軍擬以一部迎擊漢陽之敵。以一部防禦南岸嘴至黑山附近。

三、步隊第四協統領張廷輔。率該協本日午前四時須佔領花園至扁擔山之綫。迎擊前面之敵。

四、湘軍第一協統領王隆中。率該協本日午前四時。須佔領琴斷口郭家灣之綫。與步

隊第四協連絡迎擊前面之敵。

五、步隊第三標統帶劉廷福。率該標本日午前四時在南岸嘴至鐵廠一帶防禦。

六、步隊第五協統領熊秉坤。率該協本日午前四時。右翼與第三標連絡。左翼至西月湖北端一帶防禦。

七、步隊第四標統帶胡效騫。率該標本日午前四時在鋼藥廠一帶防禦。但須與步隊第五協連絡。

八、步隊第十四標統帶黃申鄉。率該標本日午前四時佔領鋼藥廠以北防禦。須與步隊第四標連絡。

九、步隊第六協統領楊載雄。率該協本日午前四時。右翼與步第十四標連絡。在黑山至割絲口之綫防禦。

十、砲隊團長曾繼梧。率該團砲隊。本日午前四時仍佔領原陣地。但扁擔山湯家山砲隊。須射擊鍋底山及美娘山附近爲要。

十一、敢死隊隊長方興。率該隊在湯家山附近掩護砲隊。

十二、湘軍第二協統領甘興典率該協并其餘各隊爲預備隊。在金龍嶺附近集合待命。

十三、學生軍本日午前四時在扁擔山花園琴斷口郭家灣之綫督隊迎擊前面之敵。十四、予本日午前四時以後在十里鋪。

### 總司令黃興

是日黃興因各部隊長官多有臨戰膽怯者。且不在戰綫督率。而自由避匿。實屬不成事體。特傳知各部。如再有畏縮不前貪生避匿者。一經查覺。無論何人。卽以軍法從事。更令學生軍在各隊後方分班督陣。如查有藉故退却者。卽拿交總司令官繩以軍法云云。是日午前六時三十分。滿軍機關槍向我軍開始射擊。同時接得報告。謂滿軍有步兵一營。附屬機關槍多尊。騎兵二隊。由徐家灣至三眼橋附近增加。又琴斷口附近亦有滿軍佔領。我步隊第四協及湘軍第一協迎戰良久。兩軍戰鬥極形猛烈。午前十時。黃興命預備隊陸續增加火綫。但我軍前進。滿軍不退。專以機關槍掃射。兩軍傷亡俱重。至正午。戰綫上兵士有自由退却者。黃總司令在十里鋪道路上正法數人。於是兵士不敢後退。卽



在戰綫停止抵抗。

是日湖南復派湘軍協統劉玉堂率步兵一標到武昌應援。黎都督即命赴漢陽援助。受黃總司令節制。午后三時半、劉玉堂率隊已抵十里舖。與黃興接洽。黃興當命赴花園附近增援。攻擊仙女山之敵。該湘軍到火綫時。劇戰良久。前進攻擊數次。滿軍用機關槍掃射。毫無動搖。劉玉堂極爲奮勇。身先士卒。衝鋒數次。午后五時半、劉統領玉堂身中數槍陣亡。官兵亦死傷甚衆。至午后七時、兩軍始停止射擊。我軍仍佔領扁擔山花園之綫。是晚黃總司令發下命令。各隊仍以戰鬥隊形徹夜。

是夜接得戰綫報告。謂花園及扁擔山一帶之守兵。皆潛行退却。滿軍已前進佔據扁擔山花園之綫。黃總司令得此報告。甚爲焦急。當傳知各部隊長官嚴密警戒。倘有疎虞。即於各長官是問云云。是夜黃興仍在十里舖宿營。

是日黎致九江馬都督電

江電悉。皖中因無都督。致變出多端。此次我公被舉。不獨皖省之幸。鄂中從此無東顧之憂矣。前薦陳公一節。係允在鄂皖紳之請。嗣與皖紳重行商議。即將前電取銷。元洪此舉。

絕無成見。事機危迫。望公仍力任艱難。不勝拜禱。

附覆電

陳君督皖。敝處本極贊成。嗣因皖中事機危迫。故有催陳君並派兵速往之請。原爲大局所關。非有成見。頃奉支電。囑以力任艱難。不禁輾轉至再。但近來贛省內容。極爲糜爛。彭都督屢有退志。日來各界代表。紛紛來潯環懇。而潯中父老。又堅阻不允實行。似此情形。已難兼顧。若再去皖。則不惟失衆望。亦恐搖動地方。倘或事出意外。何堪設想。如都督能如前電所請。仍飭陳君前往。尤爲美舉。否則擬請仍留敝處。派往之李君烈鈞。在皖暫攝。俟其報告辦理能否得手。再行電稟核奪。抑或請該省各界另行公舉。如何之處。乞鈞裁爲叩。

又覆長沙譚都督電

江電悉。岳州設兵站。將兩湖交通支部歸併。辦法極妥。胡部長已赴岳。請由尊處飭知可也。

又覆貴陽楊都督電

省電悉。貴省財政支絀。至以爲念。惟鄂方軍事緊急。經費浩繁。亦苦於應付。現正設法籌借。如籌借就緒。卽當酌撥相助。以共濟艱難。鄙意貴省目前急務。在保持本省治安。如不分兵他出。財力可稍免困難矣。尊意以爲何如。

初五日、午前六時、滿軍由扁擔山花園之綫。專用機關槍向我軍猛烈射擊。我軍在十里舖一帶防禦。黃興命沿襄河防禦各隊。各抽派四分之一兵力。赴十里舖增加。同時滿軍在漢口砲隊。亦向十里舖注射。我軍傷亡甚重。

少頃、黃興與李書城等會商。謂漢陽益趨危急。我軍缺乏機關槍。能戰之兵。勇敢之士。俱已損傷殆盡。目下軍無鬥志。一聞機關槍聲。殊多恐怖。此時既無生力軍增援。又無精良武器。如再退後。漢陽更形危迫。設漢陽失。則兵工廠爲敵所有。滿軍豈不更梟張乎。於是大家議決。暗將兵工廠一切緊要機件。及所餘槍枝子彈。搬運武昌存儲。以免資敵之用。并將以上情形。派李書城至武昌報告黎都督。

是日正午、沿襄河防禦各部隊。均已抽派援兵。向十里舖增加。兩軍卽在十里舖之綫相持。戰鬥極猛。我軍利用十里舖戰壕堅守。滿軍亦未前進。彼此均以火力相持。

同時黎都督聞漢陽情形急迫。卽召集各機關要人磋商挽救之法。并設法將漢陽兵工廠機件彈藥暗運武昌。大家均表贊同。惟楊璽章不可。謂漢陽乃武昌保障。萬不可棄。如漢陽失。則大別山能瞰制武昌省城。敵若在大別山用砲隊向武昌注射。其危險曷堪設想。仍要鼓勵軍心。死守待援。至於兵工廠機件。亦不可搬運。如一經搬運。則工人必致驚慌。謠啄繁興。勢必搖動軍心。沮喪士氣。而促其速失也。爲今之計。我應深溝高壘。利用堅固防禦陣地。竭力抵抗。一俟江西援兵趕到。再圖恢復可耳云云。以上所言。李書城謂辦不到。於是楊李二人爭執良久。不能表決。旋李書城用電話報告黃興。黃興復派吳兆麟到武昌。再詳述經過情形。

吳兆麟到武昌時。面報黎都督云。漢陽連日戰鬥。夜間均以戰鬥隊形徹夜。兵士極形疲苦。迭次猛戰。精銳損失殆盡。元氣大傷。軍無鬥志。目下各部隊缺額頗多。均不完整。幸防禦工事堅固。白晝尙能支持。一到夜間。兵士卽乘機潛逃。卽處以軍法。亦不能維持。此皆新兵未受教訓之故也。況十里鋪距兵工廠不過十里路耳。如再後退。實無法維持。明知漢陽地方重要。理應固守待援。無如滿軍已經渡河。彼有機關槍管退砲。我皆無之。兵士

一聞機關槍聲。都甚驚慌。無論如何鼓勵。或嚴爲懲罰。皆不能收効。此無可如何者也。爲今之計。一面催江西等省迅派兵來援。一面在漢陽竭力抵禦。但兵工廠之緊要機件。及所餘彈藥。須利用時間。搬運武昌。以防不測云云。黎都督及大家均以吳兆麟之主張爲然。遂擬電江西等省速派兵來援。并飭船政局輸送隊到漢陽。兵工廠與廠長蕭佐漢接洽。將彈藥機件運至武昌。惟楊璽章主張死守漢陽。卽戰至一兵一卒。亦不可棄云云。於是楊璽章卽組織參謀十餘人。卽時隨吳兆麟往漢陽幫同維持。

是日兩軍在十里舖相持。彼此無進展。至夜間。我軍仍在十里舖一帶陣地。以戰鬥隊形徹夜。是晚黃總司令誠恐戰綫守兵復行潛逃。特派賓士禮余鴻勛甘績熙高建翎吳兆鯉胡東平夏維善等。各往戰綫督率。又戰綫後方各要道。俱派兵嚴守。并傳知各部。如再有自由後退潛逃者。卽就地處決。如奮勇敢戰者。卽加重賞云云。是夜黎都督亦有傳知到各部隊鼓勵軍心云云。

是日黎致九江馬都督電

昨准江電開。有海籌一艦。擬駛赴鄂助戰等因。此間與北兵水陸鏖戰數日夜。現仍猛烈。

懇速令海籌星駛來鄂接應。海容海琛兩艦。望通濟兵輪轉運甚切。該輪及楚謙楚觀江貞三艦。頃究在何處。如均在潯。請並飭隨同海籌刻即來鄂爲荷。再由潯至蕪。電線通否。諸希示覆。

附覆電一

敬電。海籌在皖。業已派員赴皖趕催該艦。星夜駛鄂助戰。彈藥一節。早已電滬。飭通濟速運往鄂接濟。江貞已載軍米赴皖。事畢即遵遣該兵艦一同前往。惟楚謙楚觀兩兵艦。刻下不知停泊何處。俟偵確悉。再轉飭該兩兵艦亦速來鄂。潯至蕪。電不通。

附覆電二

奉鈞電。催派海籌赴鄂助戰。均經轉催安慶。頃准皖都督李咨稱。上游水淺。海籌不能上駛。已轉電駐滬徐總司令官。速派江楚兵輪兼程赴鄂助戰等語。用特電聞。以抒廑念。

又覆九江馬都督電

鑑電悉。先撥十萬元。交許君匯東帶轉。

### 附覆電一

承助餉項。頃由許君押運抵潯。感荷實深。特先電聞。并請知照許家屬勿念。

### 附覆電二

蒙派許君瑞解到銀六萬元。票六萬貫。如數拜領。不勝感激。接滬都督陳電。屬海軍刻日赴鄂助戰。使敵處籌備米煤。源源接濟。事關大局。理應極力維持。目下已稍購備。又分員四處趕辦。以應要需。俟該兵艦過潯時。竭力接濟。現在敵處之存款。除十月分糧餉及軍政要費外。所餘無幾。今又購辦煤米接濟海軍。此款無着。仍請竭力從速代爲設法。源源接濟。

### 又寄金口防營電

如遇有逃兵過金口者。務將槍彈截留。以免遺害地方爲要。  
因日來湘軍挾械潛逃者不少也。

### 一二三、十月初六日 奉天獨立

初六日、午前六時、滿軍在漢陽之兵力。逐漸增加。由花園以北向我十里鋪繞攻。火綫上

密佈機關槍。向我右翼施行猛烈射擊。其砲隊亦向十里鋪注射。彈如雨注。至午前八時。我右翼部隊漸向後退。

同時接得報告云。滿軍派有奸細在漢陽散布謠言。又有張朝禧者。在漢陽暗中運動。私用紅旗作爲內應。有將我軍防禦陣地配置。報告滿軍。謂某處有地雷。某處有副防禦等。等。自作戰以來。專與漢奸連絡。刻見我軍在漢陽受挫。該奸細更得意揚揚。捏造謠言。恐嚇兵士。以故各部隊殊多疑團。軍心渙散。

午前十一時。滿軍漸漸前進。與我軍相距約六七百密達。火力益猛。我軍傷亡甚重。步隊第三標第二營管帶王殿甲陣亡。下級軍官亦陣亡多員。是時尙定邦甘興典之部隊。皆先退却。其餘各部亦陸續後退。惟王隆中不知去向。其軍隊全退。但王隆中連日在漢陽戰鬥。極萎靡不振。身爲將領。常匿民房不出。又不敢見黃興之面。是日竟膽敢不遵命先自退却。到武昌城內兩湖書院集合。湘軍第二協見第一協全行退却。亦陸續向漢陽鸚鵡洲退去。顧用民船退回湖南。是時黃興見湘軍全行退却。殊形焦急。少頃。卽得報告。謂湘軍第一協已退到武昌矣。黃興用電話報告黎都督。仍令第一協來漢陽作戰。黎都督



卽派蔣翊武李作棟至兩湖書院與王隆中接洽。并賞給該協酒肉。仍請其往漢陽參與戰鬥。王隆中面如土色。不肯前往。該二人回報黎都督云。湘軍誓不再往漢陽。要退回湖南。黎都督恐湘軍退牽動全局。復親赴兩湖書院令王隆中帶隊到漢陽加入戰鬥。再三勸勉。并許以特別酬勞。王隆中卒不肯往。黎云。你既不往漢陽。請在武昌休息候命。黎卽返都督府。旋王隆中暗中擄民船甚多。亦潛回湖南。是晚大家因湘軍不辭而去。實屬有危大局。均爲憤恨。特電湖南譚都督。嚴加懲戒以肅軍紀。惟甘興典先到岳州。譚都督已派隊將其拘拿正法。王隆中聞知潛逃矣。

黃總司令又傳命令。不准後退。并將後退者斬二十餘人。猶不能止。各部隊兵士卽避開正面往兩翼退走。黃興當派孫繩武李翊東吳兆鯉趙學魁等。到兩翼督率。不許後退。各兵士不從。黃興又將不用命者斬數人。同時滿軍見我戰綫動搖。卽乘機前進。已佔領十里舖。我兩翼陣地。遂向十里舖注擊。

午後一時。參謀部副部長楊璽章在十里舖督戰陣亡。由吳兆鯉派兵將楊屍身昇至漢陽東門。旋運武昌平湖門外收殮。

午後四時、我軍在十里舖逐漸退却。滿軍已佔領十里舖。向我軍行射擊追擊。是時睹此情形。不可收拾。漢陽頃刻難保。一面派員分傳各隊。利用地形抵抗。一面派涂金炳羅子清到兵工廠。急將槍彈搬運武昌。又命王安瀾將歸元寺所餘子彈。悉搬運漢陽東門外船內。運送武昌。

午後五時、滿軍已過十里舖。進佔梅子山黑山等處。向我軍追擊。漢口橋口一帶之滿軍。亦同時用砲火向我軍集團射擊。

少頃、滿軍由漢口用民船輸運步兵。自橋口附近渡河。增加助戰。我第六協及步隊第十四標。亦漸向後退却。是時黃興見情形危迫。即派第三標第一營管帶郭炳坤。率該營在歸元寺以北掩護。

午後六時、黃總司令即退回昭忠祠司令部。向大眾哭曰：戰事一敗至此。官兵無一人用命。眼見漢陽已失。我亦無面目見一般同志。惟有一死以謝同胞云云。時田桐在旁哭勸。謂黃興一身關大局安危。死不得。死不得。況勝負是兵家常事。請速急收容各隊。至漢陽城內防守。背城一戰。

是時黃興欲破壞漢陽兵工廠。焚燒歸元寺糧台。勿使資敵。其時吳兆麟阻止之。遂云。兵工廠建造殊非易易。目下已將緊要機件及槍支子彈搬運武昌矣。即令爲敵所有一時亦不能開工。查現在全國響應省分。我已佔五分之四。揚子江已全爲我有。我若在武昌劃江固守。支持半月。則各省援兵必到。再圖恢復。若我將漢陽失而復得。是兵工廠又爲我用。至於歸元寺糧台。刻正搬運。如能搬盡。則無庸焚燒。萬一不能搬盡。再焚燒之。未爲晚也。黃興遂止。

是夜我軍各隊俱已散漫於漢陽城及江岸附近。黃興乃傳令各部。在漢陽城附近整頓。午後九時。黃興仍命將歸元寺糧台縱火焚燒。一時火光燭天。子彈炸烈之聲。震動武漢。是晚滿軍亦未前進。仍佔領黑山附近之綫。

是晚黎都督聞黃興憤不欲生。特派人至漢陽勸勉。請黃興到武昌休息。於是黃興即於是晚十一時至武昌都督府矣。

是晚在漢陽各部隊。均退至漢陽東門外整頓。皆無鬥志。即由船政局監督張福麟同李翊東派火輪礮船輸送至武昌。吳兆麟誠恐滿軍來襲。特派步隊第四標第一營官帶黃

經猷率該營及輜重第一營隊官黃甲率該隊在漢陽城掩護。  
是晚黎都督聞漢陽危迫。即擬電各省乞師。

本晚聞奉天革命軍起事。公推藍天蔚爲關東都督。先是學界聯合人民。發起聯合保安會時。已舉清督爲會長。因奉天滿漢雜處。強鄰環伺。以對外之關係。不敢用獨立之名。清民政司張元奇。曾擬仿山東辦法。布告獨立。而司道以下均不贊成。吳景濂時爲諮議局議長。雖欲革命。苦無兵力。至是以新軍協統藍天蔚爲都督。奉天遂懸獨立之旗。

### 二四、十月初七日 漢陽失守 成都光復

初七日、午前三時黎都督即將求援之電發出。

致各省都督電

敵處血戰六晝夜。敵兵恃火器較利。抵死進攻。漢陽城恐不能守。我軍擬堅守武昌城中待援。事關大局。危急異常。懇刻即分別遣派海陸軍隊。星夜兼程來援。盼切。

附長沙譚都督覆電

漢陽不利。當調集兵艦力扼長江上下。武昌乃可固守。湘當與桂粵合謀進援。已電商

胡沈兩都督矣。

又覆鎮江林都督電

鏡清等兵艦。俱表同情。甚慰。現武昌防守喫緊。祈撥半數來鄂相助。爲盼。

附來電

鏡清保民聯鯨楚觀江元江亨建威通濟楚同楚泰飛鷹楚謙張艇虎威江平各艦艇。於二十二日由敵處聯絡。一律歸漢。今日下午二時。在軍政府開陸海聯軍聯合大會。誓志合攻金陵。并於軍政府添設海軍處。各艦艇公舉司令長。組織完備。一致進行。是日午前六時。我兵工廠及在江岸各部隊。猶未退畢。滿軍即由黑山之綫向漢陽城進攻。我掩護隊即在城垣開槍射擊。旋亦退却。

午前十時。滿軍節節搜索前進。佔領漢陽城。我軍未渡江部隊。皆由城外向漢陽鸚鵡洲退却。漢陽不幸入滿軍手矣。

斯時有留日士官學校畢業志士蕭鐘英。湖北興國州人。不忍見漢陽之失。危及武昌根本之地。憤不顧身。組織一班敢死之士。自武昌渡漢陽。龔國煌等阻之。不聽。逕至漢陽鐵

廠碼頭登岸。慨慷激昂。持槍向滿軍猛射。滿軍用機關槍掃射。蕭鍾英及一班敢死之士皆陣亡。

是日正午。黎都督召集各機關人員及各部隊長官。齊集諮議局開會。討論戰畧及防守武昌事宜。并請黃興述明漢陽戰爭經過情形。旋黃興登台演說。謂此次漢陽之役。非軍隊不多。非防禦陣地不固。又非彈藥糧秣不充足。其所以致敗之原因。第一。係官長不用命。第二。軍隊無教育。第三。缺乏機關槍。有此三缺點。故每戰失利。自第一次敗退後。各兵士一聞機關槍聲。極爲驚慌。各官長亦畏避不前。屢次鼓勵。皆不收効。最可惜者。鼓勵一次。即多熱心勇敢之士。告奮勇前進。敵人用機關槍掃射。前者死。後者退。所以敗也。若前者仆。後者繼。未有不勝者。現在武昌。均係戰敗部隊。不宜再用。用則仍敗。爲今之計。只有棄武昌而援南京。若得南京。然後組織北伐精銳軍隊。再圖恢復可也。云云。

其時范騰霄登台云。武昌爲首義之區。長江上游。南北關鍵。爲天下環視。武昌若失。各省震動。土崩瓦解。即在目前。雖欲捲土重來。誰與共事。且事已至此。吾輩誓與武昌城共存亡。況畫江而守。未易旦夕下。以武昌一隅。牽制滿清全力。彼師老餉竭。而我各省義軍。隨

時援鄂。分道北攻。虜不足平也。此次戰爭。以漢陽襄河之險。如防禦嚴密。決不能失。查前次由漢陽渡河進攻漢口。以全軍兵力。夜間攻擊。即是用不得法。以致敗退。但敗至漢陽以後。應格外謹慎。不使敵人渡河。敵若在襄河以北。無論如何。漢陽不發生危險。現在木已成舟。我軍應計畫死守武昌待援。既有揚子江之險。又有海軍掩護。則武昌可望安全。如棄武昌而援南京。此計又左也。絕對不表同情云云。旋張振武因黃興欲棄武昌。極爲憤怒。遂大聲喝曰。武昌是我們首義之地。我輩當與城俱亡。無論如何。不能言退。倘再有言退者。即殺之。大家均拍掌表同情。黃興見大家反對。即到黎都督室內。面向黎都督云。既大家不贊成棄武昌。我一人先往上海。如將南京克復。我即帶兩萬精兵來援武昌云。原黃興於兩日前。在漢陽與李書城田桐曾昭文等會商。即準備退南京。於是在武昌領取現洋二十萬元。乘輪東下矣。

是日黎都督復召集各機關人員開會討論武昌防禦事宜。吳兆麟云。刻黃興已去。總司令一職。必須派員代理。查蔣君翊武甚得人和。即請都督委蔣君護理。黎都督與大家均以爲然。吳兆麟又云。現在武昌所有軍隊。極爲複雜。即請都督傳知各部隊。呈報都督府。

以便分配防禦地區而專責成。再武昌爲首義之區。各省均以武昌爲重心。故稱中央軍政府。如武昌危。各省震動。關係民國存亡。不可不慎也。請都督傳知各軍隊。曉以利害。協力共守。又各部隊所缺兵額。須一律補足。大家均以爲然。是日參謀部正部長楊開甲辭職。黎都督卽調充顧問。以吳兆麟爲參謀總長。以姚金鏞爲次長。又步隊第三協統領已更換寶秉鈞。

是日集合各部隊戰報。自九月二十八日至十月初六日。在漢陽戰鬥。我軍共死軍官一百三十七名。傷八十五名。目兵計死二千六百九十三名。傷四百餘人。遺失槍砲彈藥甚夥。是晚卽以代理總司令名義。命令各部防禦武昌城。

又是日黎致各省都督電

連日漢陽劇戰。因我軍力單薄。半係新募之兵。不能支持。只得退保武昌。竊思武漢關係中國全局。武漢危。卽全局難保。元洪當督率將士。誓以死守。以維大局。惟敵人以全力爭武漢。同胞必以全力援助。方能取勝。務懇諸大都督。迅速調撥老練之兵。攜帶槍彈並機關槍新式快砲。星夜來鄂援助。或另分兵他出。以牽敵勢。統希裁奪施行。並祈示覆。



附上海陳都督覆電

陽電悉。武漢垂危。自應赴援。除由敝處飭南琛准明日上駛。并向安慶代爲乞師外。已電商滬分府。立派海籌海容江貞三艦前來濟助矣。

附鎮江林都督覆電

陽電悉。兵艦漸歸。已令悉數上駛。并速電催滬上三海軍艦。又電閩粵運兵北上。以爲牽制。刻南京城外砲台均下。尅日可破。卽移水陸師向武昌。望堅守以待。

附長沙譚都督通電

漢陽軍情緊急。請滬都督派精兵一二千由黃州登陸。直出黃陂孝感。以斷北軍鐵道。並派兵輪保護上岸。並請粵都督迅派精兵。帶足餉械。由海道赴鄂助戰。敵情如何。並望示復。

附杭州湯都督覆電

各省已水陸赴援。浙於兩三日內亦勉備一協上駛。南京昨已下。請公力障東南。維持全國。

附全州趙統領等覆電（卽趙恒惕）

陽電敬悉。馬隊及步隊一營。已於江日由全開拔。餘亦陸續前進。本部今日抵全。擬蒸日出發。迅赴前敵。惟彈藥隊自桂由河道輸運。較軍隊頗遲滯。沈都督於明日抵全。並聞。

附清江浦蔣都督覆電

虞陽兩電均悉。前據歌電。卽復徵調隊伍。厚集砲兵往援。諒邀明察。現敵軍兵將北竄。勢甚可慮。擬一面截堵竄兵。以牽敵勢。一面趕集隊伍。並共聯軍協同援鄂。

附九江馬都督覆電

連接漢陽警電。焦急萬分。現已招集各處原有老練之兵約二千人。惟缺少大小輪拖送。乞貴處速撥大小輪或小兵輪或商輪來潯拖運。並請多備五生七砲彈及其底火。又毛瑟槍德國八十八年式。日本三十年式。三種子彈。以便應用。再海籌兵艦。因水淺不能上駛。並聞。

附蒙自趙統領復祥覆電

陽電敬悉。擬即遣先一混成協。由黔入湘。會合荆襄兵隊。並電達蔡都督隨遣大兵。由川東下。兼電兩粵聯合南邊諸省。星夜赴援。並祈堅守。固我根本。

又覆長沙譚都督電

陽電悉。碩畫極佩。仍望電催各軍火速分途進行。

附來電

迭電均悉。鄂湘一家。安危同繫。現在桂軍已於初七日在永州出發。兼程赴敵。敵處已電請廣州胡都督。福州孫都督。整頓海軍。連合吳淞軍艦。直攻天津。以擊敵兵之尾。並請孫都督揀派精兵。由海道來援。又電請貴州楊都督出兵銅仁。與我軍會合。取荆襄。出沙洋。以擊敵兵之腰。更電請桂林沈王都督。南寧陸都督。加派老練之兵。與敵省會師。尅期赴援。尙望堅守武昌。以圖合勦。決不稍存畛域。貽誤中華大局。

是日軍務部孫武張振武等亦電各省乞援云。各省軍政府鑒。鄂事萬分緊急。老兵已盡。新兵無用。漢陽危。有彈乏槍。有五生七砲乏彈。請貴都督火速調精兵援救。以免武昌有碍。鄂軍務部叩。

又接四川成都來電。謂已宣布獨立。響應武昌。

先是是年夏。盛宣懷建議以鐵路歸國。有民意抗之。爭且急。川漢路多川人資。清政府償湘粵而獨靳川。故川人尤忿。蒲殿俊羅倫以諮議局長誓死抗。昌爾大等鼓動於下。時顏楷歸自粵西。衆欽其望。舉爲魁。越數月。愈激愈厲。趙爾豐督川有功德。惟對於鐵路風潮。特剛愎。詐蒲殿俊等十九人入署議。皆捕之。四民號泣。哀聲動天地。爾豐怒。發巨砲擊之。洞胸折股者數十百人。屍於市。民益洶洶。郊野皆起。爾豐誣爲叛。縱兵屠之。民痛乃極。遍蜀中無不叛者。州郡告急。爾豐易之。遣兵四出。有勦無撫。蜀民憤甚。誓與偕亡。及武昌義軍起。趙爾豐遂於十月初一釋蒲殿俊諸人。十月初七成都即宣布獨立。推蒲殿俊爲都督。統制朱慶瀾副之。兩人既就任。令諸軍不從。召諸將不至。時川軍有新舊之別。新軍早受梁瀛洲向巖等之運動。極文明。朱慶瀾統之。其將佐皆尹昌衡弟子。舊軍獷悍。田徵葵統之。素忌尹昌衡。十月初八。鄂軍入川之曾廣大三十一標。殺端方於資州。成都既獨立。十月十七大閱兵。舊軍先集。衆數千。田徵葵陰與王琰謀。復擁趙爾豐爲帥。擊蒲殿俊。朱慶瀾。蒲朱倉卒逸。僅以身免。軍大亂。田徵葵弗能戢。俱遁去。頃間殺掠遍成都。人民痛哭。

震天地。尹衡昌遂馳馬至成都城外二十里鳳凰山周駿軍中。借兵三百人。拔兵至北門。以平亂。軍民皆強尹昌衡爲都督。羅綸爲副。尹固辭。則大譁。於是尹昌衡分三百人爲三隊。命向樹榮率一隊守藩庫。命馬傳楷率一隊守王城。（即都督府）尹自統一隊以爲兩隊之策應。又命陶澤琨宣軍法。卽入王城。帥府虛無人。於破榻中見一人抱國旗哭。視之卽羅綸也。斯時趙爾豐尙居督署。猶擁精兵三千。成都而外。張培爵稱都督於川東。夏之時副之。周鴻鈞稱都督於自貢。劉朝望稱都督於川南。李紹伊稱都督於川北。皆擁衆萬餘。荏苒競發。川邊大臣傅華豐將精兵五千東犯。蔡鐸遣謝汝翼黃毓成將精兵一萬五千人欲取成都。而亂兵又乘機騷擾。尹昌衡乃約法五章。令於市曰。殺傷人。破燬物。汚婦女。入人室。取非己有。及濫發槍者。皆死刑。衆玩之。尹昌衡乃衣褐衣。持利劍。率勇士雜僧僧中。見犯令者立斬。尸於市。加木焉。凡四徹夜。殺三百數十人。羣暴膽裂。民乃得安。當尹昌衡未出之時。蒲殿俊匿於張瀾處。以緘告尹曰。我不復爲都督。子速代我以救川人。使老母得生全足矣。尹得書。求見蒲不可得。既定亂。復求之。泣告張瀾。瀾視尹之誠意。導之見。請其復位。不許。請總政。許之。至是事急。士民迫蒲殿俊張瀾羅綸。皆曰不殺趙爾

豐軍民無噍類矣。於是蒲殿俊、張瀾、羅綸率諸耆老迫尹昌衡行事。又以周駿長軍務。宋學皋統一師。彭光烈統二師。孫兆鸞統三師。皆率其屬迫尹益急。尹不忍。卒以二十騎往說趙爾豐。留置所從於門外。自釋兵而後入。見爾豐。環室皆兵。尹曰：「我無寸鐵。言而可公從之。不可公殺我。請退左右。」爾豐慚。使退。尹因說爾豐宜速去。爾豐曰：「兵寡不出境。奈何？」又說曰：「毀家紓難。以息民怒。」爾豐曰：「財寡不貫罪。奈何？」尹曰：「衆怒難犯。公將奚爲？」爾豐曰：「悉衆以鬥。死之而已。」尹曰：「公安得有衆？」爾豐曰：「堵下桓桓皆從我百戰。寧不足背城借一耶？」尹曰：「公至今猶未悟。公果田橫死且壯。顧公昔以富貴使人。今富貴俱失。誰復爲公？且公以搏牛之蟲。不能破蟻蝨。今聳螳臂於環轅之下。其何以濟？若死清。當早決。遲無復謂矣。」爾豐色變曰：「我寧不知不得已也。」尹曰：「公所謂不得已者。皆自陷耳。請爲公策可乎？」爾豐曰：「何策？」尹曰：「公陽以兵授衡。衡受已。卽令屬之公。是公無阻兵之名。而有擁兵之實。衡則假富貴以資公也。爾豐大悅。列衆授尹。尹呼陶澤琨、朱璧彩入。宣軍法。旣而訓衆曰：「衡此來拯汝曹也。汝曹捍怨府。無生理。然忠固可愍也。出萬金賞之。如約。」反授爾豐。令曰：「仍保趙公終其志。然我帥也。名當正。衆皆歡躍。尹亦辭出。令於門曰：「趙軍已就撫。是軍卽尹。」

軍不可攻也。於是諸軍皆不攻趙。然趙爾豐若肯隨尹至都督府。尹必保其出境。如李經羲之安離雲南無異也。至十一月初二夜。蒲殿俊、羅綸、張瀾、師長周駿、宋學皋、旅長唐廷牧、黃澤溥、趙南森、龍紹伯、王禕昌等畢至。堅請殺趙爾豐。且曰：不攻趙，民且變。尹反復無可奈何。乃令朱璧彩守府門，嚴出入。因相與謀曰：死生存亡，決於今日。出圖十，令兵按圖環趙署而陣。設兵衢道，左右戶皆伏焉。絕趙去路。令固守勿動。惟下蓮池一路，兵伏左右戶，不當衢，而置銳卒於半邊街。以陶澤琨將之。蒲殿俊、羅綸、周駿率砲兵陣東城。約黎明舉砲。宋學皋、王禕昌率步兵陣於西，爲夾攻勢。令畢各就守地。衆約二千人。堅衢道不使通。尹乃令諸軍曰：今夜大閱，城中軍各守其屯。違者按軍法。諸軍不知所爲，悉嚴守。夜靜，四圍寂然。陶澤琨方病，強起趨總督西轅門。昧爽與趙軍書曰：今精兵數萬圍督署，雖不能出，所仇惟趙一人。無與諸君事。諸君已歸漢，我必保諸君。敢告：若能生擒趙，將以金二萬壽諸君。且加爵。否則率所部出下蓮池，不相害也。諸將士得函，不知所爲。而東隅砲聲震如雷。方踟躕間，陶澤琨已率所部數十人踰牆入。署兵悉引去。爾豐拔劍阻軍，軍不聽。太息返特室。遂獲爾豐。兵不血刃。爾豐至堦下，曰：能相活乎？尹曰：卽此非我意。當語衆紳。

入室。趙曰：君前勸我納媛，可續議乎？尹曰：亦惟衆紳意。出語衆，衆皆曰：爾豐覆清祚，屠川人。因羣呼曰：烹之。或曰：磔。或曰：族厥家。尹凜然曰：無此暴。爾豐聞之，前請曰：室人無罪。尹曰：經訓不孥，且尊兄優容我，無以報，必爲公保之。殺爾豐，而以兵護其室，得其小孫於隣宅，求其親故養之，皆不納。尹慘然曰：勢利之交，乃至此乎？藏之家七日。爾豐家知其無他，而後取之。爾豐既死，其衛士張得奎，勇而忠，發石擊飛鳥，無不中。聞難，慨然曰：我豫讓也。狙擊尹，洞冠殪一卒一馬，獲之，承之以劍，不懼。尹曰：壯士也。立之庭前，堂上右設享。左列刃，召軍民入視，觀者甚衆。尹與張得奎立庭前，語衆曰：丈夫循天道，今張得奎刺我，謂我可殺。我獲張得奎，謂張得奎可誅，此皆私意，非天道也。張得奎有善，我弗敢蔽，享於庭右。罪當我躬，弗敢自赦，死於庭左。天視天聽，悉在元元，惟諸君辱裁之。顧謂得奎盡汝所言。張得奎曰：殺予主不義，予且爲吞炭之謀也。尹曰：止。爾主無罪，民欲殺而我從之，不阻是我溺公職也。爾主有罪，我欲救而民恕之，不救是我忘私情也。斯二者盡矣。我何與焉？且爾主無智伯之賢，視爾無國士之目，自死於法，法可讐乎？張得奎語塞。衆皆曰：都督直殺爾豐者，吾輩也。何與都督事？尹命衛士率張得奎下斬之。張無懼色。尹乃止。衛士曰：此



義士也。殺則傷天和。舍則導民善。命之還曰。我釋汝。汝欲斬衣三躍乎。張得奎泣曰。都督公明仁厚。下士不敢復犯矣。乃享之。得奎不去。辟爲尉。命往說趙爾豐舊卒降之。皆以爲衛。初陶澤琨之擒趙爾豐也。侍婢慧姑獨死之。及獲張得奎。時人謂之雙義。張得奎後從尹戰。竟以驍健聞。清祚旣改。漢人多思復仇。滿人益懼。蜀人痛趙爾豐之暴。仇滿益深。爾豐旣誅。城中無他寇。滿城在附郭西南隅。小而固。軍民欲屠之。十一月初四。諸軍薄滿城。止之不可。尹乃單騎詣其門。命之啟。不敢。揮軍退。啟之。入而慰之曰。五族猶兄弟也。且清朝待我厚。我無報。安忍滅諸君乎。遂泣。衆皆泣曰。都督來見生佛矣。尹曰。毋執兵。馴則福皆下。堞投兵。尹登戍樓。見諸軍揮淚示不忍。諸軍士曰。都督在。不可攻也。惻然而返。尹問滿人有食乎。曰。糞甚。尹泣然慰之曰。何以爲生。衆皆哭。尹曰。勿慮。我當爲諸君圖之。皆大感。爭以酒漿進。尹爲進數觥。城中八旗各以絳綯纏尹馬。明日以五萬金輸之。又令漢將與滿將交歡。尹更與將軍裕琨迭賓主。羅綸復移居滿城。漢滿咸睦。方趙爾豐之踞成都也。民軍皆來會。吳慶熙、孫澤沛、羅子舟、劉麗生、侯國治、彭澤、彭大均、陳和尚與焉。周鴻鈞、李紹伊亦遣其將謀裂土。皆欲得官爵。成軍告以無糧。則皆怒。凌尹以威。尹談笑請緩之。

日置酒高會。隆禮卑辭。時或使酒悲號。感慟時局。或相與嘲笑。動以擊情。皆歡娛。得徐議。及約法既行。民乃知信。首罪既誅。民乃知威。刺客既釋。民乃知義。滿族既知。民乃知仁。威信仁義入於民心。而又不貪公家一錢。遠近大服。乃令彭光烈料民軍曰。收馴而健者萬人。餘給資罷去。民軍部轄固爭之。尹曰。斗糧杯水。能盡養不耕之氓哉。留與遣。應悉聽部署。違者斬其魁。反覆宴談十餘日。譬曉畢至。吳慶熙、孫澤沛、羅子舟、劉麗生、侯國治、彭澤素、明良、願自効。皆辟爲校尉。令各統千五百人。或二千人。分巡州邑。使彭光烈統之。彭大均、李紹伊、陳和尚、臬桀不受命。擊斬之。劉朝望既去瀘州。滇軍殺周鴻鈞。散其黨。乃命張瀾宣慰川北。邵從恩宣慰川南。顏緝祐宣慰川西。川民畧定。但熊克武駐軍渝城。(重慶)擁兵逾萬。合張培爵軍。勢大振。滇軍入境。傅華豐復東下。取清溪。川人復懼。尹太息曰。兄弟手足。忍相害耶。遣使三出。滇軍殺使者黃方。剖其心。食之。張培爵、傅華豐皆投書拒使。謂師萃成都。且旦夕下。尹乃命周駿以兵萬餘抗嘉陵。據隆昌之險。曰。毋與戰。俟擒傅而後圖之。命彭光烈趙南森以兵五千拒華豐。曰。兩師相遇。必於雅。雅有三水焉。彼乘我虛。師必速。待其爭渡而側攻之。必克。師行八日。方至雅。獲華豐及華豐至。尹釋其縛。飲之酒。

而以其軍爲衛。滇渝聞之。皆曰。傳華豐兵出西康。轉戰四千里。兩年之間。未嘗敗北。今尹縛之如反掌。成都未可輕也。夏之時。軍西及隆昌。見整而還。滇軍雖入。久之。渡嘉陵。不得。尹與書蔡鐔曰。川滇唇齒。可相助勿侵。書凡十數達。蔡鐔然之。陰令其軍曰。尹督與我善。我知之深。其用兵不易犯。謝汝翼於是有戒心。會劉存厚自滇歸。盡以虛實告。尹乃命張鵬舞率死士五百人與滇軍戲。滇軍輕之。倍衆逐焉。相遇輒北。乃曰。川軍不可與戰也。請和。許之。命胡景伊入犒其軍。贖金五十萬。滇師乃還。劉存厚因有功。尹悉以衛軍與之。號爲四師。乃與張培爵書曰。

睽隔千里。聞與實遠。中情未通。禍機隱伏。危哉。滇謀頻窺。藏警日急。旣不能絕荏苒。以靖民。又不能竭羅掘以備用。蒿目全局。此何時耶。同力合作。猶恐不支。分黨異謀。勢成兩敗。衡心酸痛。莫可言狀。以衡受任危難。兵不滿三百。財不滿十萬。區區之心。微特忘利。固已誓不欲生矣。是以招叛合離。單騎直赴。斬逆誅亂。自身身殉。稍見一隙轉機。業經數次辭職。邦人堅不我許。而扶病強支。任怨力行。何嘗須臾忘大局哉。於惡。則力誅之。於傳。則力擒之。於滇。則以百忍圖兩全。於渝。則以一介合四督。當撫

當戰。盡出公仁。一行一言。悉昭大義。衡雖不才。心固同於皎日矣。而惡耗頻來。謂渝中衆矢日集於衡。樹黨組兵。勢在必舉。噫。其果然歟。其果然歟。夫渝兵強不及傳。趙而衡衆已踰於曩時。武力相對。我備必勝。然衡非犬豕。寧忍以兵亂擾桑梓哉。一兵來。衡以單騎迎。千軍來。衡亦以單騎迎。兩川之利是圖。七尺之軀何惜。有能馭衆安民。衡必推權遜位。此亦賢者取之耳。樹黨組兵胡爲者。果其關懷大局。請卽聯袂而來。聞衡之言。考衡之行。鑑衡之心迹。允定功罪。而議去留。何遲之有。若夫外縱謗譏之口。內懷不測之謀。開揖盜之門。分禦外之力。一朝之禍偶成。千古之羞誰洗。風雨漂搖。閱牆自閔。自非喪心。寧忍誤國。豈可以全川之元元。供私心一賭哉。成渝不可以分立。雖婦人孺子。苟具有良心者。無不知之。衡豈忍擁權挾私以壞大局。踐約圖名。以顧小信。故自願聞命而退。至若不聞衡之言。不考衡之行。不察衡之心迹。必使于謙含冤於九原。張巡受謗於身後。衡雖有勇。不敢與渝戰。衡雖有智。不忍爲己謀。岳忠武無跋扈之心。檀道濟有長城之歎。固所不惜。至於兵亂政紛。敵入民死。赤地焦土。敗國亡家。非衡之仁所能愛護也。臨書涕零。不知所云。

渝軍行成。亦許之。命胡景伊鎮渝。熊克武將五師屬焉。張培爵至成都。羅綸以位讓之。川境遂定。自胡景伊自滇返。劉存厚亟稱之。和滇鎮渝。舉無不當。尹益賢之。旋予以軍長。藉以代勞。尹因疾遂不問事。而黎元洪委李其相等回川以解紛亦中止。

是晚武昌省城謠啄蓬興。謂滿軍要襲武昌城。黎都督傳知各城門嚴行警戒。城內特別戒嚴。

但是日漢陽既失。武漢人心悲痛異常。甚至車夫舟子。皆相視對泣。自此武漢三鎮。無一人力車上街。而襄河及大江兩岸。上自金口。下至陽邏。帆船遂至絕跡。滿軍至此。亦知人心之不可侮。雖咫尺武昌。不能飛渡。滿軍勢力。亦於是乎窮。

是晚接得報告。謂滿軍已派漢奸多人。混入武昌城內。在各機關投効。以便乘機內應。是晚滿軍漢口砲隊。時向武昌城內射擊。城內百姓驚慌。各機關人員膽小者均逃。是晚又接報告。謂黎都督身旁有漢奸欲割黎之頭。奉至滿軍邀功者。黎不之知。反以若輩爲心腹。蓋若輩對於黎貌極恭順。不似革命黨之跋扈。所以黎亦言聽計從。

軍務部副部長張振武。總監察劉公。聞以上報告。極爲憤怒。卽派員到都督府及各機關

調查。如有形跡可疑者。卽處以軍法。於是一般作漢奸者。非常恐怖。舉動格外謹慎。

初八日、午前十時、黎都督派參謀總長吳兆麟傳知各部隊長官。齊集都督府會商武昌防禦計畫。茲將是日議決之事。條列於左。

一、設戰時總司令部於洪山寶通寺。

二、規定沿江防禦區域。以專責成。

甲、由青山至大堤口。爲第一區。

乙、由大堤口至鮎魚套。爲第二區。

丙、由鮎魚套至金口。爲第三區。

三、黃州鄂城兩處。爲武昌省下游重鎮。派黃楚楠張濟安率兵一標。據守黃州。派張其亞陳偉率兵一營。據守鄂城縣。

四、設兵站於防禦綫後方各處。派康濟民爲第一區兵站。徐壽林爲第二區兵站。何璫爲第三區兵站。

五、海軍須在陽邏附近游弋。掩護武昌。

以上各件規定後，黎都督即囑各部隊務要協力同心，嚴爲防禦，以待各省援兵指日到齊，再圖進展。

是日黎都督又電各省乞援，文曰：各省都督鑒。鄂事緊急，因老兵多陣亡，新兵不足用，故屢戰不勝。漢陽已失，槍砲子彈又將告罄，應如何救武昌，定天下，惟貴都督盡籌如何布置，祈速覆。

是日正午，江西派協統馮嗣鴻率兵一混成協，已抵陽邏，援應武昌。馮協統到武昌面謁黎都督，請示機宜。黎當令在陽邏候命。

是日接得偵探報告，謂滿軍已在陽夏滿布兵力，并在大別山設置砲隊。是日各部隊各自整頓，所有缺額均設法招募補充。一面在沿江岸構築防禦工事。至午后六時，武昌城即關閉，極爲嚴備。

是晚接四川來電，謂鄂軍派往四川之步隊第十六協業已反正。端方被殺，該協統鄧承拔及三十一標標統曾廣大均在軍中。不日率隊回鄂援助作戰云云。

是晚致贛州劉分都督電

倡義興漢。極表歡迎。惟各省均承認在鄂建設臨時中央政府。請率貴處原有精兵五營。盡携所有機關槍蒞鄂。會議進攻事宜。定於何日出師。由何道來鄂。祈示覆以便歡迎。

附覆電

庚電悉。囑率兵來鄂助戰。甚快。奈地方善後事宜。尙須籌畫。此地毗連閩粵。爲各省通衢。且素爲匪穴。大兵若去。必起叛亂。仍不免牽動全局。故不克卽日首途。

是日又聞寧波宣布獨立。以盧成章任寧波軍政分府外交員。

初九日。各省軍政府來電。公舉伍廷芳爲外交總長。溫宗堯爲次長。

是日午前八時。滿軍在大別山砲隊。向武昌省城開始射擊。城內房屋略被毀壞。百姓傷亡者亦衆。城內極爲驚慌。我鳳凰山蛇山黃鶴樓等處砲隊。亦向漢陽大別山還擊。同日揚子江已斷絕交通。彼此戒備甚嚴。

是日蔣翊武已在洪山成立司令部。并傳知各部隊卽將所佔領地點。及隊號兵數。統報於司令部。以資統一而便指揮。

是日又接得廣東廣西兩省來電。謂均已派隊來援武昌。業已出發。



是晚午後九時、護理總司令蔣翊武發下如左之防禦命令。

民軍總司令官命令

十月初九日午後九時  
於洪山寶通寺

一、清軍在漢口漢陽沿江一帶佔領陣地。其砲隊在大別山。

我海軍艦隊現游弋陽邏木鵝港黃州一帶。掩護武昌下游。

我江西軍第一混成協現已到陽邏佔領待命。援應武昌。

我廣東廣西兩省援軍今日來電經已出發。向武昌增援。

二、本軍擬以主力防禦武昌城附近沿江一帶。以一部防禦金口附近。

三、步隊第三協統領竇秉鈞率該協防禦青山東北鳳凰山經青山至兩望北端一帶。

特須搜索鳳凰山下游各要地。

四、步隊第五協統領熊秉坤率該協防禦兩望至磚瓦廠一帶。須與步第三協連絡。

五、步隊第六協統領楊載雄率該協防禦左翼。與步隊第五協連絡。左翼至大堤口附近。

六、步隊第七協統領鄧玉麟率該協（欠第十四標）防禦武昌城沿江一帶。須與步隊

## 第六協連絡。

七、工程第一營管帶李占魁率該營防禦鮎魚套。同第二營楊金龍率該營防禦造纸廠附近。須與步隊第七協連絡。

八、步隊第四協統領張廷輔率該協防禦右翼與工程營連絡。左翼至祁陽會館附近。  
九、步隊第一協統領蔣肇鑑率該協防禦右翼與步隊第四協連絡。左翼至吉祥賓館附近。特須搜索中新洲上游各要地。

十、步隊第二協統領何錫藩率該協（欠兩營）防禦武昌省城。但由武勝門經平湖門至望山門一帶。須多派兵力防禦。

十一、步隊第八協統領羅洪升率該協防禦金口附近。并須與步隊第一協連絡。

十二、步隊第十四標統帶黃申薌率該標防禦東湖門及沙子嶺附近。特須搜索該地以東各要地。

十三、砲隊統領姜明經指揮所屬砲隊。佔領鳳凰山黃鶴樓及沿江一帶。須能射擊漢口劉家廟及漢陽鸚鵡洲沿江一帶爲要。

十四、馬隊第一標統帶王祥發，率該標在洪山寶通寺附近集合候命。同馬隊第二標統帶劉國佐，率該標在鮎魚套附近集合候命。

十五、其餘各隊爲總預備隊，在洪山南麓附近集合待命。

十六、衛生隊在武昌城內準備。

十七、各隊大接濟，均在各隊陣地後方集合。但糧秣之補充，暫按平日方法自行辦理。

十八、予在洪山寶通寺。

護理總司令官蔣翊武

### 注意

一、各部隊按佔領區域，僱用民人，協同築設防禦工事。

二、右命令如不轉取攻勢，務須常川嚴密防禦。

三、各步隊對於來襲之敵，不到我有効射擊距離界內，不論晝夜，不得射擊。總以節省子彈爲要。

四、砲隊如未見敵人渡江，施行襲擊，勿庸砲擊。總以常川監視敵人爲要。

五、各部隊除監視哨外，總須集團兵力，以便指揮。

是日致蘇贛浙等省都督電

漢陽一變。武昌戒嚴。然已防守慎密。請勿念。刻有駐京英公使電漢領事。提議停戰議和之舉。南京之役。未識如何。請告徐統制。如此間議決停戰。則取寧之師。本當同時停戰。事機如何。手腕須靈活。特先電聞。餘俟議決再告。

附南昌彭都督來電

敵處現派劉懋政統領步隊一標。准十一日乘輪赴鄂助戰。惟該師或由水路運抵漢口。或繞道黃州抄敵左側。以何處爲集合點。均須先期知會。以便接洽。漢口日內戰狀何如。仍乞隨時電告。盼切。

附九江馬都督來電

准南昌電。已續派步隊一標赴鄂。陽日出發。寶又電調萍鄉袁贛二州軍隊。自湘至鄂助戰。特聞。

附林都督自南京覆電

南京內容。已有頭緒。茲同黃之根與大家議決。不日即派大隊水陸並進。援助湖北。請堅守勿懈。并請將湖北戰用地圖。專送數份來寧。盼覆。

又致長沙譚都督電

現需用小火輪在急。凡由鄂送兵之火輪到湘後。即速令回鄂。

一二五、十月初十日 各省推湖北軍政府爲中央軍政府

初十日、各省軍政府來電公舉湖北軍政府爲中央軍政府。

同日又接山東來電、孫寶琦取消獨立。

是日各部隊按照護理總司令官命令佔領陣地、構築防禦工事。滿軍在大別山砲隊。仍繼續向武昌省城內射擊。黎都督極爲惶恐。心內不安。其時有身旁僉王與黎秘謀。欲將都督府遷移葛店。并將現銀搬運六十萬到陽邏兵艦上。萬一不利。即乘兵艦往上海。黎元洪深以爲然。暗派鄺杰先至葛店準備房屋。并囑艦隊派兵船一隻停泊葛店木鷄港。附近準備。暗囑左右嚴守秘密。不要洩漏。又暗囑衛隊兩連。將槍枝子彈準備齊全。以便保護都督出走。

是日午前十一時。接偵探報告。謂滿軍約一營。已向大軍山方面前進。又下游倉子埠。亦有滿軍偵探發現。

是日武昌城內外謠譟繁興。百姓愈形恐慌。但清軍已派有漢奸多人混入城內。欲運動軍隊作內應。一日數驚。百姓紛紛搬遷。時軍務部副部長張振武等。一聞有漢奸作亂。遂派稽查隊到處調查。遇有形跡可疑之人。當即拿獲就地正法。并在都督身旁。拿得龔光明萬廷獻。查知由北方來鄂。聞報在武昌擔任運動舊部。以作內應。後垂長辯。其形跡可疑。亦要綁至軍務部處決。經黎保釋。自捕殺城內奸細後。城內風潮漸息。人心亦稍定。是晚參謀部吳兆麟。蔡濟民。吳醒漢。軍務部孫武。張振武。總監蔡劉公等。在城內各城門分途巡視。并囑第二協統領何錫藩。嚴密防禦。無論何人。不得准其由城門出入。又請黎都督傳知各部隊。如有疏虞。即以軍法從事。倘防禦得力。即論功重賞。又對於每兵犒賞酒肉多件。

是晚黎致長沙譚都督電

鸚鵡洲沌口金口等處。我軍駐有重兵。惟湘潰兵沿途騷擾。殊爲可慮。請速飭岳守設法

招撫是要。

又致上海陳都督電

山東代表雷光宇謝鴻燾。福建代表潘祖彜。今午已到鄂。請轉電山東福建都督是盼。

又覆岳州司令任震電

青電悉。胡孔昌既經撤銷。何以持關防不交。殊屬非是。敝處既未派胡駐岳招兵。楚材砲彈。已電飭胡孔昌裝運來鄂。

附來電

敝都督前委充兩湖通信司胡孔昌。已經撤銷。詎胡頓生惡感。持關防不交。并稱奉鈞命招兵駐岳。楚材經敝都督派震照管。胡往派人強卸。均未卜是否鈞命。應如何處置。乞示遵。

二六、十月十一日 民清兩軍停戰

十一日午前七時。參謀總長吳兆麟。同護理總司令蔣翊武赴青山至兩望巡視防綫。至正午。行抵大堤口時。遙見城內火起。旋有由武勝門出城百姓云。都督府起火。吳蔣二人

卽乘馬趕至城內。見都督府正在焚燒。不知黎都督如何。旋往軍務部探聽。孫武云。黎都督出賓陽門往洪山矣。吳蔣二人以爲黎都督到洪山總司令部。復由軍務部趕至洪山路。經賓陽門時。城內百姓在城門擁擠不堪。婦女小孩擠死甚多。哀哭之聲。不忍見聞。問其故。羣謂黎都督已走。我輩在城內恐受危險耳。吳蔣二人。一面令守城門軍隊好爲維持。一面繞通湘門到洪山時。又見城外有許多兵士紛紛竄走。吳蔣二人當卽阻止之。各兵士云。都督已走。我們爲何不走。蔣翊武云。都督在洪山。你們速急各回防地。否則卽以軍法從事。遂派隨從兵士傳知各兵。仍回原防。

午後二時。吳蔣二人抵洪山時。據顧問吳兆祺參謀鄒燮斌云。黎都督已往葛店去矣。蔣翊武問何以不阻止之。該二人答云。阻止不住。蔣又問隨從是何許人。答云有杜錫鈞、龔光明、蕭慕何、唐仲寅等。并衛兵兩隊。但黎都督係乘肩輿云云。

少頃。吳兆麟、蔣翊武到司令部內。派參謀甘績熙、吳兆鯉、謝鴻濤三員。乘馬攜帶護理總司令蔣翊武手書。速往葛店。請黎都督轉回洪山。以資鎮攝而維軍心。該三員趕至葛店。以北二十里之王家店。天已黑。黎都督已在該店休息。該三員卽陳明武昌軍民出城情



形。并蔣翊武手書。請黎都督回洪山。黎不可。再三請求。仍不可。甘績熙問都督究竟何往。都督云。到葛店。甘云。都督有守城之責。應與城俱亡。不可蹈瑞澂之故事。而爲天下後世笑。黎云。爾小孩子不要糊說亂講。城內有砲彈。且都督府已燒。何能辦事。甘云。在洪山或劉氏祠均可辦事。又何必到葛店耶。都督不要說我是小孩子。我是愛都督。怕都督誤聽人言而失計耳。黎卒不聽。於是該三人計議。以甘績熙謝洪濤二人在王家店監視。以吳兆鯉卽回洪山報告。

是日午後六時。正在驚慌之際。有英人盤恩。偕顧問孫發緒到洪山總司令部。與參謀總長吳兆麟接洽。該英人云。民軍自起義以來。極爲文明。秋毫無犯。我輩英國人頗表同情。雖漢口漢陽之敗。非戰之過。我們曉得民軍新兵太多。未經訓練。所以戰敗。然而亦打勝仗。非常勇敢。如加以訓練。一定是很好的軍隊。現在我們英國領事。見武昌省城天天受砲擊。城內百姓甚爲淒慘。故此連合各國領事。與清兵商議。暫且停戰三日。現在清兵已表同情。我特來武昌面謁黎都督。請都督認可。將我帶來公文蓋印。然後送至清軍蓋印。即可停戰云云。吳兆麟云。此次武昌首義。承貴國領事與各國領事承認爲交戰團。我們

民國甚爲感激。今日閣下不辭勞苦。對於武昌百姓。發博愛心。要兩軍停戰。我們尤爲感激。閣下謂要見黎都督。現在都督因城內火災。已遷移劉氏祠辦事。劉氏祠距此還有十里路。（其實只有一里）今已天晚亦無庸閣下再勞步。請閣下暫在此休息。我們派人取印來蓋可也。我們在此地沒有好飯好菜。即請閣下吃點粗飯。聊以充飢耳。閣下云蓋印。但不知總司令官之印可蓋否。盤恩云。我在漢口已言定用都督之印。仍以都督之印爲是。於是吳兆麟一面囑辦飯款盤恩。并請總司令蔣翊武奉陪。暗與孫發緒商議。謂都督已往葛店。印已帶去。葛店距此九十里。一時亦來不及。不如照樣刻一個印蓋了完事。孫發緒深以爲然。於是吳兆麟即電話軍務部孫武。請速令刻字工人照樣刻之。愈速愈妙。一俟盤恩飯畢。即來軍務部蓋印。孫武聞停戰三日。欣慰之至。當派高楚觀督令城內刻字工人照都督印樣速刻。約一時許。電告已刻完好。盤恩在洪山飯畢。吳兆麟即備肩輿數乘。遂謂盤恩曰。都督之印在城內軍務部。請乘轎齊至軍務部蓋印可也。盤恩見招待甚殷。頗受商量。遂與吳兆麟孫發緒同到軍務部。茲將是日停戰三日公文條件抄錄如左。

一、範圍武漢兩軍所佔之地。不得變換。

一、日期自十月十二日上午八時起至十五日上午八時止。停戰三日。

一、民軍應守之條款。

甲、民軍於停戰範圍日期內。一律按兵不動。

乙、民軍之兵船。於停戰範圍日期內。不得行駛。并將機關下交駐漢英水師官收存。須於十五日上午六時轉交該船收回。

一、北軍應守之條款。

甲、北軍於停戰範圍日期內。一律按兵不動。

乙、北軍之火車於停戰範圍日期內。不得往來作軍事上之運動。由駐漢英水師官監視。

是晚英人盤恩將停戰公文蓋印後。略與周旋。復乘肩輿偕孫發緒到兩望（與漢口租界對岸）乘船往漢矣。

是晚吳兆鯉復由王家店回到洪山。謂黎都督要往葛店。決計不回武昌。再三請求。皆不

允可。現甘績熙謝鴻濤尙在王家店監視黎之動作。特囑我一人回洪山報告。究竟如何辦法云云。

其時蔣翊武吳兆麟因兩軍業已停戰。一切事必須黎都督接頭。非請黎都督回武昌不可。復派吳兆鯉湯顯雋鄒燮斌三員。乘馬携蔣翊武吳兆麟二人之手書。并抄停戰條件。謂已由英領事派盤恩偕孫發緒來洪山。因都督印不在此。從權照樣刻之。現已蓋印。仍由盤孫二人携往漢口矣。但停戰後。武昌即轉危爲安。一切交涉。非都督接洽辦理。不可。仍乞俯如所請。准於明早轉回劉氏祠爲禱云云。

是晚吳兆鯉等二次携停戰條件。并吳蔣之手書。到王家店見黎都督。而都督已睡。吳兆鯉等即請蕭慕何報告。黎都督聞已停戰。喜出望外。將條件閱後。當命吳兆鯉等在王家店休息。明早同回劉氏祠可也。

是日黎都督出走之時。武昌百姓甚形驚慌。旋即擁擠出城。擠死婦孺甚多。慘不堪言。而兵士等見黎出走。亦相率逃竄。大有瓦解之勢。將見武昌旦夕不保。適英人盤恩來言停戰。如惡風猛雨之中。忽現青天明月。所謂滿清之亡。實非革命軍之力。乃天心民心所趨。

向耳。蓋天道莫或使之。若或使之。觀於此次之停戰時機。益信而有徵。

原黎元洪出走之計。不在今日。前數日已與身旁僉任秘商規定。故派鄺杰先到葛店準備。又搬運現銀至兵艦。各機關人員皆未之知。是以用此下策。查黎之生平。專聽左右無知無識之宵小所弄。故每每作事無結果。齊桓公一霸諸侯。自管仲死而用易牙一流。以致暴屍多日。爲後世笑。觀乎此。而於黎元洪又何責焉。

是日黎元洪出走之際。謠詠蠱起。有謂滿軍已由青山方面渡江者。有謂都督府係滿軍派人放火焚燒者。有謂都督府係滿軍砲彈命中焚燒者。又有謂都督府係黎元洪自己派人縱火焚燒藉故出走者。衆論紛紛。莫明真相。

是日又接黎元洪身旁衛兵報告。謂有北方派之漢奸連絡黎之左右羣小。獻黎出走之計。俟到葛店。先將黎毒死。割其首級到北方奉獻滿軍。以圖升官發財。此種北方慣技。但黎不自知之。

是日黎元洪出城時。有黎之書記劉春甲者。堅請黎暫避火災。移於城內安穩之處。切勿出城以失民望。黎不可。竟率衛隊而去。隨從者僅三四人耳。其餘都督府人員。或暫避他

處。或到洪山總司令部幫同辦事。

是晚護理總司令蔣翊武爲安軍民之心。及守停戰條約起見。一面將停戰條件佈告地方。一面發下如左之命令。

民軍戰時總司令官命令

十月十一日午後十二時  
於洪山總司令部

一、同前停戰條件。

二、自明十二日午前八時一律實行停戰。

三、各部隊自接到命令時起。至明十二日午前八時止。爲準備停戰之期限。滿軍如不開槍砲射擊及渡江情形。我軍不得無故發射。

四、予在洪山寶通寺。

護理總司令官蔣翊武

以上命令發下後。各部隊軍心已安。士氣爲之一振。惟總監察劉公及張振武。因黎都督不與各機關人員開會磋商。藉故棄城出走葛店。以致人心動搖。設非停戰三日。轉瞬武昌自棄。卽爲滿軍有矣。我輩革命事業。又成功虧一簣。而一般同志所流之血。埋冤長劫。

矣。要擬通電彈劾之。旋因吳兆麟蔡濟民二人勸阻。務要顧全大局。俾免發生意見。俟大功告成後。再評論是非。未爲晚也。遂止。

### 二七、十月十二日 南京光復

十二日、南京來電。謂南京業已克復。先是日知會黨員文晉介及柳世裕等。在南京運動新軍及學生等響應武昌。被張勳鐵良輩所知。嚴行捕殺。軍士與學生遭難者不少。文晉介金雅丞輩。遂率一班敢死學生。加入武漢之戰。徒手以奪滿軍機關槍。死者甚衆。至上海杭州蘇州次第光復後。而吳淞軍政府。派出會攻南京之光復軍三千人。昨已佔領烏龍山。近逼南京城。捷報至滬。李燮和總司令。決計親往南京督戰。以振軍聲。又派人卽日至湘鄂兩軍政府。催借餉銀二百萬來滬。俟南京攻下。卽將吳淞軍政府。移至南京。招募新兵。湊足二萬人。訓練精熟。與各省會師北伐。蘇軍程都督親征張逆。帶馬砲兵兩大隊。憲兵一隊。大砲四尊。軍紀森嚴。沿途見者。莫不歡躍迎之。蘇軍全隊已抵句容。現擬於大軍進取南京之時。由三汊鎮過湖熟鎮。（三汊距南京城九十里、湖熟五十里）順流循秦淮。（秦淮係西流故西向甯垣爲順水）而下。直進高橋門。攻取金陵之通濟門南

門洪武門。徐寶山軍原爲攻取浦口之用。現徐尙按兵未動。擬俟大軍開戰期間。察看時機。不難一鼓下之。徐寶山以十二圩鹽販。皆爲壽州幫。壽人勇悍無匹。並熟悉皖北形勢。（過浦口卽入滁泗鳳三州地）欲斷張勳浦口一路。非用壽州兵不可。刻已親赴清江。招募壽州軍隊。夫張勳兵士。舉動皆極野蠻。以蠻敵蠻。亦行軍之善策也。聞皖省已派兵一標。由蕪湖進攻南京下關一方面。贛省亦派兵一千人。由廣德進攻南京秣陵關。再進據雨花台。兩省軍隊。業於初二日開拔前進。并發電報告聯軍司令部接洽。初二夜有廣西民軍由滬開至高資。統帶黎天才。稟奉總司令命令。於當夜二時。由高資直赴龍潭。軍容整肅。共有一千五百名。初四日佔領烏龍山者卽此軍也。湖北所派黃陂民軍一萬已抵南京交界之太平府。前日特派代表到鎮。籌商會師進攻之策。滬甯火車。昨日又運浙江敢死隊四百名。行抵鎮江。領袖者係一女國民軍。聞卽前時率敢死隊一千人規取杭城者。滬軍亦派女敢死隊五十人。親往前敵。與張軍一決生死。該隊一洗柔弱之氣。大有奮勇之觀。人心如此。不易得也。徐總司令因杭州兵一千二百名。廣西兵三千。堅欲開赴前敵。故已向龍潭進發。第九鎮之三十三四標兵。留在高資護衛。



大營者。亦爭赴前敵。並稱十八日一役。槍無子彈。尙且奮不顧身。由秣陵關前進。此次子彈已充。誓必爭先與張勳決一死戰。卽此可見民軍踴躍之一斑。民軍前鋒隊已抵棲霞山。（係上元地界卽孤樹村站附近之山）攜帶槍砲軍火甚多。軍容亦異常整肅。張勳刻已移駐勸業會場。指揮軍隊。其城北一枝園寓內。係屬疑兵之計。并聞張勳已約鐵良守城。而張則專管戰事。據此以觀。張或出城一決勝負。未可知也。鎮江現有砲艇八艘。魚雷兩艘。滅魚雷艇一艘。運送艇一艘。游弋江面。

初四日。聯軍大隊聚集於朝陽門之外。分作兩翼。以左翼攻南門（卽聚寶門）以右翼攻太平門。初五日。浙軍攻佔麒麟門時。有敵軍一千人。被民軍擊退。翌日張勳復派軍出攻。鏖戰三小時之久。因張兵進攻頗猛。民軍失砲兩尊。民軍繼復死戰。卒將失砲奪回。當時張兵雖携有大砲四尊。然卒爲民軍擊退。民軍開砲轟擊。直至夜深始已。民軍左翼以蘇軍居多。攻得雨花台後。卽開砲轟擊洪武門。清兵回砲擊之。民軍約死一百人。清軍死數未詳。至初七日晨。見清兵放棄洪武門而走。民軍右翼以吳淞軍居多。聚於幕府山之後。由該山轟擊北極閣砲台。制台衙門。將軍衙門。及明故宮等處。是役係用二十

四生的米達大砲轟擊。其勢極猛。故城內損失必甚巨也。初六日民軍艦隊駛至烏龍山砲台之下。旋泊。卽豫備開砲協助陸軍轟城。下午有日清輪船公司之小輪一艘爲砲艇流彈所中。頗受損傷。幕府山砲台在長江南京下遊六里之遙。初五日卽爲民軍所得。聞事前已先佈置妥貼。故臨戰時並未抵抗。民軍一鼓下之。初七日民軍復得紫金山。至此城外全境已盡入民軍之手。初五日城外開戰時。清兵死傷甚衆。聞清兵臨戰毫無鬥志。一聞砲聲大半棄械而逃。而死者已千餘人矣。初六日自上午八時起至十二時止。兩軍在幕府山與獅子山之間互相轟擊。卒被民軍將清兵擊退。浙軍進攻麒麟門。均由龍潭東流而進。蘇軍則沿淮進高橋。復由外城根聯合浙軍滬軍。攻克孝陵衛。直入朝陽門。計共殲賊二千餘人。民軍於初六日黎明攻克雨花台砲台後。卽分派精銳攻城。因南城過堅。且民居過稠。誠恐玉石不分。遂抄至下關。攻克威鳳門。是役均用野山砲轟擊。其勢甚猛。廣西濟軍初七日由龍潭奮勇前進。皆赤足草履。精銳異常。鎮軍林都督初七日督率鎮軍由鎮江出發。開赴龍潭前敵。長江水師砲船共二十二營。已均歸順民軍。惟金陵營未降。初六日該營參將入城請領軍餉及軍裝。張勳指爲騙

取軍裝。喝令逐出。於是金陵營亦全隊開至鎮江。與民軍聯合矣。民軍既得幕府山獅子山後。查得山上尙有大砲數尊。但皆係十年前之舊物。已不可用。張勳部下無能開砲之人。故懸重賞招外國砲手助之。民軍此次往寧。携有新式大砲甚多。擬分置於城內外已得手之各要地。以爲防衛。初五日黎天才率濟軍攻烏龍山幕府山砲台。該兩砲台已爲前砲台官宮君承焜運動成熟。乃事爲張勳所聞。擬卽日派兵前往更換台官。我軍聞信。遂立由黎率兵前往奪取。擊殺張兵甚多。當奪砲台時。並有兵輪掩護前進。此爲沿江進兵之一路。浙軍朱指揮官奉總司令命令。由麒麟門前進。聞有大隊敵兵埋伏。乃直前攻擊。敵軍編制。本係混合成軍。以胡麟宣所統徐州防營爲第一綫。王有宏所統新軍防營爲第二綫。趙會鵬所統寧防營爲第三綫。而張勳則自率江防營爲第四綫。約共七八千人。於午前十一句鐘開戰。浙軍奮勇異常。其時西北風大熾。我軍皆逆風而進。戰至五六句鐘之久。敵軍大潰。我軍分路追擊。至夜半始休息。敵軍共死二千餘人。其餘四散奔走。逃回城中者甚少。此爲中路進兵。蘇軍由句容奉總司令處命令。向淳化鎮前進。分二百人佯攻雨花台。忽進忽退。以分賊勢。此爲南路進兵。此乃初五日之戰情。

也。初六日破曉。張賊率奮勇隊四千人。旗兵亦出奮勇隊一千餘人。襲攻浙軍。浙軍防禦甚嚴。聞警即起而迎戰。先取守勢。既而變守爲攻。砲兵發彈尤準。每彈發出。敵兵必死數十人。戰至日中。賊始不支。四散而潰。浙軍急進。午飯。其時有敵兵敢死隊約二百人。見浙軍休息。乘勢襲至砲兵陣地。奪取散砲。勢甚猛厲。已有砲數尊被敵兵拽繩而奔。我軍砲兵只有數人。立開數砲。步兵聞砲聲知有變。即前往救援。奮力將砲奪回。午後又復激戰。至下午五時。敵兵退至孝陵衛。我軍一面往攻。一面分兵奪取紫金山砲台。敵兵在孝陵衛者。見勢不敵。即縱火焚燒民房。火光燭天。我軍奮力追攻。直至朝陽門下。攻紫金山之兵隊。亦激戰多時。奪取敵之山腰大砲三尊。時本擬攻入城中。繼因大戰兩日一夜。兵士疲倦不堪。乃暫退至馬羣屯紮。當日並有鎮軍一營。隨同浙軍助戰。當我軍奮攻孝陵衛時。有旗兵千餘人。服蘇軍軍衣。由側面向浙軍攻擊。浙軍因其服裝與蘇軍相似。不肯還槍。先用白旗招展。令停止放槍。繼吹停戰號。而旗兵不應。放槍如故。浙軍心始疑之。然死者已有排長二、管帶一、兵士三百餘人。遂一面派人至總司令部報信。一面掛紅旗宣戰。敵兵見宣戰。相率遁去。而總司令處聞信。即派參謀史久光君。率憲兵數人。前往戰

綫偵察情形。乃至半路。爲張勳敗兵排槍所擊。史君及憲兵排長某均中槍陣亡。是日蘇軍至淳化鎮。遇張兵五百餘人。擊退之。卽進屯上方門。聞滬浙軍皆獲勝。對於雨花台乃改佯攻爲正攻。唾手而得此險要。幕府山砲台旣恢復。卽由山上用巨砲轟擊北極閣富貴山儀鳳門太平門等處。艦隊佐之。北極閣砲台初亦還砲相擊。繼而大受夷傷。太平門城樓被毀。其時民軍所以未攻獅子山者。以該山砲台兵士已受我軍運動故也。是日濟軍原擬急攻儀鳳門。並奪獅子山砲台。因兵力不富。因而未果。總司令處已加派鎮軍兩營前往協助。該兵已連夜前往。俾一到卽可進攻。鎮軍本有兩標在前敵。以騎砲兵組織未完。未能獨力作戰。本日由劉協統自帶機關砲野砲多尊。及馬隊兩隊。由火車運至龍潭。已奉總司令部命令。率同明羽麟所帶鎮軍一標。於初七早會攻朝陽門。該軍見滬浙蘇諸軍如此奮勇。深以遲到爲憾。赴戰情形異常踴躍。初七日聯軍總司令徐紹楨親率浙濟兩軍。由麒麟門攻入太平門。張勳兵死二千餘人。統領王有宏徐州鎮胡令宣均被轟斃。民軍死傷六百餘人。內濟軍二三百人。聞紅十字會員亦死多人。張勳已由南門逃出。張人駿鐵良聞皆避匿德國領事署內。初十日晨。外間所聞之

炸烈聲。乃係城中民軍將獅子山軍裝庫炸毀。俾清軍無軍火可用。不能開砲轟擊城外之幕府山。或謂此事卽決死隊所爲。十二日晨十時。有清兵千名出太平門。歡迎民軍。甚形誠摯。民軍亦以禮答之。繼有民軍三千名入太平門而至威鳳門。此乃經一星期之戰爭。南京光復之結果也。是夜有專車載來受傷民軍九人。內重傷者祇一人。總計自上星期日南京開戰以後。受傷軍士抵滬者共六十一人。此次抵滬傷兵。死者僅有兩人。一人之胃。被彈擊穿。卽死於車上。一人被彈洞穿其肺。昇至醫院十分鐘後亦斃。目下在紅十字會醫院之傷兵五十八人。內重傷者僅五六人而已。且已漸次復原。內有一人身受三槍。一槍自額前擊入。幾貫其腦。幸未穿過頭骨。一槍擊穿大腿。一槍則擊入腹部。幸胃未傷。故得不死。嗚呼。此皆爲我同胞購求自由而流血者也。我同胞得勿念之。十一日之戰。兩軍轟戰頗烈。有重要二砲台。同豎白旗。當時民軍以大砲轟擊太平門沿江一帶。獅子山砲台與民軍砲艇互相轟擊。民軍卽於此時完全占據紫金山。迨十二日早。兩軍議和未成。民軍隨卽佔領全城。午時。獅子山砲台高懸白旗。外間謂張勳已自南門逃出。且信張必逃至浦口。要求該處鐵路人員開火車載之赴北。民軍聲稱彼等無殺

張勳之心。但急須阻其逃往北京。鎮軍林都督於十二日晨十時。率兵數千。由太平門入城。餘軍由儀鳳門入城。全城居民。皆懸白旗以表歡迎。張軍大半已於前晚逃往浦口。餘均投順。當光復南京時。民軍被害者僅有數人。因清軍見民軍。早已望風而靡。故死傷之數甚少。此次南京之戰。流血甚慘。民軍心甚堅毅。當攻城之前。已佔據各山。昨日下午。由寧乘火車抵滬之人甚多。皆謂此次爭戰甚爲劇烈。南京之克。係由四面圍困。及江中攻擊所致。蓋未克之前。已有民軍砲艇四艘。泊於南京下游六英里。聽候號令。屆期砲艇果助民軍轟擊。成此大功。初十日。紫金山之戰。異常激烈。卒由民軍奮勇力戰。佔領該山。清兵大敗而逃。十一夜清軍均退入城內。是日正午。張勳出城察看紫金山地勢。及民軍圍攻情形。清兵退入城中時。張勳爲之大哭。下午乃偕張人駿由漢西門遁走。鐵良聞亦同行。均逃往浦口。張勳手下尙有殘軍一千人。其所招之匪兵則悉留城中。十三日城內斬決搶匪多名。聞連日由張勳之兵身上搜出銀錢飾物甚多。將軍衙門已爲地雷炸毀。其聲甚猛。十二日下午。林都督率領得勝軍入城。張兵投降。皆匍伏於地。倒執槍械。其窘態頗有可觀。既而悉編入民軍中。

浙軍自杭州光復後。統領朱瑞。奉湯都督命令。率領步隊兩標。游擊隊兩營。馬隊一隊。砲隊一營。工程營一營。欠兩隊。輜重營一營。欠兩隊。敢死隊一營。陸軍警察一隊。於上月二十三日由杭赴滬。二十五日由滬乘滬甯鐵路車至鎮江。時鎮軍因準備未周。張寇聞風。派兵四出防守迎敵。浙軍行至高資。暫行駐屯。初一日拔隊越過龍潭。至東洋鎮宿營。初三日黎軍亦至龍潭云。

烏龍山之戰 十月初三日午後八時。得探報張寇聞聯軍次第攻寧。有派兵三營據守烏龍山幕府山各砲台。防守聯軍前進之說。浙軍支隊長朱君。遂特派獨立馬隊。隨同黎軍及游擊一營前往驅敵。初四日午前十一時。馬隊先鋒至烏龍山。旋即佔領該砲台。此役僅放數槍。該台官亦明大義。當即反正。兩邊均無損傷。

幕府山之戰 張寇聞烏龍山入民軍手。初四日即派馬步兵各若干。出儀鳳門防守幕府山。以爲亡羊補牢之計。詎淞浙兩軍統領暨參謀官。自佔領烏龍山後。僅留一小部於該處。乘夜拔隊攻取幕府山砲台。至天明。民軍均齊集該砲台附近。時有張寇馬兵百數十名。敵步兵先頭亦抵該砲台附近。淞浙合軍擊潰敵騎。爰編兩梯隊。在前梯隊佔領幕



府山砲台。以砲火行追擊事。在後梯隊。任戰場外追擊。格鬥數小時之久。敵即敗逃入城。馬羣之戰。浙軍自初四日派一部隊連合黎軍攻取烏龍幕府。兩山各砲台以後。朱支隊長當夜派游擊營乘夜佔據馬羣附近要隘。掩護本隊開進。翌日。大部隊自東陽鎮向馬羣前進。事被張寇偵知。派有步隊五營。中途邀擊。至午後一時。浙軍先頭部隊已與敵人接戰。朱支隊長即於馬羣後由本隊中派步隊兩營。向左右翼展開。（因中有游擊營佔領。）砲隊於馬羣前方高地佈置放列。猛烈射擊。步隊漸次前進。迨至距敵五百米達許之處。步隊行躍進法。散兵漸漸近敵。將校指揮得宜。目兵槍法精確。敵軍損傷甚鉅。力不能支。即向孝陵衛退却。浙軍隨追隨擊。轟敵而進。擊斃偽統領一名。敵兵三千餘人。捕獲俘虜數百名。至午後二時。孝陵衛即爲浙軍所佔。是夜各部隊均在原地露營。佈置戰鬥前哨。以備警戒。

孝陵衛之戰。初六日午前五時。敵步兵五營。砲兵一營。拂曉向我軍攻擊。幸我軍防備甚周。隨即向之返擊。迨至日中。戰綫擴張至四千米達之廣。自晨至夕。槍砲聲未嘗稍間。至午後六時。戰局尙未收結。浙軍朱支隊長與參謀參軍率同義勇隊親臨火綫。發衝鋒

口令人如潮湧。馬似山崩。敵兵自相踐踏者不計其數。被浙軍生擒者。傷統領一名。兵約二百餘人。一鼓而前。追敵約七里許。迨至城下。城門閉鎖。恐其間埋有地雷炸藥等物。未卽逕入。爰於朝陽門千米達處高地佈置前哨。砲隊在陶成小學附近露營。朝陽門外。絕無敵人蹤跡。初八日總司令官命淞浙各軍於晚間圍攻堅城。器具未盡完備。是夕之攻。仍未克。

天保城之命名。係清臣曾國藩侵略南京時。於紫金山頂。築以堅固陣地。事後以天保二字名焉。該陣地爲攻取南京必要之點。敵兵在此防守者。有江防兵一營。旗兵四百。砲十餘門。機關槍四尊。浙軍血戰三晝夜未下。朱統領挑選各營自告奮勇各義士。編成兩隊。一隊由張兆辰君率領。走紫金山背後。擊其側方。一隊由葉仰高君率領。走紫金山峯。擊其東端。格鬥十二時之久。至天明以肉薄相見。敵軍全數殲滅。大功告成。葉仰高中彈陣亡。翌日浙軍以砲隊擊駐城上之敵。張寇聞風恐懼。至午後七時。帶同逆兵五百名出南門。向大勝關逃走。十三日午前七時。浙軍游擊隊與黎軍擊破儀鳳門。分段搜索。佔領各要點。由是各軍亦陸續入城云。

蓋漢陽雖失。而南京已得。抗民國者僅袁世凱張勳二人。至是皆成強弩之末。故袁世凱藉漢陽一勝之威。強民軍以議和。逼清廷以退位。玩弄民國。屠殺人才。民軍日裁。而張勳與反抗民國之北軍日增。致天下紛爭無已時。其害可勝言哉。

是日午前九時。總司令部接張廷輔報告云。漢陽清軍今早猶向我武昌射擊。恐停戰是詐。恐各部隊因停戰而防禦懈怠也云云。蔣翊武得報後。旋即傳令各部隊。仍須在原地嚴密防禦。俾免疎虞。惟停戰果否實行。緩即知之。如清軍在彼岸射擊。切勿還擊。若清軍確係渡江來襲。我軍即猛烈射擊以驅逐之。

午前十時。孫發緒由漢口來電云。停戰條件。彼方業蓋印。各國領事已發出通告。實行停戰三日云云。

蔣翊武即將以上電報轉知各部隊。并令各部隊務要遵守停戰條約。免外人藉口。惟對於防禦事宜。仍不可疎忽。同時參謀總長吳兆麟。復派馬隊標統王祥發率馬隊一隊。到王家店迎黎都督回武昌城外劉氏祠。或到武昌城內辦事。

是日城內百姓與各機關人員。自黎元洪出走後。幾至空城。惟城內治安。僅步隊第二協

統領何錫藩、軍務部長孫武、張振武、總監察劉公及城內商民保安隊數部維持之耳。

是日午后二時復接得張廷輔報告。謂清兵步隊約一標向金口鍾山方面行進。護理總司令官蔣翊武。卽抽派步隊第七協統領鄧玉麟率該協亦向鍾山進發。與駐紮金口之隊伍互相連絡。防禦清軍渡江。又令步隊第二協統領何錫藩派該協步隊第四標警戒江岸。接換第七協防禦陣地。其餘步隊第三標仍嚴守各城門。

是日午后九時。黎元洪已轉回洪山附近之劉氏祠堂。參謀總長吳兆麟。偕顧問楊開甲、吳兆祺等。到劉氏祠往晤之。吳兆麟問黎都督遷至葛店。是何人主張。黎云。在城內被清軍砲擊。不便辦事。故與大家商量。遷至葛店。吳兆麟云。城內受滿軍砲火轟擊。固不便辦事。如都督出城之時。須先集合各機關人員會商決定。然後曉諭人民。暫於城外擇一清軍火力不能及之處辦事。以免城內百姓驚慌。軍心動搖可耳。況葛店距省城過遠。交通不便。而又無電報局。何能辦事。昨晚英人盤恩來言。停戰條件。要都督蓋印。一時無法。遂與孫發緒商議。從權照樣刻印一顆。以救危急。自今而後。請都督不必輕聽人言。隨便他往。與其屈志而寄托他省。無寧死守武昌。以留名後世。查武昌現已由各省公舉爲中華

民國臨時中央政府。存亡所繫。中外觀瞻。威信不可不保。將來大功告成。是都督卽爲千秋萬世共和國第一偉人。望都督深思之云云。其時甘績熙在坐。繼云請都督再不要貪生怕死。現在中華民國行將成功。卽不幸而死。都督亦可以在歷史上做拿破侖第二。當時黎元洪怒曰。爾青年人屢次說激烈話。實屬不成事體。大家既舉我爲都督。就要服從。勿得任意說不道德之言。是時楊開甲見黎元洪發怒。遂請都督不要生氣。并將甘績熙扯出門外去矣。

少頃。吳兆麟請黎都督仍準備遷至武昌城內辦事。以資便利而安大局。黎已允可。遂派人到城內選定城內山後曇華林高等小學堂舊址爲都督府。并擬布告曉諭人民。十三日。接南京來電。程德全改稱江蘇都督。

是日上午黎元洪已遷入武昌城內曇華林。

午前十時。護理總司令蔣翊武。派參謀副官十餘人。并按照命令繪具防禦配置簡略圖表。油印多份。分交各員前往各隊幫同計畫。當此停戰期間。各部隊須利用時機。加築防禦工事。

是日我江西援軍。其主力仍在陽邏。以一部佔領倉子埠附近。

是日李烈鈞由安慶到武昌。面謁黎都督。并述下游經過情形。黎都督即請李烈鈞在武昌帮忙。

是日各部隊即在武昌附近遍貼招募布告。擬利用停戰之期。將各部隊補充足額。

是日各機關人員散而復聚。百姓亦漸次入城。城內氣象又煥然一新。

是日漢口各國領事聯銜布告。民心極爲歡悅。街談巷議。人人都願兩軍從此停戰議和。改建共和政體。各報館復加宣傳。激刺清軍。頌揚民國。理應順應輿情。同歸於好。不宜同胞相殘。以快異族。惟清軍各官兵。此時對於民國表同情者多。亦在漢口與商界接近。不願再戰。

自停戰條件宣布後。在黎元洪身旁之一般奸細。皆心灰意冷。大失所望。

一一八、十月十四日 舉黃興爲大元帥黎副之

十四日。接上海來電。舉黃興爲大元帥。黎元洪爲副元帥。

是日午前十時。接偵探報告。謂清軍自佔領漢陽後。已抽派一大部隊赴黃陂方面增加。

現在滿軍在漢口之兵力。約一混成協。在漢陽之兵力約一混成協以下。其漢陽步兵陣地。第一綫在南岸嘴至鸚鵡洲之財神廟附近一帶。

是日正午。譚人鳳已到武昌。大說惡言。謂民軍一切事均辦理不善。防禦亦不嚴密。并派人到處挑剔。意欲在武昌繼黃興之職。

是日接漢口英領事電稱。清政府擬派郵傳部尙書唐紹儀南下。赴滬與民軍復接洽和議。但停戰日期。可望繼續。

是日護理總司令官蔣翊武。特派何獻到葛店設兵站。以便運輸下游援軍糧秣。十五日接南京來電。謂擬派兵來援武昌。現已準備出發中。

同日又接廣西都督沈秉堃由湖南來電。謂廣西援軍已抵湖南。不日來鄂。

是日綜合各方面情報。滿軍兵力自保定以南至信陽州。共約一鎮。又自信陽至陽夏。亦約一鎮以上。各車站均派有重兵防禦。其軍隊雖屬滿軍。但均係漢人。有一般覺悟者。不願同胞相殺。大有欲響應民軍之勢。

是日接江西贛州來電。謂已派援軍於本月十三日向武昌進發。

同日復接湘南來電，謂已派趙恒惕率援軍隨同廣西軍來鄂。

是日護理總司令蔣翊武因停戰日期屆滿，清軍又抽派軍隊向黃陂方面增援。特給江西軍之訓令如左。

民軍總司令官訓令

十月十五日午后四時  
於洪山總司令部

一、綜合各種情報，清軍兵力由信陽州至陽夏約兩鎮以上。但陽夏兵力共約一鎮。黃陂方面似已派兵增援。

我艦隊現停泊於陽邏附近。

我廣西湖南兩軍已派援軍由湘南出發。不日來鄂。

我江西贛州援軍今日來電已於本月十三日起程向武昌進發。

我南京援軍今日來電正準備向武昌出發中。

二、本軍擬仍防禦武昌省城沿江一帶。俟各省援軍齊到轉取攻勢。

三、貴江西軍統領馮嗣鴻率該協向黃陂方面進展。俟停戰期滿則派隊威脅京漢鐵路。且須掩護我軍之右側。



四、貴江西軍後方連絡綫。即爲葛店通陽邏至黃陂之道路。并須派員與葛店陽邏兵站接洽。以便補充糧秣彈藥。

五、予在武昌賓陽門外洪山寶通寺。

護理總司令官蔣翊武

是日黎致安徽孫都督電

據大通稅務司兩次來電。有黎宗嶽在大通徵收鹽釐。是否爲鄂省所派。并云查此項鹽釐。爲清政府撥抵外債之款。如作爲軍用。是有意破壞外交等語。查敵處並未派黎。請就近查明核辦。示覆。

又覆長沙譚都督電

停戰期至十九日上午八時止。鄂省槍械缺乏。萬難分給。請將前日貴省帶回槍支收用。近日對江相持。兵艦不能上駛。祈貴軍速來金口集合。并懇轉達桂軍。蘇浙援軍未到。江西兵已向黃陂行進。張其鏗尙在鄂。

附來電

二八 十月十四日 舉黃興爲大元帥黎副之

南武軍總統張其鏗。桂都督派爲廣西代表。到鄂會議。并有湘省軍事機密面陳。由武陵船來。祈飭招待保護。除另具公文外。先電聞。

### 一九、十月十六日 清攝政王辭職

十六日、午前八時以前。由駐漢英領事發來通知。民軍與清軍再停戰三日。護理蔣總司令。即轉知各部隊繼續停戰三日。

是日接山西民軍來電。謂已派重兵進據井陘口。擬襲擊清軍右側。并圖截斷京漢綫。

同日又接陝西來電。謂已派兵進據潼關。亦擬襲擊清軍右側。

同日又接得北京來電。謂監國攝政王辭職。清內閣總理袁世凱。奏稱民心已去。擬停戰與民國軍議和。

是日將以上各電通知各部隊。及各報館。并佈告地方。軍民歡悅。士氣復振。惟一般趨炎附勢之徒。乘機而起。漸向武昌集合。力謀活動。分子複雜。意見叢生。彼此傾軋。猜忌橫溢。於是各派復自擴充勢力。以爲附我者愈多愈好。殊不知愈多而愈難敷衍。當時革命黨人大半年少氣盛。性情暴烈。既不能容人。又不爲人所容。而又無觀察力。能切實作事。脚

踏實地者。即以爲迂闊。專尙虛華言巧心詐者。即以爲奇才。所以每每辦事糾紛多而成績少。加以驕氣凌人。賢者不出。而投機攀緣之士。只知因緣時會。名利是圖。若當危急存亡之秋。卽風流雲散。既見時局日趨安定。卽趨之恐後。此當時之現象也。亦革命之大不幸事。

是晚譚人鳳在武昌城內大朝街卞宅。集合楊玉如李作棟孫武少數人開會。楊玉如云。今日上海來電。已舉黃興爲大元帥。黎元洪爲副元帥。想黃興此時不能來鄂。總司令官一職。蔣翊武不過暫時護理而已。應另行舉人爲總司令官。以便計畫作戰事宜。譚人鳳先生。係革命巨子。老成練達。素孚人望。當以譚先生繼黃興之職。在坐人員皆表贊成。旋譚人鳳云。各位同志既舉兄弟繼黃興之職。但是此時武昌情形。與在漢陽打仗不同。現在武昌係防禦。將來必須北伐。人鳳之意。將總司令官名義取消。應改爲武昌防禦使。兼北伐招討使。蓋防禦者。防內奸而禦外敵也。招討者。討不廷而招之從我也。事切名實。各位同志以爲何如。於是在坐者亦表贊同。遂備文請黎都督任命。黎元洪卽委譚人鳳爲武昌防禦使。兼北伐招討使。節制武昌各軍。并各省援軍。調蔣翊武爲都督府顧問。蔣翊

武因軍事甚忙。事前毫無聞知。迨發表渠爲顧問時。極爲憤恨不平。後經大家勸解。顧全大局。始辦交代。

是日黎覆湘都督並致各省都督電

頃准湘都督電稱。各省擬公推鎮江都督林述慶爲援鄂軍總司令官。各軍到後。均聽調遣。甚妥。除復湘都督外。已電請林都督向鄂進發矣。

### 附來電

連接各省來電。援軍雲集。無總司令。必致潰亂。甯軍新著戰功。擬公推鎮江都督林爲援鄂軍總司令官。各軍到後。均聽節制。是否妥協。乞電商各省。卽速定局爲要。

又致南京徐總司令電

敵所恃者器械精足。尤以管退砲機關槍爲制勝之具。請貴軍西上時。設法多帶爲盼。

### 附覆電

現擬先解七生的五開花砲彈三百顆。子母彈五百顆。應由何道運入武昌。交何人收。祈電復遵辦。

又覆上海陳都督電

刪電悉。感甚。請將滬局所造之野砲六尊。或四尊。與開花彈一併運鄂。

附來電

寒電悉。製造局子彈。爲聯軍用去頗多。子母彈已無存積。惟開花彈尙有一千顆。當設法運來。此覆。

十七日午前九時。譚人鳳帶隨員多人。即親往洪山總司令部接事。仍設防禦使兼招討使。署於洪山寶通寺。并備文通傳各部隊。仍續行前任務。在各佔領陣地防禦。

是日午後六時。譚人鳳即面謁黎都督。請黎傳知各機關重要人員齊集大朝街卞宅開會。劃分權限。并討論進行各事宜。

午後八時。各機關人員齊集卞宅開會。時譚人鳳云。凡辦事。權限務要劃清。進行方可順利。自今以後。各部隊遇有軍官遺缺。俱要由防禦使委任。以資統一而便節制。此其一。武昌現在所儲子彈槍枝均要報於防禦使備查。以便計算分配需用。此其二。防禦使署及所屬各軍隊餉項。每月財政部須先籌撥以濟要需。此其三。以上三件。請大家表決。以期

施行云云。

其時軍務部孫武云。任命軍官。原係軍務部權限。防禦使只有節制指揮之權。而無直接任命之權。如有良好軍官。保送軍務部或都督任命可也。此第一條我輩不能贊同。至於槍枝彈藥。防禦使至戰鬥時。可備文領取需用。亦無須兼管。此第二條亦不能贊同。再各部隊及防禦使餉項。按日常由財政部籌撥。勿庸過慮。亦不必研究云云。

於是譚人鳳卽與孫武反復辨論。孫武云。既如所云。要軍務部何用。請不必苛求。卽照總司令部辦法施行。俟大功告成。再行規定可耳。於是大家隨聲附和而散會矣。是日黎覆南京徐總司令電

諫電悉。甚感。砲彈如係日本速射砲所用者。卽運來。否則懇備砲數尊。一併運交江夏縣北陽邏對岸之青山兵站糧台查收。

又致葛店電政局轉艦隊司令官電

據滬海軍處來電。飭各艦將所缺各項藥彈。詳細開單。尅日專差送滬。以便購辦。

附上海海軍處來電

請轉飭各艦。將所缺各項藥彈。詳細開單。尅日專差送滬。以便購辦。

又致九江馬都督電

頃聞九江砲台。於十三日晨六鐘。砲擊美國海軍運船。致起交涉。是否屬實。祈查明速復。又六楚兵輪。如已到潯。飭速來鄂。

附海軍湯司令來電

據海籌巡艦黃司令連長稱。九江砲台於十三日晨六鐘。誤擊美國海軍運船。致起交涉。請詢馬都督此事是否了結。

又覆長沙譚都督電

刪電悉。敝處暫移第二中學堂。另於洪山設立行台。贛軍已赴黃陂。甯軍早晚可到。聞敵擬由新堤進攻武昌。請速催桂軍快趨新堤。相機迎擊。張統領其鏗已見矣。

附來電

迭電均悉。米已辦五千石。當附桂軍大隊運濟。岳州已駐重兵嚴防。重慶瀘州來電。已宣布獨立。聞貴處諮議局被焚。都督府移設何處。近日漢陽敵情如何。贛粵及蘇浙聯

軍到否。桂軍明日可到長沙。當催令尅期前進。至如何進兵之法。並希詳示。張統領其鏗已見否。乞覆。

又致各省都督電

停戰十五日。由英領遞來北軍條件。第二條。北軍不遣兵向南。南軍亦不遣兵向北。以上所言南軍。秦晉及北方土匪。均不在內。代表團議決停戰期內。清軍不攻民軍。民軍亦不攻清軍。所言民軍。秦晉及北方義軍。均在其內。揣敵意利用停戰。先下秦晉。再圖南犯。代表決議。一面援鄂。一面專力北伐。水陸並進。速設臨時政府於甯。以爲根本。請貴都督速派勁旅直搗幽燕。盼切。

又致九江馬都督電

頃據德領事照會。有運送船梯吞利亞。被尊處扣留。請電貴都督放行等語。卽請尊處查明。如果該船係裝德巡船所用。二十一生敗米達之子彈。請卽令其下行。不准上駛。

又致貴州楊都督電

民國對內對外。亟應組織統一機關。各省代表均已到鄂。貴省路途遙遠。擬公推在鄂之



周君仲良。代表貴省。可否乞速電覆。

### 三〇、十月十八日 伍廷芳唐紹儀奉命議和

十八日。北京清內閣總理袁世凱。派唐紹儀爲全權代表來武昌。與民軍議和。黎都督卽親往接洽。後電伍廷芳來武昌。旋得復電。未能來。唐代表卽乘輪赴滬。

民軍各省。卽通電公推伍廷芳爲全權代表。與清之全權代表唐紹儀議和。

是日江西改舉馬毓寶爲江西都督。

是日民軍與清軍續議停戰十五日。

是日一般輿論。皆謂譚人鳳不知軍事。徒攬大權。且其年已衰老。一旦作戰。恐於大局無益。而又害之。各機關重要人員及各部隊長官。咸往都督府向黎都督陳述。并請黎都督遴選素孚衆望。并精通軍事學者爲總司令官。以便指揮而利進行等語。黎都督聞之。極爲躊躇。時孫武云。此事不宜猶豫。此於大局攸關。不可不下決心。況譚人鳳之防禦使。非經大衆開會公舉者。是其連合三五人所串成者。彼旣得名義。又非常攬權。渠又不自量。旣非軍人。能指揮軍隊乎。黎都督然之。遂與大家商定。派譚人鳳赴上海爲議和代表。

是晚午後十一時、黎都督卽傳知各機關及各部隊。於明十九日起。繼續與清軍停戰十五日。

是日黎覆雲南蔡都督電

議決鄂爲中央政府。所有外交暫由鄂擔任。俟南京臨時政府成立。卽由南京主持。祈釋厘念。

#### 附來電

連得各省電。公認鄂爲臨時政府。專任外交代表。請尊處查各省公認之電。如已得多數。卽由滇省急電知會各省。就近照會領事。並由尊處先照會外交團。電達各該國家承認。以便切實辦理外交。至要至盼。除通電外。專電奉懇。

又致葛店電政局轉覆海軍司令黃君鍾瑛電

篠電悉。海籌湖鷹可東下。嗣後餉由滬鎮發給。祈照辦。如有急需。再由鄂酌撥。

附海軍黃司令鍾瑛來電

昨日奉上一電。想已登鑒。泰同兩艦。已遵令開上陽邏。裝配彈藥。江貞隨駛上。以觀動

靜。尙有謙觀兩艦。到時卽令上駛。協同陸軍動作。掩護江岸。此間布置各事。已與楚泰管帶馬交接清楚。若有調動之處。可由其指揮。江水已涸。海籌運動不便。湖鷹機器極損。擬先下籌備北伐。再調他艦。及雷艇湖鵬來鄂。本早已領到洋二萬元。紙幣五千元。銅元一千串。餘卽照補。第一艦隊九月雙餉。另造報銷冊呈核。查滬鎮各艦艇。九月餉已領。嗣後最便由滬鎮發給。但在鄂若有意外急需。乞就近酌撥。如何之處。尙請裁奪。又致葛店鄧梁兩管帶電。

查葛店廟宇祠堂。頗敷辦公。仰飭所部勿擾民房爲要。

又覆上海陳都督電

銑電悉。公舉海軍諸官長。誠如來電所云。威望素著。敝處極表同情。特覆。

附來電

海軍全權。亟應統一。現由海軍各處代表公舉程君璧光爲總司令。黃君鍾瑛爲副司令。黃君裳治爲參謀長。毛君仲方爲參謀次長。總副司令未到以前。暫由參謀長代理一切。查所舉諸人。均威望素著。敝處甚表同情。謹以電聞。

## 又致各省都督電

各省代表均到鄂。議定臨時政府組織大綱。并訂期在南京公舉臨時大總統組織臨時政府。經敝處通電各省。諒已達覽。現忽據來電稱。滬上有十四省代表。推舉黃興爲大元帥。元洪爲副元帥之說。情節甚爲支離。如實有其事。請設法聲明取銷。以免淆亂耳目。

## 附上海陳都督通電

南京底定。屢電通知。浦口已由柏烈五統制率兵血戰三日夜。於十二日午刻光復。林都督已承認爲臨淮總司令。此間北伐隊。確有端緒。務祈尊處早日綢繆。以資聯絡。本日程雪老湯壽老暨留滬各省代表。公議暫定南京爲臨時政府所在地點。公舉黃興爲假定大元帥。黎元洪爲假定副元帥。兼任鄂軍都督。俟赴鄂代表返滬。同到南京。再行正式發表。特此通告。

## 附九江馬都督來電

頃接留滬各省代表寒電內開。臨時政府。前經議定武昌。現在南京光復。鄂軍務適緊。援鄂之師。北伐之師。待發。急需統一之令。同人公議。不如暫定南京爲臨時政府所在。

地。舉黃君興爲暫定大元帥。黎君元洪爲暫定副元帥。兼任鄂軍都督。藉免動搖而牽大局。俟赴鄂代表返滬。同到南京。再行發表。所有編制。日內併力準備。俾得進行無滯。事機緊急。不得不從權議決。務乞鑒原。并懇轉達到鄂各省代表。請卽日來滬會議。盼切等因。合亟轉電。統希從速赴甯開會爲禱。

附桂林陸王兩都督來電

留鄂代表會寒電陳湯程三都督暨留滬代表。寒電均奉悉。臨時政府地點。設於南京。未舉臨時總統以前。仍認鄂都督爲中央軍政府。敝省均極贊成。臨時政府。限七日成立。尤爲歡迎。惟選舉臨時大總統。前月有日。程都督通電。擬舉孫文君。已有多省贊同。此次選舉。仍宜由各軍政府電達南京。以多數取決。而昭鄭重。至公舉大元帥一節。查總統有統率海陸軍之權。大元帥名目。似應歸諸總統。所陳當否。仍候各都督及代表諸君卓裁。

又覆杭州湯都督電

佳電悉。所舉諸君。皆素負重望。所擬名稱。亦簡單便民。敝處極表同情。

## 附來電

迭荷電促協舉臨時政府。各部首長。並示所舉。頗不乏人。特就聞見較確者。謹附舉爾所知之義。以備公決。除外交已各推定伍溫二君外。內務程德全。教育章炳麟。財政張謇。交通詹天佑。軍政黃興。司法汪兆銘。抑又有說。新邦肇建。首取便民。無論名稱程度。愈簡單愈省便。各部如內務爲內部。外交爲外部。教育爲學部。財政爲財部。或戶部。交通爲郵部。軍政爲軍部。司法爲法部。事有似緩而實急者。類是也。諸求名教。

又致九江馬都督電

蜀軍籌辦處在滬購有機關槍二尊。步槍二千枝。子彈三百萬。六寸山砲六門。並砲彈軍刀軍裝各物。過滬時。祈查驗放行。

三一、十九日 袁調馮國璋赴京以段祺瑞爲清軍總司令官

十九日、武昌秩序漸恢復。各報館及一般人民。皆痛言滿清弊政。苛待漢人爲家奴。專媚外人爲天帝。是滿清爲外人之奴隸。漢人又爲滿清之奴隸。故漢人在滿清專制之下。實爲奴隸之奴隸。比印度亡國於英國尤苦。言之沈痛異常。民心益動。復印刷宣言多件。散

發於清軍之內。但清軍見所到之地。無論城市鄉鎮。婦孺皆言滿人不好。又深恨清軍焚燒漢口之殘暴。以故漢口漢陽。凡清軍所佔之地。人民皆逃避一空。除極少數漢奸外。無論何人不助清軍。人非木石。孰能無情。因而清軍中之稍有知識者。漸多與革命軍表同情。甚有欲借戰事重開之日。響應民軍。促成共和。且屢有清軍中壯士。秘到民軍接洽。一俟再戰。卽反戈相向。得此種種情報。故擬派人在漢口設機關招降。於是黎都督卽派蔣翊武攜帶巨款。在漢口設立招降機關。就近便宜行事。

是日接北京電。謂清內閣總理袁世凱。調馮國璋往京。特派江北提督段祺瑞爲清軍總司令官。尅日赴漢云云。

是日民軍各隊。派人往四鄉招募。以補充軍額。各處應募者極爲踴躍。惟四鄉男女老幼。咸向招募人員問訊。聞民軍勝。則歡喜逾恒。言清軍勝。則憤恨刺骨。

是晚江西援軍協統馮嗣鴻來武昌報告。其狀態極爲狼狽不堪。據云我軍於昨十八日早。尙未奉到繼續停戰之令。故於是日向黃陂縣前進。因地形崎嶇。特僱地方土人嚮導前進。不料該土人卽係清軍所收買之偵探。故將我軍引至於黃陂附近約二十里之地。

方集合時。該偵探等潛報清軍。倏忽來襲。向我軍側擊。我軍傷亡二百餘人。旋即後退。正擬反攻之時。即接都督傳知。繼續停戰。於是我軍仍到倉子埠附近防禦云云。

是晚黎都督發出傳知。令各機關及各部隊長官。準於明二十日午後八時。齊集武昌城內教育總會。開軍事會議。

是晚黎都督請防禦使譚人鳳面商云。現在民軍與清軍在上海議和。除全權代表外。兩軍須各派三員加入。爲議和代表員。閣下爲革命巨子。老成持重。特請尅日往滬加入議和。譚人鳳因武昌空氣不佳。大家均反對渠之防禦使。且各部隊又不服從。而步隊第四協統領張廷輔且不接受譚人鳳之公文。大有下逐客令之勢。於是譚人鳳亦見風轉舵。對於赴滬議和代表一席。立即承認。并力辭防禦招討使一職。於是黎都督即備文派譚往滬矣。

是日黎致上海伍代表電

清派代表來鄂。討論大局。十一省公推先生爲民軍代表。與之談判。此舉關係甚鉅。元洪已專託蘇代表雷君奮前往迎迓。務望辱臨。至爲盼禱。



### 附覆電一

十九電悉。辱承十一省公推廷芳爲民國代表。誼不敢辭。惟此臨時組織政府。各省留滬代表。未許廷芳一日遠離。又交涉甚繁。實難遵召。歉甚。懇即轉致唐公。速來滬上。公同談判。由尊處派專輪護送尤要。立盼電覆。

### 附覆電二

號電敬悉。代表民國赴鄂談判一節。誼不敢辭。抑亦弟所深願。唯各省在滬代表挽留甚力。難拂衆情。已詳皓電。諒已登鑒。聞駐滬各國領事。極望在滬談判。頃英領事電京英使轉商袁內閣。飭唐來滬。雷君奮來談。亦極贊成。想公當表同情。懇即轉致唐公。速來滬上。至禱。并乞電復。

### 又致各省都督電

現經代表會議決。各省停戰條件如下。(一)停戰十五日。由西歷十二月初九日早八點鐘起。至二十四日早八點鐘止。期內除秦晉蜀三省另有專條外。兩軍於各省現在駐兵地方。一律按兵不動。(二)袁總理大臣派唐紹儀尙書與黎大都督或其代表人討論大

局。(三)因秦晉蜀三省電報不通。恐難即日停戰。是以所有以上停戰條件與該三省無涉。惟停戰期內。兩軍於該三省各不增加兵力或軍火。如有一軍在停戰期內違犯按兵不動。或在秦晉蜀三省增加兵力之條款。則彼一軍有立即開戰之權。等因。貴省於此電到時。實行停戰。第軍情瞬息萬變。所有軍事上一切籌備。仍須嚴密施行。恐一旦和議不成。難於措手。

附杭州湯都督覆電

電祇悉。和款剔出秦晉。明欲搏以全力。傾注於南。惟以唐爲代表。係滬地先曾通氣。特聞。

附桂林軍政府覆電

銑霰電。均奉悉。停戰條款改正處。極佩卓見。敵意不可測。卽能就我範圍。非以兵力爲後盾。不足以達完全目的。水陸并進。誠不可緩。進行綫如何規定。既舉我公節制援軍。亟宜發抒意見。俾各軍得利進行。敵省援軍第一協。日內計可到鄂。續編邕龍援軍千人。咸日已行出發。并聞。

又致南京徐總司令電

巧電悉。敝處有日本三十一年式速射野砲三十六尊。并無子彈。未審尊處有無此項砲彈。請速復。

附覆電

現派定浙軍參謀吳元鈞。運送日本山砲硫彈三百發。開花彈四百發。鋼子每彈七百發。分圈開花彈七百發。德國陸路快砲六尊。並配開花彈一百七十發。子母彈九百四十五發。并派用兵輪運至葛店第三兵站。特聞。

又覆上海英商李德立電

皓電悉。具諗厚意。感甚。議和地點。現雙方決定漢口。唐使早晚可到。知念特復。

附來電

戰延不和。中國前途。不堪設想。德立僑華已三十年。曾歷二十二省。故不忍坐視糜爛。因特屢電商准袁內閣派員議和。民政府亦已允可。屆期有代表磋商。滬上爲公共保護中立地。於議和最屬相宜。盼都督深然德立所爲。而助和局。請速電復。以明願和之

忱爲荷。

又覆浙江湯都督電

效電悉。所云事權不一。大局堪危。誠是。但敵軍在前。正宜融和內容。俾待協衷共濟。民國幸甚。總乞從中調和。各界爲禱。

附來電

准湘督稱。各省擬推林督爲援鄂聯軍總司令。已請向鄂進發。弟恰未與滬會先散。但知推林公駐臨淮關。幸一察其實。敵方幸我之不統一。而我近亦漸呈紛亂。雖北京變。南京下。大局正足危也。

三三、十月二十日 臨時政府組織之進行 蒙古獨立 鄂方

吳兆麟任總司令官

二十日接上海來電。謂公舉黎元洪爲中華民國臨時中央政府大元帥。黃興改爲副元帥。先是江蘇都督程德全。浙江都督湯壽潛。聯合滬軍都督陳其美。倡議由各省公舉代表集議於上海。於上海設立臨時會議機關。仿美洲獨立時十三州會議辦法。磋商對內

對外之妥善方畧。同時以許繼祥爲上海交涉員。結合上海外僑。一致要求各駐在領事。贊成革命軍之行動。并附提議大綱三條。

### 一、公認外交代表。

### 二、對於軍事進行之聯絡方法。

### 三、對於廢清皇室之處置。

遂以江蘇都督府代表雷奮沈恩孚。浙江都督府代表姚桐預。高爾登名義。通電各省。派代表來滬。定名爲各省都督府代表聯合會。適黎元洪亦有通電請各省派代表赴武昌組織臨時政府。於是上海各省都督府代表聯合會議。決承認武昌爲中華民國中央軍政府。各代表應前赴武昌。惟各省仍留一人在上海組織通訊機關。以便接洽機要。當時同赴武昌之各省代表。計江蘇浙江福建山東安徽湖南廣西四川都督府代表。及直隸河南等省諮議局代表。共十省。假漢口英租界順昌洋行爲會議之所。議定臨時政府組織大綱二十一條如下。

## 第一章 臨時大總統

第一條、臨時大總統。由各省都督府代表選舉之。以得票滿投票總數三分之二以上者爲當選。

代表投票權。每省以一票爲限。

第二條、臨時大總統。有統治全國之權。

第三條、臨時大總統。有統率海陸軍之權。

第四條、臨時大總統。得參議院之同意。有宣戰媾和及締結條約之權。

第五條、臨時大總統。得參議院之同意。有任用各部部长及派遣外交專使之權。

第六條、臨時大總統。得參議院之同意。有設立臨時中央審判之權。

## 第二章 參議院

第七條、參議院以各省都督府所派之參議員組織之。

第八條、參議院每省以三人爲限。其派遣之方法。由各省都督府選定之。

第九條、參議院會議時。每參議員有一表決權。

第十條、參議院之職權如左。

一、議決第四條及第六條事件。

二、承諾第五條事件。

三、議決臨時政府之預算。

四、檢查臨時政府之出納。

五、議決全國統一之稅法幣制及發行公債事件。

六、議決暫行法律。

七、議決臨時大總統交議事件。

八、答覆臨時大總統諮詢事件。

第十一條、參議院會議時。以到會參議員過半數之可決爲準。但關於第四條事件。非有到會參議員三分之二之同意。不得決議。

第十二條、參議院議決事件。由議長具報。經臨時大總統蓋印。發交行政各部執行之。

第十三條、臨時大總統對於參議院議決事件。如不以爲然。得於具報後十日內。聲

明理由。交令覆議。

參議院對於覆議事件。如有到會參議員三分之二以上之同意。仍執前議時。應仍照前條辦理。

第十四條、參議院議長。由參議員用記名投票法互選之。以得票滿投票總數之半者爲當選。

第十五條、參議院辦事規則。由參議院議訂之。

第十六條、參議院未成立以前。暫由各省都督府代表會代行其職權。但表決權。每省以一票爲限。

### 第三章 行政各部

第十七條、行政各部如左。

- 一、外交部。
- 二、內務部。
- 三、財政部。



#### 四、軍務部。

#### 五、交通部。

第十八條、各部設部長一人。總理本部事務。

第十九條、各部所屬職員之編制及其權限。由部長規定。經臨時大總統批准施行。

#### 第四章 附則

第二十條 臨時政府成立後。六個月以內。由臨時大總統召集國民會議。其召集方法。由參議院議決之。

第二十一條、臨時政府組織大綱施行期限。以中華民國憲法成立之日爲止。

以上二十一條擬定時。正值漢陽失守。幸南京旋克復。不得不將臨時政府地點稍事變易。於是江蘇程德全、浙江湯壽潛、滬軍陳其美、復與駐滬通訊處各代表磋商。將臨時政府改設南京。投票公舉黃興爲大元帥。黎元洪爲副元帥。指揮援鄂及北伐之師。使號令有所統一。并電在鄂代表。齊到南京。舉行正式會議。故在鄂之十省代表。又公決臨時政府設於南京。但公決未舉臨時總統以前。仍以鄂軍都督府爲中央軍政府。惟大元帥一

職。黃興一再謙讓。故改由黎元洪任之。

是日又接外蒙古首都庫倫來電。謂已宣布獨立。響應武昌。

是日接季雨霖來電。謂襄陽鍾祥俱已光復。擬派兵出隨棗。向京漢路出擊。

同日又接黃州黃楚楠來電。謂現在黃州鄂城安謐。擬派兵一部進出麻城。

是日午后二時。接偵探報告。謂清軍馬隊約一營。已向上游蘄洲方面搜索前進。

同日接江西來電。謂已續派第二協劉統領。由九江出發。向陽邏行進。

同日接唐犧之來電。謂宜昌沙市。業經光復。現率兵合攻荊州城。

是日接鄧承拔由重慶來電。謂在四川鄂軍步隊第十六協。現已抵重慶東下。援助北伐。

黎都督接以上各電後。每日照例轉傳武昌各機關及軍民知之。民軍日有起色。各省援軍。陸續將齊集武昌城。加以繼續停戰半月。頗有整頓部隊餘地。預料滿清必倒。共和可望成功。精神又爲之一振。

午后八時。各機關及各部隊長官。齊集武昌城內教育總會。開全體軍事會議。其時黎都督登台發言。謂現在黃興已被舉爲臨時政府副元帥。武昌防禦使譚人鳳已派往上海。

充代表議和。此間軍事。應另舉一聲威素著。深明戰略之人負責。以資統率而利進行。請諸公舉之。以便節制指揮云云。旋大家會商。劉公高尙志。孫武。趙鵬飛等。面陳黎都督云。參謀總長吳兆麟。精通軍學。自首義以來。軍事上一切規畫。皆出其手。胸懷恬澹。辦事謹慎。全軍共仰。應舉爲總司令官。以一軍權。黎都督深以爲然。并云現在統一軍事。微吳兆麟亦無人擔任。於是黎都督命孫武登台發表。大家一致贊同。少頃。吳兆麟云。兄弟今日奉都督令。到此開會。承諸君不棄。公舉爲總司令官。但才銓任重。實不敢負責。仍請另舉賢能爲幸。大衆謂。旣由全體公舉。不可推却。刻當軍事旁午之際。應勉爲其難。以安危局。吳兆麟遂就總司令官之職。旋散會。

是日黎覆重慶張夏兩都督電

效電悉。聞官民一體投誠。市面安靖。實係擘畫有方。不勝欣賀。仍乞光復全蜀爲禱。

附來電

蜀軍於本日午後三時。由重慶舉義。道府縣及印委各官。一體投誠。市面平靖。外人安堵。但茲事體大。以後尙望互相匡助。時通消息。同人公感。

## 又覆瀘州劉都督電

歌電悉。川南獨立。官紳商學民各界。一體贊成。市面安靖。此係公等大功。不勝欣賀。但湖北敵軍壓境。戰機可危。現雖有停戰十五日議和之約。然敵人以全力攻鄂。焦急萬分。茲將停戰條約抄呈。(一)停戰十五日。由西歷十二月初九日早八點鐘起。至二十四日早八點鐘止。期內除秦晉蜀三省另有專條外。兩軍於現在駐兵地方。一律按兵不動。(二)袁總理大臣。派唐紹儀尙書爲代表。與黎都督或其代表討論大局。(三)因秦晉蜀三省電報不通。恐難即日停戰。是以所有以上停戰條件。與該三省無涉。惟停戰期內。兩軍於該三省各不增加兵力或軍火。如有一軍在停戰期內違犯按兵不動。或在秦晉蜀三省增加兵力之條款。則彼一軍。有立即開戰之權。等因。貴省於此電到時。祈斟酌是荷。并乞轉重慶爲禱。

## 附來電

川南於十月初五日。在瀘州宣布獨立。官紳商學民全體贊成。市面安靖。事關大局。尙祈各軍政府。隨時賜教。協同進行。并懇將各情形電示爲感。

### 附瀘州各界來電

川南全體官紳商學民。已於十月初五日。在瀘州宣布獨立。協同共和政府之進行。公舉劉朝望任軍政府正都督。溫翰楨爲副都督。

又致長沙譚都督電

據全州梁隊長皓電。廣西敢死隊。已抵全。乞備快船來迎等因。請貴處就近酌辦。

又致葛店馬管帶電

六楚兵輪。煤米餉械彈藥。均需接濟。到否。查明速復。

### 附覆電

六楚火藥均到。但楚謙在潯。已飭小火輪運去。楚有楚豫。不知駐泊何處。其火藥暫存敝船。現觀貞同三艘駐陽邏。泰駐葛店。此間與陽邏必需小火輪傳遞電狀命令。并查驗船隻。指定兩艘在此差遣爲懇。

二十一日、吳兆麟即將總司令部改組。分爲四處。

一、參謀處。以吳元澤爲參謀長。

二、副官處、以周定原爲副官長。

三、秘書處、以李明爲秘書主任。

四、軍法處、以陶俊爲軍法處長。

又將武昌防禦地段。劃分爲三大區。再編二支隊。

第一區司令官、竇秉鈞。

第二區司令官、何錫藩。

第三區司令官、張廷輔。

第一支隊司令官、羅洪昇。

第二支隊司令官、鄧玉麟。

吳兆麟將以上司令部改組及防禦區分規定後。即報告黎都督。

是日復接湖南來電。謂廣西湖南兩省援軍。在長沙集中完畢。本日已由長沙出發。向武昌進行中。

同日又接海軍來電。謂已編成二艦隊。第一艦隊現停泊於陽邏附近。第二艦隊現停泊

於三江口附近。

是日黎致南京林都督電

飛艇等項。囑運武昌縣所屬葛店地方卸存。

又致上海陳都督電

安徽孫都督通電。及大通軍政分府黎宗嶽通電。想均達覽。大局未定。同室操戈。大非民國前途之福。是非曲直。鄙處無從而知。望尊處速賜調停。釋紛解難。以免見輕北敵。騰笑外人。幸甚。

附覆電

個電敬悉。孫黎交涉情節。昨由敵處分電二君。顧全大局。消融意見。今又請徐總司令派隊前往。妥爲調停。當可和平解決。知關廛念。特此電復。

又覆黃州參議官黃楚楠電

囑電悉。馮金兩軍。既小有齟齬。請速從中調和。以維大局。至要。

附來電

昨抵陽邏。探知馮金兩軍。小有齟齬。然兩軍均得力。惟未接洽耳。請速諭令兩軍。和衷共濟。今晨晤馮協統。知伊昨已晉省。將細情面稟矣。謹詢其防禦綫。一在倉子埠。一在甘露舖。一在陽邏。布置尙妥。再報。

二十二日、午前八時、黎都督即將總司令官吳兆麟委札并關防。派員送至洪山司令部。吳兆麟卽備文通知各部隊及各機關。并陳報黎都督。卽日就職任事。并派參謀副官往各部隊察視防綫。繪具畧圖報告以憑規定。

是日午后九時、戰時總司令官吳兆麟。卽發下各部隊之防禦區分。及命令如左。

### 軍隊區分

#### 第一區之編成

區司令官竇秉鈞。

步隊第三協。

步隊第五協。

步隊第六協。



馬隊一隊。

砲隊。（由青山至大堤口各砲隊。）

第二區之編成

區司令官何錫藩。

步隊第二協。

近衛軍第一協。

馬隊一隊。

砲隊。（鳳凰山蛇山黃鶴樓各處砲隊。）

第三區之編成

區司令官張廷輔。

步隊第四協。

步隊第一協。

馬隊一隊。

砲隊。(由鮎魚套至石嘴各砲隊)

工程第一營。

第一支隊之編成

第一支隊司令官羅洪升。

步隊第八協。

馬隊一隊。

砲隊。(由石嘴至金口各砲隊)

工程第二營。

第二支隊之編成

第二支隊司令官鄧玉麟。

步隊第七協。

馬隊一隊。

敢死隊第一營。

### 總預備隊之編成

總預備隊司令官王安瀾、

先鋒軍第一混成協。

先鋒軍步隊第二協。

馬隊一隊。

民軍戰時總司令官命令

十月二十二日午后九時  
於洪山總司令部

一、綜合各種報告。清軍主力仍在漢口漢陽一帶。由信陽以南。沿京漢鐵路各要地。皆派有軍隊防禦。又蘄洲方面。有其馬隊出沒。

我步隊一營。砲隊一營。已佔領葛店附近之白澆山。

我馬隊第一標（欠一營）在長春觀及城內集合。

我江西軍第一混成協。現在陽邏及倉子埠附近佔領陣地。但續派之第二協。已由九江出發。向陽邏行進。

我廣西湖南兩省援軍。已由長沙起程。向武昌行進。

我第一艦隊。停泊陽邏附近。同第二艦隊。停泊於三江口附近。

我山西陝西兩省軍隊。已各向京漢鐵路策動。

二、本軍擬防禦武昌省城。并沿江一帶。

三、第一區竇司令官。率所屬軍隊。佔領青山至大堤口一帶。并須利用時間。修築防禦工事。

四、第二區何司令官。率所屬軍隊。佔領陣地。右翼與第一區連絡。左翼至鮎魚套沿江一帶。并防禦武昌城。

五、第三區張司令官。率所屬軍隊。佔領陣地。右翼與第二區連絡。左翼至石嘴附近。并須利用時間。加築防禦工事。

六、第一支隊羅司令官。率所屬軍隊。佔領金口附近。須與第三區連絡。但派一部佔領大小軍山。

七、第二支隊鄧司令官。在簕洲附近選佔陣地防禦。掩護我軍之左側。并須與第一支隊連絡。

八、總預備隊王司令官。率所屬軍隊。在賓陽門內左旗營房集合候命。  
九、予在洪山寶通寺。

總司令官吳兆麟

注意

各部隊仍須遵守停戰條件。勿得擅自射擊。

以上命令頒發後。吳總司令官又令揚子江水師統領趙鈞騰。派水師一營。佔領煤炭港至東江壩。防禦由漢沔內湖北來之路。派一營防禦坪坊峯至柳關附近。派兩營防禦新堤及沔陽香爐山迄黃陵磯一帶。派一營防禦鄧家口及簪洲對面之青灘附近。  
是日吳總司令官又給江西軍如左之訓令。

民軍戰時總司令官訓令

十月二十二日午后九時  
於洪山總司令部

一、清軍主力仍在漢口漢陽一帶。由信陽以南沿京漢路各要地。皆派有軍隊防禦。又簪洲方面。有其馬隊出沒。

我步隊一營。砲隊一隊。在葛店白澣山佔領陣地。該步隊營長係梁復昌。

江西軍第二協已由九江起程向陽邏行進。

我廣西湖南兩省援軍由長沙向武昌行進中。

我第一艦隊停泊陽邏附近。同第二艦隊停泊於三江口附近。

我山西陝西兩省軍隊各向京漢路策動。

二、本軍擬仍防禦武昌省城并沿江一帶。

三、貴江西軍統領馮嗣鴻率該協佔領陽邏倉子埠附近。掩護我軍右側。

但須遵守停戰條件。

四、余在洪山寶通寺。

總司令官吳兆麟

是日黎政上海陳都督電

頃接贛軍政府來電云。我軍起義保護商民。不遺餘力。現長江一帶次第光復。而招商局輪船停駛。不獨阻滯交通。於商業前途亦損失甚鉅。擬飭招商局所有輪船按班上駛。行抵九江。藉保權利。兼利交通等因。敝處深表同情。查黃州青山亦無阻礙。請尊處在滬與

該局妥爲籌商。卽日開駛至盼。

二十三日接南京來電。謂前日擬運砲彈接濟武昌。係滬局所造。現擬改運日本山砲榴彈三百。開花彈四百。鋼子母彈七百。由兵輪輸送武昌。

民軍自漢陽退後。現在武昌各協分配每支槍子彈只有二百餘粒。武昌已無補充。砲隊俱係舊式山砲。每砲子彈不過二百發。故迭電南京設法補充。

是日軍務部張振武面陳黎都督云。現在武昌軍火缺乏。設停戰期滿。再行續戰。卽無補充。深爲可虞。請都督飭財政部撥銀四十萬。赴日本購買軍火。以備作戰。都督已允照辦。當派張振武往日本接洽。（迨後張振武在日本所購武器。到武昌時。其槍支概係日俄戰爭所獲之俄國式舊槍。機關槍係日本式廢槍。多不合用。）將銀四十萬均購軍火矣。（張振武由日本回武昌時。卽與方維等組織將校團。學生軍。其性情暴烈。每好面折人過。放縱財色。不自檢點。又時予黎元洪以難堪。所以後來至北京。遂爲袁世凱槍斃。）是日江西彭程萬及桂林陸榮廷來電。請各省援鄂軍隊。均歸鄂省節制。以一軍權。桂省前派援鄂統領趙恒惕。日前電告抵湘之永州時。挑選民兵。另派馮紳統率援武昌。

是日江西都督馬毓寶電稱。昨續派劉統領率兵援鄂。惟步槍口徑不齊。補充彈藥不易。須一律改換新槍爲妙。

是日烟台軍政分府王傳炯來電。請大軍速行北伐。以奠危局。

又湖南參謀部次長錢維驥電陳軍略。謂江蘇兵宜由淮北徐州北伐。安徽兵宜出鳳陽。贛潯之兵可悉令由黃州向黃安前進。如此則敵人備多力分。自顧不暇。若援兵概集武昌。習慣不同。恐相擾亂。誠何益也。況我軍前在漢陽取內綫作戰。而不取外綫作戰。所以致敗。今宜對敵人以攻勢進用之。維驥今與唐蟒進據岳州。練兵集械。以圖北伐。敵前消息。時以奉聞。

是日據偵探報告。清軍在陽夏沿江一帶。構築防禦工事。

同日廣東來電。謂已發步兵一標。砲隊一營。機關槍三隊。前往上海。又擬編成一協會。合廣西援軍一標。從海道北伐。

又本日雲南蒙自統領趙復祥來電。謂擬先遣一混成協。由黔包湘。會合荆襄兵力。攻滿軍右側。并電達蔡都督。隨遣北伐大軍。由川東下。兼電兩粵。連合南方諸省。星夜赴援。



協力殲賊。速定大局。

同日黎覆九江馬都督電

養電悉。深佩碩畫。已電請滬都督組織成立。想國人素明大義。必能慷慨輸助。以裕餉源。

附來電

民國成立。籌畫餉源爲首先要點。敝處除設法籌辦以備應用外。擬請各省軍政府在上海設一籌餉機關。廣爲勸募。無論何省缺乏餉項。准其撥用。如果不需此項。留爲民國中央政府成立布置一切經費。區區之見。未雨綢繆。如蒙贊成。卽請電滬軍政府。趕速組織成立。是所至叩。並祈電示。

又覆上海陳都督電

九江馬都督養電計達。戰燄一日不息。籌餉備械。在在需款。將來天下大定。建設一切。費用亦夥。亟宜未雨綢繆。免興仰屋之嗟。所議於上海設一籌餉總機關。廣爲勸募。敝處深表同情。卽請尊處組織成立。以裕度支。

附來電

金陵既下。不日會師北伐。所有軍需亟宜預爲籌撥。現浙省已首先承認百萬金。貴省誼切輔車。諒必表同情也。此間有姚君勇忱。鄔君俊卿等。發起中華民國協濟會。專爲籌助軍餉起見。現輸將頗形踴躍。集腋成裘。亦一要圖也。

又覆清江浦蔣都督電

賡電悉。貴軍赴徐攻敵。直指彰衛。橫斷鐵路。此係用兵上策。極佩極感。乞再會合皖軍。用船運至河南周家口。立定根據。則戰守兩利。高明以爲然否。乞覆。

附來電

清廷違約運兵。殊堪髮指。敵處現仍準備赴徐攻敵。直指彰衛。橫斷京漢鐵路。以爲北伐之策。是否有當。乞卽電知爲盼。

又覆電

漾電敬悉。敵處已派兵赴宿遷。相機進行。一俟肅清。卽會同皖軍進据周家口。預備北伐。

又覆長沙譚都督電

個電悉。組織全國參謀本部於臨時政府地點。極佩卓識。但軍事全集於鄂。非齊集統籌。不足以利進行。高明如以爲然。請黃袁二參謀首先蒞鄂。并請電商各都督爲禱。

#### 附來電

組織全國參謀本部於臨時政府地點。當蒙贊成在案。茲敝省已派定黃篤謐袁華選兩員。卽日起程赴寧。乞貴都督速派幹員前往南京籌畫進行方法。爲盼。

#### 又覆雲南蔡都督電

通電悉。宏議五條。皆精當不易之言。無任欽佩。現在各省代表已赴南京組織臨時政府。必能仰體偉見。切實磋商。惟是外交不能一日無主體。當臨時政府未成以前。羣議仍以敵軍政府爲對外代表。自慚寡學。日懼弗勝。惟冀早卸仔肩。以告無過。

#### 附來電

對外非列入國際團體。不能活動。欲列入國際團體。則中央政府之組織。不宜稍遲。贛電謂承認鄂軍政府爲外交代表。本極贊同。惟內部無完全之組織。爲此臨時代表機關。恐各國未必承認。即使承認。其實力既受拘束。各省對外交涉。無從劃一。設外人執

以詰難。代表之責。何能擔負。似不如照鄂湘電由各省迅派代表蒞鄂會商。從速組織中央政府。代表資格。須對於該省軍都督府。能確負軍事責任。或富於政治學識經驗。其人數不妨稍多。庶可就兩種資格中各選所長。代表到鄂。先設一委員會。籌議國家之組織。中央地方之權責。大綱既定。即共同組織臨時政府。一面整理國內庶政。一面分遣駐使。謀外交之活動。至國家組織綱要。鄙意畧有數端。一、定國名爲中華民國。合漢回蒙滿藏爲旗式。構造統一之國家。二、定國體政體爲民主立憲。三、建設有力之中央政府。總持兵政外交財政各權。由君政時代遞進爲民主共和時代。四、劃定地方區域。設軍都督專治兵事。五、縮小行政區域。以期行政敏活。消融省界。諸公於世界趨勢。民俗國情。考求有素。必有宏謀偉畫。鞏固國基。管見當否。敬祈賜教。

#### 又致各省都督電

現雖停戰議和。然不可不極力籌畫。一旦決裂。自當立即開戰。敵既厚集兵力於漢上。我亦不能不厚集兵力以爲對待。敝處籌議至再。仍當以援鄂爲急。方畧既定。自應趁此停戰機會。各省援兵一律於開戰期前到鄂。始可決定進攻計畫。敢乞諸公派遣援兵。即日

出發。總之、能戰始能守。能守始能和。我軍計畫。但當從戰字着想。和則視爲意外結果。尊處如何籌畫。卽盼電覆。

附杭州湯都督覆電

漾電以和備戰。誠爲至計。管見以鄂吃緊。我援兵多。難保不分銳至皖北。直搗腹地。本月十日。已分電贛皖。請從壽州取道。一直上周家口。以斷鐵路。即略信陽以攻鄭州糧台。分攻入汴。以通秦軍。而便晉軍北向。無言及此者。今不可不顧及矣。鄂既集湘桂贛之兵。必可無虞。粵軍日內可過滬。即應溯江扼浦口。恐將有反側子爲患於清徐之間。其時和議亦必要脅。不統一之可危孰甚也。

又致鎮江林司令電

請將楚泰楚同楚謙楚觀四兵艦之機關槍八尊。速運來鄂之葛店。以便各艦應用爲禱。

頃據上海來電。敵軍統帶萬人。及多數軍火。往攻娘子關大同兩處。我軍五千人血戰一晝夜云云。當即飭外交員向英領詢問。據云必無其事。嗣又由唐紹儀發電。請照停戰條

欸辦理。北軍勿再前進。請火速飭娘子關軍隊。如敵軍不前進。即當停戰。如敵軍違約前進。請即由英領轉知敵處以便交涉。

是日又據張崇來電。報告陝西民軍。敗姜桂題之兵於周家口。北京又調第三鎮擬開往漢口增援。又清馬隊向襄陽搜索前進。

是日又接唐犧支來電。謂荊州城業已克復。軍務部孫武派稽查長蔡漢卿往荊州招撫。二十四日。接九江來電。謂清廷派唐紹儀赴滬與各省代表會議媾和條件。能否和平解決。尙未可必。我軍準備作戰事宜。須竭力進行。

是日接安慶來電。謂清軍三路攻潁州。太和已失守。勢甚危迫。內有倪嗣沖一軍。尤爲猛暴。潁州爲西北屏障。潁失壽合隨之。大局將恐不保。安徽兵力單薄。餉械俱缺。請電由南京派兵赴援。以支危局。

是日接福州孫道仁都督來電。謂據黎都督電稱。我軍全部作戰計畫。擬定以一軍固守武昌。以主力北伐。愚意我軍作戰計畫。似宜於全部計畫之中。區分爲節次計畫。查武昌非可守之地。北伐非尅日所能奏効。則第一節次作戰計畫。當於江北方面取守勢。而於

又接桂林來電、謂已運機關槍及各子彈接濟援鄂軍。  
是日黎致上海九江南京清江浦各都督電

又致各省都督電

三三  
十月二十日臨時政府組織之進行蒙古獨立鄂方吳兆麟任總司令官 四三九

各軍火速來鄂。以爲最後之猛着。

附杭州湯都督覆電

改設政府於南京。唐本可由鄂而寧。益見公之磊落。今唐既向滬。是否電代表移滬。請酌。林忽被嫌。爲民國一哭。安得良晤。略罄所懷。（林被嫌。指陳其美忌林述慶也。）

又覆長沙譚都督電

漾電悉。清廷於十六日攝政退位。歸袁內閣主政。并下剪辮令。襄陽已克復。聯軍所到無多。乞請沈都督及貴處援軍迅速出發。盼切。

附來電

聞清廷十六日遜位確否。襄陽已否克復。蘇浙聯軍已到何處。乞速示。

又覆長沙桂軍趙統領電

敬電悉。耿參謀已到鄂。接談一切。現戰機勃發。望速蒞止。

附來電

廣西代表參謀耿毅已到否。乞賜知。敝軍月杪到齊。卽行赴戰。



## 又覆電

敬電敬悉。耿君抵鄂。甚慰。桂軍本部及先發諸隊。雖已抵湘。砲工輜及彈藥隊馬匹。漾日始由衡陸續出發。計月杪方能到齊。一俟諸隊盡行抵湘。定即迅速出發。不致稍延。有負鈞望。

二十五日各省派鄂代表有一部分尙未往南京。均齊集武昌。黎都督集合軍事重要人員及各省代表。於正午赴洪山寶通寺總司令部與總司令官吳兆麟會商戰略。黎都督主席。擬將全國響應各省編爲四大軍。統歸大元帥節制。大本營設於武昌。以北京爲作戰目標。以一軍由武昌向武勝關。以一軍由江甯出潁宿。以一軍由秦皇島登陸向北京。以一軍由山陝出河南。合力進攻。以奠大局。擬電達各省斟酌。又對於武昌作戰方針議決於左。

一、以主力固守武昌。乘機轉攻勢。以一部由武昌下游赴黃陂方面。以一部由武昌上游赴孝感方面。威脅陽夏清軍之側背。

二、爲達前項目的起見。擬集中湖南廣西南京江西安徽各省援軍於武昌上下游附

近。

三、各省援軍。須於停戰範圍日期內。陸續向集中地前進。

四、各軍隊後方連絡綫。由海軍掩護。利用揚子江及通各軍隊前進之河川并道路。以期後方接濟之容易。

五、我威脅清軍部隊。如不得已時。即遲滯清軍行進。

是日開會畢。吳總司令官即通知各部隊長官。於明二十六日午前十一時齊集洪山總司令部。

是日江西援軍第二協及安徽援軍一標。均已抵陽邏。江西軍第一協全開至倉子埠。

是日廣西湖南兩省援軍已抵金口。

是日黎致黔湘贛各都督電

敝處現已在上海定購法國槍三萬餘支。兩星期可到鄂。口徑七米九。每枝槍價銀約十六兩。子彈每千枚約五十兩。尊處須購若干。乞覆示以備分撥。

又致各省都督電

敵處軍事計畫。頗以北伐道遠。時久天寒。我軍諸多缺點爲慮。不如但以水師北行。聚於煙台。相機進止。陸師則分三路。一、聚粵浙蘇各軍於武昌附近。力攻黃孝。二、編江北皖北粵東西兵。利用洪澤湖河道。逾太和佔領周家口。趨郢城截斷敵人聯絡綫。三、湘桂軍由金口威脅敵人右側。如此則敵人三面受敵。兩漢不擊自破。且此計畫旬日即可集事。戰期迫切。望各都督速籌見教。

又覆長沙譚都督電

待米孔亟。請速飭王委員松亭。五日內將米解鄂。毋任禱盼。槍彈礙難分潤。

附來電

王君松亭來。銅元十萬收到。代辦油八十簍。米三千石。由敵省派龍自振譚良弼同理財部陳洪勝先行運鄂。餘派易君業齡同王君松亭續運。到乞驗收。貴省槍彈甚多。能分運若干濟湘否。乞覆。

又覆駐甯代表電

敬電悉。各省代表在甯議舉臨時大總統。此事關係全局。竊以爲和議未決。不宜先舉總

統致後日兵連禍結。塗炭生靈。追悔莫及。公等係鄂全權代表。責任綦重。茲事體大。亟宜注意。

附來電

本日十四省代表議決二十六日午後一時。在寧開臨時大總統選舉會。謹此奉聞。  
又覆電

各省代表會。本議十月二十六日在南京選舉臨時大總統。現因特別事故。暫延時日。專此布聞。

二十六日接偵探潘仲膺報告。謂劉家廟江岸清軍前布置野砲十餘尊。陸續運往孝感祁家灣三叉埠等處。但漢口劉家廟漢陽大別山東門等處。皆有清軍砲隊。又漢陽兵工廠鋼藥廠。均有機關槍。又龍根堤築有砲壘。其步兵陣地。仍在沿江一帶。

是日正午。總司令官吳兆麟。集合各部隊長官於洪山總司令部開軍事會議。先說明我軍作戰方針。次言各省援軍之咸集。及各部隊應準備事宜。末言各部隊當重軍紀。守秩序。如有違犯。定即執法以繩之。至午後三時散會。

是日黎致九江南昌安慶南京上海各都督電

前電敵人破約攻穎。當飭外交部與英領事嚴重交涉。頃據稟覆稱。英領事已電駐北京公使轉詰袁內閣。答以並無此事。恐係謠誣。而該領事復堅謂倘果有違約舉動。不但民軍不容。各國亦所不許等因。據此理合通告貴處。望安徽孫都督就近詳細調查確實。從速示知。

又致駐滬各省代表電

民國臨時中央政府。指日成立。所有郵電航路各政。均應由中央政府統籌辦理。惟郵政久不通行。軍民皆苦不便。似可提前議定暫行辦法。先定郵政總機關。并擬印花式樣。趕造多分。頒發各省通行。餘皆仍舊印花式。以繪中國旗幟爲合宜。但國旗未定之先。可用現製軍旗式。如蒙贊允。請即會商決定。通告各省照辦。一面與各國訂約。請其承認代遞。可否乞電復。

又致上海海軍黃部長電

現值軍務急緊之時。自應整頓海陸軍制。方足以資統一而禦敵人。聞貴部擬以第一艦

隊第二艦隊合爲一。巡洋艦隊。海籌海容海琛屬焉。宏規碩畫。欽佩莫名。然海軍制度。固宜整肅。而海軍人材。尤當慎選。查有現充第二艦隊司令官湯薌銘。及海容管帶杜錫珪。於陽邏爭戰之際。皆能奮勇有爲。得力頗多。卽外國海軍中人亦皆嘉許。擬請以湯薌銘充海容管帶兼巡洋艦隊司令長。所有海籌遺缺。卽以杜錫珪接充。是否有當。乞與各艦隊長商酌委任。以固海軍基礎。而利海軍戰鬪。特此奉商。并望賜覆。

又覆清江浦蔣都督電

敬電悉。仰見計畫周詳。莫名欽佩。豫中父老。至今未脫苛政。想望旌旗。不知何似。尙希時惠捷音。以慰企望。

附來電

據徐州漾電。敵軍潰兵。盤踞車站雲龍山等處。復有土匪佔據豐縣。同日據安慶電。敵軍三路攻穎。太和已失。勢甚危迫。敵處現編步隊三營。砲隊兩隊。暨同駐淮鎮軍鎮江林總司令官及步隊兩營。機關槍一隊。卽日開往宿遷。一面剿滅潰兵。一面截堵北敵。查清江浦居南北要衝。非厚集兵力。不足以固東南門戶。現清廷違約進兵。我軍萬不

能坐視。擬請拔北伐兵隊。分一支會同徐州各軍進攻山東。分一支聯合臨淮關各軍。直搗開封。俾敵軍首尾不能相應。魯豫一下。北京不戰自潰。是否有當。戎機請卓裁示覆。

### 又覆揚州李民政長電

電悉。承示攻守計畫。審時度勢。甚合機宜。足爲敵處師法。曷勝感謝。

### 附來電

聞下江援兵已至武昌。竊以爲漢陽已失。武昌難守。宜分重兵駐武昌縣田家鎮。以通江路援師。一面調江西兵進據崇陽通城各險要。爲武昌屏衛。一面調湘兵由德安以入信陽。調下江赴鄂援兵由黃州以入光州。力攻北軍後路。斷其接濟。以助軍力。謹陳管見。然否候裁。

### 又覆上海鄂胡財政部長電

所需之款。已由小火輪運下。計日可到。望查收。刻下鄂省經濟困難。君所稔知。支出之款。除正項開銷外。望格外審慎。以重公款爲要。餘均照辦可也。此復。

## 附來電

馮漢電。均敬悉。公債票刻正趕印。恐緩不濟急。借款已有成議。但須臨時政府成立。方能有效。印票紙刻不可得。擬用稍次者。此項印費與購軍械銀元。均須現款四十萬之數。至今未到。殊屬焦盼。蘇州正籌畫款項。擬俟孫君到滬。同往切商。并請各省代表解決。懇鈞處先行分別電知。否則恐不接頭。至南洋各埠。已擇尤先致函電矣。

## 又覆長沙譚都督電

頃閱來電。曷勝惋歎。伏念自起義以來。清廷以全力注重武漢。來援之師。首推貴省。雖曰公義。我感何如。甘協統興典。出師失利。亦屬行軍之常。尊處奪其兵柄。亦足蔽畏蒞之辜。讀來電。乃竟置以重辟。在尊處固嚴罰以整士氣。而敝處念其罪雖難道。心本無他。則不能無歉仄焉。

## 附來電

湘軍第四協統甘興典。率師援鄂。臨時退縮。貽誤軍機。潰逃後。紀律不嚴。沿途騷擾。現已調回。立正軍法。請宣布罪狀以謝鄂省軍民。



又覆煙台王都督電

有電悉。議和地點。移於上海。唐使於二十四日由漢乘輪赴滬。計日尙未開議。照停戰議和條約。停戰期內。凡民軍光復之處。一律停戰。清軍決不敢侵犯。英領情願作保。倘有破約之舉。祈火速電告。以便速撥援軍。

附來電

漾電悉。和議如何。盼切。如未滿期。決裂。乞速復。煙台一隅。應竭死力。

又覆葛店兵站及楚泰艦長電

飛鷹所裝之飛艇子彈及油箱等件。仰卽轉飭派來之梅占魁護運至陽邏過載。刻已飭青山小火輪往陽邏接運。導火索直接交江西馮統領查收可也。

附葛店黃宗順來電

飛鷹已抵葛店。運來飛艇一台。開花彈一千。導火索一千。砲台州格梳林油十五箱。請示在何地起卸。飛鷹因江南有要公需用。楚泰船所需之小輪尙缺。請飭交通部速派。並令王光國速來葛。

## 附葛店馬墳鈺來電

飛鷹運飛艇上午抵葛店。請速派船裝運。飛鷹將飛艇卸後。卽行開寧。

## 又致上海伍代表電

有電敬悉。渠謂北方土匪蜂起。姦淫擄掠。民不聊生等語。查渠屢稱北方匪徒從不指明何省何縣。南北郵電久絕。敵處何能懸揣幾處及其姓名。前電條款。謂秦晉及北方土匪不在其內。敵處請英領事詰駁。合前後各電觀之。安知非故甚其詞。誣民軍爲土匪。以爲合攻之計。且南北旣不通電。此時停戰議和之舉。應由北軍轉達太原西安等處。渠等旣知此消息。斷無進攻之理。又謂官軍責任在保民。詎知彼在漢口焚掠姦殺情形。雖非仁人。亦爲痛心。至謂停戰數日後。二十一日。有皖省及江東民軍。由沌口直進。向老關攻擊。查攻擊老關。則沌口朝關。是我所必由之路。敵現有重兵駐紮朝關。我豈能越沌口朝關而攻擊老關乎。此事爲敵處耳目所能及。且爲此捕風捉影之談。安知所謂北方民軍擾動者。不無誣枉乎。尊處爲議和樞紐。務將此種情形答復。并要其行飭官軍。轉達北方各民軍。俾保全和局至要。

### 附來電

頃接袁內閣電。稱北方土匪蜂起。姦淫擄掠。民不聊生。仁人聞之。皆當痛心。此等土匪。大率皆冒充革命。毫無統率節制。頗足玷辱民軍名譽。尤足與民結怨。現雖互允停戰。而該匪徒竄擾如故。絕無文明思想。官軍責在保民。理難坐視。且漢口附近之民軍。於停戰數日後。二十一日。有皖省及江東民軍。由沌口直進。向老關駐紮之官軍攻擊。該處咫尺。尙如此違法背約。他處無須枚舉。執事佛心濟世。當必妥籌實行息爭之策。至北方民軍。究有幾處。係何姓名。能否確守尊處公令。實行停戰。乞查明詳復。以便分別行飭。免多誤會。各保名譽等語。希尊處核議。電復。

### 三三、十月二十七日 王正雅收復荊州

二十七日、上海都督陳其美電稱。清軍近據太和。確係背約鐵證。當詰問唐紹儀。并聲明非全國停戰。決不開議。

是日接湘軍統領王正雅由荊州來電。謂荊州駐防滿人。繳械乞降。上游可保無虞。現擬分兵北進。斯時湘軍政府參謀次長錢維驥。率唐蟒袁宗漢袁華選等駐兵岳州。聞荊州

既得極喜。譚延闓都督立派齊樸農携狐皮袍一襲及銀物等品往勞之。知王正雅并納荊州駐防將軍女二人爲妾。得陪嫁現銀五十萬兩。珠寶不計。所以保旗人生命也。王得荊州後。亦不妄戮一人。錢維騏甚嘉許之。

是日粵贛桂各省出發之援軍。已接粵電。謂正籌備大宗子彈。自香港運武昌。

是日總司令官吳兆麟將昨日開會事件。飭各部隊在停戰期內。速爲準備。對於防務。仍須勤謹防禦。勿得疎忽。并發下如左之命令。

民軍戰時總司令官命令

十月二十七日午后二時  
於洪山總司令部

一、據偵探報告。清軍仍佔領漢口漢陽一帶。但京漢鐵路各要地。似在積極籌備以防我軍侵入。

我江西安徽軍。已佔領陽邏倉子埠附近。

我廣西湖南軍。已抵金口集合。

我海軍第一艦隊。同第二艦隊。仍在原地停泊。

二、本軍仍續行前任務。

三、各部隊佔領之陣地如左。

第一區竇司令官。率所屬軍隊。佔領青山至大堤口原陣地。

第二區何司令官。率所屬軍隊。佔領大堤口至鮎魚套原陣地。并嚴防各城門。

第三區張司令官。率所屬軍隊。佔領鮎魚套至石嘴原陣地。

第一支隊羅司令官。自婆婆山北端至龍床磯附近佔領陣地。但派一部佔領大小軍山及黃陵磯附近。

第二支隊鄧司令官。佔領金口東口簪洲附近。掩護我軍之左側。

馬隊第一標（欠一營）同第二標（欠一營）仍在原陣地集合待命。

步隊第一營梁管帶。率所屬軍隊。仍佔領白澣山。

步隊獨立標張統帶。仍佔領黃鄂原陣地。并警戒麻城方面。

四、以上各部隊。須將防禦工事構築完善。并互相連絡。

五、先鋒軍混成第一協。同第二協。爲總預備隊。位置於武昌城內左旗營房。及城外官布局候命。

六、余在洪山寶通寺。

總司令官吳兆麟

是日黎致南京程都督電

兩淮鹽政。舉張君季直爲總理。并所籌設局運銷剔提各節。仰見鑒籌。敝處極表同情。望所派委員早到。以便實行而紓軍費。

附南京張鹽政總理來電

謇承公推爲江蘇兩淮鹽政總理。於南京地方設立鹽務棧。本日任事。啓用關防。文曰。江蘇兩淮鹽政總理關防。特聞。

又覆南京鄂代表電

宥電悉。萬武定所解飛艇已到鄂。援鄂軍隊。務期在停戰期前到陽邏。請再探訊見覆。

附來電

有電敬悉。選舉事已議及。俟上海議和解決後再定。前日阮毓崧請兵事。已經投到此地。正在豫備。萬武定所解之飛行艇及砲彈已到否。謹聞。

又覆清江浦蔣都督電

會師援鄂。實深感佩。黃州爲黃孝毗連之區。會師黃州。便可直搗黃孝。故定黃州爲集中地點。尙期尅日會合爲禱。

附來電

敵處編定混成一標。兵器足用。缺餉。被服現正竭力籌辦。茲派一等參謀官王榮慶趨赴尊處。籌商會師辦法。望指示方略。

又致上海鄂代表電

議和及會議諸公。固俱有高見。恐人多事紛。難皆符合。擬除軍事歸孫君堯卿主持外。餘請伍先生秩庸擔任。庶事權統一。易於解決。是否有當。祈電覆。

又覆貴州楊趙兩都督電

個電悉。承撥援軍一標。聞已出發。感謝。此覆。

附來電

敵省援鄂軍隊。本應迅發。惟槍械缺乏。移挪需時。是以遲滯。恨甚。現已撥軍隊一標。由

蕭誠率領。兼程赴鄂。定於二十二日出發。德全駐省坐鎮。謹此奉聞。

又覆九江參謀部電

贛派助鄂軍二營。聞已抵潯。請促速赴陽邏登陸。敵處已派員前往豫備營舍矣。此覆。

附南昌石傑來電

昨日抵潯。調查贛省援軍。已陸續由南昌出發。前隊已到潯。又因馬都督在贛。故本日到贛謁馬都督。陳述一切。明後日當轉潯。聯絡各軍返鄂。駐紮地點。祈飭軍務司預先位置。并祈將駐紮地點先電九江。以免歧悞。

又致藍秀豪電

接閱來電。具見熱誠謀國。籌畫精詳。至爲佩慰。惟是自起義以來。錢糧早經罄免。大藏所存。不過舊有之數。用兵既久。缺乏時形。此由吾鄂獨當敵衝所致。足下抱敷天之憤。爲北伐先聲。東南諸省。當表同情。請即就近與陳都督切實商榷。并細述吾鄂情形。必有以達高義也。至於代表講和一節。是由羣情所推。尙祈暫駐旌旗。以慰衆望。

三四、十月二十八日 伍唐兩代表在上海正式開始和議談判



二十八日、廣東胡都督來電。謂各路援鄂北伐之師。應到會師地點。聽中央總司令官命令進行。各省惟任籌餉發兵二事。因所有作戰計畫。不宜遙制也。

是日接上海陳都督電。謂清使唐紹儀與民軍代表伍廷芳。於本日下午三時開正式談判於上海南京路之市政廳。彼此驗看文憑。交換意見。伍廷芳之參贊與會者。爲溫宗堯王寵惠汪兆銘。（因汪於武昌起義後。清廷欲利用之。以使其報不殺之恩。故出北京獄已來滬。）唐紹儀之參贊與會者。爲楊士琦。於是伍廷芳全權代表提出民軍議和條件四項。

一、廢除滿洲政府。

二、建立共和政府。

三、優給清帝歲俸。

四、優卹年老貧苦之滿人。

又議決陝西山西湖北安徽山東奉天江蘇七省一律停戰。

是日又接江西馬都督來電。謂各省都督所籌作戰計畫。固各有所長。但綜觀各都督之

策畧。未免有方針各異之弊。蓋戰畧上之大原則。軍令必須統一。使各省援軍據同一之作戰方針。聯合一致。方能事半功倍。若仍各據方針。計畫各別。則各省援軍之行動。自生參差。致有顧此失彼之患。如日前鎮江上海蘇州浙江聯軍聚攻南京。致武漢兵力單弱。卒有漢陽之失。是前證也。今停戰之期將滿。宜於未開戰之先。按此際之戰況。及各省之兵力。預定一完全之聯軍作戰計畫。使各軍有指臂相使之効。然後可成克敵致果之功。擬請臨時中央政府速組織參謀本部。密商各省軍政府參謀部。使作戰計畫得以折中。各軍方針。歸於一致。則大局之幸也云云。

是日黎覆南京程都督電

沁電甚慰。不審黎軍器械全否。兵熟練否。仍乞賜覆。

附來電

黎天才所部。半係龍濟光舊兵。勇銳耐戰。器械尙欠。刻係先儘有利器者出發。

又致上海陳都督電

沁電及陸都督感電。想已達覽。關稅收入。關於財政前途至重且大。桂省既已扣留。勢必

出於交涉。鄙意以爲當有一定準繩。方足以資遵守。卽請尊處轉乞外交總長伍先生。本桂省之已事。謀各省之共同。與駐滬總稅務司直接談判。伍先生深明法律。素諳約章。究應如何辦理之處。必能主持摯論。以對外人。至所論各種旗式。亦希貴處并復。

又致上海陳都督電

廣東援鄂軍。如有野戰砲。或管退砲。先派一營於冬月初三日以前抵葛店。并懇復示爲盼。

又致上海鄂軍務部張副長電

頃接湘電。該省附購德槍五千桿。子彈五千萬。價以煤米先抵。不足者補銀。但此時煤米難收。鄂不但無現銀墊湘。卽餘款亦萬分難籌。可否在滬設法購定。不然鄂款只能敷本省兵餉。無力匯滬。請慎重辦理。

附來電

十五日與德商約。卽日赴橫濱。本日見滬都督。言籌款頗難。請都督命理財部速電撥滬存款三十萬。以便起程。下餘之款。仍請都督速電催各省匯款來滬。直交武手查收。

爲盼。

又致九江參謀部電

頃據美兵艦長海里那函稱。美援艦那山。在九江下游停泊時。於西歷十二月三號。被民軍攻擊。似此玷辱敵國軍旗。不得不呈訴貴政府。請知會該守砲台長官。自後應能辨別。幸勿懷疑誤擊至盼等因。爲此電貴參謀部。究竟如何情狀。速復爲盼。

附覆電

勸電敬悉。前敝處屢接各處來電。均稱由外國裝載有大批軍火接濟敵人等語。故美輪過潯。砲台不得不以旗語命其停泊檢查。適因是日霧大。旗語莫辨。該輪仍鼓輪前進。砲台不得已。卽放空響。忽有該砲台已革胡稽查突來報告。該輪實載有大批軍火。迫命砲手連放三出。所以美人因此頗懷不平。嗣該輪停泊。派員檢查。船中未載軍火。當已向該輪道歉。該船主亦欣然而去。嗣後查得胡稽查。乃因被革挾憤。來台擾亂等情。已於前日明正典刑矣。望將此意轉達該國領事。以重邦交爲盼。

又覆長沙譚都督電

荊州已下。現均繳械投誠。該處馬匹甚多。鄂中需用甚急。祈飭王統領將全數馬匹撥來應用爲禱。再淮鹽來源甚少。湘中諒亦缺乏。可否借用川鹽并乞示覆。

### 附來電

沁電敬悉。布置周密。佩甚。桂軍昨日始到齊。准月內偕敝省五十標出發。至金口上陸。荊州王統領正雅來電。荆城滿人於養夜央教士求和。次日繳槍二百餘支。及諸軍用品限日內分繳。荆襄重鎮均克復。各省援師四集。必操勝算。

### 又覆電

查湘省淮鹽在途訂運。約計二百票。現正設法轉運來湘。民間食淮已慣。借銷川鹽價昂課輕。於民食餉需似有妨礙。請暫從緩議。

### 又致重慶張夏二都督電

成都已克復否。乞轉電宜昌唐司令官。儀支如三十一標兵隊到宜時。飭速下駛回鄂。又致桂林陸王二都督電

有感電并悉。敝省自漢口失陷。關稅之事。無從考察。昨已電上海陳都督切實調查。從速

奉復。今讀感電。尊處將關稅扣留。勢必出於交涉。且茲事所關。非僅一省。總稅務司常駐上海。敝處既已再電陳都督。請外交總長伍先生與之談判。究應如何辦理之處。必議一定準繩。以資各省共守。至各種旗式。亦俟在滬議定。由陳都督一併奉聞。

### 附來電

稅務司經管常關稅項。以與清廷未脫離關係。不肯徑交關道。仍解匯豐。惟新常關稅項。所關洋款極鉅。現獨立各省。既已組成臨時政府。承認各國洋款。凡獨立省新常關稅項。自應由臨時政府經理。歸各關道存儲具報。請各都督電商外交部長。速與總稅務司交涉清楚。未經議妥之前。又應如何辦理。曾於嘯日通告至今。未承電復。敝省關稅爲軍餉命脈。當經扣留。懇與總稅務司迅速交涉。電示辦法。現民國旗幟及軍旗令旗式樣顏色尺寸。并乞詳示。統希速復。盼切。

二十九日、各省來電。均承認鄂軍政府爲臨時中央政府。各省援軍統歸節制調遣。同日南昌馬都督電陳進軍方略如下。

一、海軍以煙台爲假根據地。宜向秦皇島附近行動。因該處冬季不結冰。中立國之商

船俱向秦皇島交通。海軍行動。此地可操制海權。得以檢查中立國商船之暗助清虜。況北伐軍由海上進取者。必由秦皇島登陸。不可不預爲佔領也。

二、以蘇寧贛之軍攻黃孝。

三、以江北皖北兩粵軍之一部。利用洪澤湖河道趨北。然對於此方兵力不宜過薄。恐陽夏敵軍受我三面脅迫。或以少數兵力偷出武勝關。以主力向太和攻我。則將移武漢之戰場於皖北也。

四、北地各軍如第二十鎮及奉天第二混成協等。早表同情。若聯合北伐。由秦皇島登陸。直搗燕京。彼必樂於効力。若久不實行。恐彼等反爲清廷所用。況敵軍主力。集合陽夏。其留守直隸之兵力。甚形單薄。若張我六師。速行北上。虜京不足定也云云。

是日黎致南京各省代表電

今晨得滬都督密電開。沁日伍唐開正式談判。議決秦晉鄂皖魯奉天江蘇七省一律停戰。餘未提議等語。特聞。

又覆太平滬軍顧問章勤宣等

勦電悉。大通鹽釐。早經清廷備抵扣償。敵處何能以之助餉。乃趙陽勒提鹽釐。且及民間財產。既關交涉。又擾居民。請就近電詢各都督辦理可也。

又致葛店兵站電

頃接九江電稱。前由潯拖載兵隊上駛之小火輪。希飭其火速赴潯。以便重行拖載云云。此間正盼援軍。全行來鄂。以厚戰力。刻不容緩。務將小火輪速飭往潯。以便速行接運。

三五、十一月初一日 黃克強辭大元帥改舉黎黎亦辭不就

十一月初一日。上海來電。謂德美英法日俄六國駐上海領事。各以意見書勸告伍唐兩代表。早日息戰議和。

是日又接上海陳都督轉來電稱。成都光復。舉蒲殿俊爲都督。

又接清江浦蔣都督來電。謂已派一混成標開往宿遷堵截北軍。

同日接黃興來電。謂慮張勳南下。商林總司令派兵十營來浦口。或會同北伐。或分別出援武昌。

同日南京所派鎮軍第一師統制黎天才。聞已率師將抵陽邏。援應武昌。



是日黎都督任李烈鈞爲軍統。節制南京安徽江西各軍。爲鄂右翼軍。在陽邏倉子埠集中。以一部在澚口附近。與海軍連絡。協同動作。以主力由六指店七里舖向黃陂附近進展。李軍統編定蘇皖軍爲第一梯隊。預定於初三日以前佔領六指店及甘棠舖。又編定南昌援軍爲第二梯隊。預定於初三日以前在倉子埠集中。

是日黎致各省軍事機關電

准伍外交總長來電開。二十八日與唐使開議。廷芳謂十九日停戰以後。凡湖北山西陝西江蘇奉天各省均應一律停戰。不得進攻。俟得確實回電承認後。始行正式討論。且開議以後。如再有此等情事。須將擅自行動之軍隊。彼此均處以嚴罰。至山西陝西等省。軍政府因電報不通。應託清政府代傳電報。令其停戰。唐使允即電袁內閣。山陝兩省。廷已電達。請其停戰期內不可進攻。二十九日因未得袁回電。暫不開議。今晨得唐使抄送袁電文云。停戰命令。早經通飭湖北山西陝西山東安徽江蘇奉天等省。均歸一律。自無疑義。倘於開議期內有擅自行動之軍隊。定行處以嚴罰。至山西陝西兩省。彼因電報不通。屬爲轉電。頃已照轉。望即告前途爲要云云。唐并約定於今日午後三點鐘再行開議。廷

已應允。祈尊處通飭湖北。並轉致各省。一律實行停戰。以免爭端而續和議。伍廷芳東等語。准此相應轉達。伏希查照。

九江蔣參謀長來電

東電。承示與唐使開議。暨暫停戰各節。當即遵照。惟敵處前派赴援軍隊所駐地點。恐敵處不能電達。仍請迅將此次與唐使議和暫停戰各情。轉飭該軍隊知照。

又覆南京各省代表電

勸電敬悉。元洪才識凡庸。平時辦事。已形竭蹶。此次起義。皆賴鄂中諸君子忠勇之力。元洪何功可言。但願國是早定。民生乂安。元洪乞骸骨歸田里。作一公民。此心已非常滿足。大元帥之職。懇公等另選賢能。元洪決不敢受。

附代表團來電

昨接黃克強來電。堅辭大元帥之任。并以武昌起義。爲天下倡。黎都督之功。爲全國人民所敬愛。應推黎大都督爲大元帥等因。代表等以組織臨時政府。刻不容緩。若往復推辭。徒延時日。深恐有碍大局。當由公衆議決推舉黎大都督爲大元帥。黃克強爲副。

元帥。但武昌軍事關係重大。恐大都督萬難離鄂。因於組織臨時政府大綱內。追加一條。臨時大總統未舉定以前。以大元帥暫行其職務。若大元帥不在臨時政府時。卽以副元帥代行其職務。除專員迎迓黃副元帥蒞寧外。特推時君象晉、陶君鳳集、陳君毅、仇君亮。於今日赴鄂趨謁。面陳一切。請大元帥承諾。以慰天下之望。

又致各省軍事機關電

閩都督孫豔電開。各省公出預備金。發行民國紙幣一節。本爲切要。敝省亦表同情。請尊處就近與各省代表團磋商。妥籌辦法。並乞電復閩省都督盼切。

附福州孫都督來電

懇我公與張季直君會商。發行民國紙幣辦法。電佈以求一律。

附清江浦蔣都督來電

接粵胡都督來電。擬辦民國通行紙幣。以資流通。其設立地點。應行額數。由各省電鄂。贛政府公決等因。流通紙幣。實爲救時之策。敝處極贊成。仰祈大力維持。盡籌辦法。期早成立。

## 附九江馬都督來電

粵省真電祇悉。所示民國紙幣。敝處極表同情。並乞早日成立。惟預備金各省應如何攤派。務乞大力酌量維持。屆時示知。除逕覆粵省外。特電呈。

## 附長沙譚都督來電

接九江馬都督電。請各省在滬設一籌餉總機關。廣爲募集。以備接濟缺餉省分。如不需此。卽留作將來中央行政經費。又接廣東胡都督電稱。聯軍北伐。需款甚鉅。浙江首先承認百萬。廣東則量力籌助。未能預定的數。尋繹兩電。均屬通籌全局重要問題。敝省均表贊成。鄙見滬設總機關。當注重外交。僑商助餉內輸。北伐軍需。各省缺餉。卽撥恐難應付。浙省首認百萬。見義勇爲。鼓舞士氣。極爲敬佩。敝省財力支絀。亦當極力設法籌集。然受敵最猛。與出援遣兵最多之省分。實難兩面兼顧。惟有不分畛域。事定之日。再由共和國會秉公核撥軍餉。自有擔任均妥之法。所冀各省各界熱心救國。協力助餉。不先限認多寡。但求速達圓快之目的而已。區區之愚。乞賜鑒諒。

附安慶統一機關處來電

漾電悉。紙幣各省兌換。行軍商務。均關緊要。敝省極表同情。仍請速電商寧滬浙贛籌定辦法。指示遵行。

附南京程都督來電

擬設紙幣兌換處。以利通行。極表同情。應請尊處頒定簡章。先與上海通過。其餘各埠。自易流通。

附福州孫都督來電

連接各省來電。對於公出預備金。發行紙幣一節。皆視爲切要之圖。敝省亦表同情。懇由尊處議決。設立地點。發行額數。應籌預備金若干。先行電示爲禱。

附上海陳都督來電

漾電提議救濟紙幣辦法。擬就鄰省各大埠設兌換處。彼此以票易票。既於銀元價值無所偏枯。又使金融機關得以流暢。一舉兩得。敝處極爲贊成。希尊處釐定章程。通咨各省。敝處謹當遵辦。專此電復。

附杭州湯都督來電

上海轉到漾電。各大埠設兌換處。俟定章通行。浙自遵辦。

附安慶孫都督來電

漾電提議紙幣辦法。敝處贊成。俟見章程。即當遵辦。

又覆南京鹽政總理張季直電

艷電敬悉。兩淮鹽政久待整頓。識者每以公之言論未見施行爲恨。今得公爲總理。足見衆望所在。久而不渝。此後國計日充。民無淡食。皆拜公之賜也。曷勝忭賀。

附來電

兩電均悉。淮鹽存積不少。不日派員赴鄂接洽。並一面催輪上運。所示暫運浙淮一節。似可緩議。

又覆長沙譚都督電

電悉。貴軍及桂軍均由金口上陸。已派員至該處招待矣。乞釋厪念。沈都督聲望素孚。舉爲湘桂聯軍總司令官。敝處極表同情。除遵命電桂及各省外。特復。

附來電

湘桂聯軍。馬步各一隊。已於今日出發。按日啓行。由金口上陸。勢取遠攻。自不能至武昌。與鄂軍會合。沈都督由桂率師來湘。天下仰望。敵處擬舉沈都督任湘桂聯軍總司令官。俾前途各軍有所遵守。如尊意認可。即擬請聯名電桂及各省。盼復。

又致各省都督電

敵處與湘都督電商。擬公推沈都督爲湘桂聯軍總司令官。俾各軍有所統屬。如蒙贊成。請電復湘都督及敵處爲盼。

附南京程都督來電

東電。公推桂林沈都督爲湘桂聯軍總司令官。敵處極表同情。專此電復。

三六、十一月初二日 黎允任大元帥但以黃興在寧代行職權

初二日接山西來電。謂清軍於停戰期間。出兵進攻山西。太原危急。

是日黎致各省軍事機關電

長沙譚都督發起組織全國參謀本部。暫設於南京。實爲聯絡各省。統籌全局切要之圖。旋經多省贊成。湘桂秦江北各省所派各參謀已先後到鄂。與敵省參謀部會議。決定組

織全國本部。由各省選派軍事知識完全人員一二員。速赴南京。設立完全機關。敝省當派妥員。即日赴寧。凡未經派員各省。請即由尊處電達。催其派定。尅日起程赴寧。至各省援軍參謀。仍請集合於武昌。並希電復。

附南京程都督來電

組織全國參謀本部。設於南京。應請各省派來之員。發給正式公文。以便接洽。至敝處所派援鄂黎天才一軍。請黎元帥節制調遣。擬不另派參謀。以期統一。謹聞。

附杭州湯都督來電

各省各派軍事知識完全之人赴寧組織參謀部。正與參議員之制相同。浙極贊成。容日內派往。

附上海陳都督來電

電悉。各省派員至南京組織全國參謀本部。甚屬緊要。囑代電催未經派員各省。已遵辦矣。此復。

附安慶孫都督來電



軍事參謀員。日內敝處選派赴寧。謹聞。

附揚州徐司令來電

冬電悉。組織全國參謀本部。敝處甚爲贊成。不日卽派員赴寧會議。先此電聞。

附南昌馬都督來電

冬電敬悉。極佩偉略。敝處派蔣作賓張文二員赴寧。協同組織。並派許端赴武昌。充援鄂軍參謀。理合奉聞。

附雲南蔡都督來電

寢電組織中央參謀部之議。極佩。敝省現以道遠不及派員代表。擬請沿江海各省。速行就近組織。敝省無不贊同。

又致南京各省代表電

大元帥之職。曾於東電力辭。諒已電達。頃准山西代表仇君亮。浙江代表陳君毅。及敝省代表時君象晉。陶君鳳集等。面稱黃克強君力推元洪爲大元帥。元洪又復固辭。長此推讓。稽延時日。致臨時政府不能卽行成立。深恐有碍大局。現代表團公同議決。特推亮等

來鄂。要求承諾大元帥。並懇黃克強君以副元帥職務代行大元帥職務。以定大計云云。元洪伏思大元帥原爲組織臨時政府。刻不容緩之舉。黃君克強宏才碩畫。自足勝大元帥之任。乃謙讓不居。屢推元洪承乏。元洪才識平庸。何敢當此重任。然勘電所載。若大元帥不在臨時政府時。卽以副元帥代行其職務。既有此明文。元洪姑順代表諸公之請。承受大元帥名義。卽委任副元帥執行大元帥一切任務。蓋大局未定。勢機危迫。臨時政府急宜成立。故元洪不辭僭越之罪。望黃君與代表諸君子力任鉅艱。急求進行辦法。時賜教言。以匡不逮。

#### 又覆杭州湯都督電

朔電敬悉。前月奉蒸電。具仰宏謀。欽佩無已。敝處有電擬佔領周家口。趨郢城。截斷敵人聯絡綫者。卽以尊處蒸電。由周家口斷鐵路。襲鄭州。以撼汴爲師資。非敢委偉畫於草莽。至於和議難恃。現雖停戰展期。依然日討軍實以待。所謂能戰而後能和。

#### 附來電

頃由寧回。奉二十六電。海道無疑義。陸師分二道可矣。前月蒸電。卽請皖軍渡淮。由周

家口襲鄭州。以撼汴而通秦晉。請江北蔣督由徐州詣汴。而會皖師於彰衛間。莫之應者。彼乃託詞議和。分道南下。不謀進行。可決此和。必無良果。天耶人耶。全仗砥柱。

#### 附通電

潛何足言計畫。頗憤諸公不甚以鄂爲危。亦不甚以北爲慮。故發憤一道。周家口水行抵郢城。不過百里。火車至鄭州。不過兩站。特聞。

#### 又覆長沙譚都督電

東電悉。湘鄂一家。無分畛域。請即將王玉泉按律懲辦。以爲擅殺者戒。

#### 附來電

前城陵磯周稽查員在大元盤獲之邵保漢。并銀二千五百九十兩。解交任司令轉解來省。迭經電詢在案。昨任已歸原銀。并本府回文。概交貴軍務部派來之王玉泉等。邵即挾銀私逃。經王等追獲。理應解交敵處發訊。而王等遽將邵在西城外商埠重地當衆擅行槍斃。查邵雖可殺。然王等無殺人之權。似此野蠻自由。不獨於法律秩序大有損礙。且致外人詰問。已由敝省暫行將王等扣留訊問。特先電聞。請示辦法。

又覆葛店黃宗貴電

電悉。所需炭油等件。當飭軍務部迅速送來。兵艦餉項。亦飭照發。登瀛洲所載之炭。卽卸陽邏亦可。接上海來電。議和之事。因事關重大。刻難就緒。又續停戰七日。希將此停戰期限。傳知各營知照。

附來電

電請所運之煤。請迅送來。再兵艦需用之車油燈油棉紗。亦請火速送來。以備戰時之用。各軍艦之餉。是否由鄂給發。登瀛洲在陽邏停泊。運來之炭。請速派員起卸。再海軍作戰之命令。請速選馬管帶。以上各件。請回示爲盼。

附上海伍外交總長來電

今日午後三時。與唐使開議。因停戰期限將滿。各事均未開議。且武昌原訂停戰規則。秦晉蜀另有專章。今則皆包括在內。故議定續停戰規則云。停戰原定至十一月初五日止。續議停戰七日。自十一月初五日早八時起。至十月十二日早八時止。期內兩軍。於各省現在用兵地方。一律停止進攻。再廷芳今日提議。謂今日人心傾向共和。若非

承認共和。別無議和之法。唐使謂欲和平解決。非共和不可。但須電達袁內閣。再行通知會議。特此電聞。

是日總司令官吳兆麟。將兩軍續停戰七日之電。轉傳各部隊知照。并通知江西軍馮統領。率該協自今以後。歸李軍統烈鈞指揮。

### 三七、十一月初三日 民軍殺川督趙爾豐

初三日。接四川來電。謂總督趙爾豐被民軍殺斃。聞趙爾豐爲能員。頗愛國。對於西藏極有經營云。

同日接安徽來電。舉孫毓筠爲都督。

是日季招討使雨霖來電。謂荊州新定。擬請唐犧支荊州之兵。撥一營駐宜昌。二營駐荊州。餘則會合湘軍王正雅之師北伐。側攻南下之敵軍。一由應城出攻雲夢孝感。一由德安出攻廣水各處。進佔武勝關。霖軍分兩路側擊清軍。一由棗陽出擊信陽。一進攻南陽。定河南各屬。與潼關陝軍合而北征。今漢陽敵兵無多。只於長江岳州南北。襄河沔陽要衝。畧據支隊防敵上竄足矣。另遣游擊隊在漢川雲夢孝感各界多出疑兵以疲敵人。黃

陂已有江西軍與戰。如此輔助。大軍或可進取有功。又喜源劉溫玉二人在南陽糾集餘燼。希圖南犯。霖軍悉赴襄陽。荊州事宜應責成唐犧支張鵬飛辦理云。

是日黎致南京徐總司令電

頃據浙江吳參謀長元鈞稟稱。聯軍已派定黎天才率師援鄂。現在不知出發否。如未出發。請速飭其前來爲盼。

附來電

江電敬悉。黎天才之軍。已由滬借招商船。定於初四日到寧。初五日卽出發。該軍本係前月望日派定。乃因籌餉增兵。遷延日久。其十一月餉俟抵鄂後。請由鈞處核發。以歸簡便。仍乞電復。

又致葛店兵站轉贛軍李總司令電

前據黃州府知事電稱。武昌江面。爲我軍要隘。懇留江貞停泊該處。以資聯絡。當卽電商楚泰馬艦長。請以各兵艦梭巡該處。不必拘定江貞等情。頃據馬艦長電稱。貴司令官將泰貞兩艦調赴陽邏。聽候指揮。想尊處必以戰期迫近。須水陸夾攻。始足以速報捷而立。

奇功。茲又續停戰七日。可否暫留一艘梭巡武黃江面。或另調一艘補充。均希與馬艦長妥商爲盼。

#### 附葛店馬管帶來電

接李總司令部烈鈞來信。着敝船與江貞卽開赴陽邏聽候指揮等語。但葛店黃州兩處。如泰貞兩艘上駛。現無船防守。如何之處。請電覆。

三八、十一月初四日 段祺瑞在漢口漢陽布置軍事鄂方電伍

#### 代表請抗議

初四日、據各種報告。謂清軍總司令已改段祺瑞。近日在漢口漢陽預備戰事甚屬周密。又據張文由上海來電。謂清軍之新作戰計畫。將以漢口漢陽爲第一防禦綫。武勝關爲第二防禦綫。密築工事。暗調大部兵力。回豫東、轉安徽、與津浦軍會攻南京。仍以小部據漢。牽制民軍。此情若確。則援軍當用間接方法進軍皖豫。不宜聚兵武漢。致中奸計。宜多方搜索敵情。以定我軍計畫。

是日我軍接得以上情報。誠恐清軍議和。是緩兵之計。其意或欲出兵肅清秦晉。使京漢

路安全。然後再出兵或攻武昌。或攻南京。如此是我軍卽中其計。必爲清軍各個擊破。宜速電伍廷芳代表。通告彼方。於停戰期內。須遵守規條。不得密運軍隊。向我軍動作。但太原之被清軍佔領。係在停戰期內。仍須退回原防。不然。我軍卽準備進攻云云。

是日黎覆長沙譚都督電

江電敬悉。荊州克復。王統領正雅。旣爲滿漢歡迎。且該處爲三省重鎮。撫治得人。無憂反側。擬將該統領駐荊。籌畫善後事宜。敝處甚表同情。請卽由尊處會銜飭該統領駐守荊州。以資鎮攝而收治理。爲禱。

附來電

荊州踞長江上游。爲蜀湘鄂要鎮。旣經王統領正雅光復。從軍事計畫。須駐重兵以資鎮攝。況滿漢雜處。將來政治組織。尤非易事。可否請王正雅暫駐荊州。籌辦一切善後事宜。敝處未便擅行。特此奉商。如荷許可。卽請會銜電王。俾得事權統一。尊意何如。乞復。

又覆長沙鄂委員王松亭電



江電悉。需米孔亟。土麵亦可。槍彈俟運來即可分運。此復。

附來電一

桂湘軍隊。已陸續進行。惟茶油米初八日准可起運。洋麵無。土麵是否合用。上海運來槍枝子彈。可分運湘否。候覆。

附來電二

奉到米八千石。油八十簍。已由陳洪勝甘姓二人解來。其餘米五千石。麵五百袋。油三百簍。自解。庚日開行。

又覆夔州阮管帶電

電悉。比聞成都光復。川東自能堅固。兵力稍薄。似尙無妨。三十一標現已派人往迎。以爲戰備。萬縣一隅。貴處兼顧可也。

附來電

現在川東雖云反正。兵力甚薄。萬縣一隅。又多隔閡。機關不通。今三十一標兵已抵萬。意欲留該隊暫駐萬縣。以便上下靈通。可否。請示定奪施行。請速復。

又致巴城華僑書報社

尊處函早達。電匯五千元。足徵熱心祖國。實深感佩。但此款尙未收到。由何銀行匯來。望即示知。

### 三九、十一月初五日 廣東改舉陳炯明代理都督

初五日、接廣東來電。謂舉陳炯明代理都督。因胡漢民無實力。又往香港歡迎孫中山於郵船。孫中山約同至滬。故廣東實力派。公舉陳炯明代之。

同日廣西都督沈秉堃（字幼嵐）到武昌。與黎都督及總司令官吳兆麟磋商作戰事宜。沈云、年力衰弱。指揮軍事。極感困難。所有帶到金口援軍。已令統領趙恒惕指揮。嗣後對於桂軍如何調遣之處。即以趙恒惕之名可耳。

是日接李軍統烈鈞轉來報告。謂該右翼軍在許家橋附近集合整頓。并探得清軍由北運到重砲二門。極能致遠。擬防禦我兵艦。

是日黎致各省都督電

南昌馬都督支日通電。想已達覽。其於各省發行紙幣多少。視各省財力強弱爲準。有無

限制一節。屬敝處訂定章程。通商各省。敝處未便擅專。仍乞各省各抒意見。俾從多數。

附南昌軍政府來電

漾電。提議救濟紙幣辦法。擬就鄰省各大埠設兌換處。彼此以票易票。既於銀元價值無所偏枯。又使金融機關得以流暢。敝處極表同情。惟各省發行紙幣多少。視各省財力強弱爲準。有無限制。希速訂章程。電商各省。敝處自當遵辦。

又覆南京徐總司令電

支電悉。承派黎軍。極勞碩畫。感激莫名。十一月餉項。准由敝處發給。總祈將槍械配給完全。以免徒手不能戰之弊。敝省槍械缺乏。又不能補發。乞諒。黎軍望速發。

附來電

黎軍於初五日由江寬江孚兩輪裝載兩營赴鄂。現仍有續往之兵。擬乘江永楚有兩輪載往。仍恐不敷輪載。請飭江寬江孚兩輪到鄂後迅速返金陵。毋庸開回上海。

又覆南京黎指揮官天才電

電悉。貴部尅日來鄂。感甚。惟鄂槍械缺乏。徒手新兵。萬勿率來。此次援兵實數若干。希先

電知。以便預備餉項。至貴部集中地點。定在黃州。已派員駐該地接洽。嗣後由黃陂進攻。屬右翼軍總司令官李烈鈞指揮。

附來電

天才奉令援鄂。尅日啟行。集中何處。盼覆。

又致安慶孫都督電

支電及公電悉。霖雨及時。蒼生咸慰。公爲當代偉人。衆望自有所歸。此則非獨貴省之福。抑亦民國之幸也。伏冀隨時賜教。以匡不逮。爲禱。

附安慶統一機關處通電

本日軍政府組織成立。萬衆一心。公舉孫公少侯爲皖軍政府都督。以後一切文電。請逕達都督府。凡皖省對於全國及外部發生之事件。悉由孫都督名義執行。計本處維持時期。自十月初八日起。至十一月初四日止。與我四萬萬同胞留一特別紀念於人間。知我罪我。其惟歷史。

又覆安慶孫都督電

支電悉。被劫餘鹽。留爲貴省濟食甚好。惟祈從速報明。早日補運。

附來電一

鄂岸運商抵皖。據稱運鹽兩票。曾經被劫。餘鹽萬難上駛。現敝省絕銷。軍民淡食。擬將劫餘之鹽。留皖濟食。並由敝處報明。准令補運。卽乞電覆。

附來電二

歌電敬悉。極感。卽飭報明補運。

又覆九江馬都督電

東電悉。旌旆移駐潯陽。仰荷垂問軍事。敬佩敬佩。元洪自議和以來。夙夜孜孜。以討軍實。勤訓練。枕戈待敵。相勸勉。惟識見短淺。不免疏虞。尙乞時賜偉畫。用匡不逮。

附來電

敵軍違約。雖由各處電與交涉。而和議終非可恃。毓寶已將全贛印務。照會吳高等。顧問官介璋護理。專意赴潯經營戰事。所有以後承商要件。請煩分電駐潯贛軍都督行轅。無任盼切。

又覆長沙譚都督電

承派各軍陸續到鄂。無任感佩。以後轉寄金口湘電。已飭局遵辦。所擬更編一軍。牽制敵勢。深佩卓見。惟鄂中曾派招討使西定各屬。現荆襄確復。該軍擬分道東向。以擾敵側。尊處新編之軍出發時。務與該軍聯絡。至鄂購槍械。尙未抵省。容後電知分用。

附來電

趙梅兩標。明日可到金口。張軍開戰前亦可到。金口不通電。擬請飭電局以後湘電專人遞送。敵軍日增。宜圖牽制。擬更編一軍出荆襄。尊處所購槍械。何時可到。湘鄂同處危境。斷無畛域。惟現銀缺乏。公所深知。俟各縣款解到。卽行開撥。

四〇、十一月初六日 孫文歸國始抵上海

初六日、孫文自美歐洲始抵上海。同歸國者有吳稚暉、李石曾、王鴻猷、馬君武、張繼、張靖江諸人。

是日上海陳都督來電。謂探悉清軍第一鎮。以全力向武昌南下。宜竭力防堵。又接湖南譚都督來電。謂此時荆襄既爲我有。敵注意窺伺南京。擾我腹心。我軍自應猛

力進據河南。西進陝西。南扼漢口一帶。抄出賊兵後路。則漢口不攻自破。再用支隊游擊山東。而後會師北進。則南京可以無虞。賊亦有瓜熟蒂落之勢。天下不足定也。

是日又接南京來電。謂各省派參謀官赴南京組織參謀本部。以定全國軍事計畫。是日黎致各省軍事機關電。

頃有英領事遣代表來言數次。謂已與北京美使出名擔保。欲令武漢三鎮不再作爲戰場。鄙意擬先提出四條。一、敵兵須令全數退出武勝關以北。二、該軍隊退時。我兵不得追襲。三、敵軍各種輜重。准其携回。四、兩方面如有背約時。擔保國須負責任。敵處本知此事奇詭。不宜置議。惟該領言明日又有人來探訊。須措詞回覆。尊意對於此事何如。乞詳加指示。迅即賜復。以便應付。

#### 附南京徐總司令來電

魚電敬悉。英使保武漢三鎮不作戰場。將來用兵之地。必在江淮。尊電雖提出第一條。北軍須全數退出武勝關以北。鄙意仍應詢問英使。北軍既須媾和。則各省概應退出。望詳加詢問。并電伍部長與唐使接洽。頃又接蔣都督來電。謂北軍作戰計畫。以大部

兵力合攻南京。以小部兵力據漢陽牽制民軍。查北軍命脈首在京漢。次在津浦。若無重兵扼守要害。北軍行動自由。南京異常危險。擬請皖都督分兵扼守正陽六安等處。以防由豫入皖之路。林總司令增兵扼守臨淮。以防由徐入皖之路。揚州徐分府會合皖軍扼守宿遷。以防由京入浦之路。如和議決裂。卽聚三路軍隊夾攻徐州。佔據車站。再分大部兵力直搗開封。斷絕敵人後路等語。措置頗爲適當。除分電各處查照外。此間現擬先撥浙軍一支隊。速往臨淮。爲各軍援應。相機進取。搜索敵情。以目下而論。武漢南京當可自保。惟皖失利。則首尾不能相顧。且太和已失。北軍必有準備。武漢無論如何。南方兵力必須設法加增。植現自編一鎮。非一月以後不能完全。時機正迫。尙乞迅示。

附上海伍總長及程陳兩都督來電

魚電悉。尊擬四條。甚爲妥協。惟第一款敵兵須全數退出武勝關以北句。似應改爲退至黃河以北。不准調兵過此界。祈酌裁。

附清江浦蔣都督來電



魚電敬悉。關於武漢不再作戰場之四條件。碩畫佩極。但一條敵兵既退出。武勝關以北。該關以南之鐵路。及武漢作戰基點。仍不得限制我軍利用。方稱完善。如武勝關以南及武漢。英領均視爲中立地。將來我軍運動進行。非皖卽陝。作戰機關。極形困難。如能於第一條內添設此節。我軍方得以自由行動。不受敵制。芻蕘之議。尙希鈞奪。

附揚州徐總司令來電

通電敬悉。提出四條。還吾武漢三鎮。不再作爲戰場。須指定範圍地點。不宜太寬。以碍我軍進行。第四條更宜注意。敵人狡詐異常。此次議和期內。屢次違約進攻。可見一斑。若擔保國非有正式確實之擔保狀。不可輕許。鄙意如此。尙祈裁奪。

附揚州林總司令來電

魚電敬悉。武漢三鎮。須以後不作戰場一事。敝處籌議。以爲無利而有害。現武漢三鎮。已成焦土。原有商場。早經燬壞。縱立時停戰。商務難望恢復。且北軍在武漢之兵力。其大部已移於晉皖兩方面。我之援鄂各軍。正在雲集。若乘機進攻。可決必勝。敵軍慮此。故生詭謀。今准其要求。是墮其術中也。況漢口乃入汴晉要道。此時既允其不作戰場。

將來全軍北伐。卽不免受其束縛。愚見宜以此事交上海議和代表。併按條協商最善。尊見然否。

附鎮江軍政分府來電

魚電敬悉。武漢不作戰場之議。尊處所提出四條。甚佩服。惟鄙意以爲尙須提出漢陽管領之權。應歸我有。武勝關以內。除不得開戰外。我軍一切行動。仍可自由。其餘各款。敵處均表同情。

附上海陳都督來電

魚電悉。英領提議。不以武漢三鎮作戰場。奇詭異常。愚意北軍作戰方針。將變換方向。蓋武漢易攻難守。得之亦不足以制天下。且滿清大兵全被武漢牽制。北之秦晉齊魯。南之皖贛蘇浙。均無兵力對待。若武漢不作戰場之議定時。滿清可移武漢重兵以向南京。愚見如此。不知中否。貴處提議答復四條。鄙意稍行增改如下。一、敵軍須全數退出武勝關以北。卽以武勝關北爲雙方戰場。二、該軍未退武勝關以北時。我兵不得追襲。餘二條均可。是否希裁奪爲禱。

附長沙譚都督來電

魚電敬悉。停戰期內。英使忽出名提出清軍退兵條件。不宜置議。極爲欽佩。茲推出其原因如左。一、北方有特別變動事由發生。二、因民國軍隊四集。遂謀厚集兵力。以劃分南北界限。藉圖以全力注重山陝等處。三、因滿清昔日勢力範圍條約而出於外交團之變動。四、爲和議決裂之豫備。以上四則。當出其一。鄙意民國既經舉定外交總長。似應移歸總長對付。以謀統一。方爲正辦。但既歸外交總長核辦。如不承認清軍北退。則但當離進取方法。而設詞對付英領。如允其退兵。則必由總長提出左之條件。一、北軍退出武勝關所有地點。須由民國以兵佔領。不得視爲中立土地。二、如和議不調。無論何人不得干涉妨碍民國軍隊之行動。三、武勝關外鐵道不得毀壞。四、漢陽兵廠鋼藥廠鐵廠內所有兵械機件。全交民國管理。不得毀壞擲去。除電達各省都督及外交總長外。謹復。

附桂林陸王兩都督來電

魚電悉。北京英使出名擔保。欲令武漢三鎮不再作爲戰場。我公提出條件四條。頗爲

周密。惟和議未定。戰事尙懸。北伐計畫。仍不可緩。

附杭州湯都督來電

夜半奉魚電。誠如鈞示四條。亦周妥。亦中正。良用佩感。鄂援既固。或託視滬議之成否。爲和戰以謝之。弟寡識。又遠隔。仍仗鑒裁。

又致上海陳都督電

微電悉。巴城梁君映堂。邱君雪亭。由匯豐電匯來萬元。卽日已經收到。當卽電謝矣。至該處篠艷來電。敝處并未接到。此覆。并懇代爲道歉。

附來電

頃接巴城梁映堂。邱雪亭等電稱。刪日由匯豐電匯鄂黎都督萬元。篠日艷日電詢。均未覆。乞代電詢。並近日情形等情。此欸究竟曾否收到。請卽逕電梁君爲感。

又致福州孫都督電

余參謀來。奉到函牘。具仰關懷桑梓。急於公義。感何可言。吾鄂用兵以來。獨當敵衝。元洪才識疏淺。捍禦無方。以致出師不利。坐失名城。內疚外慚。夙夜祇懼。而賜函不加詰責。轉

勞獎借。更使人悚惶無地矣。我公關係閩中至重。何敢望榮戟親臨。惟冀早發雄師。已足克敵致果。

### 附來電

閩自前月決定興師北伐。援鄂。擬編混成一標。一面上知。一面卽行編制。最近已大概就緒。只須畧籌餉械。便可起行。然編隊甫就。警告迭來。汀漳一帶。土匪紛起。佔踞上杭。武平。永定。三縣。延平。葛沙。合縣。亦被匪困。牽動閩省全局。顧內憂外患。勢實兩難。匪熾兵單。萬方同慨。而閩省交通不便。伏莽尤易蔓延。使棄之不顧。徑行出師。同赴公難。則後患之大。何堪設想。赴援之隊。首賴餉源。地方不靖。稅權皆虛。設軍需不供。轉以貽累各省。其弊一。匪燄日張。勢將竄及贛粵。致須分兵設備。各省援師。間接受其影響。其弊二。閩變不靖。人心不寧。風鶴之謠。且徧中外。而南洋僑商。見其家室傷殘。急公赴義之誠。亦因以稍殺。再四思維。惟有先將應援之師。作平亂之計。俟地方畧定。卽速啟行。爲期必不在遠。衆議如此。謹以奉聞。論厥鄙計。亦爲全局。非謀一隅。惟道仁德薄。能淺。不克預爲籌畫。致使愆期。悲憤徒具。慚悚良深。亟當惕勵進行。早免憂戾。

又致長沙譚都督電

支電敬悉。荆滿効順。急須推仁。以重人道。謹擬辦法大綱如下。(一)無財產者。均按甲酌給謀生費若干元。(二)有財產者。除與以必要生計費外。其餘財產均歸民軍保護。(三)凡護送出境者。由民軍指定地點。分散安置。(四)准其隨地佃田耕種。不必指定公田。又王統領留荆移節。隨飭安襄鄖荆招討使會同妥商辦理。并乞電轉荊州。

附來電

頃接王統領正雅電稱。二十八日滿將軍聯魁。親贇印信。呈繳。哭求暫留駐荆。保全旗衆殘喘。所求之事。均屬生計問題。其要求者。一、發恩餉。二、給出境謀生護照。三、擬佃原有公田。竊荆防男女數逾二萬。老稚文弱。居十之九。生計之窮。已達極點。既允納款。亦係蒼生。安插保全。誠屬難已。無如待拯既多。需款必重。身居客位。何敢自承。乃力勸滿降。以救全城漢滿生命。比國神父馬修德代爲請命。語極懇摯。又沙市商團亦倚雅軍自安。求分隊駐沙。保全秩序。自三至四。情詞俱極悲抑。應之既無其力。拒之實又不情。應請公示以方針。俾得遵守。如令雅暫留。即希電知武昌。加給照會。許以便宜。庶在雅

可免主客之嫌。而在滿可宏生成之德。再二十七日鄂軍一隊入漢城駐紮。雅軍均駐滿城。合再申明等因。敝處已於江電陳明。據此是否可行。乞速電復。

又致長沙譚都督電

頃據黃州電稱。湘運鹽船不下百數十號。因戰爭梗塞。不便上駛。停泊該處江岸一帶。任意私銷。勢將垂盡等語。查引鹽一爲商本。一爲餉源。若聽其私銷。公私兩虧。擬派員督令各該鹽船乘間上行。如萬不能行者。卽請就近發交敝省鹽局出售。公私兩利。至如何辦法。均俟卓裁。

附來電

麻電悉。湘省鹽局分設六十餘處。倉儲垂盡。紛請接濟。焦灼萬分。鹺艘停滯下游。已有所聞。現由湘商議租洋輪拖運過漢。并已派員携封來鄂。面懇維持。目下如能乘間上駛。務望督飭進行。並乞嚴懲私銷。民食餉需。均賴保全。無任禱荷。

又覆岳州鎮守部轉覃振電

歌電悉。湘桂聯軍。紮大小軍山。深佩碩畫。設置電報。已派人前來敷設。王憲章一案。已交

## 軍法會議容當續告

## 附來電

振偕同梅統領馨。趙統領恒惕。於昨晨由湘出發。今午抵岳。擬由金口對岸上陸。紮小軍山。進攻蔡甸。惟查該處電報不通。殊形困難。雖梅統領稍備有發電機材料。苦無綫接馬鞍山。懇速派司機員三人。工頭三人。隨帶乾濕電瓶各二十個。綫剪子四把。紙條五十。並報紙三百張。磁碗二百個。小電綫二十札。即運至金口。以便敷設。再王憲章等。已由湘都督開釋交振帶回。可否准予殺敵贖愆。特先請示。

## 又致四川蒲都督電

頃有陝西代表來鄂。述及光復狀況。并危險情形。乞貴處迅速出師漢中。聯絡山陝。以資北伐而固後援。是爲至禱。

初七日、武昌防禦任務如前。惟軍事準備極忙。而各省電報往還。日見增多。是日黎致上海外交伍總長電

虞電敬悉。不勝詫異。查陝西民軍。未出潼關。靈寶陝州。則皆屬豫境。不知敵軍所謂民軍



首領。究係何人。是何姓名。所謂毀函慘殺。究係慘殺何人。所謂迭來圍攻。究係圍攻何地。細繹其詞。支離已極。安知彼非欺我。電信不通。捏造以誣我乎。又安知彼非藉此栽誣。而竟破約以攻潼關乎。前此停戰條約。彼堅欲以秦晉蜀另立專條。識者皆謂係緩南攻北之計。伏願嚴詞詰駁。勿任遁飾。

#### 附來電

前聞太原失守。卽與唐使交涉。要求三事。一、爲請兵退出太原駐地。二、爲處罰擅自行動之軍隊。三、爲賠償損害。唐使已允電告袁內閣。頃接唐使送來袁內閣覆電云。伍代表所稱。並無其事。可派人會查。如有此事。當依所開之條辦理云云。特此電聞。

又致安慶孫都督及揚州徐總司令電

清江蔣都督。魚通電。想已達覽。其作戰計畫。極爲周到。願與尊處商榷施行。卽希賜覆。

附江北徐總司令來電

陽電敬悉。蔣都督作戰計畫。甚爲周密。敝處擬卽派兵前往清江宿遷等處。防禦一切。尙祈賜教。

又致清江浦蔣都督電

魚電敬悉。仰見擘畫精詳。度越儕輩。現已查照飭屬。並電商孫都督。徐分府。按照施行。祈轉告林總司令。辦理爲荷。

附來電

疊告北軍作戰計畫。以大部兵力合攻南京。以小部兵力據漢陽。牽制民軍。當用間接援鄂方法。進軍皖豫。不宜聚兵武昌等語。計達尊覽。查北軍命脈。首在京漢。次在津浦。如無重兵扼守要害。北軍行動自由。南京異常危險。擬請皖都督分兵扼守正陽六安等處。以防由豫入皖之路。林總司令增兵扼守臨淮。以防由徐入皖之路。揚州徐分府分派會合敝軍扼守宿遷。以防由京入浦之路。如和議決裂。卽聯合三路軍隊夾攻徐州。驅逐敵軍。佔據車站。再分大部兵力直搗開封。橫截敵人後路。鐵路一歸我有。北軍命脈自絕。會師北伐。當勢如破竹矣。是否有當。請卓裁分電施行。無任禱切。

又覆九江馬都督電

麻電悉。承派劉統領帶軍一千八百餘名援鄂。感甚。雖滬軍電稱援兵宜間接助鄂。不宜

屯聚武昌等語。不爲無見。然敵人大兵仍集兩漢。且恃京漢鐵路爲運輸機關。我軍似宜以大兵由黃孝進攻。一以收復兩漢。一以直搗豫省。東連皖軍。西會秦軍。則黃河以南爲我有也。請劉統領兵隊迅速仍發黃州。以厚右翼兵力。禱切盼切。

#### 附來電

贛遣援鄂兵一千八百餘人。已由劉統領懋政統帶抵潯。該員係山東人。於軍事經歷甚深。熟習北方情形。頃據滬電。稱各省援兵。宜間接援鄂。不宜屯聚武昌等語。不爲無見。劉軍泊潯。究應赴鄂。或赴下游進軍皖豫。俟接電示。即行開駛。

又致長沙軍府轉沈都督電

公之雄才偉略。中外同欽。既經各省都督公推爲湘桂聯軍總司令。一切作戰計畫。仰仗尤多。乞卽日首途。出奇制勝。

#### 附通電

陽電敬悉。秉堃謬荷公推。爲湘桂聯軍總司令。事機迫切。何敢固辭。請爲前驅。惟力是視。初八日接關防。日內組織本部。確定初十出發。惟望諸公隨時指示機宜。俾匡不逮。

同濟大功。不勝企盼。

又覆雲南蔡都督電

篠電悉。所籌招撫北方軍士之策。足見慧眼佛心。曲君既籍隸齊魯。相識最多。擬爲北洋招撫使。敝處極表同情。此復。

附來電

急昨致篠電。舉曲君同豐爲北洋招撫使。前赴山東直隸等省。沿海一帶。招撫北洋軍隊。計已達覽。查北京爲根本重地。此舉用意。一面告以大義。拯出同胞。一面曉以兵威。牽掣敵勢。事機迫急。不宜久延。擬請曲君不日出發。速與各省都督面商機要。惟滇處西邊。鞭長莫及。應需軍裝餉械。不能不望沿江沿海各省大都督。速爲接濟。鄙意軍艦悉由粵閩滬斟酌。派三四艘護行。槍械請粵滬製造局撥用。餉項前請各省分擔。交由粵滬兩處。隨時籌濟。是否可行。望由海綫電復。

初八日。由南洋運至武昌之各種彈藥極爲豐富。黎都督已派員接收。交總司令官吳兆麟分配補充。

是時我軍在武昌各軍隊均已整頓齊備。防禦布置較前完密。

是日黎都督擬以廣西湖南兩省援軍爲武昌左翼軍。令趙恒惕爲司令官。由金口準備過新溝向孝感方面進展。攻擊清軍右側背。并通知該軍籌畫。

是日黎覆南京代表團電

陽電悉。時勢變遷。清廷不履行停戰條約。於事實上恐生種種阻礙。已決定初十日開選舉臨時大總統會。仰見蓋籌極爲欽佩。蓋立國之道。非有總機關以爲之本。則外交軍事行政各方面皆無主宰。自應選舉大總統。惟現在議和期內。必須出以敏活手段。方可望其和平了局。此舉似宜與伍公安爲磋商。但能合我共和宗旨。無論何人爲大總統。愚皆歡迎。諸公熱心國事。必能委曲求全。以顧惜同胞生命。保全公私財產爲惟一之目的也。

附來電

代表團決議於十日上午開選舉臨時大總統會。再由被選者電告袁內閣。如和議成立。即當避席。尊意如何。乞示。

又致上海外交伍總長電

頃接日本海軍少將川島令次郎公文云。現在駐防漢口租界之敵國海軍陸戰隊。已屆瓜代之期。擬由本國派來陸軍一隊。以資保衛。即將日清公司輪船南陽丸。作爲運送船。約在陰歷十一月初九由上海起程。十一日可到本埠。尙乞轉飭沿江一帶駐紮之貴軍。以便隨時照料。免生糾葛等語。查各國租界已有之兵。如實係瓜代。可以准行。惟此事滋惑者。恐係添兵。致起紛擾。擬請尊處向該國駐滬總領事調查。或得換兵確據。即可照准。尊處爲外交總匯。鄙見當否。祈速示知。以便照會沿途。

#### 附來電

庚電悉。日本川島少將所稱海軍陸戰隊瓜代一節。查係實在情形。尙屬無礙。又致長沙譚都督電

電悉。今日英領派人來詢前事。敝處已將提議四條。並尊處及他省增加之條。一齊交付。尙未得復。所購槍已到滬。來鄂時當奉聞。荆武通電不能直接。須由仙桃鎮轉。此覆。

#### 附來電一

岳荆電信不通。現新堤沙市間專送各電。擬請將沙市新堤間協同接用。以捷戎機。

## 附來電二

昨電想達。英領復來探問否。如何答復。甚念。所購槍日內能到否。荊州至武昌電綫通否。統乞賜覆。爲盼。

又致四川蒲都督電

頃接敘州公電。稱滇軍入境。人民惶恐。乞速電滇都督立行撤回等語。查滇軍原爲援川而來。川既平定。祈貴都督與滇都督迅速電商。妥籌蜀滇聯軍辦法。多派勁旅。或出漢中。連絡秦晉。或順流而下。轉攻豫省。以圖北伐。而復漢土。不勝禱盼之至。並請傳諭開導人民。以免疑慮。是幸。

四一、十一月初九日 清廷諭開臨時國會 伍唐議決召集國

## 民會議辦法四條

初九日、接北京來電。謂清廷諭開臨時國會。由國民公決政體。唐紹儀遂奉旨復與伍廷方繼續會議。在滬議決召集國民會議辦法四條。

、國民會議。由各處代表組織。每一省爲一處。內外蒙古爲一處。前後藏爲一處。

二、每處各派代表三人。每人一票。若有某處到會代表不及三人者。仍有投三票之權。  
三、開會之日。如各處到會之數有四分之一。即可開議。

四、各處代表江蘇安徽江西湖北湖南山西陝西浙江福建廣東廣西四川雲南貴州。  
由中華民國臨時政府發電召集。直隸山東河南奉天吉林黑龍江甘肅新疆。由清政府發電召集。并由中華民國政府電知該省諮議局。內外蒙古西藏。由兩政府分電召集。

以上四條。已經雙方代表簽定。惟會議地點及開會日期。尙未議定耳。

是日得外人報告。謂北京政府。聞兩廣北伐之師。將由海道長驅直入渤海。以威脅北京之側面。甚爲恐慌。已將駐奉天新民府之步隊第八十標。馬隊第二十標。在秦皇島附近集中。與永平府之步隊第七十九標警戒渤海沿岸各處。又聞山西民軍敗退於太原之南。故正太鐵路。仍爲清軍所有。又聞張勳殘部。在徐州附近。對於安徽北部。似有取攻勢之動作。

是日黎致各省都督暨外交部伍總長電



頃據浦口柏統制文蔚電稱。潁州府失守。守城各員墜城而下。於今日抵浦。據云敵軍率兵陸續東下。正陽壽州危險萬狀等語。敵處業已在臨淮布置一切。嚴加防禦。尊處務妥爲籌備。是爲至禱等因。查敵軍曾經破約攻陷太和。經我一再詰責。乃以勦匪塗飾。今復破約攻陷潁州。和議豈復可恃。相應電知各處。準備一切。以爲後盾。並乞伍先生與唐使嚴重交涉。

#### 附上海外交伍總長通電一

今日唐使言。自初一會議以後。日日以贊成共和之意。電達袁內閣。昨日接袁電。囑開國民會議。將共和問題。付之多數表決。決定之後。兩方均須依從。爲此欲於今日會議此事云云。廷意共和主義。已爲全國人民所趨向。原不必再開會議。以視民情。但此亦可爲解決目前問題之一法。因與唐使開議。決定如左。(一)現在兩方用代表會議。解釋狐疑。以安大局。特訂定條款如左。(二)開國民會議。解決國體問題。從多數取決。決定兩方均須依此。(三)國民會議未解決國體以前。清政府不得提取已經借定之洋款。亦不得再借新洋款。(四)自十一月十二日早八時起。所有山西陝西湖北安徽江

蘇等處之清兵。五日之內。一律退出原駐地方百里以外。祇留巡警保衛地方。民軍亦不得進佔以免衝突。俟於五日內商妥退兵條款。按照所訂條款辦理。其山東河南等處民軍已經佔領之地方。清軍不得來攻。民軍亦不得進攻他處。至於國民會議辦法。地方日期等。及清軍退兵條款。均於明日續議。隨時電聞。祈卽電告各軍隊。按照第四條辦理爲禱。

#### 附上海外交伍總長來電二

頃唐使言接袁內閣電開。漢陽清軍輜重甚多。恐五日之內。不能盡退出百里以外。今已發電於十一月十二日八時起退兵。惟何日始能退盡。明日再行電覆等語。特聞。

#### 又致南京代表團電

頃接程陳兩都督公電。略謂南洋各埠華僑總代表吳世榮。美洲各埠華僑總代表馮自由。已到滬。擬赴南京組織臨時政府會。似當允其有選舉投票權。如何之處。惟公定之云。查此次選舉大總統。其投票權。每省不過一票。海外同胞散居各處。綜而言之。以南洋美洲爲多。類能關懷祖國。見義勇爲。此次既被公舉而來。自當優其權利。如內地各省代

表。使每代表有一票之權。惟正其名曰。東半球華僑代表。西半球華僑代表。不審以爲當否。

#### 程陳兩都督自上海來電

南洋各埠華僑總代表吳世榮。美洲各埠華僑總代表馮自由。已到滬。擬赴南京組織臨時政府。會南洋美洲華僑千數百萬。關於革命事業及共和主戰之進行。助力甚大。此次公舉代表赴會。似當允其有選舉投票權。如何之處。諸公等定之。惟明日卽行正式選舉大總統。是否請迅速電覆南京代表團爲禱。

蓋武昌自起義以來。凡日知會起義黨員。早主張電請孫文回國。主持國是。各省均主張一致。孫中山亦知各省之公舉。已決定。遂於是日分贈十七省代表每人二百元。

#### 四二、十一月初十日 十七省代表舉孫文爲臨時大總統

初十日、接上海來電。謂公舉孫文爲臨時大總統。黎都督及武昌各機關去電道賀。聞是日到會者凡十七省代表。四十五人。浙江代表湯爾和主席。共投十七票。按臨時政府組織大綱第一條之規定。滿投票總數三分之二以上者當選。投票結果。孫文得十六票。遂

當選爲中華民國臨時政府第一任大總統。

是日接偵探陳成城報告。謂清軍利用議和停戰期間。連日預備戰事。甚爲忙碌。彼在黃陂已設有司令部。以防我軍由黃陂進攻。目下段祺瑞之司令部。在大智門火車站。自武勝關以南。清軍兵力仍約兩萬。夫役及補充兵不在其內。

同日接蔣翊武報告。謂漢口清軍表同情於我革命軍者。日益繁多。逐日有人接洽。已將接洽妥協官兵名冊。送至武昌。并云清軍各隊。不願再戰。我軍可爲樂觀。

是日總司令官吳兆麟。因停戰日期。行將屆滿。即召集各部隊長官。於洪山總司令部開軍事會議。決定之事如下。

一、令各部隊防禦布置事。

一、令兵站總監胡捷三籌備轉運事。

一、令船政局長張福麟籌畫輸送事。

一、令各部隊與左右翼軍協同動作與連絡事。

是日黎致楚泰馬艦長電

頃准黃部長鍾瑛電。稱十二日江元送餉來鄂聽調。又據上海伍總長南京徐總司令官電。稱英國景定輪。初九晚由滬裝運軍火百箱。往長江內九江勃藍伯船用五十九箱。漢口梯而船用二十箱。漢口惟勤船用十九箱。該埠恰疊墨斯船用二箱。領有海關准單。須飭各砲台及各兵艦詳查放行等因。又據駐漢俄領事函。稱該國停泊本埠船。載車馬兵丁。本日即駛往上海。恐長江有所妨碍。請知照沿途漢軍駐紮兵丁各砲台兵艦等。無庸聲砲等因。合亟飭知各處查照爲要。

附上海外交伍總長來電

頃准英總領事函開。茲有英太平洋行特爲本國水師官運載軍火以備上游英國砲艇之用。由景定輪船運往。於今夜展輪。統計該貨爲九江勃藍伯船用者五十九箱。爲漢口梯而船用者二十箱。爲漢口惟勤船用者十九箱。爲該埠恰疊墨斯船用者二箱。領有海關出口准單。請煩通知沿路民軍領袖。俾利進行等語。特此電聞。又致長江各都督電

頃已由敝處外交部長面商駐漢英德各領事。嗣後凡各國商船由長江上下者。均須在

九江檢查。以外各埠。但驗檢查票即可放行。各領事均已照准。乞尊處查照辦理。  
十一日黎大都督視民軍與清軍停戰之期將滿。遂發下各軍之訓令如左。

中華民國中央政府湖北大都督訓令

十一月十一日午前八時  
於武昌都督府

一、綜合各種情報。敵軍主力仍在漢口漢陽一帶。黃孝方面亦派有軍隊據守。又黃孝以北沿京漢綫各要地。皆有兵佔領。

我廣東援軍已抵上海。

我南京安徽軍已準備向徐州進攻。

我陝西軍已準備向河南進攻。

二、本軍擬於明十二日午前八時停戰期滿。如不續行停戰。準備以主力防禦武昌附近。以一軍向黃陂進展。攻擊敵之左側。以一軍向孝感進展。攻擊敵之右側。

三、戰時總司令官吳兆麟。率所屬軍隊。於明十二日午前八時。仍佔領青山至金口一帶防禦。但派一部佔領黃州及簪洲附近。并須援助左右翼兩軍。

四、右翼軍總司令官李烈鈞。率所屬部隊。明日午前八時。準備由原地前進。向黃陂方

面威脅敵之左側背。

五、左翼軍司令官趙恒惕。率所屬軍隊。明日午前八時準備前進。向孝感方面威脅敵之右側。

六、海軍司令官馬墳鈺。率第一第二艦隊。明日午前八時。在陽邏青山附近游弋。俟我右翼軍攻擊漢口時。即援助進攻。

七、余在武昌城內都督府。

### 都督黎元洪

是日戰時總司令官吳兆麟接得大元帥訓令。即發下命令如左。

民軍戰時總司令官命令

十一月十一日午前十時  
於洪山總司令部

一、清軍以主力佔領漢口漢陽。以一部佔領黃陂孝感。又黃孝以北。沿京漢綫各要地。皆有兵佔領。

我右翼軍。明日準備向黃陂方面前進。威脅清軍之左側背。

我左翼軍。明日準備向孝感方面前進。威脅清軍之右側。

我海軍。明日在陽邏青山游弋。援助我右翼軍進攻。

我廣東援軍。已抵上海。

我南京安徽軍。準備向徐州進攻。

我陝西軍。準備向河南進攻。

二、本軍擬於明日午前八時停戰期滿。如不續行停戰。仍在武昌附近沿江一帶防禦。并援助左右翼兩軍。

三、各部隊明日午前八時停戰期滿。如左佔領陣地。

第一區竇司令官。率所屬部隊。仍佔領原陣地。但派步隊第三協援助右翼軍。

第二區何司令官。率所屬部隊。仍防禦原佔領陣地。

第三區張司令官。率所屬部隊。仍佔領原陣地防禦。并須在各要地施行佯渡。

第一支隊羅司令官。率所屬部隊。仍在原陣地防禦。先鋒軍第一混成協王統領。率該協及湖南先鋒軍第一標。佔領黃陵磯王家嶺附近。援助我左翼軍。

第二支隊鄧司令官。派一部佔領金口及香蒲山附近。掩護該處砲隊。其餘所屬部隊。



俟先鋒軍至黃陵磯及王家嶺時。卽行撤收至武昌城內。三十一標營房。集合待命。步隊獨立標張統帶。率該標仍佔領黃州麻城掩護。

四、馬隊第一標王統帶。率該標（欠一營）同第二標劉統帶。率該標（欠二營）仍在原陣地集合聽調。明日須派偵探赴左右翼搜索。并設遞步哨。

五、近衛軍第一混成協。統領高尙志。率該協爲總預備隊。在城內左旗營房集合待命。  
六、余在洪山寶通寺。

總司令官吳兆麟

是晚上海伍代表來電。謂續行停戰十五日。黎大元帥卽轉知各軍停止進攻。仍各在原陣地準備候命。

是日黎致南京臨時政府賀孫文當選爲臨時大總統電

頃接各省代表會蒸電。稱臨時大總統之任。先生當選。曷勝欣賀。先生識高千古。慮周全。球。挽末世之頹風。復唐虞之盛治。使海內重覩漢官威儀。不獨四萬萬同胞之福。卽東西各國。亦莫不景仰高風。爲中華民國慶。專此電賀。中華民國萬歲。中華民國大總統萬歲。

附來電

武昌舉義。四海雲從。列國輿論。歌誦民軍。無微不至。而尤欽佩公之艱苦卓絕。文於中國革命。雖奔走有年。而此次實行。并無寸力。謬蒙各省代表舉爲總統。且感且愧。惟有勉爲其難。以副公之盛意。武漢爲全國之樞紐。公之責任維艱。伏維珍重。

附南京各省代表通電

本日在寧開臨時大總統選舉會。到會者十七省。孫中山先生當選爲臨時大總統。特此布告。

又致上海陳都督電

蒸電悉。三巴壘助款四萬元。敝處已屬駐滬胡君瑞霖領取。請卽向胡處撥作北伐之用。現已另電胡遵辦。並電謝矣。

附三巴壘華僑國民捐會來電

請向上海匯豐收四萬元。充聯軍北伐之需。早奏大功。以慰民望。

附上海陳都督來電

爪哇三巴壟國民捐會。於初八日由匯豐電匯尊處洋四萬元。果否收到。囑敝處轉詢。希卽電復。再委付飛艇價洋八千元。到時當照付。勿念。

又致九江馬都督電

蒸電悉。具仰蓋籌。滇軍已屯叙州。昨曾電請蒲都督電商蔡都督。會滇蜀之兵。或東下援鄂。或出師漢中。聯絡秦晉。以作攻豫攻燕之計。深幸與偉畫暗合。

附通電

清廷近於和議期內。犯我潁州。我聯袂諸省。兵力雖屬可恃。然恐戰期延長。多傷壯士。多竭經濟。國力徒傷。將來難禦外患。毓寶擬聚最優勝之兵力。一舉而直搗燕京。敝省精兵。均已調集九江。以備待機出擊。然兵最貴集結。其集中計畫。不可不預定。黎元帥及各都督當亦有所預籌也。惟思滇省平時已編練精兵約四鎮。川省編練兩鎮餘。若能抽調該兩省之兵以作後援。甚爲得力。現敝處已電滇省。尙乞諸公專電該兩省。責以大義。必可收效。

四三、十一月十二日 十七省代表特派正副會長赴滬迂孫

十二日、武漢民軍與清軍彼此放槍。幾復開戰。旋北京袁內閣。電在漢口清軍。謂如有擅自開槍之兵士。即行槍決。黎大元帥亦傳知各軍。仍佔領原陣地。嚴加警戒。須遵照議和條件。飭各軍確守射擊軍紀。

是日南京十七省代表。特派正副會長湯王二人至滬。恭迓臨時大總統孫文。

是日黎覆上海陳都督電

真電悉。南洋巴地智育會。由匯豐匯到洋一萬三千元。暫存尊處亦可。然敝處在滬。差款甚鉅。以後如有急需之處。再行指撥。

附來電

南洋巴地智育會。由匯豐匯到洋一萬三千元。囑解尊處。現暫存敝處。先此電聞。

附巴城華僑智育會來電

由滬陳都督轉一萬三千元。乞收。寢日一萬接否。乞復。

又復長沙譚都督電

真電悉。昨日伍公通電。諒覽。敵軍已實行退出兩漢。貴省及桂寧贛各軍。均抵敵省。貴軍

# 武昌革命史 正編

四四、中華民國元年一月一日 孫文就臨時大總統職 中央  
政府成立於南京 改用陽曆

十三日（即西曆一千九百十二年一月一日）接南京來電。謂中華民國臨時大總統孫文就職。於是設中央政府於南京。

聞是日晨。孫文携顧問霍馬理（美國軍官）等。偕代表會會長湯爾和等。由滬乘專車赴

四四中華民國元年一月一日孫文就臨時大總統職中央政府成立於南京 五一七

南京。午後十時行臨時大總統受任禮於江蘇諮議局。卽以諮議局爲總統府。各省代表及海陸軍代表畢至。奏軍樂。歡呼共和萬歲。代表團推景耀月報告選舉情形。謂今日之舉。爲中國五千年歷史所未有。我國民今日所希望者。在共和政府之成立。以掃除滿洲專制政府。使人人得到自由。孫先生爲近代革命之先覺。富有政治學識。今日就臨時大總統之職。願孫先生始終愛護民國。毋負國民期望。并請大總統向全國國民宣誓云云。孫大總統卽宣誓曰。

傾覆滿洲專制政府。鞏固中華民國。圖謀民生幸福。國民之公意。文實遵之。以忠於國。爲衆服務。至專制政府旣倒。國內無變亂。民國卓立於世界。爲列邦所公認。斯時文當解臨時大總統之職。謹以此誓於國民。

宣誓畢。代表團授以大總統印。并致頌詞曰。

惟漢曾孫失政。東胡內侵。淫虜猾夏。帝制自爲者。垂三百年。我皇漢慈孫。呻吟深熱。慕美利堅法蘭西人平等之制。用是羣謀衆策。仰視俯劃。思所以傾覆虐政。恢復人權。迺斷頭戡胸。羣起號召。流血建議。續法美人共和之戰史。今三分天下。克復有二。用是建立民國。

期成政府。揀選民主。推置總統。僉意能尊重共和。宣達民意。惟公賢。廓清專制。鞏衛自由。惟公賢。光復禹域。克定河朔。舉漢滿蒙回藏羣倫。共覆於平等之政。亦惟公賢。用是投匭度情。徵壓紐之信。衆意所屬。羣謀僉同。既協衆符。歡迎擁戴。要知我國民久困鈐制。疾首蹙額。望民主若歲。今當公軒車蒞任。蒼白扶杖。子女加額。焚香擁簪。感激涕零者。何也。汴舞自由。敦重民權也。用是不吝。付四百兆國民之太阿。寄二億里山河之大命。國民委託於公者。亦已重哉。繼自今。惟公翼翼。毋違憲法。毋拂輿意。毋作威福。毋崇專斷。毋曜非德。毋任非才。凡我共和國民。有不矢忠矢信。至誠愛戴。軒轅金天列祖列宗七十二代之君。實聞斯言。代表等受國民委託之重。敢不盡意。謹致大總統璽綬。俾公發號施令。崇爲符信。欽念哉。

孫大總統敬受印綬。卽啓印鈐於宣言書。書曰。

中華民國締造之始。而文以不才。膺臨時大總統之任。夙夜戒懼。慮無以副國民之望。夫中國專制政治之毒。至二百餘年來而滋甚。一旦以國民之力。踣而去之。起事不過數旬。光復已十餘行省。自有歷史以來。成功未有若是之速也。國民以爲於內無統一之機關。

於外無對待之主體。建設之事。刻不容緩。於是以組織臨時政府之責相屬。自推功讓能之觀念以言。文所不敢任也。自服務盡職之觀念以言。文所不敢辭也。是用阻勉從國民之後。能盡掃專制之流毒。確定共和。普利民生。以達革命之宗旨。完國民之志願。端在今日。敢披肝瀝胆爲國民告。國家之本。在於人民。合漢滿蒙回藏諸族爲一家。是曰民族之統一。武漢首義。十數行省先後獨立者。對於滿清爲脫離。對於各省爲聯合。蒙古西藏。意亦同此。行動既一。決無歧趨。樞機成於中央。斯經緯周於四至。是曰領土之統一。血鐘一鳴。義旗四起。擁甲帶戈之士。遍於行省。雖編制或不一。號令或未齊。而目的所在。則無不同。由共同之目的。以爲共同之行動。整齊劃一。夫豈甚難。是曰軍政之統一。國家幅員遼闊。各省自有其風氣所宜。前次清廷強以中央集權之法行之。以遂其僞立憲之術。今者各省聯合。可謀自治。此後行政。期於中央政府與各省之關係。調劑爲宜。大綱既挈。條目自舉。是曰內治之統一。滿清時代。藉立憲之名。行歛財之實。雜捐苛稅。民不聊生。此後國家經費。取給於民。必期合於理財學理。而尤在改良社會組織。使人民知有生之樂。是曰財政之統一。此上數者。爲行政之方針。持此進行。庶無大過。若夫革命主義。爲吾儕所倡。



言。蓋國所同喻。前此雖屢起屢蹶。外人無不鑒其用心。八月以來。義旗颯發。諸友邦對之。抱和平之望。持中立之態。而報紙及輿論。尤每表其同情。鄰誼之篤。良足深謝。臨時政府成立以後。當盡文明國應盡之義務。以期享文明國應享之權利。滿清時代辱國之舉措。及排外之心理。務一洗而去之。持和平主義。與我友邦益增親睦。使中國見重於國際社會。且將使世界漸趨於大同。循序以進。不爲倖獲。對外方針。實在於是。夫民國新建。外交內政。百緒繁生。文顧何人。而克勝此。然而臨時政府。革命時代之政府也。十餘年來。以至今日。從事於革命者。皆以誠摯純潔之精神。戰勝其所遇之艱難。即使後此之艱難。遠逾於前日。而吾人惟保此革命之精神。一往無阻。必使中華民國基礎。確立於大地。此後臨時政府之職務始盡。而吾人始可告無罪於國民也。今以與我國民初相見之日。披布腹心。惟我四萬萬同胞鑒之。

宣言後。即發令改用陽曆。以黃帝紀元四千六百零九年十一月十三日。爲中華民國元年元月元日。以新耳目。方今世界交通。皆用陽曆。惟中國以農立國。行夏之時。便於農事。外與萬國周旋。確以陽曆爲便。

黎大元帥得改用陽曆之電。極表贊同。并電賀孫大總統就職之典禮。（自今而後。以陽曆紀事。）

是日黎致南京臨時政府並各省都督電

伍公與唐使開四次會議。所議各條。極爲周到。但事體重大。間不容髮。亟宜格外嚴密。以防萬一之敗。茲略述管見如左。一、會場宜仍設上海。萬不可移於他處。二、會期宜速。萬不可多延時日。三、民國代表宜選確抱共和宗旨者。萬不可失人。四、此會事關特別。宜用記名投票法。并將省分注明。以防流弊。餘則乞諸公妥爲籌畫。以免疏漏。民國幸甚。

又致南京臨時政府並各省都督電

陽夏敵軍。不第不遵約退出百里以外。且肆行射擊。反圖進攻。頃探得確情。彼軍謂民軍既舉有總統。同人生計將絕。并謂此後之戰。皆爲項城。非爲滿洲云云。鄙意項城胸懷磊落。名滿天下。此次以仕清廷。未克與選。識者惜之。方期和議早成。彼此共享共和之福。人望如項城。何至不能與選。若果如敵軍所云。不第爲項城盛德之累。且以違約見責於友邦。恐非項城所許。爲此通告。并乞伍先生速與唐使嚴重交涉。請其急電項城。飭軍隊如

約退出百里之外。以昭孚信。否則冠裳之會。變爲干戈。塗炭生靈。端自彼開。我可告無罪於天下矣。

又致上海伍外交總長電

元電悉。陽夏北軍。以袁未得舉爲大總統。違約不退。肆行對我射擊。我惟飭軍嚴守。并未還擊。今午曾電請先生向唐使交涉。所言甚詳。計達尊覽。今讀來電。渠竟誤聽人言。反謂我軍先開仗。無任駭異。務乞俯察前電。與之辨駁。幸甚。

又致上海伍外交總長電

連接來電。云我軍違約開槍。實係敵人詭傳。據司令部報告云。日昨沌口敵人先開槍擊我。我游擊隊還擊。尙係小戰。昨午敵人轟擊武昌。當斃銅幣局二人。糧道街商民三人。顯係敵人違約。且據英領云。敵人以項城未選總統。渠等絕望。故決死戰。其情形前已電達。現我軍已違約停擊。并望向唐使速電敵兵如約退出百里以外。我軍已經申警軍令。萬不可輕於開槍。如違以軍法從事。并懇以此情形。轉達唐使爲要。

又覆九江馬都督電

文電悉敵處切盼援師。多多益善。衡其輕重緩急。今日正陽壽州之兵力。似宜較蘄黃加厚。倘得劉軍紮駐蘄黃。厚吾兵力。是誠元洪所切盼者。顧以大勢觀之。敵已攻陷潁州。由潁入淮。計程不過兩日。正陽壽州爲皖北門戶。似宜分駐重兵。防敵南下。柏軍建功金陵。聲望素著。不難獨捍勁敵。何待他軍之後盾。然劉統領於皖豫淮兗一帶。地勢人情極熟。若使之助守。以備進攻河南。間接援鄂。其造益敵省。與駐守蘄黃無異。目下黃孝一帶屯兵已近一鎮。其勢尙屬堅固。敵軍未必卽能東竄。衡其輕重緩急。似宜查照尊處計畫。仍使劉軍間接援鄂。將來皖贛之軍。溯潁以達周家口。敵軍攻其側面。會師郢城。不難尅日奏功。高明以爲如何。

### 附來電

現我於金陵建設臨時政府。是今後金陵爲我民國之政界要點。故清軍之作戰方針。似又改向金陵。其可供判斷之證據者有三。(一)清廷已下明諭。將皖北劃歸汴省屬轄。是其欲便於運兵皖北也無疑。(二)清廷又運動英使。不以武漢爲戰場。是其欲抽兵於皖北也亦無疑。(三)清廷已簡總兵攻我潁州。其所領之兵亦必在一協以上。而

決非一小支隊也亦無疑。因此三者。可知敵之作戰方針。已改向金陵。將來戰場。必在皖南皖北之間。若我不預於停戰期內召集兵力於皖北。待機而動。倘一旦和議決裂。皖北恐非我有。寧皖唇齒機關。不得不先事預防。以毓寶所見。擬在議和期內。各省聯合。召集兵力於廬州附近。和議不成。即可一鼓北向敵人。尙望格外注意。各省如何處置。或另有他見。希速賜復。

又覆湘桂沈總司令電

文電敬悉。當飭交通部派快利。尅日迎迓。惟聞水淺。只能達蘆林潭。請麾下乘拖駁到湘。再登該輪下駛。

附來電

承派趙君均騰。今日抵湘謁見。備述盛意。至感。敝司令部刻定十五出發湘省。現只拖駁。缺乏大輪。請飭快利輪船。尅日駛湘。以備乘載。而期便捷。無任企禱。並盼電復。

又覆長沙譚都督電

文電悉。裝藥事已飭軍務部趕辦。槍彈尙未到。敝處亦竭力籌款匯交。俟其到時再電告。

附來電

真電悉。裝藥事。紆感。槍款共差若干。乞示。

又致長沙譚都督電

據轉運公所孫斌。稱鄂省需用頭號油煤甚鉅。請速運五十噸。陸續派輪拖運來鄂以濟軍需。

附來電

電悉。貴省需煤急圖接濟。惟運煤輪駁均在下游。乞飭船政局速飭萍輪多帶空駁來湘。以便速運。盼切。

又致青山楚泰馬艦長電

頃據黃州高知事電。請留江貞防該郡。當電許留黃暫泊。俟派兵一營到黃後。即行上駛。仰即遵照。

附黃州高知事來電

前奉東電。武漢兩岸。均屬要隘。欲留江貞兵艦停泊。所見極是。當電楚泰艦長。飭各兵

船輪流停泊等因。卽日江貞艦長得馬艦長電。派江貞駐黃防守。黃民感戴。頃江貞艦長接到馬艦長來電。派該艦赴陽邏。黃郡兵力極薄。黃郡全體環稟知事。轉懇大都督准再賞留江貞兵艦駐黃。理合轉稟。請卽核覆。

又致黃陵磯左翼軍趙司令官電

敵軍違約。於五日以內退出原駐地方百里之外。該軍不得乘其退時。任意追襲及射擊。仍須保持現勢。嚴爲警戒。并希迅告附近各軍隊爲要。

又寄襄陽張司令國荃荊州唐司令犧支電

現議和已有條件。自冬月十二日上午八時起。限五日內北軍退出原駐地方百里之外。民軍不得追襲。定期在申開國民大會。解決國體問題。從多數取決。決定後。兩方面均須依從。仰速飭駐襄及安陸各民軍。須遵守條約。嚴防原駐地方。萬不可追襲。致使北軍藉口。外人詰責。

附襄陽張司令來電

電謹悉。查前數日有北兵四百餘人。由隨州至棗邑邊界之隨陽店。南陽謝鎮亦帶兵

八百餘人至襄邑邊界之新店舖。我軍先鋒分兩路出發。一駐襄陽城外。一駐襄陽北鄉呂堰驛。準備進攻。茲奉前因違飭該先鋒隊嚴防邊境。不可妄進。並電安陸各民軍知照。季雨霖君大隊開抵安陸。亦應遵守條約。嚴防原駐地方。不必來襄。和議結果如何。乞隨時指授機宜。以定進止。

附荊州唐司令來電

奉電開。冬月十二日起。五日內北軍退出原占地百里外。民軍不得追擊等因。當即飛飭前進軍隊。恪遵電諭。勿稍違犯。惟會議如何解決。或戰或和。祈電示以便遵循。

又致爪哇泗水書報社電

前匯寄滬匯豐銀行二萬元。本軍政府已着駐滬胡君子笏領取。該行尙未成交。請貴社電知該行交滬棋盤街經武公司胡君子笏親收。勿任感謝。

附來電

請領滬匯豐二萬元。收到乞復。

四五、一月二日

清代表唐紹儀辭職照准袁世凱與伍廷芳直



## 接電商和議

一月二日。據外人通知。謂清軍准於日內撤去漢口漢陽之砲隊。并輜重等件。退至孝感。又據各方情報。清軍謂民軍既舉孫文爲總統。指爲無誠意議和。欲將退兵之事。作爲罷論。

同日接上海來電。謂唐紹儀辭北方議和代表職。

是日袁世凱聞南京臨時政府成立。極不滿意。即電伍廷芳。謂唐代表權限所在。祇以切實討論爲範圍。其所議各條。未與本大臣商明。遽行簽定。其中實有必須聲明及碍難實行各節。電請唐代表轉致。嗣據唐代表一再辭職。現經允准。自後所商事件。即由本大臣與貴代表直接電商。冀可和平解決云云。

伍廷芳即覆袁世凱電。謂唐使來滬。携有全權代表文憑。五次會議所訂各條。一經簽字。即生遵守之効力。來電所云。不能承認。且電商極爲不便。請清內閣總理來滬面商云云。袁世凱又致伍廷芳電。謂貴代表既以電商爲不便。則請貴代表親來北京面商。又謂召集國會開議。每省代表只定三人。仍蹈少數專制之弊。又謂不能承認中華民國臨時政

府國體問題。既由國會解決。現正商議辦法。乃聞南京忽已組織政府。顯與前議相背。此次選舉總統。是何用意云云。

伍廷芳又覆袁世凱電。謂現在民軍光復十餘省。不能無統一機關。在國民會議未決議以前。民軍組織臨時政府。選舉臨時大總統。此乃民軍內部組織之事。爲政治上之通例。若以此相詰。請還問清政府。國民會議未決以前。何以不即行取消云云。

於是往返電詰。一日數次。和議幾致破裂。但彼此商議需時。乃繼續停戰十五天。是日黎致上海陳都督電。

頃據駐滬兌換局劉樹杞報告。兌滙事已承認。請飭滬理財部轉知駐滬劉委員一體照辦。

又致南京臨時政府孫大總統電

蒸日得代表團來電。知先生被舉爲大總統。當即電致金陵。奉塵左右。爲四萬萬同胞忭賀。昨接陳都督來電。知先生改定正朔。與民更始。并於元旦到事就任。前電諒邀鈞鑒。同人正值開會慶祝。忽奉先生由滬真電。獎借逾恒。莫名慚悚。伏思元洪才識凡庸。素無表

見。此次發難。皆賴羣策羣力。共赴事機。元洪何人。敢叨天之功。以爲己有。先生首倡大義。奔走呼號。二十年如一日。薄海內外。莫不欽仰高風。濡沐仁化。西哲云。言論者事實之母。此次實行。豈惟元洪身受其賜。我黃帝在天之靈。實式憑之。乃至德冲虛。益自謙挹。捧讀之下。感愧交集。武漢獨當敵衝。任大責重。深懼弗勝。惟有夙夜孳孳。萬不敢稍恃和議。致懈枕戈。

#### 南京代理參議院通電

今日議決。改用陽曆及中華民國紀元。明日卽爲中華民國元年初一日。臨時大總統孫。卽於是日到寧。發表臨時政府之組織。請卽公布。

#### 又致南京臨時政府電

現在共和政府成立。凡各省都督印信式樣。及關於大局要事。請卽規定。以便一律遵行。免致參差。盼覆。

四六、一月三日 十七省代表舉黎元洪爲副總統 南京內閣

成立 又由十七省代表定五色旗爲中華民國國旗

三日、接南京來電。謂公舉鄂大都督黎元洪爲臨時副總統。兼海陸軍大元帥。先是推黃興爲大元帥。以黎元洪副之。至是改推黎元洪爲大元帥。黃興副之。蓋一月一日、孫文既就臨時總統職。代表團遂議決。謂臨時政府應添設臨時副總統。卽於是日開會投票選舉。黎元洪得十七票。全場一致。當選爲臨時副總統。又組織內閣。設陸軍海軍司法財政外交內務教育實業交通九部。各任總長一人。次長一人。提出代表會徵求同意。代表會通過。於是卽日公布如下。

陸軍總長黃興。次長蔣作賓。

海軍總長黃鍾瑛。次長湯壽潛。

司法總長伍廷芳。次長呂志伊。

財政總長陳錦濤。次長王鴻猷。

外交總長王寵惠。次長魏宸組。

內務總長程德全。次長居正。

教育總長蔡元培。次長景耀月。

實業總長張 謇。次長馬君武。

交通總長湯壽潛。次長于右任。

南京政府於是成立。又以武昌所定之國旗。以紅黃藍白黑代表漢滿蒙回藏五族共和。以武昌起義所用之鐵血十八星旗。爲陸軍旗。以陸皓東所造之廣州革命青天白日旗。爲海軍旗。

但袁世凱聞以五色旗爲國旗。卽向其外國顧問莫禮遜（英探）曰。五色未必染成。恐遇風雨變成糊塗也云云。

又南京政府。創設法制院。并刊印臨時政府公報。而各部之設施。陸軍部卽頒臨時軍律。限制各省招兵。內務部則整頓全國警察。保護人民財產。財政部則取締各省借外債。發行全國公債。外交部則盡力保護外人。敦睦隣國。

是日接駐俄公使陸徵祥電。謂已聯合駐各國公使。電請清帝退位。

是日據漢口英領事照會。謂清軍仍擬退出漢口。蓋因輜重太多。車輛過少。恐五日內未能退盡。現停戰期間。再展限九日。自陰曆十一月十二午前八時起。至十一月二十六日。

午前八時止。

是晚武昌有熱心利祿者。因聞清軍擬退出漢口。而停戰又更展期。不勝狂喜。先是數日前杜錫鈞獻媚孫武。秘請孫武等磋商。請孫武等速往滬一行。謂現在停戰議和。大事已成。有一般同志非常疑忌先生。我們有一般人是很敬仰先生的。可惜我們團體太薄弱。我們常聽他們一般人說。對於先生極爲憤恨。先生又無兵力。如不好爲預防。先生將來是很危險的。幸上海有一班新從北方失敗之寓公。如石星川唐克明輩。常有電與我。願回湖北替先生効力。如先生親到上海連絡。邀同一般閒散軍人來鄂。輔助先生辦事。將來先生前程。未可限量云云。孫武然之。於是與黎元洪面商。攜帶巨款。往滬數日。軍務部事。請黎都督派蔡濟民暫爲代理。及孫武抵滬。正南京組織臨時政府。孫武極欲加入南京政府。黃興等均置之不理。適劉成勳以私事恨黃興。於是孫劉結爲一氣。事事以反對黃興雪恨。遂約同譚州失敗之一班逃官唐克明石星川等回武昌。唐克明慕黎元洪之大名。因改姓黎。曰黎本唐。孫武率同入見黎都督。因與密商湖北軍政府改組。武昌自此多事矣。

是日黎覆貴陽楊都督電

庚電悉。現在停戰議和。君主民主問題。由各省代表三人。在上海開會議決。大約數日內。可揭曉。如達共和目的。固屬萬幸。設不如願。惟有以戰爭爲第二之解決。願共討軍實以待。

附來電

黔獨立後。省城安靖。外府縣土匪猖獗。派兵分巡。勢猶未戢。誠前月二十二日親率大軍撫剿。現抵鎮遠。暫駐策應。鄂近局如何。乞卽電示知盼切。

又覆長沙湘桂聯軍沈總司令電

鹽電敬悉。麾下准明日起節。至爲欣慰。承命備槍。理應遵照。奈所有槍支。盡資前敵。敵處衛兵。亦多徒手。待新購之槍到時。當卽如命。

附來電

敵部倉卒組織。諸未完備。刻准十五出發。直赴金口。惟湘省槍械。均已發給前敵軍隊。敵部衛兵。經湘派精練五百。搜給槍枝。僅得百桿。餘均徒手。斷難因此再延。擬借鄂槍。

四百桿。俾資濟用。明知鄂械已絀。然爲數無多。必獲慨允。可否派弁運至金口。不勝感盼。祈賜電復。

又寄岳州兵站吳友松電

電稱彭壽記張恒興等爲奸商。必須查有接濟敵人實據。方可處治。不得以莫須有二字。陷害商人。查文明各國。均以保商爲第一要義。仰速派砲船將彭壽記等米船十七支護運來省。以便訊明發落。庶免誣枉。

一月四日。接偵探報告。謂清軍擬退出漢陽。在兵工廠原存子彈。聞已運往後方。又據偵探報告。謂漢陽清軍。確已準備退出。集中於祁家灣。惟兵工廠仍擬留兩營步兵防禦。

是日武昌同人計議。謂清軍忽然退却。其軍事上或變更作戰計劃。亦未可料。或因京漢綫上發生危險。故而後退。集中於適當之地防禦。或向他方面攻擊。自在意中。我右翼軍擬以祁家灣爲目的。準備進攻。派第一梯隊同第二梯隊佔領响山至沙口之綫。是日黎致南京臨時政府並各省代表各省都督電



連接各省代表會。與本省代表來電。知中央政府舉元洪爲臨時副總統。聞命之餘。慚悚交并。元洪才識平庸。素無表見。自起義以來。全賴羣策羣力。互相維持。以武漢一隅。而收十七省益地之圖。以前後兩月。而雪三百年數天之憤。諸君子創其苦因。而元洪收其樂果。縱諸君子謬蒙推獎。能勿慙然。現在和議未定。戰事方棘。尙望諸君子堅矢初心。共襄盛業。勿爭權利而越範圍。勿懷意見而分門戶。勿輕敵而有驕心。勿畏難而萌退志。豈惟我中國父兄子弟羣相託命。環球萬國。將於是觀聽隨之。元洪有厚望焉。

附南京各省代表團來電

各省代表會於元年元月二日。決議選舉臨時副總統。卽於三日上午十時開選舉臨時副總統大會。我公當選。除通告全國外。并由本會特派員資各省代表簽名書。敬呈鈞鑒。兼表歡迎。

附南京臨時政府來電

今日參議院選舉副總統。經全數投票。舉我公充任。共慶得人。謹爲民國前途賀。又覆貴陽楊都督電

東電備悉。秦晉及北方起義諸軍。當以全力爭之。不可聽其獨陷危險。誠屬卓見。黔省餉械俱缺。援川外不能來鄂。敵處早知。至擬送武備速成卒業生來湘選用。尤見厚意。惟湘軍是否需人。敵處不得其詳。請電詢湘省爲荷。

### 附來電

用兵各策。處置最當。秦晉及北方起義諸軍。吾同志之最苦者。當以全力爭之。必不可聽其獨陷危境。已電商滇蜀兩省。須以全力速籌北進方法。黔餉械俱乏。土匪又熾。援川之餘。不能進湖南一步。遑論來鄂。惟陸軍學生曾在以前武備學堂者。頗不乏人。擬咨送來湘聽候選用。以便他日効力前敵。不能助兵。但助以弁。亦盡力之一法。我公以爲何如。

### 四七、一月五日 清軍退出漢陽

五日。清軍在漢陽之隊伍。已實行退却。據外人通知。謂清軍退却時。民軍仍須遵守停戰條件。不得追擊。

同日有黎之左右杜錫鈞等。與孫武秘商。謂漢陽清軍業已退却。漢口清軍亦準備續退。

是武漢之戰。可以避免。一旦和議告成。則鄂省進行之事甚多。黎都督既公舉爲臨時政  
府副總統。日後都督一席。勢必另行舉人接充。我們主張。是要舉孫先生爲都督的。但是  
先生無有兵權。甚是危險。查現在兵權。都在總司令官吳兆麟一人之手。即黎都督亦不  
能與之相抗。一旦和議成立。鄂省全權。必操之於吳兆麟一人。不如趁此時機。利用組織  
北伐。將吳兆麟調往別處。少帶軍隊。即帶軍隊。必須與吳無關係者。此調虎離山之計。如  
吳兆麟離開武昌之後。則將一切軍隊。請都督下令統歸軍務部節制。又此時由上海帶  
回人員。陸軍人才殊多。設法安插軍隊內。如經先生栽培。將來必爲先生効馳驅。再其餘  
人員。均留於軍務部辦事。以上所議。未審以爲何如。孫武頗以爲然。於是興高彩烈。時與  
杜某秘議進行。

是日黎寄宜昌招撫使蔡漢卿電

頃據各國領事函稱。蜀境地方不甚安靜。恐釀事端等語。查國際交涉。凡屬外人。尤當加  
意保護。仰即轉飭留守兵隊。及地方官商會等處。如有外國教士商人往來鄂境者。務須  
嚴加保護。以篤邦交而免交涉。切切。

## 又寄荆宜司令官唐犧支電

足下以全副精神。經營荆宜。勇敢沈毅。鄙人素所欽佩。頃丁景梁（即丁人傑）等返鄂。得悉種種情節。不勝詫異。鄙人自起義以來。對諸同事。無不相見以誠。豈對於足下反有歧視。荆宜道途遼遠。音問鮮通。一二小人離間。遂令志士灰心。良堪浩歎。足下素具熱忱。仰仍勉爲其難。力圖進行。並傳諭各將士。代達微忱。以全大局。特電飭沙商會撥款一萬串。藉充犒勞之資。嗣後如有重要事件。均可隨時電聞。從長計議。勿庸來省。此復。

## 附來電一

荆宜爲湖北重鎮。司法行政兩機關。已經次第成立。其辦事人員。概行仍舊。一則因其經驗較多。以資熟手。二則恐小人謂犧支濫用私人。致干物議。刻下大局既定。懇派一剛直無私之人。切實調查。是否稱職。昨松滋縣沈知事卸任時。紳民泣留。並開全體大會。來犧支處哀懇。似此官民感情。難免非小人狹嫌誣控之所致。又沙市川鹽局專辦鄒夢麟。犧支因未奉內務部公文。未敢擅准。又施南司令部約兵一標。地方不堪其擾。可否酌調回省。或來荆聽命。又大局暫定。各司令可否擇其不關緊要者。次第取消。又

機支所帶前宜昌巡防兩營。及前四十一標一營。三十二標二三兩營。前沙防一營。與收集不能遣散之鐵路工人。已足一鎮。可否按省城次序編制。荆宜情形。可否來省面稟。以上種切。祈速電示。以便遵行。

#### 附來電二

歌電悉。竊以武漢起義。各省響應。區區荊州孤城。安能久持。前雖血戰數次。亦軍人應盡天職。宜沙兩處市面。全賴衆軍士嚴守紀律。及地方紳商熱心辦事所致。來電獎飾太甚。愧見武漢戰友。以其苦在兵士。功歸長官。竊以爲不可。機支棉薄之才。謬任重託。苟有所見。不敢不陳。近來和議如何。乞電示。

#### 四八、一月六日 漢口清軍亦退

一月六日。漢口清軍亦陸續向北退却。

是日總司令官吳兆麟。聞清軍業經北退。將來不有戰爭則已。如有戰爭。勢必轉守爲攻。故於是日派步隊第八協統領羅洪升。率該協開赴麻城黃安一帶佔領。一則防清軍再南侵。一則爲進攻之準備。

是日蔣翊武報告。謂清軍在漢口被招降人員有四百餘人。均願投効民軍。不願北退。并陸續請都督撥發巨款。惟招降機關。不能即時取消云云。

是日黎致貴陽楊趙兩都督電

頃閱報章。載貴處立法樞密兩院。各樹黨援。想兩都督深謀遠慮。必能防微杜漸。消弭無形。尙希詳示爲禱。

### 附復電

來電敬悉。黔省黨派。發生於諮議局成立之年。是年春間。自治學社成立。九月中旬。憲政會成立。兩黨皆以催促憲政進行爲宗旨。但自治主急進。憲政主漸進。而尤有異者。憲政多貴紳。自治多寒士。以此之故。意見日深。時有衝突。至獨立後數月。競爭尤急。我省舉義之後。長沙繼之。自治中人。密謀響應。而爲憲政所發。互相猜忌。不可終日。乃有黨外數人。出爲調和。期以不相傾陷。始終相安。德全時在新軍。與同志預備舉事。自治中人來相聯合。遂於雲南獨立之後。合力成此事業。事定之後。德全在都督府任軍事。自治黨魁張百麟爲樞密院長。任行政事。張以事體甚大。懼黨人不克負荷。乃與憲政

黨解仇。引其黨魁任可澄爲副院長。期以共濟時艱。而黨員多數。未能消盡畛域。仍復暗鬥。變態百出。樞密立法兩院。兩黨皆各有人。仍爲兩黨之競爭。而非兩院之競爭。是時楊都督在省。德全除軍事外。一不過問。九月二十日。楊都督爲賞賚事。爲新兵輟轡。委過張院長。張幾被戕害。因與楊大起意見。旋由紳衆調停。楊都督東出助戰。張院長西上平匪。始得無事。德全於是代理正都督。始與兩院交涉日密。而黨爭激烈。危機四伏。智盡力索。無能和解。目前兩黨皆各據有兵力。卽新軍將士。亦皆各有偏重。代理以來。奇險迭生。德全制馭無術。告退不能。茫茫前途。誠不知稅駕何所。苟無外兵到來。尙能保持和平。除電告中央。請大總統指示辦法外。因我公之垂詢。始敢略陳大概。尙望我公有以見教。黔人幸甚。

### 又致南京臨時政府電

請卽飭鄂派參謀胡驥龍蔣雁南二員速赴滬東和洋行內催日人曾山。卽將鄂購機關槍及子母彈。由招商局撥快輪尅日運鄂。並祈給參謀官及招商局各公文一件。盼復。

附南京陸軍部復電

電悉。日商曾山之機關槍及子母彈。已由江元兵輪。於微日由寧出發。諒已抵鄂。祈查收爲禱。

又覆南京徐總司令電

支電悉。和議忽生波折。江鄂皆至重要。願共秣馬厲兵以待。

附來電

急頃據浦口謀報。清廷頃電津浦鐵路總局洋工程師。略謂民軍要求條件。已經內閣議駁。和議決裂。無從挽回。武昌已於前日開戰。各路亦在進兵。本路南段。非經本督辦命令。不得售票開車。所有車輛。仰車務處工程處全數開回徐州。不得再裝民軍。致干嚴辦等語。敵處已飭兵防範。現在滬上和議。勢將決裂。尊處軍情如何。乞示。

又致南京臨時政府電

現在敵人兵力。似集中於河南。以周家口爲根據地。利用潁水。順流達淮。不難南下。以窺安慶。想安慶爲上下游通衢。亦卽南京保障。伏乞豫爲防禦。以免受制。是幸。

附來電



現在用兵方略。當以鄂湘爲第一軍。由京漢鐵道進。寧皖爲第二軍。向河南進。與第一軍會於開封鄭州之間。淮陽爲第三軍。煙台爲第四軍。向山東進。會於灤州秦皇島。合關外之兵爲第五軍。山陝爲第六軍。向北京進。一、二、三、四、軍既達第一之目的。後與第五六軍直指敵。連日內據探報。敵假議和而集重兵力。圖取江淮。係分三路。一、由亳州。一、由徐州。一、由穎州等情。南京之兵。已陸續開赴前敵。尊處如探得敵以退兵爲名。意圖南下。務望緊逼敵軍。以牽制其兵力。并一面電飭黃州及陽邏各軍。抄擊其左側。是爲至要。

又寄本省各軍事機關電

頃接南京來電。北軍已下命令。準備戰事。和議難恃。勢必用武力解決等語。務請速行準備作戰一切事宜。惟須俟伍總長通告和議決裂。始可開戰。不可於未通告以前。自我開釁。是爲至要。

又寄金口第八協電

敵軍現似向我右翼動作。擬調貴協駐紮麻城縣附近。望祈準備一切。聽候開撥。

附金口沈總司令來電

麻電悉。已轉飭湘桂各軍。準備作戰事宜。俟伍總長通告和議決裂。即行進戰。

又寄荊州唐司令。儀支陳統領鎮藩電

荊州唐司令。轉沙市陳統領鎮藩。前派馮中興歡迎各軍回鄂。現因戰機已變。吳總司令又知照所部各隊。開往仙桃鎮駐紮。聽候調遣。如所部到荊後。望即日撥隊赴仙爲要。

附馮參議陳統領自沙市來電

十六協陰歷冬月十五抵沙市。因船隻難僱。不能遽諭迅速東下。實深抱慚。現已派人到城陵磯商派小輪拖帶。擬俟輪到。軍隊即分次坐民船開行。并懇派人到城陵磯接洽。以便晉省無隔。不勝叩禱待命。

又致沙市商會電

前電貴會。撥季招討使軍費八萬串。聞前已撥三萬兩。今又撥二萬串。是已足八萬之數。即可不必再撥。此外請撥錢一萬串與唐司令儀支。作爲犒賞。以後非有本都督命令。無論何人。不准撥款。

又覆鎮遠楊都督電

真電悉。麾下親督援師。熱心公難。感盼莫名。奈敵省受敵最猛。槍枝用去較夥。現有兵隊。缺乏亦多。惟事關大局。自應不分彼此。通融支用。乞就已有槍械兵士。先行來鄂。餘俟購到再發。此復。

附來電

近各省時局如何。至爲盼念。黔土匪聞誠親督大軍撫剿。近俱斂跡。擬親督軍北伐。黔軍槍劣。乞鄂假精械三千。手槍二百。彈六十萬。想爲大局計。必允。希速運至常德。如何。乞卽電示。

又致長沙譚都督電

鄂省民食。向來仰給貴省。軍興後。彼此均以軍食爲急。敵處迭經告糶。仍承公誼。允濟軍米。惟未提及民食。現在北兵已退。民食維艱。可否再准商民持敵處護照公文。赴湘辦米。以免民飢。希卽見復。

又覆長沙譚都督電

感電悉。伍外交總長暨滬都督江通電。想已達覽。和議恐無良果。現已計畫作戰。湘桂聯軍屯於金口。宜得智勇兼優熟悉情勢之將爲之後勁。王統領正雅克復荊州。功勛卓著。擬借重威望。移駐岳州。以資策應。所有軍需。當設法籌備。盼復。

附來電

電悉。滬江電。尙未到。和議如何。陽夏敵軍。有何舉動。望復。荊州大定。王正雅已令歸沈鎮守府。或令進駐下游。已電沈就近商定。

四九、一月七日 新疆光復

一月七日、接馮特民來電。謂伊犁業已光復。響應武昌。以廣福爲都督。

先是前清光緒二十九年秋。武昌日知會案破。劉敬安朱子龍等九人被逮。同時黨人馮一（字特民）馮大樹等。均以重大嫌疑。不能久匿武漢。馮特民馮大樹。遂結合同志李輔黃郝可權李克果方孝慈。隨同電調赴伊犁之標統楊纘緒出關。以圖大事。辛亥八月十九武昌革命軍起。馮特民李輔黃擔任運動伊犁新軍。馮大樹擔任運動該地回教及綠營。當是時。回教首領。尙與漢人挾怨。謂殺父之仇。不共戴天。蓋深恨左宗棠輩在西北之

屠殺也。馮大樹解釋之曰：左宗棠雖漢人，滿清臣子也。左之屠殺，奉滿清諭旨，罪在滿清。滿清之屠殺漢人，如揚州十日，嘉定三屠，與屠殺回人又何以異？今值漢人復仇之日，回人亦義不容辭。於是回人覺悟，問計於馮大樹。馮以卽日革命告之，遂於辛亥十一月十九日（卽陽曆一月七日）宣布獨立，殺志銳，佔領精河。是役有六營督隊官周獻臣、隊官劉岐山及兵士十餘人死焉。當時新疆巡撫袁大化忠於滿清，與革命軍爲敵，相持於精河、西湖之間，血戰三四次，堅守四五月。伊犁革命軍內因有馬隊團長錢廣漢（山東人）通敵，遂不能完全光復新疆，不無遺憾。沙泉一戰，方孝慈陣亡，其餘馬隊營長李周仁、步隊營長李得勝、邱玉成、參謀官黃宗黃、高懷忠等數十人，或罵賊不屈而死，或臨陣殺賊而亡。相持至壬子年四月，新疆伊犁兩方均因中央政府命令停戰議和。馮大樹、李輔黃、賀家棟充伊犁議和全權代表，赴塔爾巴哈台開議，和議成。伊犁都督廣福又派馮大樹爲伊犁駐京代表，派馮特民爲伊犁外交司長，兼伊犁都督府政治顧問。以李輔黃爲伊犁都督府參謀長，旋楊增新受袁世凱之秘命，仇視黨人，遂用調虎離山之計，保楊續緒爲哈什提調，保賀家棟爲新疆民政司長，郝可權亦調往新疆任事。不久均被楊增新所

逐。楊又派人運動伊犁之步兵旅長馬騰霄（回部首領）等。殺馮特民李輔黃。新疆伊犁之人民。仍受楊增新專制之毒。較前清尤甚焉。

是日又接南京來電。謂孫文總統任黃興爲參謀總長。鈕永建爲參謀次長。

同日黎大元帥召集軍事重要會議。謂清軍陸續北退。是否變更戰略。未可逆料。然我民軍欲達到中華民國共和目的。必須組織北伐軍籌備進攻。大衆均表贊同。遂決定編爲三大軍。茲將三軍名目列左。

一、戰時總司令吳兆麟。任北伐第一軍總司令官。

二、右翼軍李烈鈞。任北伐第二軍總司令官。

三、左翼軍趙恒惕。任北伐第三軍司令官。

以上三軍規定後。黎大元帥復云。所有戰時總司令官統轄軍隊。另行組織。俟散會後。由本大元帥計畫分配云云。

是日黎覆金口沈總司令官電

麻電悉。大轟辱臨。諸多褻瀆。幸屬同舟。必能深諒。頃接湘都督電。稱王正雅軍隊。已令歸

貴總司令官節制。現在敵人北退。作戰計畫擬稍變動。祈迅速電調王正雅軍隊赴金口。以厚左翼兵力。

附來電一

本部於午後一時暫泊金口上十里。糧台李副總理來謁。據稱參署非二三日不能騰出。輪舟既駐。叨擾益多。已派敝參謀部長袁華選進謁。代通悃曲。此次承派趙統帶均騰。楊科員震佐。遠近歡迎。疊荷隆情。三軍感戴。一俟布署稍定。當趨謁大憲。一聆偉畫。以匡不逮。特此鳴謝。

附來電二

陽電敬悉。金口以北勁旅無多。正患不敷分配。承示深佩。鑒籌頃已電知王統領矣。又覆貴陽趙都督電

漾電悉。規畫戰策卓見甚佩。現在援鄂兵力尙不甚單弱。惟四川與秦晉接壤。急宜集合黔滇蜀三省聯軍。出師漢中。秦晉當可得手。此復。

附通電

武昌待援。敵處援川之師已發。楊都督又東向鎮寧。急切無人向鄂。焦急萬狀。光復大業。本非一戰所能定。但軍事宜有一定之規畫。以圖進取。鄙意各省須各認一路。分負責任。滇黔全力定川。連合川陝之力。以定中原。此爲西路。蘇皖杭州平定南京。連合山東。進取燕雲。此爲東路。中路以鄂爲第一聚兵點。以湘爲第二聚兵點。合兩廣閩贛全力以謀之。前敵以多聚兵。一事權爲要。後路以儲將弁。急訓練。備軍械爲要。勝不必喜。敗不必畏。竭同胞之力。示敵以無窮之勢。不勝不止。尊意以爲何如。

### 五〇、一月八日 武昌仍主繼續北伐

一月八日午前八時。黎大元帥即用軍務部孫武等計畫。將武昌防禦第一第二第三區司令。改爲三鎮。并通知總司令官吳兆麟。率第三鎮混成第八協。機關槍一營。督戰敢死隊一營。護軍隊二隊。衛生隊準備北伐。務須於停戰期未滿以前三日起程。在第二軍右翼。過陽邏。經三山鋪。向甘家店前進。吳總司令官。即傳知各部隊準備出發。一面通令其餘各部隊統歸大元帥直接調遣。

是日黎致南京臨時政府電



現時軍務緊急。上海爲購辦軍械之地。各省分購。價值高下不一。損失甚多。請中央政府選派廉幹且明通軍械者若干員。到上海辦理全國購置軍械事宜。以重軍務而免紛歧。

#### 附南京陸軍部通電

本部爲購運軍械器具材料等事。統一起見。現在滬建設購運處。業經派員前往分別辦理。此後凡各省派員赴滬購辦軍械者。必先經本部認可。發給護照。轉飭該處紹介會同辦理。以資便捷。再如須赴外國購辦者。亦須先經本部認可。通知滬軍都督發給護照。始可前往。以昭慎重。除分電外。合先電達。請煩查照辦理可也。

#### 又致南京臨時政府電

頃准瀘州劉都督電。稱滇軍援川。川人甚感。惟滇軍抵叙時。叙已宣告獨立。宗旨與滇軍無異。乃無端轟擊民軍。勢甚強暴。佔據叙府。各地用人行政。全爲滇人主持等語。似此大局未定。內鬩卽萌。懇速電川滇調和齟齬。而全大局是幸。

#### 又覆南京臨時政府電

電令敬悉。淮鹽統一辦法極善。惟武漢軍事方殷。正恃鹽款爲餉源。所有鄂省舊收鹽款。

擬請暫作軍費。隨時報銷。用人行政。亦請仍舊。俟大局稍定。卽申請核辦。

附電令

臨時政府成立。委任張謇爲實業部總長。仍兼江蘇兩淮鹽政總理。所有江蘇省松太與淮南淮北各鹽廠。湘鄂皖贛向行淮鹽。與蘇五域凡關涉運銷之事。用人行政。通歸總理督率辦理。鹽課爲餉項大宗。必須事權統一。總收總支。以後應待鹽課鹽厘加價等項。由總局統收。解交財政部。分別援照從前成案。關係賠款洋償者。別儲備用。惟歸各省者。一律照撥。餘俟政府指撥。各省都督各軍政府各司令。務各顧念大局。產鹽運鹽各地方。有須駐警保護者。務當協力相助。保商業卽以顧餉源。毋忽。此令。

又致楚泰馬艦長電

江元運軍火過葛店時。希飭該艦直航武昌。停泊黃鶴樓碼頭。兩漢敵兵退盡。無庸顧慮。又致長沙譚都督電

頃接重慶東電。稱西安兵敗。潼關失守。所有兵隊。盡在西路與長升二敵相持。省城空虛。四無救援。殘敗之局。勢難支持。危亡卽在目前等語。其情形可想而見。敵處已派季招討。

使雨霖。劉司令公。相機援助。貴處援陝軍隊。祈飭星夜馳往爲禱。

又覆桂林陸都督電

陽電悉。維持公安數語。具見痼瘵在抱。疾惡如仇。無任欽佩。管見所及。不外分別首從。勦撫兼施。現北軍已表同情。鄂省安靜。貴省援軍。不日即當拔回。以資鎮攝。特復。

又致西安張都督電

刻下議和。清軍約以秦晉皖鄂奉天等省退出原駐地點百里以外。貴省已否退出。如彼違約。希勿違約進攻。致啓清軍口實。并乞將近狀速告爲盼。

附復電

電示。刻下議和。清軍允退。諭敵軍勿違約進攻等語。究竟約期幾日。起訖何時。前奉襄陽來電。聯軍北伐。約攻陝州。敵軍違約前進。清軍第六鎮兵又違約首先開戰。敵軍已退至靈寶。茲奉電停戰。已飛飭敵軍前鋒。違約守界。甘軍同敵三路進攻。侵佔長邠鳳隴三淳等處。藉口電阻。自由行動。我不擊彼。彼必襲我。違約在彼。無從詰責。請轉電伍外交長。責令清軍東西兩路。違約停戰。敵軍亦即遵照。仍乞電示祇遵。

## 又覆瀘州劉都督電

文電悉。滇軍遠道援川。同急公難。諒不致別生意見。致動人以不平之感。卽令小有齟齬。務乞推誠相與。融化於無形。萬不可啓內鬩之釁端。蹈洪楊之覆轍。致令外人非笑。敵人鼓掌。千載訾議。則民國幸甚。電到後。祈轉交滇軍傳閱爲禱。

## 附來電

滇軍援川。川人甚感。惟滇軍抵叙時。叙已宣告獨立。宗旨並不背殊。滇軍無端轟擊民軍。勢甚強暴。佔據叙府各地。用人行政。全爲滇人主持。如此手段。恐非公法所容。特電奉聞。乞轉致各省共持公理。以免滇蜀啓釁。有誤大局。幸甚。

一月九日午前八時。黎大元帥卽頒發北伐各軍鎮協委札關防等件。并於正午召集陸海軍會議。討論北伐各事宜。并限於停戰期滿。卽協同進攻。

是日午後四時會畢。各軍各自籌備。惟第一軍預定十二日由武昌開拔。陸續向目的地集中。

是日黎覆竹山縣知事電

電悉。該邑各界深明大義。不勝欣慰。惟銅元轉運甚艱。仰卽會同翼隊官出示切諭。官票須仍舊通行。並邀同正紳籌辦民團。以防土匪而安民心。

### 附來電

竹山縣十月二十日。官軍紳商學界集議。恪遵大都督起義興漢。歡聲雷動。同時畫押。聯絡一氣。歡懸白旗。城鄉安靖。惟山邑界連川陝。著名瘠苦。民氣囂張。且土匪日思蠢動。兵單餉缺。官票難用。祈解銅元赴山。以安民心。前因電阻。未克稟報。乞速電示。

### 又致長沙譚都督電

頃接重安江電。稱黔黃平州城。於昨晚被妖苗佔據。匪黨甚衆等語。祈貴處催黔滇來援。軍隊速返。以平匪黨。并就近籌畫對付之策。

### 又覆常德貴州楊都督電

庚電悉。熱心公難。跋涉來援。曷勝欽感。昨接重安江電。稱黔黃平州城。已被妖苗佔據。匪黨甚衆等語。祈貴軍速返。以平匪亂。如該處有他軍可用。請暫駐節常德。以待和議着落。倘和議不諧。自當飛電相請。

附來電

誠先抵常。餘軍已陸續離鎮。約聯北伐滇軍。亦已出發。月內當可會齊。和議如不達其和目的。祈示方畧。俾早進軍。濟以鐵血。但黔軍械缺。盼助極切。如何希復。

又致南京參議院電

正朔已定。國旗及軍商各旗式。應卽劃歸一律。請速頒發定式。以便遵行。盼復。

附復電

青電敬悉。沿江各省。現在皆以五色旗爲國旗。經本院議決。請大總統通告各省。國旗卽用五色旗。至軍商各旗。暫仍其舊。俟議定後。再由大總統通告。特此奉復。

又致南京陸軍部電

前陳裕時君。率廣西軍一標。由海道援鄂。已否抵滬。又前由滬派招商輪往粵東運砲彈。該船已否來滬。如該軍及該輪到滬。統乞飭速來鄂。並希電復。

附覆電

青電悉。陳裕時軍隊。及廣東砲彈。尙未到滬。本部派輪往接。

又致龍駒寨張都督電

王天縱輩。跡弛之士。不羈之才。史乘不少。概見。麾下御之以道。卽干城腹心之選。兇冒之詩。可以借詠。援川滇軍。屯於敘州。已屬其由漢中聯兵秦晉。以圖北伐。伏願堅壁以待。

附來電

敝省起義。以復漢爲宗旨。以聯合各省組織中華民國爲目的。商民及外人等。均極力保護。毫無擾害。各處豪俠。已一律招安。使爲復漢軍臂助。不至遺害地方。現省垣以及各州府縣。庶政粗就。正值經營西路兵馬。原以防守西邊。進取甘新。因長庚升允作梗。現正交戰。東路兵馬。專以東下河南。聯合東南各軍北向。今河南各大使如王天縱等。均各率領數千人與敝軍合力東征。并不擾害商民外人。亦暗合敝軍主義。敝軍東來。壺食歡迎。確係實情。謹此奉聞。張鳳曦叩。

又覆襄陽軍政分府黃仁葵電

元諫兩電皆悉。保護外人。可稱周到。現在清軍違約退出原駐地點百里以外。將來戰場。必在鄂豫之間。茲已加派劉正龍一標及原三十一標共兩標。飭發襄樊。聯合各軍隊。經

唐縣與陝軍會合。直取河南。以定中原。頃接外交總長伍廷芳。由滬來電議和。又續停戰。至舊歷冬月二十七早八點鐘止。希飭各軍隊知照。並告陝西都督。

### 附來電

頃奉青電。獎勵交至。感奮莫名。指示方畧。已屢電請季軍速來。以便合力籌備攻守。而秦隴張都督又連電稱長升二敵。數道入犯。東西交警。求助餉械。急無以應。頃得南京陸軍部電囑。仍稟呈鈞處。就近籌撥接濟。以憑分濟秦軍等因。除遵將近情轉電西安外。特覆稟懇務求照准。迅賜撥發。并求先電示知。以便派船赴沙洋。或仙桃鎮請領。至禱。

一月十日。接偵探報告。謂漢口清軍陸續退却。至陽店附近佔領陣地。其兵力約一鎮。段祺瑞之總司令部已移至孝感。

是日黎大元帥即發下各軍之軍隊區分及命令。并囑各軍。務於十六日停戰期滿。準備實行北伐。

### 軍隊區分



第一軍

總司令官 吳兆麟。

鄂軍第三鎮。

混成第八協。

機關槍一營。

督戰敢死隊一營。

護軍隊二隊。

衛生隊六分三。

第二軍（原右翼軍）

總司令官 李烈鈞。

皖軍混成標。

潯軍混成標及混成營。

贛軍混成協。

五〇 一月八日 武昌仍主繼續北伐

寧軍第一鎮。

鄂軍第三協。(同砲兵一隊)

衛生隊六分一。

第三軍(原左翼軍)

司令官 趙恒惕。

桂軍混成標。

湘軍混成標。

河南奮勇軍混成標。

衛生隊六分一。

長江艦隊

司令官 馬煥鈺。

楚泰。

楚觀。

楚同。

江貞。

江元。

守備各處部隊

混成第一協。

步隊第四協。

步隊第一協。

先鋒隊第一標。

留守部隊

步隊第二協。

步隊第七協。

近衛軍第一協（欠一標）

漢軍步隊營。

五〇 一月八日 武昌仍主繼續北伐

工程第二營（欠一隊）

砲隊第一標（欠一營）

砲隊第二標（欠一營）

五一、一月十一日 黎大元帥下令準備北伐

一月十一日。中華民國軍海陸軍大元帥準備北伐即下如左之命令。

命令

元月十一日午后八時三十分  
於曇花林都督府

一、據諸方面報告。兵數不滿九千砲四五十門之敵。其主力似集注於楊店附近。其一部駐紮孝感附近。

二、我軍擬準備攻擊此敵。

三、第一軍整頓完善後。即由陽邏經三山鋪向黃陂方面前進。須與第二軍協同動作。

四、第二軍須於陰曆二十七日午前八時。準備由黃陂縣進佔祁家灣。佔領後。沿鐵道綫向三汊埠行進。

五、第三軍須於陰曆二十七日午前八時以前。確實佔領新溝漢川。嗣後即由孝感進

攻。

六、步隊第八協（附山砲四門）卽日開赴麻城警戒我軍右側背。

七、步隊第四協（附山砲一隊）準備開赴漢口守備該地北面。特須注重礮口方面。且須與第二軍及步隊第一協連絡。但渡江時期。須待後命。

八、步隊第一協。準備開赴漢陽。任該地守備。務與第四協及第三軍保持連絡。但渡江時期。須待後命。

九、先鋒步隊第一標。卽日出發。由陽邏向黃陂方向前進。務佔領該地以任警戒。

十、其餘諸隊。任武昌守備。其擔任區域。容俟後命。

十一、長江艦隊。須以主力游弋於巴河陽邏之間。其一部游弋於陽邏金口之間。以任警戒。

十二、各軍糧秣彈藥補充如左。

第一軍由陽邏三山舖兵站補充。

三山舖兵站未設以前、均由陽邏補充、

第二軍由陽邏倉子埠六指店補充。

五一 一月十一日 黎元洪下令準備北伐

第三軍暫由黃陵磯兵站補充。以後隨攻擊逐段增設兵站。

混成第八協先鋒隊一標彈藥。各自携行。其糧秣就地購辦。

步隊第一四協由武昌後路糧台補充。

留守步隊仍照舊補充。

長江艦隊糧秣由葛店兵站補充。

十三、予在臺華林都督府。

大元帥黎元洪

是日第一軍吳總司令官接得命令後。乃給該軍各部隊如左訓令。

中華民國北伐第一軍訓令

元月十一日午后十時  
於洪山寶通寺

一、據諸方面報告云。清軍兵數不滿九千。砲四五十門。其主力似集注於陽店附近。其一部駐紮孝感附近。

我北伐第二軍。於十六日午前八時開戰期前。由黃陂縣進佔祁家灣。佔領後。沿鐵道綫向三汊埠行進。

我北伐第三軍。於十六日午前八時。以佔領新溝漢川。嗣後卽由孝感進攻。我長江艦隊。以主力游弋於巴河陽邏青山之間。其一部游弋於陽邏金口之間。以任警戒。

二、本軍擬於明十二日出發。經陽邏向三山鋪集合。於開戰時準備向黃陂方面進攻。  
三、第三鎮竄統制。率該鎮准於明十二日由原地出發。經陽邏向三山鋪前進。但須搜索黃陂方面之敵情。

四、混成第一協王統領。率該協准於明十二日由原地出發。向三山鋪搜索前進。  
五、其餘諸隊。明十二日午前八時出發。經陽邏向三山鋪前進。

六、各隊給養。出發後。卽在陽邏三山鋪之各兵站部領取。但三山鋪兵站未設以前。卽在該處就地徵發。

七、予准於十三日午前八時。由洪山出發。向陽邏前進。

第一軍總司令官吳兆麟

是日第二軍李總司令官對於該軍給以如左訓令。

五一 一月十一日 黎元洪下令準備北伐

中華民國北伐第二軍訓令

元月十一日午后十時  
於倉子埠發

一、據各處土人報告。祁家灣之清軍主力似已退至孝感附近。

二、本軍擬分三縱隊。佔領王家河西南高地。經貓山至諶家磯之綫。偵察前面情況。

三、右縱隊務於明十二日轉進王家河。左與中央縱隊連絡。搜索孝感祁家灣并灡口諸方面情況。（敵情與地形）并沿途附近諸村落之景況。

四、中央縱隊以甘露山爲陣地。右與右縱隊。左與武湖水師連絡。搜索孝感祁家灣并灡口諸方面情況。

五、左縱隊務迅速確實佔領諶家磯。右與武湖水師連絡。左與海軍協同動作。準備向灡口實行攻擊。

六、武湖水師務速前進高家店汊泊海之綫。任武湖之警戒。并爲部隊揚陸。準備偵探前面敵情地形。并揚陸地。

七、海軍諸艦。一俟戰鬥重開。務請與左縱隊協同動作。先行驅逐河口沿岸之敵。竊助左縱隊向灡口實行攻擊。



八、總預備隊諸隊。照左列地點集合待命。

青山混成第三協派遣之步兵大隊。於許家橋普家寨機關砲憲兵隊駐破灣子附近。  
九、給養規定

右縱隊。由第一糧食縱列。向許家橋糧台領給。

中央縱隊。由糧食縱列。向許家橋糧台領給。

左縱隊。及武湖水師海軍諸艦。由陽邏糧台給養。

十、彈藥補充

右縱隊槍彈。由步隊第一彈藥縱列。代爲運送補充。但該彈藥縱列未成立以前。由該縱隊自行設法補充。

左縱隊及砲隊槍彈砲彈。均自行補充。但機關砲彈由步隊第二彈藥縱列補充。

十一、衛生隊着從速編成一隊。分半部附右縱隊。分半部附中央縱隊。左縱隊及海軍諸艦。武湖水師。傷者患者。均直接送陽邏野戰病院療治。

十二、予在倉子埠司令部。

五一 一月十一日 黎元洪下令準備北伐

第二軍總司令官李烈鈞

是日北伐第三軍訓令。原文遺失。（從缺）

是日接南京電。孫大總統任徐紹楨爲南京衛戍總督。

是日黎覆金口沈總司令電

參將署已飭該糧台於本日空出以便遷入矣。

附來電一

舟居已四日矣。非參署不敷辦公。且電報電話均設署內。機關較靈。他處防守零星。均不敷用。仍祈強令糧台人員遷讓。如以什物衆多爲辭。則敝部弁兵幫同遷移。頃刻即可竣事。急切奉商。立候示復。

附來電二

蒸電敬悉。敝部已於蒸日移入舊參署。承注感謝。

又覆金口沈總司令電

撥槍一節。本應遵行。但鄂省槍枝。自用不敷。所購之槍。尙未辦來。茲撥士乃打步槍一百

二十八枝。子彈十五萬。解送金口。俟新槍到。再行撥濟。

附來電一

在湘寄鹽電。祈撥槍枝四百。迄未奉復。茲張其鏗一軍。昨由湘出發。惟子彈缺乏。稟請暫撥製子彈三十萬前來。二者均急迫待命。統希查照飭撥。以濟需要。并先行電復。

附來電二

蒸電感悉。撥槍如承湊足二百枝。以濟眉急。尤紉公誼。

同日黎致西安張都督電

刻下停戰議和期限。至舊歷冬月二十七日上午八點鐘止。貴省及山西近來情形如何。盼復。

五二、一月十二日 北伐第一軍總司令官吳兆麟辭職黎委孫

武繼任旋改由杜錫鈞代理

一月十二日。北伐各軍。均已按命令出發。向各軍之目的地進展。惟第一軍所屬第三鎮。陸續由青山開抵陽邏。向三山鋪集中。其第一混成協。準備由麻城向黃安前進。其餘機

關槍隊、督戰隊、護軍隊、衛生隊等。均已乘輪赴陽邏矣。

連日武昌方面，因清軍由陽夏退却，各派均謂大局可望成功。於是各謀發展，彼此暗鬥。各機關日來投効人員，漸形增加，擁擠非常。武昌城內，身挂徽章人員，遍滿街市。各種團體林立，氣燄逼人。若輩在革命黨方面，口稱同志，而以同志二字喧嚇於人。在官僚方面，朋比爲奸，謂非撤革命黨之台，不能揮足以奪權利。革命黨多半血氣用事，剛而無禮。官僚黨老奸巨猾，陰狠而貌爲謙恭。黎元洪本與官僚接近，每謂某有學問，某有經驗，某頗精明，某有才幹，實則某某皆長於造謠生事，無非害人利己，不顧大局。以黎元洪爲傀儡。此時黎元洪心中，亦深恨革命黨，但不敢露於形色。惟對於革命黨絕口不言事而已。在一般無德無學，喜人逢迎之無大志黨人，亦爲官僚派所默化，漸對於同志，頓改面目。亦與官僚多方連絡，而官僚派更從中挑撥，使之同室操戈，故不轉瞬而武昌之一切政權，皆操之於官僚之手。古人云，鷸蚌相爭，漁人得利。武昌大革命所流之血，不能減少國民毫末之痛苦，而益加其負擔，遺憾何窮。

是日杜錫鈞等與孫武秘商，謂總司令官吳兆麟現改爲北伐軍第一軍總司令，其兵力

雖削。其名稱仍重。現在清軍不戰自退。或者和議告成。可以不戰。或者戰事重開。而我援軍甚多。又係節制之師。必操勝算。指日大功告竣。吳之功勞權勢亦愈加大。是後患也。仍宜設法牽制。或掣其肘。或送其命。皆可秘密圖之。於是杜孫商定。又請黎元洪派吳爲第四鎮統制。暫指揮第一軍所屬軍隊。是晚十二時。黎元洪趕辦委札。派吳兆麟爲第四鎮統制。派人送往吳兆麟。吳兆麟接委札後。卽請黎都督親接電話。吳曰。第四鎮統制委札業已收到。是何用意。黎答不知。吳又曰。第四鎮統制。既無兵力。徒擁虛名。何能指揮第三鎮及他各部隊乎。且刻當軍書旁午之際。大敵在前。我民軍欲操勝算。應先和衷共濟。大元帥統率各軍。事權更當劃一。用人則不疑人。疑人則不用人。黎仍無以答。旋云。是他們之意。將辦法議妥。來請照辦的。吳又云。第一軍所屬各隊。雖已出發。惟總司令部猶在洪山。旣如此猜疑。是事不可爲也。我非爭權奪利之人。自起義以來。只知辦事。不知其他。已往成績。可復考也。現在雖云北伐。不過是向前進行。或者和議可望成功。兵不再用。我先退讓可也。免得都督爲難。亦免他人時時忌妬。我就此辭職。請都督另簡賢能接替爲妙。黎元洪接吳兆麟電話後。極爲憂慮。當派蔡濟民吳醒漢往洪山司令部面勸吳兆麟。吳

云如此辦事。不獨無成績。頃刻即有大禍。既削權復降級。萬不能再幹。無怪岳武穆當日受冤也。實屬可嘆。蔡濟民等回報黎都督。謂吳決計不能再幹。黎復派孫武杜錫鈞到洪山勸說。亦無効。又派徐達明朱樹烈二人往說。亦無効。於是黎用電話請吳兆麟當面商議。吳仍不幹。黎云。此事本與情理不合。但不能怪我。吳云。大元帥既有統率陸海軍之權。不能作主。專聽他人主張。將來危害。真不堪設想。我向來對於富貴。極爲恬淡。起義後。雖迭任要職。然爲大局起見。總是退讓。隱忍不言。誰知猶不我諒。是真不可爲也。仍請大元帥毅然解決。另簡賢能接替爲妙。黎不得已。復調吳兆麟爲大元帥府參謀總長。派孫武接充北伐軍第一軍總司令官。

是日黎覆蜀軍政府電

電悉。刻下停戰議和。北京尙未光復。惟東南各省聯軍。準備北伐。不知貴省及秦晉近來情形如何。祈聯合滇黔軍隊。出師漢中。一以援助秦晉。一以直搗幽燕。此復。

附來電

聞北京已爲漢軍光復。確否。請速復。北路消息。祈隨時電示。

又覆金口沈總司令電

真電悉。據敵處赴寧代表報告。臨時政府各部總次長。陸軍黃興。蔣作賓。海軍黃鐘瑛。湯鄰銘。內務程德全。居正。外交王寵惠。魏宸組。司法伍廷芳。呂志伊。教育蔡元培。景耀月。財政陳錦濤。王鴻猷。交通湯壽潛。于右任。實業張謇。馬君武。特此奉聞。

附來電

江南組織臨時政府。各部總長何人。尊處有聞。電示爲盼。

又覆重慶張夏兩都督電

滌電敬悉。昨接秦張督都來電。潼關失守。隨即恢復。敵又攻晉。太原已陷。已電伍代表嚴重交涉矣。槍砲候飭查明再覆。

附來電

真電於十七日奉到。和雖可成。戰不可懈。兩語實爲扼要。聯師北伐。敵處深表同情。現正與滇軍援川副使陳先沅籌議。一俟議定。當再電聞。惟十月二十四日接陝西張鳳翔電。清政府派毅兵東攻潼關。甘軍西下長武。敵省兩處受敵。懇派兵駐防等語。本日

又接秦隴復漢軍北路防禦使蔡席藩并勿幕十月晨日二百里專文。畧云。頃又東方告急。清軍屯重兵於河南。而潼關戰敗。因以不守等語。現據確報。敵軍又自西藏出兵。已據雅州。禁居民豎漢幟。與來電停戰期內清廷不得進攻秦晉不通電等省之約。大相違背。除將原電轉告陝西外。特此電達。請速交涉。又據宜昌初二函稱。敵省義軍過鄂。運蜀快槍若干支。大砲若干尊。機關槍若干桿。在漢爲貴都督命留助戰。蜀軍砲隊已奪回蘭州等語。已電宜昌安使曾錫九。敵處派臨時會議代表張簡廷吳玉章直接尊處。乞查明。砲隊即遵留鄂助戰。并隨北伐。所有被留之快槍大砲機關槍。務乞如數放行。早日到川。以便支配多數徒手之兵。以爲清匪援陝平雅鎮蜀之用。無任禱盼。

一月十三日。午前十時。黎大元帥即將大元帥府參謀總長委札送到洪山寶通寺。請吳兆麟卽日到差。以安軍心。旋總監察劉公偕協統王安瀾來洪山總司令部。據稱各方面對於臨戰更易總司令。咸抱不平。謂前數日城內謠傳。有人以爲吳總司令官兵權過大。在黎大元帥前百般謀害。將借北伐機會。另行改組。復見組織北伐編制。我等以爲是正當行動。不料現在果然發現不盡情理之事。是若輩妬賢忌能。故意搗亂。以撤中華民國



之台。黎元洪目下亦不作主。聽人播弄。危險實大。查吳總司令自首義以來。勞苦功高。漢陽失守。黎元洪由武昌出走。經過種種危險。皆由吳總司令在洪山苦心計畫。維持殘局。當斯時也。若輩何以隨黎元洪逃走。不來爭權奪利。目下清軍已退。和議行將告成。又來操縱黎元洪害人利己。設我輩不設法挽救。後來隱患。必有百倍勝於今日者。爲今之計。趁此總司令未解除兵柄之時。宣布若輩罪狀。繩以軍法。警一戒百。則大局之幸。亦中華民國前途之幸也。云云。吳兆麟云。各位所論極是。但此時正是危急存亡之秋。我輩只宜忍耐以保全大局。萬不可走至極端。使天下驚疑。若輩既不明大義。爭奪權利。而外人尙不知其內容。我若以激烈手段對付之。彼輩必藉此造謠。顛倒是非。人而無禮。何事不可爲乎。大凡辦天下事。苟可以委曲求全。何能盡如人意。若甲因憤而殺乙。乙派又憤而報復。循環造業。爭端必無已時。洪楊覆轍。可爲殷鑒。望各位千萬忍耐爲要。王安瀾又云。黎不能作主將奈何。吳云。既以我爲參謀總長。我輩再從長計議可也。劉公又云。你爲參謀總長固善。但黎之左右僉壬。非驅逐不可。遂聯合一班有勇之士。欲將黎之身旁小人卽時驅逐之。吳兆麟力阻之。不從。杜錫鈞聞風卽逃往漢口。一面造謠。一面痛哭不已。少頃。

有杜錫鈞黨徒。潛往武昌大朝街孫武住宅。面晤孫武云。湖北是首義之區。又係中央軍政府。目下黎元洪又是大元帥。重心全在此地。軍務部。即滿清陸軍部。部長。即等於北京之陸軍大臣。可以任命軍官。先生若就第一軍軍統。則軍務部勢必易人。就小遺大。甚爲先生不取也。不如此時辭去軍統之職。再由先生保薦一心腹之人。先生間接遙制之。此兩全之策也。孫武然之。於是又與黎元洪面商。以第一軍總司令一職。暫命杜錫鈞代理。黎元洪之從惡如流。始終慣聽小人播弄。以便其私。可慨矣夫。

### 五三、一月十四日 聞鐵良良弼等續組宗社黨

一月十四日、吳兆麟即組織參謀部。赴大元帥府。就參謀總長之職。

同日接上海伍廷芳代表來電。謂袁內閣以停戰期限轉瞬又滿。提議延期。廷芳計議和以來。討論旬餘。尙無效果。似不可復延。但據旅滬外人函稱。商務損失。中外俱感痛苦。渴望兩方不再開戰。早日和平解決。并力請清帝退位。以順人心。則希望和平。中外所同。今袁世凱又提議停戰延期。似不可過於固執。以失天下之望云云。

是日聞北京發生暗潮。清廷一班親貴。以袁世凱始終與民軍周旋。停戰議和。不忠於清

廷。於是載濤載澤溥偉善耆鐵良良弼等。組織宗社黨。對共和政體。極端反對。并疑忌袁世凱日深。袁世凱更不得不借重民軍之勢。延長和議以玩弄天下。

同日接各方面情報。謂由漢口漢陽退去之清軍。約一鎮以上。已於孝感三汊埠陽店附近佔領陣地。又武勝關至東篁店清軍。約四標。信陽附近約一協。又我安徽軍。現在潁州與張勳倪嗣冲對峙。

是日黎致雲南蔡都督電

川亂已定。貴省援川軍隊。請飭速至宜昌。經襄陽。趨河南唐縣。以便會同北伐。

又覆四川都督電

電悉。川省反正。貴軍政府布置甚好。援川滇軍。不必撤回。請轉達滇軍。逕至宜昌。經襄陽。趨河南唐縣。并請貴軍速出漢中。會援秦晉。

附來電

川局大定。尹昌衡羅綸爲都督。陸軍已成四鎮。滿帥既殲。滿人繳槍毀城。同志軍一律安定。請總司令官將雲南援川之兵撤回。以釋羣疑。不然人心惶惑。恐生意外之變。

## 又致南京臨時政府電

戰期伊邇。所有空中戰爭物。亟宜準備。請飭山田式飛行艇多帶硫酸亞鉛鐵屑及乾燥藥前來。劉佐成在滬軍都督處所定製大炸彈四十顆。小炸彈二百顆。及伍先生廷芳向日國所購之飛行艇二隻。速解來鄂。此外尙祈購飛行艇用。氈鞋駱駝絨帽毛手套各六十件。羊毛衛生衣一百二十套。最好鋼線一分及半分各十斤。毛襪一百二十雙。是爲至禱。

## 附來電

飛船據稱適用。但運送及試驗所費甚巨。不如由尊處派人來議。并可請滬上洋工師試驗。較爲便利。且尊處若無軍粟。亦可就近借用滬軍粟。如何乞電覆。

## 附覆電

飛船及尊電屬購之各物。已囑前途照辦。但不知價值貴賤如何。故欲尊處派人到滬面議。既屬需用甚急。謹當囑其卽運往鄂。其他各物。不知能全辦否。已電駐滬鄂軍交通所總理張復漢君接洽。

又寄黃州府知事電

頃接潯司令官余鶴松電。稱敝省劉統領懋政。擒獲奸細張魁一名。據供尙有同黨黃金標劉占魁孫芝山。已逃往武穴巡防隊。請嚴密查拿等情。除飭彭漢遺赴武查辦外。仰卽通知各營一體訪查。勿任漏網。

又覆江蘇程都督電

電悉。民國締造伊始。急應恤商便民。自以在平善壩另設湘局。專征運湘川鹽。俾免重征爲最妥。已電商譚都督酌訂稅額及辦法。定議再行電達。先此奉覆。

又致葛店李總司令電

貴軍仍宜在黃陂附近。擇與鐵道相近之要地佔領。勿庸前進。孝感之敵。如何攻擊。容續通知。架設電話一節。已飭交通部照辦。能否再行轉達。

附來電

謹報告於下。一、兵力不滿三千之敵。在孝感花園附近。其馬探出沒祁家灣附近。二、本軍預定於二十六日以前。前進仗馬山祁家灣之線。三、孝感之敵。應如何攻擊。及本軍

應否向宣化店黃陂站方面運動。請示。四、由漢口至黃陂。請飭速架電話。以期報告敏捷。

又覆長沙譚都督電

元電悉。金口蔡甸等處。已設兌換處。紙幣業經流通。桂軍存貴處餉銀。請卽以貴省紙幣解鄂。敝處定爲兌用。

附來電

前接副總統電。湘鄂官票。務必通行。當經出示。并飭官錢局設撥兌處。暨電岳州湘潭商會錢店等。一體照辦在案。近聞鄂中市價。銀元與銀元票。兌換銅幣數目。相差至三四百文不等。查湘中現貨與票幣。價約相同。今又示禁抑壓鄂票。票根期與湘票同等。原爲通行起見。現鄂價參差。聞有不法之徒。販賣漁利。漫無限制。流弊胡底。是鄂出票愈多。而湘受損愈甚。官局力顧大局。猶可勉支。商店勢難相強。仍於通行原意。不能盡違。鄙意鄂票可否核一定價。湘鄂互遵。出入一律。或另有良法。使兩無妨礙。各資遵守。以利推行。統乞鑒裁。賜覆是幸。

附長沙譚都督陳財政司長來電

寒電敬悉。商市銀錢價格。向視供求盈絀以爲漲落。此幣制不齊之現象。各處皆然。現時幣制。尙未統一。自不能不暫聽照舊。欲如尊處之以命令劃一定價。情勢殊難辦到。查商市銀元與銀元票。現每元兌銅元一串三百數十文。鄂票來湘。在官錢局兌換。與湘票一律。而尊電稱無論現貨紙幣。每元作一串二百行使。宜乎鄂票輸湘日多。湘票行鄂甚少。湘局現收鄂票將達二十萬。惟空久愈多。勢必不支。湘受其弊。鄂亦未見其利。求合兩省適中通行之法。不如鄂票定價一串三百文。鄂湘兌換均皆一律。於湘中現市所差無幾。鄂中商場未復。因時救弊。尊處想不難仍以命令量改。是否可行。抑尙有良策。統候卓裁賜覆。毋任跂幸。

五四、一月十五日 黎元洪仍準備北伐

一月十五日、黎大元帥另將武昌所有軍隊。編爲三個支隊。及武昌守備隊。總預備隊。茲將各支隊司令官姓名列後。

第一支隊司令官 張廷輔。

第二支隊司令官 鄧玉麟。

第三支隊司令官 熊秉坤。

總預備隊司令官 高尙志。

武昌守備司令官 何錫藩。

同日午後九時、黎大元帥仍準備北伐。并發下如左命令。

中華民國軍海陸軍大元帥命令

元月十五日午後九時  
於武昌城內都督府

一、據諸方面之報告云。漢口漢陽之敵。現退於孝感三汊埠陽店附近。佔領陣地。其兵力約一鎮以上。又武勝關至東簞店敵兵約有四標。信陽州附近。敵兵約有一協。另有兵力未詳之敵。在潁州附近。與我安徽軍對峙。

二、我軍爲攻擊敵人起見。擬準備向甘家店祁家灣孝感附近前進。

三、第一軍於開戰期前。由陽邏經三山鋪準備前進。佔領甘家店附近。但須派一部。佔領黃安附近。警戒羅山方面之敵。該軍之兵站綫。利用陽邏三山鋪通黃陂之道路。

四、第二軍於開戰期前。由原地準備前進。佔領祁家灣附近。但貴軍之兵站綫。俟停戰



期滿。佔領祁家灣時。卽將原設之兵站綫變換。利用京漢鐵路。

五、第三軍於開戰期前。由原地準備前進。赴孝感西南附近。佔領陣地。但貴軍之兵站綫。利用金口經蔡甸新溝通孝感之陸路及水路。

六、長江艦隊。於開戰時。須游弋於陽邏青山一帶。以任警戒。

七、第一支隊。利用停戰時間。準備完善。俟開戰時。卽行渡江。佔領漢口。謐家礮製紙廠。藤子岡戴家山附近一帶。但須派一部佔領姑嫂樹及長豐附近。

八、第二支隊。利用停戰時間。準備完善。俟開戰時。卽行渡江。佔領漢陽兵工廠及黑山附近一帶。但須派一部警戒琴斷口三眼橋方面。

九、第三支隊於開戰期前。佔領麻城附近。警戒我軍右側面。

十、武昌守備隊。保守武昌省城內外附近之地面。但須籌備野戰軍各事宜。

十一、總預備隊。利用停戰時間。整頓完善。候開戰時。於左開地點待命。

甲、近衛軍。（城內左旗營房）

乙、步隊第七協。（唐角附近）

十二、余現在武昌省城內都督府。

大元帥黎元洪

注意

一、各軍及各隊須互相聯絡。

二、於停戰期內。務須遵守條約。

三、各軍兵站綫之設置。須各與兵站總監商同辦理。

四、第一第二兩軍之衛生隊。均屬於各鎮。故區分內未載。

給兵站總監訓令

元年元月十五日午後九時  
於武昌城內都督府

第一號

一、我第一軍之兵站綫。利用陽邏三山舖通黃陂之道路。我第二軍之兵站綫。現在

用倉子埠通黃陂之道路。俟該軍佔領祁家灣時。改用京漢鐵路。我第三軍之兵站綫。

利用金口經蔡甸通孝感之陸路及水路。我第一支隊。擬佔領漢口製紙廠及長豐附

近。第二支隊。擬佔領漢陽兵工廠至黑山一帶。第三支隊。佔領麻城。

二、本軍現以武昌省城爲兵站基地。其兵站主地之設置如左。

甲、陽邏附近。

乙、漢口附近。（將來我第一支隊佔領漢口時即以該地爲主地）

丙、金口附近。

三、貴總監關於各兵站綫之設置。須與各軍司令官商同辦理。

四、余現在武昌省城內都督府。

大元帥黎元洪

給軍務部訓令

元年元月十五日午後九時  
於武昌城內都督府

第一號

一、本軍於開戰時擬佔領甘家店祁家灣及孝感西南附近。

二、貴部須將野戰軍需用各項物品。速急準備完善。按所發之合同命令。與兵站總監。武昌守備隊司令官。及交通部。接洽辦理。

三、余現在武昌省城內都督府。

大元帥黎元洪

給交通部訓令

元年元月十五日午後九時  
於武昌省城內都督府

第一號

五四 一月十五日 黎元洪仍準備北伐

五八七

一、本軍於開戰時。擬佔領甘家店祁家灣及孝感西南附近。

二、貴部須準合同命令。按各軍及各支隊前進之道路。須將電話電信及船隻等項。準備妥善。以便交通。

三、余現在城內都督府。

大元帥黎元洪

是晚接南京孫大總統來電。謂停戰期再續展十四日。

是日黎致南京鹽政張總理電

刻下軍事倥傯。金融機關。周轉不靈。商務大受影響。卽如鹽商運鹽來湘所受之欺。不能匯兌。現銀又多不便。敝處擬在揚州設一兌換處。俾紙幣皆能流通。以公私兩便。如蒙允許。請即電覆。以便籌備豫備金及開辦費。並請知照揚州分府爲禱。

又覆長沙譚都督電

寒電悉。我軍守約。仍紮原駐地點。惟於黃陂地面。增加一鎮及一混成協。兵力尙厚。諒可防堵。所商撥給趙軍現洋。已飭理財部辦理。此覆。

## 附來電

昨聞贛軍由陽邏進逼黃陂。計已駐黃陂矣。確否。詳情若何。停戰屆滿。是否即行作戰。敵情均乞詳示。昨電懇撥給趙軍現洋萬元。務望照准。并復。

## 五五、一月十六日 袁世凱被刺未中

一月十六日。接山東登州軍政分府來電。謂本日九時。同志九百人。兵不血刃。恢復登州府城。當即成立軍政分府。以劉藝舟徐鏡新爲正副都督。并預備歡迎南方軍艦入渤海。請速派艦二艘來登州。以便載敢死隊會同北伐。

是日袁世凱在北京被刺。未中。因日來和議頓挫。皆袁世凱雙方要挾以謀政權。實爲共和之梗。黨人之激烈者。皆欲殺袁世凱而甘心。適袁世凱乘馬車入朝。護衛森嚴。沿途警備。行至丁字街。忽有炸彈自道左茶樓擲下。炸死袁世凱之衛兵十餘人。北京全城大震。黨人楊雨昌、黃志明、張光培等。當場被執。均直認欲殺袁世凱以去中華民國之障礙。旋從容就義。自是清廷專倚袁世凱以決大計。親貴即無疑忌袁世凱之言。是日黎覆襄陽黃司令仁英電

電悉。光復襄樊。勲勞卓著。俟大局底定。自當論功行賞。仍希珍衛。勉爲其難。季雨霖計可抵襄。分府名義。各處一律取消。以後改稱司令。昨外交伍總長來電。又續停戰十四日。希卽飭各軍隊知照。惟議和日久。戰備更宜緊嚴。務與季雨霖和衷共濟。督率軍隊。經營攻守爲要。

### 附來電

連日奉到停戰改元各電。遵悉。并聞臨時政府成立。總統有人。尤爲慶幸。仁荃本一病夫。因見襄漢上游。關於南北大局。故不敢自愛。與二三同志。冒險圖艱。仰公威福。幸乃有濟。繼則外謀北伐。內定旁縣。添兵籌餉。與地方民事相雜糅。月餘來。部署方完。差告無罪。而旰夕疲勞。寢食俱廢。咯血愈劇。形神兩益不支。此間情形。陰歷十月半後。謝鎮兩次河口入犯。均經擊退。現聞於新野新店鋪孟家樓等處。皆添重兵。日夜思逞。而隨陽店亦有北兵駐紮。又太原失守。西安劇戰。其聲勢皆與河口上游有密切關係。財政則自糧捐並免。各署局存款有限。一提已竭。公債預約。又皆觀望不前。現和議雖開。兵防尤須嚴密。各州縣土匪蜂起。一時未能全平。善後諸端。尤須明強過人者主持辦理。

聞季雨霖君。不日來襄。擬俟其到日。卽請留駐襄陽。擔負其任。俾仁莢得當衆取銷軍政分府。以符當日公推暫時承認原議。仁莢並非畏難避事之人。實因衰病不能戀棧。無濟於事。不得不奉身而退。特恐季君臨事讓謙。務乞大都督俯念襄事吃重。得之甚難。棄之可惜。急電季君囑其照允。萬不可拘泥形迹。致碍大局。束裝以待。無任感盼。

又覆鄖陽府知事伍銓萃電

電悉。鄂省境內。無軍政分府名義。所擬分府名目。卽行取銷。改任爲鄖陽府知事。陸防營隊及縣團。應仍歸辦理。彈壓地方。亦無須添加槍枝子彈。滕君任爲鄖縣知事。其餘五知事。准其暫行署理。沈樊陳龐四君。可暫理陸防營隊事宜。各縣團練。責成各縣官紳切實辦理。至銅元運鄖一節。道路殊多不便。可將鄖陽關稅土稅。由該知事會同地方正紳暫收。以便支配一切。餘文詳。

附來電

鄖郡九月念四日。會同各界懸旗反正。迭次文電馳稟。未奉復示。想因道梗未達。當光復伊始。上下游會匪痞徒。乘機竊發。假立名目。希圖擾害。鄖郡界連三省。幅員二千里。

固圉防邊。均關緊要。非機關畧備。無以提綱挈領。據各界組織軍政分府。公推知府銓萃暫理。並舉沈權爲司令支長。樊之清爲軍務支長。陳德元爲參謀支長。龐成功爲政事支長。六縣仍舊現官制。暫按報章編列。各負責任。至究底如何。祈分別加札。頒發關防。俾資遵守。反正以後。全仗兵隊彈壓。所屬六縣。仍屬安堵。現就陸防營隊。及各縣團練。改編新軍兩標。分派駐紮。但餉項奇絀。除勸紳富酌捐外。議將老河口所收之鄖陽關稅及土稅。牌照捐。收回自辦。目下市面銅元缺乏。官票阻滯。槍彈不敷。軍民交困。懇請飭發銅元三萬串。快槍二千桿。子彈二百箱。接濟要需。而安地方。統乞電示。

一月十七日。有河南軍人馬得勝。自告奮勇。請黎大元帥命令。組織奮勇軍赴河南。援助北伐軍進攻。黎元洪允之。卽命其組織。并給以如左之訓令。

中華民國陸海軍大元帥訓令

元月十七日  
於武昌都督府

- 一、本軍於開戰時。擬佔領甘家店。祁家灣及孝感西南附近。準備向陽店及孝感進攻。
  - 二、河南奮勇軍馬隊長。卽組織軍隊。準備出發。向左開目標。擾亂敵之右側背。
- 第一目標。由原地經新溝雲夢向孝感以北。



第二目標。經應山向廣水。

第三目標。過平靖關向信陽。

以上三目標。着該軍擇其最有利者施行。

是日黎致南京臨時政府電

萍鄉鑛產。成效卓著。查此鑛證據。尙在盛宣懷之手。而伊已逃匿。聞前總辦林志熙。近來曾往來萍滬數次。多造股票。運動股東。減價售與外人。鑛中人紛紛傳播。不日即掛洋旗。勢將不可收拾。且萍煤總局。業買有鐵鑛。早經化驗精良。倘萍煤落於外人之手。則此項鐵鑛。必至相繼而失。後患何堪設想。懇速籌辦法。庶免轉而挽利權是幸。

又致南京臨時政府電

廣西王副督。於元日致電陸軍部。詳述該省困難情形。諒達均鑒。茲沈都督來鄂。述及桂省情勢。似非由中央政府接濟。不能免該省之糜爛。請即設法維持大局。

又致南京臨時政府電

停戰將近兩月。議和毫無成效。財窮兵懈。大局何堪設想。鄙意擬於停戰期內。多募北方

同志。與北方兵營中通聲氣者。密往河南山東直隸及東三省舉義。內可以收北伐之功。外可以弭違約之隙。民國可告成功矣。盼復。

又致南京陸軍部電

現有多數陸軍學生。要求川資赴寧。入陸軍學生隊。擔任北伐。但該生等均係少年。若再加以學問。則皆後日之將才。如徒逞血氣。恐於事無補。貴處究竟有學生軍否。如有。請將該軍辦法。詳細電復。以便轉達該生等爲盼。

附覆電

篠電悉。軍官學校。業已滿額。以後陸軍學生願投効者。概行改編軍隊。學生軍名義。一律取銷。所有貴處陸軍學生。應如何處置。請自酌辦。

一月十八日。黎大元帥通知各軍隊。令各軍隊於停戰期間。務須勤加訓練。各級軍官。尤須研究戰術。以期作戰時。操必勝之權。至於軍紀風紀。更須注意。嚴爲整頓云云。

當是時。蔣翊武劉公兩派。謂鄧玉麟孫武專權跋扈。布置私黨。排斥起義一班同志。後來黃申薌蔡漢卿等結合軍隊。組織羣英會。反對孫武鄧玉麟。孫武見勢不佳。避匿漢口。鄧

玉麟亦潛匿焉。

和議問題。袁世凱仍堅持開國會以公決國體。伍廷芳堅持共和。主張清廷早日退位。但可以條件議定優待。

一月十九日。接各種報告。謂清軍退至陽店。孝感附近佔領陣地。仍在積極準備。以防我軍之進攻。黎大元帥即傳知各軍。對於清軍情形。須派間諜偵探詳細搜索。隨時報告。并令第一軍於開戰時。務進佔甘家店。陽店附近。令第二軍經趙家山（祁家灣南方）向巨龍岡前進。俟第一軍進攻時。即向孝感方面及三汊埠北方進展。又令第三軍準備向孝感附近進攻。但各軍須互相連絡。又令兵站總監派員赴巨龍岡附近。預選地點。補設倉庫。以便給養。并傳知各軍。謂和議未成以前。對於戰事。不可稍有疎忽。

是日黎致長沙譚都督電

敵處現編三軍。應設兵站。需用火輪及船隻甚多。前敵處因公由鄂赴湘之小輪。請速悉數飭回。以便差遣。並望將貴省小輪。酌借若干。尤爲盼禱。

附來電

尊處開來之三輪。敦仁、保漢、利源、均運南武軍下駛。刻下省河無輪。尙有北伐五標待發。不識各該輪藏泊何處。正在派人到處探尋。

又寄兵站及各司令官電

刻下雖停戰議和。然戰雲頃刻萬變。望督率將士。準備一切。以圖北伐。而達共和目的。又覆西安張都督電

此次停戰。續至舊歷臘月十一日止。如再不解決。自當以戰爭從事。敝省已派兵出襄樊。期與貴軍相會於河洛之間。共圖北伐。各省聯軍。亦皆分途掃北。祈極力準備。以資攻守。并乞轉告晉都督爲禱爲盼。

附來電

前屢遣專使上謁。並數電告敝處情形。具達左右否。現敝軍東與清廷大股之師相拒。靈陝間。已竭全力。而長庚、升允、復煽誘甘軍。分道犯境。敝省兵單械絀。餉復不繼。非貴軍設法臂助。恐難支持。頃得確報。太原爲旗兵佔據。晉軍留守之師。退敗不支。已臨敵境。似此西北上游之地。將盡爲敵所有。北伐之師。稍緩必難着手。已電致襄陽轉達貴

軍。現聞保定實已變動。祈聯合沿江各省。號召閩越。分道疾趨。速定大局。不勝盼切。

### 五六、一月二十日 伍廷芳唐紹儀開始議清帝退位條件

一月二十日、黎大元帥即派參謀軍官多員。赴各軍戰地偵察情形。并囑各繪圖具報。以憑籌畫。

是日伍廷芳唐紹儀。秘議關於清帝辭位後之優待條件如左。

#### 甲、關於清帝辭位後優待之條件

第一款 大清皇帝辭位之後。尊號仍存不廢。中華民國以待各外國君主之禮相待。

第二款 大清皇帝辭位之後。歲用四百萬兩。俟改鑄新幣後。改爲四百萬元。此款由中華民國撥用。

第三款 大清皇帝辭位之後。暫居宮禁。日後移居頤和園。侍衛人等照常留用。

第四款 大清皇帝辭位之後。其宗廟陵寢。永遠奉祀。由中華民國酌設衛兵妥慎保護。

第五款 德宗崇陵未完工程。如制妥修。其奉安典禮。仍如舊制。所有實用經費。均由中華民國支出。

第六款 以前宮內所用各項執事人員。可照常留用。惟以後不得再召闖人。

第七款 大清皇帝辭位之後。其原有之私產。由中華民國特別保護。

第八款 原有之禁衛軍。歸中華民國陸軍部編制。額數俸餉。仍如其舊。

乙、關於清皇族待遇之條件

第一款 清王公世爵。概仍其舊。

第二款 清皇族對於中華民國國家之公權及私權與國民同等。

第三款 清皇族私產一體保護。

第四款 清皇族免當兵之義務。

丙、關於滿蒙回藏各屬待遇之條件

第一款 與漢人平等。

第二款 保護其原有之私產。

第三款 王公世爵。概仍其舊。

第四款 王公中有生計過艱者。設法代籌生計。

第五款 先籌八旗生計。於未籌定之前。八旗兵弁俸餉。仍舊支放。

第六款 從前營業居住等限制。一律蠲除。各州縣聽其自由入籍。

第七款 滿蒙回藏原有之宗教。聽其自由信仰。

一月二十一日。黎大元帥傳知各軍。製造戰報表冊。凡所有援軍員額。軍器子彈數目。種號。一一具報。以便分配。又偵察敵方情形。除地形敵情外。所有兵數隊號。將官姓名。及一切配置。并後方之設置。均須詳細考查。以便開戰時容易處置。又令各軍須多預定進攻方法。比較勝算。擇其勝算多者施行之。凡事須有計畫準備。實施三階級。臨時方不致倉皇失措。卽令失敗。雖敗猶勝云云。

是日黎覆襄陽黃司令仁英電

刪電悉。奉都督求助。已電商中央政府。設法維持。尙未得復。茲又派劉公統率大隊精兵前來。合力北伐。希轉告秦都督爲要。

### 附來電

頃得西安電云。太原失守。實有其事。其留守之師。已退至敵境。似此日趨於困難。大局

將不堪設想。晉秦一失。西北上游之地。全歸敵有。鄂軍進取。更難着手。祈速與安陸鄖陽荆沙聯合各軍。協助鄂湘。號召吳越。并力疾趨。速定大局。不然。內而國民失望。外而列強生心。恐不能善其後。請速轉達武昌。以決行止等因。查議和期內。彼此不得進攻。清廷違約犯陝。應如何詰責。自有鈞裁。除電復張都督外。合爲轉達。

又致長沙譚都督電

據駐荆司令長唐犧支電稱。近日荆沙監利各處。到湘軍萬餘。并持湘銀紙幣。在沙市通用。該處市面。幾致倒塌。而目下湘米又禁止出境。紙幣無處交換等情。前來。業飭理財部暫行設法應兌。以全信用。惟現在南北聯合。無事戰爭。所有旅鄂各省軍隊。行將次第送回。現駐荆沙等處之湘軍。合請全體撤回。以舒財力。希速開米禁。以濟民食。而活金融。盼禱。

又覆南京臨時政府並上海外交部伍總長

部電悉。當集全體職員會議。均以此次戰爭原爲改造國體。和議條件。既合共和宗旨。一律甚表同情。



附南京臨時政府來電

和議成否。決於數日之內。清帝有意退位。現正商待遇之條件。一、清皇帝之名號。終身不廢。以外國君主之禮待之。二、暫居宮禁。日後退居頤和園。三、其年俸若干。由新政府提交國會議決。惟不得少於三百萬之數。四、陵寢宗廟。永遠奉祀。五、奉安等處工程。照實用數支出。六、滿蒙回藏之待遇。與漢人平等。又對於袁內閣之要約。一、清帝退位。一切政權。同時消滅。不得私授其臣民。二、在北京不改設臨時政府。三、各國承認中華民國之後。文即辭職。請參議院公舉項城爲大總統。以上以南北統一。民國鞏固爲主旨。現雖未列入正式談判。而進行頗確。若清廷仍不肯就範。則再戰有詞。請仍照前電準備。現北方已有重兵至宿遷。窺淮揚。閩鄂桂之兵。須到南陽。宜一面擾圍鐵路。一面選派洛陽山陽之民軍以牽制之。

又覆上海邵寶電

來電云丸山等所辦機關槍零件。甚不完全。並無預備品。現與丸山交涉。伊已承認補辦一切。其代價望即交付。但於該款內暫扣五千。俟零件及預備品辦到後。再行補給可也。

## 附來電一

機關槍事。已與日人商妥。願補各項零件。現暫交洋五千元。用否候復再定。

## 附來電二

個電悉。砲彈及他款均交。惟機關槍四萬餘元未付。嗣因日人再三要求。願補各項物品。故暫付五千元。但此槍可否留用。統候示遵。以便與日人交涉。

## 又覆沅州代表電

電悉。熱心公難。欽感之至。刻幸各省援兵。業敷分布。且在停戰期內。請暫就地訓練。一俟開戰。當再電借重。此復。

## 附來電

恢復漢國。薄海同欽。湘西士民。勇悍夙著。願盡天職。迫請紳等照新軍兵制。編成一協。自備口糧。來鄂投効。協同北征。伏念民氣既不可遏。故電請鈞命知照。鎮守沅州。及沿途官府。免致驚擾。候電示。

又致南京交通部湯總長電

長江一帶均屬我國範圍。前以戰事。商業停滯。刻亟宜設法維持。聞招商船隻均停留滬上。請轉飭招商局。於長江一帶及沿海無敵口岸。速行照常開駛。俾維商業而保權利。一月二十二日。黎大元帥通電各省。對於敵方作戰方針。以及敵方情形。并我軍準備情形。請電知以便通盤籌畫。協同動作云云。

同日又電上海。請趕造子彈。以便接濟。

是日黎致九江馬都督電

現鄂軍北伐。第二軍已佔領黃陂祁家灣一帶。但電話不敷聽用。故一切報告諸多阻礙。請貴處暫借多數電話材料。飭工程隊運送陽邏。以濟第二軍之用。是所切禱。

### 附來電

禡電敬悉。貴省北伐軍佔領要灣。欣感莫名。電話機料。贛中缺乏。無以應付。

又覆安慶孫都督電

個電悉。清兵大部。刻在武勝關。我軍已進領黃孝漢川之線。又派遣一支隊經襄陽向河南。以出其側背。至麻城羅田。按地形係在武勝關之東南。如其出此。則同綫之交通。及其

後方之轉輸。俱處難境。且其側背又爲漢口方面之進擊軍所威脅。鄙意清兵圖皖。必依周家口。爲其後方之基地。再依潁州爲進據之點。由此佔領淮北。再取壽廬。不至出麻羅也。至全局方略。一以一軍依海軍輸送於直魯沿海方面。並與該地之反正軍協同動作。一以一軍依津浦鐵路北進。一以一軍依京漢鐵路北進。一以一軍由成都進取漢中。會秦晉之師。出滿京西北。尊處所得確切敵情。仍請隨時示知爲盼。

附來電

敵人新計畫。陽撤漢陽之兵。陰圖進據皖北。沿鐵路以東各要隘。皆須有重兵駐守。目下羅麻一帶。我軍兵力如何。能否防禦不令東竄。乞查明電覆。以便敝處計畫防堵。至皖鄂兩省應如何協守之處。仍祈統籌全局。預定方畧。電示遵行。無任企禱。

又覆大通軍政分府電

贊電悉。熱心公難。極爲歡迎。究不知軍士若干。槍械若何。來時祈由青山登岸。藉資策應。盼復。

附來電

敝處援鄂之師。不日出發。奉陸軍部示。從黃州登岸。現派參謀官胡昭功。軍需官吳樹珊。前往黃州偵察駐紮處所。乞諭該處長官接洽一切。至爲盼禱。

附覆電

電敬悉。敝軍援鄂。編成步兵一聯隊。旱雷一中隊。砲兵兩中隊。除砲兵一中隊經藍都督電商撥歸北伐外。餘均赴鄂。所有槍枝。係明治三十年式。但敝處小輪。僅有兩艘。運送恐延時日。現定於本月二十七號起。陸續出發。承諭從青山登岸。自當遵照。謹此奉聞。伏祈睿鑒。

又覆季招討使電

水師統領。已委趙均騰。以一事權而免紛歧。希轉飭荊襄各師各營一律遵照。

附來電

襄河各師。舊屬防營。現因軍務倥傯。沿河巡緝。非但清匪。兼利交通。曹進資深望重。素悉襄防。擬請暫充襄防水師統領。以資維持。如能允許。卽請電示。

又覆貴陽軍政府電

現在和議稍有端倪。數日可望發表。不然仍合師北伐。

附來電

停戰期滿後。未奉來電。究竟和議成否。即祈示覆。

又致陽邏第一軍杜司令電

據第二軍報告。敵人楊店之主力已退。河南屬之宣化店。有敵之步隊三四百人。黃陂站有敵之馬隊七八十人出沒。并聞有大步隊到。似將乘隙襲我。我第二軍本營兵力單薄。該軍須速派一標至黃陂界警戒。其餘與二軍自行接洽。相機處置。

附來電

黃安方面敵情。昨已專人報告。敵軍現定廿四五六等日。向甘家店前進。惟是敵軍現已前進。再難零星分兵回顧。此後如有大股敵人由羅山方面來襲。非步隊十七標所能抵抗。特敬請鈞處另派兵力前往剿辦。敵軍自可專一聯絡第二軍進攻。至黃安方面敵情。敵軍如有所聞。當隨時報告。仍望鈞處速派專員前往偵探是禱。

一月二十三日。黎大元帥組織顧問參議兩廳。每日午後八時。各機關重要人員及顧問

參議等。務開會一次。共同討論進行各事宜。

是日黎覆長沙譚都督電

敵處所購之槍。尙未運到。敵軍已退至孝感。和議正在磋商條件。此復。

附來電

聞尊處新購快槍已到一萬三千枝。現湘桂聯軍。及敵省南武北伐各軍。均需槍甚急。乞允借五千枝。俟敵省購槍到鄂。卽奉還。近日敵情若何。議和有无成效。乞示。

又覆南京陸軍部電

禡電悉。軍營月餉。請照陽歷月份計算。免致每年多出日數。難於清結。爲禱。

附來電

軍營月餉。現改陽歷。請飭各軍隊嗣後領餉。均以三十日計算。以昭統一。

又致金口沈總司令電

頃據貴軍趙司令恒惕來函。指借餉銀一萬元。已飭理財部照撥矣。特此電達。

一月二十四日。黎大元帥派監察劉公。爲北伐左翼軍司令官。帶軍隊兩混成標。馳赴襄

陽。連合季雨霖招討使之師。向河南方面進攻。

是日黎致南京臨時政府電

中央政府成立。軍官服制。自宜首先釐定。俾得維秩序而振精神。又敵處光復以來。各員之忠勇効命。爲數甚多。應請規定勳章等級。分別酬獎。以資鼓勵。

又覆淮安汪團長浩然電

電悉。清淮要塞。攻守維艱。麾下既率師駐此。於戰事慶得人。於麾下慶得地。惟望整軍經武。共圖北伐。指日會師幽燕。殊途同歸。無須來鄂。

又致長沙譚都督電

荊州光復。王統領正雅之軍。著有勳勞。現停戰期滿。所有軍隊。逐次開向前敵。武漢雖爲我有。保安尙須兵力。卽請速飭王軍到鄂。以資協助。無任感盼。希卽電覆。

附來電

敬電悉。已迭電催王統領。想當卽赴鈞召也。

又覆黃州高知事電



電悉。黃岡民團既已成立。自勿庸另辦。就地籌餉。擾民實甚。礙難照准。仰卽轉移知照。  
附來電

頃接民軍自治團第二標統帶胡移開。奉團長倪命令。將該標移駐府屬各州縣。并就地籌餉。查新章僅轄黃岡一縣。縣內民團已經成立。勿庸另辦。恐籌餉一事。人民實難負擔。究應如何。請核奪示遵。

又致岳州兵站吳友松電

據商民劉公祥等五人報稱。所運之米。因戰事途梗。商船難行。經貴站將所載之米九百餘石。儘數取存。現在交通稱便。希卽將該民所存之米。如數交出。運下接濟武漢民食。倘發軍餉。希卽照市給價。以恤商民資本。而保民軍名譽。盼覆。

附來電

敬電敬悉。惟劉公祥之米九百餘石。前係曾司令扣留。交給敝部起倉。並已將詳細情節申稟敝譚都督請示辦法。昨持尊電赴曾司令處商議。曾司令以既有尊電前來。自應照辦。但未得敝都督覆電。不敢放行。俟有覆電來岳。若何了結。再行電申。

一月二十五日。黎大元帥派往上海之連絡員。胡瑞霖孫發緒等。因與劉成禺孫武時功玖張伯烈輩。不得意於南京政府。相約回鄂。

是晚黎大元帥開會議時。都督府內之顧問參議等大半俱到。孫發緒等報告。謂孫文說話都是欺人之語。此次初到上海。百無所有。祇帶一殘廢之美國人。詐稱是美國將軍。其實非也。又云。南京政府。是如何如何不良。我輩萬不可與之連合。須速謀自衛。極力慫恿武昌與南京脫離關係。自此黎元洪抱定主義。另立門戶。組織共和黨。壟斷湖北一切政權。聯袁拒孫。不久而起義之一班真正愛國男兒。非亡命。即歸隱。否則皆遭殺也。是日黎致金口沈總司令電。

頃接湘都督電告。迭催王統領正雅率師東下等因。查武漢之兵。均已開往他處。祈我公電催荊州之軍速來。由漢陽上岸以厚兵力。

### 附來電

有電悉。王正雅一軍。屢去文電。繼以專員。當可遵照開拔。趙軍前隊。已進紮東山。竊慮蔡甸空虛。已將敵部衛兵。開拔一隊。前往填紮。以厚聲勢。桂軍後隊。均經出發。敵隊已

抵衡州。

又致南京臨時政府電

協商各條。清廷是否就範。刻得其正式答復否。現在和議難恃。停戰不日期滿。我軍即準備進擊。惟國軍運行。最貴一致。使各自爲謀。則一方既難奏効。而他方又被制阻。且敵之後方。有鐵道之交通。其運動容易。前次敵於停戰期內。取我太原及潼關等處。即其交通上便利。而我軍無一致之運動。現擬將國軍統一計畫。可否暫歸敵處規定。各方協同之運動。則我軍免各個接戰之害。而敵失其抽兵進擊之利。庶掃北之勝効。或可期於速達。鄙意屬在大局。非僅爲鄂也。如表同情。仍希教示一切。速復爲禱。

附來電

有電悉。和議難恃。我軍戰鬪準備。刻不可忽。凡關於湖北方面之作戰計畫。應請尊處相機制宜。不爲牽制。惟敵人作戰目標。移向南京。國軍行動之總方略。應由中央規定。通告各處。然後能期統一。

五七、一月二十六日

袁世凱授意段祺瑞請清帝退位 彭家

## 珍炸良弼斃之

六二二

一月二十六日接上海伍廷芳代表來電。謂袁世凱示意段祺瑞。并連合北方各路統兵大員。聯銜奏請清帝溥儀退位。宣布共和政體。并有即帶全部軍隊入京。與各親貴剖陳利害等語。請各省民軍萬勿稍有衝突。貽誤大局。

是日又接北京來電。謂軍諮使良弼被彭家珍所炸。清廷極惶恐。

先是吳祿貞之赴奉天也。有四川同學薦一人名彭家珍者。與之同路。言彭故有親戚在奉。將從之覓事。而無資斧。故欲同行。綬卿許之。既至。則彭戚他移。欲歸不得。時綬卿亦無方面。察其材武。因送之於奉天講武堂。彭勤學勵品。每星期放假。則來宿於綬卿旅宅。綬卿愛之如子弟。及將游延吉嶺皮子溝諸處。彭意欲相隨。綬卿勸其忍耐。期之畢業。然彭固心許綬卿能知我矣。無幾。而綬卿署吉林副都統。且入京。又開府延吉。彭尚未畢業。會綬卿入爲正黃旗都統。兼第六鎮統制。駐保定。則彭爲奉天留用。且派之赴黑龍江巡閱馬隊。及漠河金礦。辛亥革命軍起。綬卿聯合張紹曾。藍天蔚。撤回駐奉天第二十鎮及第三十六混成協。謀響應武昌。彭家珍遠在漠河防地。不及從。當路知其爲吳祿貞弟子。防

之密。家珍乃微服而逃。至奉天。與劉其達相會。則第二十鎮統制張紹曾兵已至灤州。皇恐不進。藍天蔚亦畏首畏尾。遂爲其部下聶劉二標統細縛解省城。幾被殺。賴熊希齡救不死。家珍大憤。務須追及綬卿。與同革命。乃未至石家莊。而綬卿爲袁世凱良弼所暗殺。家珍憤不欲生。因置酒與劉其達話別曰。吾此行。如不能爲吳祿貞報仇者。枉生天下矣。但主謀未得。故遲遲而入北京。旣而京津各報。頗言成事爲良某。家珍曰。賊在是乎。於是親至良弼所居。記其戶號。聞良自革命軍起。不交生客。乃賄人四出。探良所素與往來者爲誰。并其居宅遠近。必尋仇而後快。久乃得聞良之密友爲長白文君。由是往大柵欄估衣店。租衣服袍套緞靴。并時賃馬車一輛待用。又陰備炸彈手槍各物。惟劉其達頗預聞其事。然不能相助也。當是時。革命軍久踞武昌。四方時有響應。良弼在軍諮府頗忙碌。而袁世凱幕僚。半在天津。故軍諮開議後。有時更赴天津會議。行踪詭秘。無法可偵。彭家珍必欲誅之。是日晨起。衣冠坐馬車。懷僞造文某名刺。至良所居拜會。閤人言。不在。問何適。曰。昨日下午赴天津會議未回。問何時當返。曰。下午。然亦不定。彭歸至金臺旅寓。呼劉其達至陶然亭小酌。旋分手。復乘車往良宅問良。仍未至。乃繞行他處散悶。少頃。復至良所。

居。問良消息。曰未回。遂驅車返。方出胡同。未十餘丈。見有馬車一迎面而來。騎兵從者數十。詢車夫。則曰此良大人歸來矣。家珍喜曰。速回馬。吾往拜良大人。及抵門。則良弼早下。將入大門矣。家珍僕持片曰。文某拜會。弼曰。請家珍至。則素非相識。意欲行。家珍遽探手於懷。出炸彈以擊之。良弼斷腿。向門內斜撲。而炸彈之片。自石門限折回。而彭家珍即成功以死。良宅大呼。彭所乘馬車及僕人分逸去。劉其達聞此信。急逃。劉故爲張紹曾解餉銀五萬兩。至是恨張不從吳策。乃運其餉銀逃至滬。赴湘。以此銀貢之湖南政府。後彭馬車夫捕獲。訊口供。言彭行事。而車夫實未與謀。得免死云。次日良弼死。

是日黎覆長沙譚都督電

敬電悉。貴省桂軍及北伐援軍。指日陸續來鄂。幸甚。但敵省快利已開往宜昌。利湘保漢已開往陽邏。又敦仁尙待修理。一時均恐不能調用。除前已飭固陵開至貴省運接各軍外。准開君山萍順。即日來接。特此電覆。

附來電

湘省北伐軍出發。尙有萬餘人。廣西軍又指日過境。湘河現無一輪。開戰期近。事機迫

切。困難萬狀。乞速派快利敦仁利湘保漢并萍字號拖輪八艘。即日來接。並祈示覆。

又覆長沙譚都督電

皓電敬悉。湘省需鹽孔亟。擬暫借川粵各商。發給執照。包運到湘。并囑鄂飭各關卡免稅放行等因。准此。是川鹽運鄂。其免稅與否。自以銷湘銷鄂爲斷。銷湘銷鄂。必以有無執照而分。嗣後鄂對川鹽。認爲銷湘免稅者。有貴省執照。卽爲確據。此件關係重大。發給執照之手續。務祈格外嚴密。否則有領照少而運鹽多。以餘鹽偷銷他處。或領照後而已不辦鹽。將原照轉賣他人。甚至僞造朋充。弊端百出。殊爲可慮。惟貴省既主持此義。須將製照發照驗照繳照。及每次運鹽額數。達到地點。所需時日等。一切詳細章程。從速規定。電知後。再行酌量查照辦理。原電簡章六條。似嫌疏畧。至行澧州川鹽。暫仍由鄂代收一節。應卽照辦。此覆。

附來電

寒電敬悉。川省子鹽行湘。從前僅澧州各屬。與淮並銷。此外不能踰越。每斤代收湘釐十文五毫。又加價四文。海防二文。口捐四文。由鄂代抽。每年包征十萬二千串。分季解

湘。另由湘設卡於澧屬花畹岡。每斤收鄰稅五文。比較淮鹽科則已減十分之六。稅輕價重。公私劇損。現因需鹽孔亟。擬暫招川粵各省商人。發給執照。包運來湘。至岳州之城陵磯。每淨鹽百斤定價長沙省平銀一兩六錢。除預繳公費二錢外。商人實得價一兩四錢。再由湘岸運商運赴內地。歸局督銷。發收課款。已電復程都督。如有川商願意領照包運。請飭來湘接洽。原電酌定稅額及征收地點各節。碍難照辦。如將來有領照包運之川鹽過鄂。即請飭各關卡免稅放行。至行澧川鹽。即向不領照。并不得過城陵磯。其應征湘省釐捐。仍請照舊代收。來電平善。以應否另設湘局。俟體察情形。再行商辦。所擬招商簡章六條。呈閱。一、承辦商人。無論本局外省。如確係殷實。籌集資本。自願擔任辦鹽來湘。須赴本處訂議。以便發給執照。一、應發鹽價。除皮重不計外。按照十六兩八錢局科淨鹽百斤。價定湘平銀一兩六錢。交斤之後。照數發交承辦商人具領。一、承辦各商須先呈樣鹽。以後辦鹽到湘。如色味較樣鹽爲劣。或有攙和等弊。不合湘中銷市。概不收受。一、承辦商人所辦鹽斤多寡。以執照爲憑。每鹽百斤應由承辦各商先繳照費湘平銀二錢。無照之鹽。不准在湘發賣。以示限制。倘有領照未能辦鹽者。執照



限期繳銷。照費概不發還。一、鹽斤無論辦自何省。統由商包運。到湘交缺。所有輪船租價。及沿途鹽稅。並各雜費。概歸承辦商人自理。一、運鹽到湘。以岳州之城陵磯爲交斤地點。其起缺過駁手續。及停輪期限。應由承辦商人與湘省鹽商公所直接議定。

### 又覆南京財政部電

鄂省財政。萬分窘迫。自起義迄今。用款已達九百萬有奇。原存生銀銀元銅幣統計不過四百萬左右。按月支出需銀三百餘萬元。近日各省援軍相繼而至。餉項多由鄂撥。無非以現銀紙幣互相搭放。雖造幣廠尙在開工。而日出無幾。難敷兌換。且湖北從前發出各種紙幣約二千萬。現仍通行。勢難漠視。致失信用。昨據理財員詳細報告。通盤籌畫。難敷一月之用。若不急爲設法。萬難支持。已將困難情形。及收支數目。交由參議員。要求中央政府極力維持在案。貴部總司財政。必能統籌兼顧。保全大局。非獨鄂省之幸。民國前途之幸也。辱承詢問。敢以奉聞。

### 附來電

本部成立。暫設總統府內。並假上海戈登路七號爲駐滬辦事處。所有函電。望分別遞

送。目前民國財政。萬緒千端。非賴周諮。曷資共濟。各省財政狀況。務望詳示爲禱。

### 五八、一月二十七日 良弼被炸後之北方局面

一月二十七日。接北京來電。謂良弼已被炸死。清廷親貴。人人自危。遂不敢昌言反對共和。且紛紛離北京走天津青島大連各處。託庇外人。雖清廷召集王公會議。亦無人至。袁世凱更爲所欲爲。於是南北各省人民。及北方文武大吏。相率電請清帝退位者。日必數十起。而議和所爭執之國體問題。一變而爲清帝退位問題矣。

是日黎覆南京陸軍部電

貴部所設之駐滬軍械購運處。辦法甚善。嗣後無論何省購運軍械。非經該處點驗。查核不能作算。務祈通飭。並知照洋商爲禱。

### 附來電一

凡各軍現用軍械歧異。一切補充甚屬困難。本部爲統籌全局起見。請卽飭各軍隊將現用槍砲子彈。及器械材料等項。數目種類配備。詳造清冊。迅速報部。以憑核計。而籌補充爲盼。

附來電二

本部駐滬軍械購運處。暫設上海四馬路棋盤街經武公司內。並派處長黃師元駐滬經理。特此電知。

一月二十八日、黎大元帥因停戰日期行將屆滿。和議仍未解決。誠恐各軍懈怠。特下如左之命令及訓令。使各軍隊準備作戰。

中華民國海陸軍大元帥命令

元月二十八日午前九時  
於武昌省城都督府

二號

一、綜合各種報告云。孝感縣之敵。約混成一協以上。三汊埠之敵。約混成一協以下。楊店驛附近之敵。約混成一標。又雲夢應城等處。似有敵之小部隊佔領。

又花園廣水武勝關信陽等處。均有敵人佔領。其兵力未詳。

我北伐左翼軍。（係襄陽招討軍及河南奮勇軍）擬由襄陽預向南陽進攻。

我步隊第十五標。預定由仙桃鎮向漢川縣前進。策應第三軍。

我安徽軍約混成一標。陸續由團風上岸。向麻城前進。

據南京陸軍部總長來電云。南京各軍。陸路由徐州進攻。海路由煙台進攻。

據第二軍李司令官報稱。鐵路公司辦事員蔡仲和。由洛陽乘汴洛鐵路。改乘京漢鐵路來報告云。我秦軍在潼關擊破敵軍。現已追出潼關。佔領陝州及新安縣。

二、本軍擬於元月二十九日確實佔領甘家店祁家灣巨龍岡及新溝附近。準備攻擊。  
三、第一軍於元月二十九日午前八時以前。佔領甘家店。準備向陽店驛附近進攻。但須派一部佔領黃安附近。警戒羅山方面。如於現在情形無所障礙。務須續行前進。佔領黃陂站以對於羅山西方準備攻擊。

四、第二軍於元月二十九日午前八時以前。佔領祁家灣附近。準備向三汊埠進攻。  
五、第三軍於元月二十九日午前八時以前。佔領新溝附近。準備向孝感進攻。  
六、江西軍馮統領。率該協於元月二十九日午前八時以前。佔領巨龍岡附近。準備向孝感方面援助第三軍攻擊。

七、長江艦隊。於元月二十九日午前八時。須於陽邏青山間以任警戒。

八、第一支隊。於元月二十九日午前八時以前。直即開始渡江。佔領漢口。謀家磯製紙廠。藤子岡。戴家山附近一帶。但須派一部佔領姑嫂樹及長豐附近。并須準備援助第

## 二軍。

九、第二支隊。於元月二十九日午前八時以前。直即開始渡江。佔領漢陽兵工廠及黑山附近一帶。但須派一部警戒琴斷口三眼橋方面。

十、第三支隊。於元月二十九日。以一部佔領麻城附近。其主力向黃安方面前進。如於現在情形無所障礙。更令續行前進。佔領天台山三角山附近。以對於羅山方面準備攻擊。

十一、武昌守備隊。於元月二十九日午前八時。仍續行前任務。

十二、總預備隊。於元月二十九日午前八時。仍在原地聽命。

十三、予現在武昌省城內都督府。

大元帥黎元洪

給兵站總監訓令

元年元月二十八日午前九時  
於省城都督府

二號

一、本軍擬於元月二十九日午前八時以前。佔領甘家店祁家灣巨龍岡新溝等處。準備向楊店驛三汊埠孝感諸方面攻擊。

二、貴官須准據第一號訓令。與各軍及各支隊司令官妥籌辦理。  
、予現在武昌省城內督都府。

大元帥黎元洪

給軍務部訓令

元年元月二十八日午前九時  
於省城都督府

二號

一、本軍擬於元月二十九日午前八時以前佔領甘家店祁家灣巨龍岡新溝附近。準  
備向楊店三汊埠孝感諸方面攻擊。

二、貴部須准據第一號訓令。妥籌辦理。

三、予現在武昌省城內都督府。

大元帥黎元洪

給交通部訓令

元年元月二十八日午前九時  
於省城都督府

二號

一、本軍擬於元月二十九日午前八時以前。佔領甘家店祁家灣巨龍岡新溝等處。準  
備向楊店驛三汊埠孝感諸方面攻擊。

二、貴部須據第一號訓令辦理完善。

三、予現在武昌省城內都督府。

大元帥黎元洪

給安襄鄖荆季招討使訓令

元年元月二十八日午前九時  
於省城都督府

二號

一、本軍擬於元月二十九日午前八時佔領甘家店祁家灣巨龍岡新溝等處。準備向楊店驛三汊埠孝感諸方面攻擊。

二、貴官速率所屬部隊。由原地出發。向南陽前進。如於現在情形無所障礙。即向遂平縣續行進發。以擾亂敵之側背。

三、予在武昌省城內都督府。

大元帥黎元洪

給步隊第十五標訓令

元年元月二十八日午前九時  
於省城都督府

二號

一、本軍擬於元月二十九日午前八時以前佔領甘家店祁家灣巨龍岡新溝等處。準備向楊店驛三汊埠孝感諸方面攻擊。

二、貴統帶率領該標。於元月二十九日午前八時。由原地出發。向漢川縣前進。策應第

三軍之作戰。并須掩護我軍左翼。

三、糧食補充。得由就地購辦。如不足時。即赴新溝兵站部受領。

四、予現在武昌省城內都督府。

大元帥黎元洪

給北伐左翼軍劉總司令官訓令

元年元月二十八日午前九時  
於省城都督府

二號

一、本軍擬於元月二十九日午前八時以前。佔領甘家店祁家灣巨龍岡新溝等處。準備向楊店驛三汊埠孝感諸方便攻擊。

二、貴官率所屬步隊。由船舶輸送至襄陽上岸。向南陽前進。如於現在情形無所障礙。即向遂平縣前進。以擾亂敵之側背。并須與安襄鄖荊季招討使連絡。

三、予現在武昌省城內都督府。

大元帥黎元洪

同日接南京來電。謂南京政府既完成。各省代表會依臨時政府組織大綱之規定。代行參議院之職權。嗣各省參議員已至過半數。遂於是日開參議院正式成立大會。舉林森



爲議長。王正廷爲副議長。

是日黎覆上海張振武電

江寬運來之槍。係日俄戰爭之廢物。概不能用。如何速復。

附來電

加碼江寬。諒已抵鄂。二批軍火將到滬。武等擬於廿八日返鄂。此後貨價兌交事項。擬請李玉山留滬接洽。

又致上海張振武電

所購之槍。係日俄戰爭時日本所得俄國廢槍。全不適用。不特虛糜鄂款。亦且貽笑外人。宜速與前途交涉更換爲盼。

附來電

電敬悉。查此次槍械到滬。當請丁復君往吳淞檢驗。因只有數箱舊物。尙屬可用。已罰銀萬兩。今既如此。只好趕辦交涉。竭力相爭。

又寄襄陽季司令官電（卽是日之訓令也）

本軍於一月二十九日午前八時佔領甘家店祁家灣巨龍岡新溝等處。準備向楊店驛三汊埠孝感諸方面攻擊。希速率所部由原地出發。向南陽前進。如於現在情形無所障礙。卽向遂平縣續行進發。以窺敵之側背。

附來電

電敬悉。敵軍整備就緒。尅日進攻南陽。奮勇隊一標。請飭火速出發。陝西自接萬急電後。消息梗阻。潼關安危。未知若何。現在軍火無多。應請妥籌接濟。迅速解運。俾資攻守。

五九、一月二十九日 段祺瑞贊成共和已徵實

一月二十九日接南京來電。討論中央政府地點。其時武昌開會討論。有主張移於湖北者。有主張在於南京者。又有主張仍在北京者。各有充分理由。未能表決。

是日黎覆金口沈總司令電

昨日敝處派員與之聯絡。幸該軍甚表同情。允再向北退。以表示同意。

附來電

急。袁參謀歸。據述尊處昨午派員前往聯絡段軍。刻下專員應已回省。彼處情形如何。

### 立盼示復。

又致南京臨時政府電

接伍總長省電感電。卽於二十七日派員至孝感與北軍接洽。聯絡一致進行。段軍統派員接待。據稱段對於共和政體。久有同意。此次軍隊退卻。實不願與民軍衝突。損傷元氣。至進行方法。現已規定。請民軍不必前進。致生誤會云云。敝處已通飭各軍。駐紮原地。暫不前進。所有一切準備。亦不得稍懈。致受勞師費財之害。庶共和政體得早日告成。下游各軍。請卽通知。相機動作。爲盼。

### 附來電

頃接伍代表電云。沁電敬悉。停戰之期。至明日上午八時爲滿。不再展期。已經決定。惟段祺瑞軍統。與北洋四十二將校。聯名電奏清廷。速行宣布共和。段現統第一第二兩軍。處武漢前敵。如黎副總統與之接洽。則明日武漢方面。可聯爲一致。不復有戰爭之事。至張勳一軍。唐君紹儀屢電勸其贊同共和。張回電反對。唐君又電袁內閣。囑其嚴飭張軍。勿得暴動。倘明日停戰期滿。張仍違約。則兵燹非自我開。更可令天下萬國。知

曲直所在。此處得袁內閣來電。據唐見皆係表面文字。其實內容尙無他意。廷昨致袁內閣電。謂若停戰期滿。尙未得清帝退位確報。則前此所訂優待條件。卽全行作廢。來電囑將和議無效之始末正式發表。與廷意甚合。惟須俟得覆電。如仍持勿使清帝退位之意。以致兵釁再開。再行發表。如是則清廷以爭一君位之故。不惜流全國之血。必爲人道所不容。而我民國政府希望和平之意。更昭著於天下。對外可得友邦之同情。對內可激同胞之義憤。似尤爲妥協。特此奉覆等語。特此奉聞。

附上海伍總長來電一

頃唐君送來段軍統復電云。陽二電悉。瑞典各路統兵大員。於今晨聯銜電奏。請定共和政體。都中已有布置。切告各路民軍。萬勿稍有衝突。以免貽誤大局。瑞齊云云。前電請尊處派員與段接洽。請速派往。唐已電段妥爲接待矣。

附上海伍總長來電二

省電想已達覽。段軍統現統北洋第一第二軍隊。駐紮孝感。爲武漢前敵。旣聯合各路統兵將帥贊同共和。似宜就近由黎副總統派員與之接洽。

又覆上海伍外交總長電

日昨派員前往段軍接洽。聯絡一致進行。段派員至孝感車站接待。據稱目的相同。方法不便一致。段軍退至孝感以北。我軍駐紮祁家灣一帶。相離五十里。此時準備雖不得稍懈。亦不便急進。致起誤會。北軍仍攻秦省甚急。請速切實阻止。顧全大局。是幸。

附來電一

宥寢二電。想已達覽。唐君紹儀已電段君祺瑞。如尊處派員前往。彼即接洽。未審尊處已經派員前往否。北洋將士贊同共和。理宜與之聯合。段現統第一第二兩軍。處武漢前敵。則尊處就近與爲接洽。必能泯除嫌疑。同定大局。尊處二十六號電悉。於停戰期內。決定不再展期。並復。

附來電二

頃唐君紹儀送來段祺瑞電文如下。三電均悉。某國欲漁利。又豈止一某國。尙有慫恿外蒙獨立爲吞併計者。禍機之發。不知胡底。兄弟鬩牆。外猶禦侮。謀國利民福者。似宜遠瞻近矚。審慎出之。瑞夙抱宗旨。不忍地方再有糜爛。塗炭生靈。且公使俱在都門。秩

序一亂。是將授以干涉之柄也。聯奏昨夜半已到京。今日未知如何。況兩軍相持太近。時有衝突。已擬稍退。民軍不可再進。致生惡感。孫黃兩公。統祈代爲致意。瑞青云云。觀此電。段君洵明大義。卽請派員與之接洽。黃陂等處。兩軍尤爲接近。更須妥爲處置。並望總統陸軍總長致電段君與之聯絡。以期一致進行。完全達到共和目的。是所切盼。又覆上海張振武電

所購到鄂之槍。已經試驗。均係廢槍。不能適用。尙須速向該商嚴重交涉退換。又據來電所購槍砲子彈。均已到滬。須匯款五萬元。但不知所購之砲彈機關槍及該槍子彈各若干。已付銀若干。尙欠款若干。分別電復。卽將所購之槍砲子彈全數運鄂。俟試驗後。如能合用。再行交款。庶免受欺。

#### 附來電

電敬悉。現到機關槍彈。七生的五日本速射砲彈均全。商請邵保撥款。渠不承認。請速另匯八萬五千兩找價。免延認罰。哈喇呢雨衣。已訂萬套。價五萬兩。十日內兩交。亦祈匯款。

一月三十日。黎大元帥宣布段祺瑞聯合北方將領。奏請溥儀退位之電。并伍廷芳代表來電。通告各部隊及武漢人民。軍民皆有喜色。

是日黎覆蒙自民團局電

電悉。率隊北伐。壯志堪欽。但北軍現已漸退。貴處毗連越疆。邊防宜固。西藏多事。尤宜注意。所有貴團。請勿庸來鄂。

### 附來電

現組織敢死隊五百北伐。自備路費到鄂。尊處能否發給餉項。乞示復。

又致南京內務部程總長電

頃接渝軍政府電開。敵處對於北伐一事。亟欲立刻出師。以川陝唇齒相接。吃緊情形。較他省尤切。全省練兵。雖到五鎮。然軍械缺乏。難敷分配等因。前來。查清廷於停戰期內。派遺升允。攻陷太原。長庚又出兵與之會合。南北相竄。晉川俱處危境。而川爲財富之區。又處長江建瓴之勢。鄙意以川省認爲大局所必要。現川兵雖有五鎮。多數實係徒手。其前派辦械之員。查不可恃。敵處正在出師北伐。無械可撥。閣下誼屬桑梓。關懷尤切。聞川省

有路款存滬。或能先其所急。籌械接濟。俾得援秦晉而保川省。如何設法之處。祈速妥籌爲盼。

是日黎致金口沈總司令電

北軍已向我表同情。該處各員所上清廷之摺。業飭報館刻日登出。現敵軍北退。已與約定不得接觸。免生意外衝突。湘桂各軍。務暫紮四汊河及新溝附近。萬不可進紮孝感爲要。

一月三十一日、聞南京陸軍部長黃興。對於北伐作戰方略。早已議定。將通告各省。一致行動。以湘鄂爲第一軍。由京漢鐵路進攻。寧皖爲第二軍。向河南進攻。與第一軍會合於開封鄭州之間。互爲策應。淮揚爲第三軍。烟台爲第四軍。向山東進攻。會師於濟南及秦皇島。沿海以海軍援助。合關外之兵爲第五軍。山陝爲第六軍。向北京前進。整軍經武。合天下人心以爲後盾。袁世凱所能指揮萬餘之衆。不足平也。袁世凱亦自知之。只利用漢陽一勝之威。以要挾清廷之政權。一面與民軍議和停戰。以緩民軍之氣。故民軍作戰計畫。卒爲暮氣所乘。不復用也。



是日黎寄荊州李知事電

駐沙潯川源銀行。係川人貿易交通機關。務須力爲保護。無論何人。不許藉詞提款爲要。  
附復電

接三十一號電。敬悉。遵卽保護。並照會沙商會轉知矣。

六〇、二月一日 章太炎主張以袁世凱爲臨時大總統仍都北京

二月一日、章太炎自上海來電。主張袁世凱爲臨時大總統。又謂中央政府仍宜在北京。是日黎覆荊州自治會電

電悉。王統領戰功卓著。故敦促來鄂。以壯北伐先聲。礙難久留。唐司令業令返荊。必能保護一切也。此復。

附來電

荊州投誠後。漢滿人民。均蒙唐王二公極力保護。刻下籌備善後。全賴駐荊諸公維持。現聞唐公赴省。王公又將調去。數萬生靈。惶惶無依。敬懇都督垂鑒。恩准王公留荊。不

勝感戴。

又覆南京臨時政府電

電悉。段軍統已派員與之聯絡。彼軍既退。我軍自不得復進。致生惡感。早已嚴申禁令。但身爲民軍者。禁之自易。心爲民軍者。防之實難。查河南地方。軍民贊成共和。亟思響應者。比比皆是。段君下車所遇之炸彈。決非民軍所爲。或心爲民軍者之急圖一逞也。如段軍能早改用民軍旗章。昭示大信。決無此種危險。并可早立奇功。此意已令聯絡員婉達。祈尊處轉商唐代表。再爲婉勸。尤爲妥洽。

附來電一

連接伍代表電。段軍統聯合四十二將帥電。要清帝。宣布共和。又轉來段電云。祺瑞夙抱宗旨。不忍令地方再有糜爛。塗炭生靈。因兩軍所持太近。時有衝突。已擬稍退。民軍不可再進。致生惡感。孫黎兩公。同此代爲致意等語。彼方軍隊既承認共和。可由尊處派人與段接洽。我民國軍隊。爲共和主義而戰。若果能南北聯合。一致進行。卽不血刃而功可成也。急電俟復。

## 附來電二

頃得唐代表電云。今日接到段復電云。電悉。孫黃所示各節。殆未詳察北軍各路統兵人員聯稟。請定共和政體。明明宣布矣。既容稟請。萬勿改易。武昌派代表來。言明北軍既退。南軍決不北進。迨孝感三汊埠北軍起行。南軍卽到。未免失信云云。據此則北軍贊同共和。似無疑義。段軍既經貴處與之協商。彼軍退時。可勿相逼。免以疑心而生衝突。

## 又致南京交通部電

鄂中郵票將罄。郵政極形困難。湘陝相續請票。亦苦無應付。似此情形。郵政行將停止。若不設法挽救。匪獨交通不便。將來外人要求代辦。何以拒絕。權利攸關。不容緩視。請速定票式。並籌加入郵會辦法。頒布施行。庶足保利權而免交涉。

## 又致南京內務部程總長電

川省政權紛歧。內部不靖。加以援川滇軍。亦不愜洽。恐釀意外之虞。想我公關懷桑梓。必能融化一切也。

又致長沙譚都督電

感電所稱之陸軍學生。係由貴省陸軍小學畢業。申送來鄂之陸軍第三中學生。於湘省起義之初。該生等關懷桑梓。卽集合三十餘人。由敵省譚顧問率領回湘。襄辦軍務。焦陳事起。公文遺失。又閒而未用。故至今無從稽查。現因敵省有開辦陸軍大學之說。該生等求學心切。故復請咨來鄂。但期限未定。仍請貴省予以位置。一俟學堂成立。再行電調可也。

### 六一、二月二日 段祺瑞派代表與武漢接洽國體問題

二月二日、黎大元帥將段祺瑞派代表至武昌接洽關於國體之事。通告武漢軍民。并通電各省。

是日黎致南京陸軍部並各獨立省分軍事機關電

頃准段軍統祺瑞。派來全權代表。與敵處接洽一切。並要求敵處給與照會。以便回復。其照會如下。爲照會事。准貴軍統派來全權代表吳光新徐樹錚等。與本軍政府代表孫武余大鴻張大昕等接洽。貴代表稱貴軍統主張共和。拔師北上。恐敵軍前進。距離太近。致

生衝突。妨礙進行等語。經本府代表陳述前來。本都督甚表同情。當派本府代表與貴代表公同商酌。貴軍北上。促進共和。旬日之內。必可解決。約定陰歷本年之內。敵軍保持現狀。其有鄂境以外者。本都督亦設法維持。如陰歷年內不能解決。敵軍即當前進。以資援助。爲此照會貴軍統查照可也。須至照會者云云。特此電聞。再據該代表面述段軍統言。凡北軍退出地點。即歸我軍管理。合併聲明。

二月三日。接各省來電。謂袁世凱既贊成共和。主張清帝退位。則各省亦當止戈爲武。公推袁世凱爲臨時總統。

是日黎覆南京內務部電

沁電先電備悉。漢口市鎮已派員測量地盤。就緒後。擬就近覓工程師規畫一切。再籌辦法。近有漢口奸商。勾引外人。貪圖漢市建築權。敝處已經阻止。並請貴部預防是盼。

#### 附來電一

漢口市政問題。爲萬國所注意。此次被兵燹後。宜規劃妥善。房屋若何建築。道路若何修理。須先行圖繪。俾有所準則。人民有所遵守。想尊處亦有同情。本部擬令工程師即

日來鄂與公籌議應行如何下手。頃聞漢上來人言該處已有商人建築房屋。恐規劃不良。滯碍善政。且致遺萬國之譏評。可否由公處暫令停止作工。以重市政而壯觀瞻。

附來電二

漢口街市建築及難民救濟均關重要。本部已派李四光祝長慶周汝翼三員前來調查。應請尊處會同辦理。

又致常德黔軍統帶蕭洪斌電

南北統一。無須用兵。請率所部回黔。保衛地方。勿庸來鄂。

二月四日接山西來電。張錫鑾奏請宣布共和。

是日黎致安徽孫都督正陽關張司令電

北京前二日已宣布共和。清帝退位。南北合一。據各方電報。均歡呼罷戰。何正陽關尙時告急。潁州係倪君桑梓。前亦贊成共和。只要互相協商。不負義氣。諒不致再生衝突也。望卽持平妥籌以安大局。

附安慶孫都督來電

頃接壽州淮上軍司令張年綸三十日電。稱我軍由潁州十八里鋪全軍退至潁上。倪兵追甚急。正陽難保。請速電陸軍部火速派兵援救。盼切等因。查潁上兵力單弱。倪軍既已乘勝進攻。必須添撥重兵。合力迎敵。三河尖一方面尤須厚集兵力。以扼敵軍入六安之路。目下軍情緊急。務懇中央政府念皖北安危。關係全局。火速電駐紮臨淮上游各軍隊。即日前進。分向潁上三河尖兩路迎頭截擊。敵處已飭省城北伐本隊。即日向六安路出發。並電飭蕪湖廬州兩處酌撥軍隊至六安集合。即行開赴前敵。軍情急迫。速示機宜。以便遵行。無任企盼。

附正陽關張司令來電

火急。我軍二十八日在潁州十八里鋪七黑河等處與倪軍開戰。敵軍兵力甚厚。我軍不支。潁上隨亦失守。敵兵尾追甚急。我軍退至壽州一帶。萬一潁壽並失。皖北盡去。淮非我有。江亦難保。務懇迅電北伐各軍厚集兵力。火速往援。以救危亡而全大局。盼甚。又致南京臨時政府電

頃閱各報。載有臨時中央政府各部掌管事務權限。極爲清晰。鄂州起義以來。日在戰局

之中。破壞建設。雙方並進。一切秩序。雖具大概。尙恐未能盡與尊處一致。希從速詳示遵行。

附南京內務部來電

頃奉大總統令內開。查各省光復以來。地方官職。均係各自爲制。所定名稱。難免歧異。茲值中央政府成立。關於設官分職事項。尤宜統籌全局。從新釐定。以昭劃一。當經法制局將中央行政各部官制編纂草案具呈前來。先後咨交院議在案。所有中央行政各部。既稱爲部。卽各省都督府所屬之行政各部。應擬改稱爲司。庶使中央各部。與地方各部。示有區別。且各省亦已有先行之者。卽彼此更不宜有互相歧異之處。合就令行貴部。仰卽分電各省都督。將都督府所屬之行政各部。先改爲司。一俟地方官制草案議決後。卽作爲確定可也。相應分電各省都督。一律照辦。

又覆西安張都督電

漾電悉。大漢光復。自當休戚相關。同心戮力。但以道路修阻。貴省來電。僅能達仙桃鎮。專弁走送。往返動須數日。故裁答稽遲。尙祈原諒。



附來電

中央政府成立。已二十有餘日。敝省曾未奉一紙電命。得有所遵循。豈真置秦晉諸省於化外耶。數日來。敝省東西受敵。潼關不守。屢電求援。杳無消息。不知公等視西北大局爲何如。局視秦晉山河爲何人土。事已至此。夫復何言。公等幸好爲之。勿爲天下後世所笑。臨穎涕泣。不知所云。

又致南京海軍部電

頃據楚同艦長何廣成電。稱該艦因行駛過久。致鍋機車樞俱受損傷。請趁陽夏罷兵之際。開往上海修理等語。查該艦駛久受傷。自屬實情。陽夏敵兵業經退去。自應准予所請。迅速開往上海。修理完善。以備應用。除已電飭該艦長知照外。特此電聞。

又覆西安張都督電

個禡兩電均悉。刻下已與北軍聯絡。由北軍第一軍軍統段祺瑞。會同各路軍統。聯名贊成共和。敦促清帝遜位。茲將諸將姓名。開列於左。署湖廣總督第一軍軍統段祺瑞。古北口提督毅軍統領姜桂題。護理兩江總督長江提督張勳。察哈台都統陸軍統制官何宗

蓮。副都統段芝貴。河南布政使幫辦軍務倪嗣冲。陸軍統制官王占元。陳光遠。李純。曹錕。吳鼎元。潘榘楹。孟恩遠。總兵馬全叙。謝寶勝。王懷慶。參議官靳雲鵬。吳光新。曾毓雋。陶雲鶴。參謀徐樹錚。砲隊協領官蔣廷梓。陸軍統領官朱泮藻。王鼎鏡。鮑貴卿。盧永祥。陳文運。李厚基。何豐林。張模元。馬繼增。周符麟。蕭廣亭。聶求羣。張錫元。施從濱。蕭安國。營務處張士鈺。袁乃寬。巡防統領王汝賢。洪自成。高文貴。劉全標。趙倜。仇圖。謀啓。劉洪順。柴得貴。幫辦天津防務張懷芝。正定鎮徐邦杰。四十二人聯名出奏。并約以該軍退卻。我軍不得追擊。以免自相衝突而壞大局云云。似此各路將帥贊成共和。率兵北向。舊歷年內。可望和平解決。貴軍只可聯絡。不可攻擊。致開戰端。而失諸將帥贊成之心爲禱。

二月五日、接段祺瑞來電。謂和局如告成。則北軍完全退出鄂境。是日黎寄張振武電

所購之機關槍。果能適用。須逕運鄂。照價給款。無須通融借給。再前所購之槍。業已試驗。內有壞槍三分之一。缺刺刀者三分之二。子彈因年久藥性失効。不能用者三分之一。似此虛糜公款。咎將誰歸。須將經手各事清理完結。迅速返鄂爲要。

附來電

槍彈驗訖。因找價未清。致不能就江裕運上。此後滬船。又須一律運兵往浦口煙台各處。未便借用。查快利在鄂。請速飭來滬製造局接運。

又同陳參議宏誥覆電

譚之借款。已遵微電推辭。惟洋商固執不允。運鄂找價。并將貨物搬至岸上不交。立望電匯五萬兩。庶可早歸。否則遷延枉費。不堪設想。至前購之槍。係丁復親驗無訛。缺失之處。應詢丁君。此次槍彈。由武驗看。確係全新。運鄂如有不符。武負完全責任。

又寄各州縣電

南北軍已聯合。贊成共和。所有各該地方官。均係同胞。凡能維持秩序。卽一體優待。勿庸避匿。

是時清廷將終局。而南北無戰事。一般無德無學之冒充革命黨。招搖放縱。皆以功加海內自居。不可一世。揮金如土。假公濟私。窮奢極侈。其一幅不自愛。不自重。不可載道之器。羣表現於花天酒地之中。人民對之。漸有失望之態。外人見之。極不滿意。黎大元帥擬通

電救正之。

二月六日、清軍陸續向信陽州退却。民軍因聯絡關係。亦不急於前進。擬俟清軍退至信陽州時。再進至武勝關。

是日黎致南京參議院電

頃閱東西各報。載民國光復。各省夙以志士自命。念切同胞者。大半染驕奢淫佚之習。與滿清當道故態有過之無不及等語。不勝駭異。所載雖不盡實。必非無因。我國民膏血。滿清剝削二百餘年。卽無此次戰爭。亦當力崇節儉。以恢復元氣。況干戈未已。遍地哀鴻。卽當膽臥薪。尙恐不能造民國之福。倘昏迷如故。民國前途。何堪設想。敬祈轉達大總統。速下崇儉抑奢命令。以挽頹風。而免外人訕笑。民國幸甚。

但民國不幸。而一班爭權奪利之徒。皆假革命之名。荒淫無度。實由於在職者不能以身作則也。

二月七日、武昌軍務部與黎大元帥商議。欲將湖北所有軍隊改編八鎮。

是日黎寄上海陳參議宏誥轉張振武電

電悉。足下購辦軍械。經手甚鉅。僅據清冊。恐難明晰。現正派員來滬接洽。務將所購軍械全數交清後。再行北上爲盼。

#### 附覆電

電悉。武所購鎗械軍衣銀照雜件。造具清冊。並交陳宏誥等解回。槍械因所欠餘款。由譚人鳳君交出。已分一半作爲救煙掃北之用。現兩方面物件。均已下船啓行。可勿庸派員來申（實則亂耗於酒色也）

又致南京政府及安徽都督電

武勝關方面北軍。已逐漸北行。或慮其不能嚴守信約。用遠交近攻之計。適皖電告急。即派黎統制天才。馮統領嗣鴻。會率一鎮及一混成協。由水道經蕪。循巢湖。抵廬登陸。至正陽。皖北方面各友軍。宜互相聯絡。俾得協同一致。

#### 附安慶孫都督來電

頃據臨淮來電。稱北兵由信陽州開來兩營。在三河尖地方抄襲我軍後路。我軍力單不敷分佈。壽州正陽。勢甚危迫。請速加派兵隊赴援等因。據此正擬轉電佈告間。奉陽

電。知尊處已派黎統制馮統領率領重兵。刻日赴援。敝處無任銘感。除將尊電轉告正壽各軍司令外。謹率在皖全體軍士西向拜祝萬歲。此復。

又致南京臨時政府電

鴉片輸入。吾華受害最深。鄂省現行禁種禁吸。惟禁運尙難獨任。蓋洋藥不斷其來源。種吸必難於禁絕。查陰歷上年夏季與英國訂約。除加稅外。各省進口。必視人民戒否以爲衡。是禁運必難著手。敝處擬請先與英國交涉。將洋藥歸我官賣。倘能辦到。土藥自易就理。而種吸禁令。尤易見功。現在能否照辦。亟須商酌電復。

附復電

虞電悉。禁煙事件。須俟得某國承認後。始能協商。至專賣一節。非禁煙之良法。現時南洋各埠辦此。實於禁煙進步有阻。蓋視爲一種收入。必難收淨盡之效。理勢然也。故即將來官賣之法。亦恐無以取信內外而必其辦到此復。

又致南京臨時政府電

鄂省沙市宜昌江漢三關。年收稅款三四百萬兩。雖由漢黃德荆宜兩道監督。而征收皆

假手外人。自鄂軍起義。所有關稅銀兩。均歸外人掌握。毫未繳出。查三關稅款內。向有外人賠款若干萬兩。此次民清戰爭。尙未結局。外人留此款。以爲洋款地步。亦屬情有可原。惟稅關主權。我國所固有。外人祇有經手征收權利。並無管理款項權利。況此項稅款。抵還洋款外。爲數尙鉅。竟聽外人掌管。既失權利。復損國體。前經電請辦法。未奉復示。茲又接蜀軍政府來電。商詢重慶稅關辦法情形。與鄂一轍。鄂亦無從答復。此事已否交涉。究應如何辦理。統希電知。

#### 附覆電

陽電問稅關事。悉此事正在注意辦理交涉。惟必俟各國承認民國後。方有結果。此復。又致南京臨時政府及各機關電。

武昌起義。原謀國利民福。毫無自私自利之念。參雜其間。故不匝月而全國響應。可見我民國起義諸同志。無遠無近。無先無後。均同此光明正大之公心。始得有今日之效果。乃不意專制政治尙未盡除。而假共和以遂私圖之事。時有所聞。或假之以謀權利。或假之以報私怨。或假之以蹂躪商賈。或假之以損人權。種種怪狀。人道何存。是又豈起義時我

同志始願之所及哉。革命軍起。革命黨消。此固有識者之言。某等敢進言曰。共和國立。革命軍消。蓋以破壞易而建設難。不如此。不足以收容全國之傑俊。而共救時艱。凡此所述。皆少數不肖輩之所爲。實非爲大同志之所預料。羅蘭夫人有言曰。自由自我而生。自由自我而死。言念及此。爲之寒心。若不及早補救。是武昌爲天下後世之罪人。用特通告。務乞垂念民國之成立不易。各相監督。毋令此不肖之輩。自假公名。以遂私謀。人方謂滿洲去而民國成。某等則謂滿洲去而民國建設尙屬初步也。莽莽神州。不爲功魁。反爲禍首。言之殊深危懼。想全國同志。必不河漢斯言。

又覆四川軍政府電

魚電敬悉。鄂省海關江漢關。向由漢黃德道監督。荆宜兩關。向由荆宜道監督。自民國起義。所有征收關稅銀兩。均在外人掌握。於全國財政前途。殊屬危險。前已電致中央政府。請示辦法。迄今尙未奉回示。來電稱奉總稅司札開。擬將所收海關稅項。自解上海匯豐存儲。以償賠款。此事有關國體。理宜向中央政府協力同爭。以挽權利。

附來電



重慶稅司照開。擬將所收海關稅項。自解上海匯豐存儲。以償賠款一事。已詳刪電。盼覆至切。迄今未奉回示。究竟宜昌等關。是否如該稅司所稱辦理。全國財政。不宜授人以柄。諸公深謀遠識。必有周妥辦法。迫議速復。以便交涉。（中國財政全在海關清廷早已授之外人矣）

又致援蜀滇軍師團長謝汝翼電

勤勞公難。跋涉西川。具見熱心大局。欽佩曷極。刻下鄂與段軍統祺瑞。已聯絡一致。北軍已退出鄂境。似可和平解決。現在鄂省兵力。差堪支持。惟山陝兵單械絀。岌岌可危。請將川省肅清。即取道漢中以援秦晉。

附來電

滇軍一師團。訓練有年。器械齊備。已到川。駐紮叙瀘一帶。計圖北伐。惟陝局危迫。藏兵東侵。蜀中徧地皆匪。蹂躪不堪。而成都同志會。編成軍隊。人品流雜。禍機已伏。勢必破裂。平川亂固不容緩。而搗幽燕尤爲緊要。目下戰鬪大略情況若何。我北伐軍進行方向又若何。統候電示。以便刻日東下。不勝盼切。

二月八日、武昌各派。均欲組織學校。藉學校以造成各派黨羽。惟軍官法政兩門。仗當道勢力。得以組成。

是日黎覆重慶都督電

敬電悉。敝處並未派兵入川防堵。請轉飭該司令知照以鎮人心。

附來電

頃接敝省萬縣司令轉來宜電。謂宜昌代理司令楊介卿。稱武昌擬派兵兩標進川防堵等語。查川鄂交界。尙皆安靜。尊處有無派兵入川之事。如有派兵事故。請卽止派。一面電知敝處。以免人心驚惶。敝省成渝三處。已聯合統一。成渝各派全權訂立合同。昨已議決。立卽簽字實行。特此并聞。

又寄黃陂縣知事電

陂邑除將鹽款撥給奮勇軍外。其餘各款。概不准擅動。業已三令五申在案。何得將公款強提五千串。殊屬荒謬。至自治團倪炳光等。帶領軍隊。在縣開會籌餉。并會同徐孝頤取用公款。尤屬冒昧。務卽會同公正紳董。將各款彌補。并將倪炳光兵隊妥爲解散。以免騷

擾而靖閭閻。嗣後非經本都督許可。不得創辦民團。亦不得擅動公款。是爲至要。

又致上海陳都督電

頃接駐滬員電。稱敝省張振武。欲將所購之槍械。携往他處。祈代將槍械悉數截存。并將張振武挽留。卽派員接收。以保款械爲禱。

附駐滬員楊玉如來電

急。張振武擬借北伐名携械竊逃。請急電滬督扣留。

六二、二月九日 孫文表示共和告成卽辭職從事實業

二月九日、接南京來電。謂孫大總統不願生靈塗炭。如南北共和告成。卽行辭職。從事實業。

是日黎致南昌馬都督及他機關電

國基未固。人心易搖。當此危急存亡之時。若不尊重秩序。保衛治安。勢必至內啟紛爭。外招干涉。竊願諸君共體此意。合力進行。無任禱盼。

又覆南京鹽政張總理電

麻電悉。駐揚催運淮鹽公所。前因陽夏尙未收復。鹽運不通。武昌一帶食鹽缺乏。權宜委員駐揚催運。一面勸諭鹽商趕運。一面力任沿途保護。以期源源接濟。而免鄂民淡食。茲陽夏收復。運途已通。貴局獎勵商運。無慮缺乏。刻卽飭該員取消公所。迅速回鄂。以副向章。而期統一。前次辦理護照等情。有無失當之處。統希原諒。陷東兩電。早已電覆。希即查核。

### 附來電

據淮南鄂岸運商呈稱。奉飭趕速捆運食鹽赴鄂接濟岸銷。並聲明一切仍照舊章。勿再疑慮觀望等情。商等不勝感激。正在籌畫運本。源源接運。仰副總理保商盛意。詎二月初四日。忽接辦理鄂軍政府駐揚催運淮鹽公所。爲照會內稱。奉鄂都督札委。駐揚辦理催運淮鹽事宜。遵於元年二月一日設局辦事。啟用鈐記。一面照會鄂岸運商按照向章。陸續趕運。并於啓運前赴公所挂號報明花戶鹽斤數目。俾得繕給護照遣派巡丁。以便沿途查驗放行等語。商等竊查淮鹽運鄂。向章由鹽政發給護照。沿途持驗。奉行已久。蘇省光復後。經各都督公推總理總握鹽綱。設立江蘇兩淮鹽政總局。商等

久已認承。並蒙鈞局諭飭一切。暫仍舊章。商等方同深感頌。以爲此後政令統一。商等遇事有所稟承。不致漫無歸束。乃目下忽又有催運淮鹽公所出現。且聲明須前往挂號報名繕給護照。查護票執照。既有鈞局發給。自可通行無阻。何以又須加發。似此政令歧出。何所適從。商等前在漢口所存棧鹽。迄今本利均歸無着。正在懷疑觀望。因迭蒙總理派員再三勸導。力任保護。商等深信總理信用素孚。中外仰望。斷不至失信於商人。乃墨迹未乾。揚州咫尺之地。已別有公所名目出現。擅出條教。將來運鹽到鄂之後。總理能否始終保護。商等實深疑慮。應請明示等情。具呈前來。查淮南運鹽。初本觀望。深慮事權不一。到岸後或有損失。經饒派員再四勸諭各運商。曉以大義。力任保護。該商等方始承認。照章接運。正在籌繳解釐。請領護照。忽奉梅委員照會。以致又起猜疑。饒又核梅委員照。按照向章陸續趕運。在貴都督爲急於催運起見。故特派專員專事催運。意本無他。而該商等藉口向來辦法。運鹽護照。由鹽政發給。今忽又有加發護照之語。以致羣相懷疑。深恐到鄂後。又生枝節。紛紛到本總局陳說。情詞迫切。溢於言表。相應電咨貴都督。請俛念現在時局未定。商情疑慮。電飭梅委員將挂號報名繕給

護照飭派巡丁各節。准予取銷。以一事權而釋重慮。現在各商已承認敗運。但使政令統一。商情安貼。敝處可以完全擔保。貴省斷無缺鹽之事。而一切課釐加價復價等款。俱能有着。蘇鄂兩省。餉源亦可恃此挹注。而指抵之洋債賠款。亦不至於落空。素仰執事關懷大局。用敢繁晰詳陳。務祈查照。陷東兩電。一併迅賜電覆。毋任翹盼。

又致荊州唐司令沙市商會電

荊州八旗。多無生計。饑寒交迫。情實可憫。諸君素抱共和主義。自當一視同仁。希設法周濟。以拯無告而普大同。

又覆第一軍杜司令電

庚電悉。請降敵兵一營。着卽收納。並分配各營安置。至廣孝一帶北兵。遺械甚多。已飭軍務部另派妥人前往收買。特覆。

附來電

頃據寶統制報告。廣水附近有敵約一營。悉無槍械。多係兩湖人。現破指請降。應否收留。及收留後如何處置。祈賜覆遵行。再聞廣水孝感之間。北兵遺棄槍械不少。職軍多

有請求收取者。竊慮一准收尋。難免無藉端騷擾等事。懇卽飭軍務部慎選公正人員前往收買爲叩。

二月十日接伊犁馮特民郝可權來電。謂伊犁雖已反正。早舉廣福（蒙古人）爲都督。但俄人煽禍。仍操縱新疆巡撫袁大化作梗。請速派大兵鎮壓。其時有熊叔恒等上書黎元洪。請派兵屯邊。其略曰。今天下人心趨向共和。項城明達和議將定。南北日就統一。卽當簡練軍實。共謀對外。而弭內憂。且自鐵路交通以還。世界之運將由海權而趨大陸。中國版圖遼濶。寶藏富有人稠氣厚。誠足雄視萬方。無如四境邊陲。土蕪人稀。強鄰窺伺。若能移殖健兒於漠北天府之地。以固邦基。而事定之後。內地亦無冗兵之患。國家久遠之計。仁人君子當注意於民國之興亡云云。

是日黎致長沙滬軍兩都督電

據內務部呈稱。興國州知事周本榮。稟稱前任知事郭在璜。湖南巴陵縣人。於十月初三日。捲逃公款甚巨。現聞該逃員避匿上海租界。請查辦等情前來。茲特先行電請貴都督轉飭查拿來鄂。以憑追繳。至緝公誼。

二月十一日。接各省來電。約同電北京。請即日改建共和。以順天下人心。否則將有圍攻北京之慘。

是日黎覆南京陸軍部電

蒸電悉。前以皖北告急。已派黎統制天才及馮統領嗣鴻。率援鄂之寧贛各軍。由蕪湖援廬。此間雖北軍已退。而攻守尤不可稍疏。如再遣桂軍赴寧。則敵處亦不敷分佈。方命之處。伏祈原諒。

附來電一

本月初七日。派盛典型軍。由寧經蕪湖廬州。開往正陽。刻聞到蕪後。該軍副司令張國威。逕自分兵。欲赴黃州登岸。不知該處黎天才統制軍。尙須調往壽正一帶。何用再添兵隊。希尊處速派人迎截。明白曉諭。飭令即日仍開回蕪湖。前往正陽。不得片延。致誤戎機。是禱。

附來電二

頃據桂軍參謀耿毅等電稱。擬取道滬上北伐。可否之處。敬祈賜覆等語。此間正擬添



兵鈞處如允將桂軍分撥敵處聽候調遣。則兵力增加。分佈愈易。鈞意如何。希即賜覆。又致南京臨時政府電

赤十字會在武漢局中。醫救傷殘。掩埋骸骨。男女同志千人。雨夜霜晨。辛勤不倦。生死沾恩。至爲可敬。事後飄然而去。并無絲毫報酬。在會員義務爲懷。而敵處究深慚感。頃聞該會已經赴瑞士萬國總會締盟。又有日本松方侯爵特派會員有賀長雄博士來滬商權。是該會效果遠大。足以信服全球。已可概見。我民國建設伊始。首獲此最大榮譽。曷勝感佩。惟日前津浦之戰。兩軍死傷甚慘。該會津浦分院。竭力救濟。勢必心有餘而力不足。應請大總統提挈敵處銜名。廣爲勸募。并登各報揄揚。以期集腋成裘。衣被衽席。以補戰爭擾攘之闕。再海外華僑。此次熱心祖國。助款甚多。對於該會必踴躍贊成。尤祈電告各埠一體協助。業由敝處捐助三千元外。謹此佈達。

又覆宿州粵軍司令姚雨平浙軍司令朱瑞電

青電悉。張倪兩君已贊成共和。聯絡辦法亦頗妥善。如再能遇之以禮。待之以誠。未必不得良好結果。從此南北融合一致。則戰爭自息。而大局易定矣。

## 附來電

近頃兩奉電示內開。倪張兩軍。均已贊成共和。極力維持。各派員與南軍接洽等因。南北軍隊。趨向漸臻一致。民國前途。曷勝慶幸。昨日張勳由徐州派人來宿州軍次。函稱業已派員與民軍協商辦法。祈即指定會議地點。當由駐宿粵軍浙軍鎮軍各司令官。共同酌定。擬以距宿州北三十里之符離集。爲南北軍代表會議之地。聯絡南北軍之感情。協商贊成共和實行之力作。訂定共和進行條件。俾可大局早日解決。業經將此意函告。任先電知各軍。現惟協同體認。尊崇人道。不得不推誠相待。俟得復後。再當電聞。再倪軍方面。應開往潁壽各軍自行協議接洽。合併聲明。

又覆清江浦曲招撫使同豐電

佳電備悉。張君勳既如此實心贊成共和。自應推誠相與。以融化南北界限。切不可輕開戰端。貽誤大局爲禱。

## 附來電一

張軍門贊成共和。往復電文。茲錄如下。徐州張軍門鑒。清帝遜位不決。大局難定。項城

贊成共和。段公芝泉。反戈要求。免致人民塗炭。以破滿廷利用我漢人自相殘殺之詭謀。公深明大義。幸勿落人後。望速贊助。奠定大局。我公實爲首勳。南北決無猜疑。請釋錦慮。速行爲盼。北洋招撫使曲同豐叩。微清江曲君同豐鑒。來電悉。段公芝泉。要求共和之電。請勳恪遵列名。自是贊成共和。不言而喻。今既承示。彼此決無猜疑。得以實行息戰。免致人民塗炭。尤所深願。惟宿遷民軍。現仍進攻不已。卽望轉飭停戰。以昭大同。是所至盼。勳皓印。徐州張軍門鑒。皓電敬悉。并達蔣都督。謬參末議。遽蒙俯納。愛民恤忱。欽佩無已。承囑停戰。已請蔣都督轉飭前途。清帝遜位。遲疑不決。二三親貴。苟全祿位。把持左右。公大兵在握。何妨率之北上。掃除君側。脅制獨斷。早定大局。異日青史書勳。必推公爲民國首功。且淮泗民軍。雖欲進攻。亦無從以爲口實。惟民軍來電。又稱進攻。皆由貴軍。或彼此將士。不諒苦衷。乞隱察部下。是否不守尊令。總之。公能北征。不特民軍渙然冰釋。同胞大局。均荷無涯。縷陳一切。敬候電覆。

## 附來電二

張軍門勳復來二電如下。清江曲君同豐鑒。虞電悉。密灣自河。敵部實未前進。迭次皆

係民軍來攻。務希轉飭即日停戰。彼此既已聯和。又何必再相殺害。故敝處已與前日民軍通函和商。指界各安。派定徐州府知府陳爲代表員。尊處亦望派員前來一起商辦。以期確有信實。尤爲至盼。勳穎印。又電。虞電悉。共和大局。日內即可解決。此後南北一家。似無容再爭地界。至敝軍退駐。俟大局一定。奉有政府命令。即可照辦。刻下總希轉飭貴軍實行停戰。以免塗炭人民。並一面派員來徐。與敝處代表員協商妥辦。俾資信守。是所至盼。勳禡印。二電如此。請電飭各司令暫勿進攻。

又覆上海外交伍總長電

蒸電敬悉。優待清室條件。於共和主義。毫無妨礙。敝處極表同情。卽令各省反對。亦不過外交之後勁。非與公爲難也。此次議和。我公煞費苦心。不待智者而知。元洪深爲感佩。惟望早日解決。大局幸甚。

附來電

初四日。得袁內閣正式交來關於清帝退位後之優待條件。查閱大意。與廷前所提交者。無甚出入。惟文句諸多增飾。廷因此事關係重大。特入南京。與孫總統面商。並徵求

參議院之意見。初五日。已得參議院議決。於袁內閣提交條件。有所修正。茲將參議院議決之條件錄呈尊覽。(甲)關於清帝遜位優待之條件。今因清帝贊成共和國體。中華民國於清帝遜位之後。優待條件如左。第一款。清帝遜位之後。尊號仍存不廢。以待外國君主之禮相待。第二款。清帝遜位之後。其歲用四百萬元。由中華民國政府付與。第三款。清帝遜位之後。暫居宮禁。日後移居頤和園。侍衛照常留用。第四款。清帝遜位之後。其宗廟陵寢。永遠奉祀。由中華民國酌設衛兵。妥慎保護。第五款。清德宗崇陵未完工程。如制妥修。其奉安典禮。仍如舊制。所有實用經費。仍由中華民國支出。第六款。以前宮內所用各項視事人員。可照常留用。惟以後不得再招闖人。第七款。清帝遜位之後。其原有之私產。由中華民國特別保護。第八款。原有之禁衛軍。歸中華民國陸軍部編制。其額數俸餉。仍如其數。(乙)關於清皇族待遇之條件。一、清王公世爵。概仍其舊。二、清皇族對於中華民國國家之公權及其私權。與國民同等。三、清皇族私產。一體保護。四、清皇族免兵役之義務。(丙)關於滿蒙回藏各族待遇之條件。因滿蒙回藏各民族。贊成共和。中華民國待遇條件如左。一、與漢人平等。二、保護其原有之私產。三、王

公世爵。概仍其舊。四、王公有生計過艱者。設法代籌生計。五、先籌八旗生計。於未籌定之前。八旗兵弁俸餉。仍舊支放。六、從前營業別住等限制。一律蠲除。各州縣聽其自由入籍。七、滿蒙回藏原有之宗教。聽其自由信仰。以上條件。列於正式公文。由兩方代表。照會各國駐北京公使。以上各條件。已於今晨電達袁內閣。而今晨復得北洋諸將段祺瑞等及蒙古王公阿王郡王等來電。其所開條件。與袁內閣所提交者。無一字之異。廷已分別覆電。要之此次優待條件。已極寬容。而所必須堅持者。在清帝實行遜位。蓋必如是。而後中華民國之基礎始立。不致有類於虛君位之嫌也。特此佈聞。以慰厘系。附來電二

佳電敬悉。清帝退位後。優待條件。現正與袁內閣磋商。大約須俟磋商決定。清帝退位。始見明文。惟近日各處頗有反對優待條件者。廷意若無礙於共和主義。不妨從寬。以期早日了結。尙乞尊處賜教爲感。

附保定段軍統來電

電悉。弟今日方到保。昨在信續發一奏。催決政體。當已入覽。優待條件。所爭者只虛名。

希執事主持速決。以定大局。但政體解決。善後綱領。亦須預籌。方免紊亂秩序。啓外人干涉之階。頃已電詢孫黃伍三君。略語政體解決。已有端緒。善後手續。自應預籌。鄙見宣佈共和之日。兩方政府同時取銷。臨時大總統。并須預行推定。至臨時政府必要人員。及臨時政府暫設地點。應由兩方公同商定。卽以退位之時。爲共和臨時政府成立之日。庶統治機關。不致中斷。兩方不致陷於無政府之危險。諸君如以爲然。卽請將應推之大總統。及臨時政府必要之人員與地點。迅速電示。俾與北方軍界公議。免相猜疑。現在南北軍民。均盼解決。望將善後綱領。迅示。以便催促宣布。瑞才疏身弱。決無希圖。俟國利民福之目的達到後。當卽解甲歸農。藉藏鳩拙。區區微忱。統希鑒原云云。特聞。

### 又覆長沙譚都督電

電悉。廣西王都督來四千人北伐。出發需船拖運。茲特派小輪四隻前來。聽候應用。

### 附來電

廣西王都督六大隊三千人北伐。向司令砲兵步隊四千人。均駐省垣。急於待發。無一

輪船萬分焦急。請設法速飭萍字拖輪四隻來長拖運。不勝盼禱。並乞電覆。

附王都督來電一

譚都督轉青電敬悉。桂軍兵船計八十餘艘。亟待開發。請飭湘鄂各輪趕速上駛。以便拖帶。

附王都督來電二

准譚都督鈔送真電。並軍務部真電。敬悉。已派輪四艘。并快輪來湘拖帶桂軍各民船。至感。已飭各兵船十三號陸續開發。沿途候輪拖帶。現在湘河水淺。快利一輪。恐難到長沙。即祈飭在蘆陵潭迎候。晤教匪遙。統容面陳。

六二、二月十二日 清帝退位北京遍懸五色國旗

二月十二日、清宣統帝溥儀降諭退位。一切政權。交袁世凱主持。

是日清帝退位諭既宣布。北京即遍懸五色國旗。中華民國於是乎立。

是日袁世凱即以清帝退位上諭電告南京政府。及上海議和全權代表伍廷芳唐紹儀。并各省機關。且自宣告其政見。畧謂共和爲最良國體。世界之所公認。今由帝政一躍而



躋及之。實諸公累年之心血。亦民國無疆之幸福。大清皇帝既明詔辭位。業經世凱署名。則宣布之日。爲帝政之終局。卽民國之始基。從此努力進行。務令達到圓滿地位。永不使君主政體再行於中國云云。

是日黎覆辰沅滕陳二代表電

電悉。壯志北伐。無任感佩。但南北軍現已聯合。共和目的不日可以達到。請就近維持內治。切勿來鄂。

#### 附來電

來電敬悉。援兵雖敷分佈。開仗之期未遠。合先自備川資來鄂操練。一俟北征。願効前驅。輿情迫請。義當如此。書生不知兵。然善用民氣。東西各邦所貴。故再乞電示。

又致雲南成都兩都督及兩軍司令官電

據川南總司令官但懋辛等電開。確聞成都尹都督親自督師出發。望速主持等因。竊以爲中原未靖。萬不可同室操戈。致生種種障礙。況目下已與北軍聯爲一致。清帝退位。不日即可發表。務望滇軍卽返昆明。川軍仍還成都。各保本省治安。以奠西南大局。

## 附雲南蔡都督來電

接援蜀滇軍電。合江爲匪徒嘯聚。肆行騷擾。該處紳商乞兵滇軍。於江日率兵驅匪。合城安堵。商民欣感。乃瀘軍派方司令率防軍三四百。隨同我軍克城。後彼乘間入城。肆行劫掠。我軍出而阻止。彼反抵抗。遂經我軍槍斃百餘名。合江所餘巡防五營。已另行編配。并云當卽電飭約束。我軍秋毫無犯。俟與蜀軍平定內亂。卽會師援陝。早定大局。特聞。

## 附重慶張夏兩都督來電（張培爵夏之麒）

當本省十月獨立之初。滇黔軍政府。各派援軍匡助。兩月以來。頗賴大力。得以維持全川之和平。迄今成都軍隊。與滇軍在資州陳家場界牌自流井一帶。因彼此誤會。致起衝突。爵時屢電調解。以謂陝禍方殷。北伐吃緊。請兩方捐棄小忿。顧全大局。立即停戰。勿負初心。致令同胞相殘。坐增虜焰。操戈內室。見笑外人。并謂培爵尅日親赴前途。解釋兩方之疑團。乃數電無効。戰釁已開。爵時苦口婆心。排解無術。此時對於成滇兩軍調處地位。極爲困難。於成都已居統一之名。於客軍應守唇齒之義。況與滇軍締結合

同。彼此固當界限於合同之內。兩方衝突。祇有力勸息爭。不能強迫開戰。除親到兩軍駐處。直接調解外。謹電呈總統。并報滇都督請示辦法。謹畧陳成滇兩軍誤會之點。惟詳察焉。成軍疑滇軍之點如下。一、在叙州時霖示有得尺則尺。得寸則寸之語。初川南亦疑之。以爲侵畧。二、滇軍以兵力解散同志會。施放機關砲。殺傷過多。又槍斃國民軍司令長劉禮謙。三、在合江執殺川南司令長黃方。宣布罪狀六條。後聞黃被梟。復挖心拔舌。黨人滇人。皆以爲過當。四、在叙府一帶及自流井。建設鹽政機關。把持鹽政。五、滇軍真日。通電滇軍政府共和各省。痛罵成都軍政府。請電告天下。由滇黔湘鄂增發大兵。聲罪進勦。滇軍疑成都之點如下。一、成都哥會。公口太多。成都重用同志會。而叙井同志會。匪人亦多。滇軍遂不滿同志會。益不滿成都。二、成都疑滇軍假名援川。實行侵略。資州嘉定。皆駐重兵。衆口相傳。將與滇軍作戰。三、滇軍師團長來電。成都都不先開釁。我軍斷無首先決裂之理。據滇軍李旅長電。亦稱成都發兵。向我軍前進。於自流井以北之界牌。突然攻擊。此係釁自彼開。我軍不能不爲正當之禦防。現接援蜀滇軍統帶張子貞。參謀楊發源電。李旅長已往富順觀察一切云云。似此釁端一開。西南半壁。皆

成戰場。一則不能援助關隴。二則不能出兵藏衛。北事方殷。內訌如此。民國前途。何堪設想。伏乞俯念大局。速電兩方。立息戰爭。或兩軍會師北伐。滇軍後路布置。由蜀軍政府擔負。便不至有所妨害。或令滇軍直趨西藏。鎮壓番人。以固邊圉。或電商滇督。電飭援川滇軍。全行暫返滇境。開戰曲直。付之公斷。不僅全川之福。實爲民國之幸。并將援川滇軍與蜀軍政府訂立合同條錄如下。一、蜀軍政府。當成都未反正之先。趙爾豐等與同志會。血戰不解三日。駐防兵力尙厚。蜀軍政府力圖恢復全川。出同胞於水火。以謀中華民國之統一。是以電請滇軍政府派兵援川。協力共濟。今滇軍到川。滿帥雖已就戮。而大局未穩。內亂未靖。當互相借助之事頗多。故與援川滇軍畧定條件。二、蜀軍政府請託援川滇軍。協力維持大局。滇軍到川之兩師團。關於餉項事件。蜀軍政府有擔任協助之責。但當運轉不週時。得由滇軍就地籌借。各公欸應給。日後統由蜀軍政府籌還。附注。餉項每月約五萬兩。三、滇軍有贊助蜀軍政府調和統一全川軍政府之責。如蜀軍政府有請託滇軍贊助事項。滇軍須竭全力以應之。四、援川滇軍之進行方向。概以蜀軍政府之所請託參酌行之。但方向酌定後。其進行上之戰術計畫。得由滇

軍相機行動。一面通告蜀軍政府。五、援川滇軍。受蜀軍政府請託後。滇軍進行所遇之後路。其各種行政機關。由蜀軍政府自行建設。但於滇軍有密切關係之地。及運輸糧草各事。得由滇軍直接該地方行政機關籌辦。務期於滇軍進行毫無窒礙。六、援川滇軍所到之地。有爲蜀軍政府維持秩序之責任。七、全川大局統一廓清後。卽爲本條約効力完結之日。八、本條約効力完結後。或未完結之前。蜀軍政府及援川滇軍。彼此如有他種要求。得另行協議。九、本條約以簽字蓋印之日。卽作爲實行之日。陽歷正月四日。蜀軍政府特派全權委員謝持等。援川滇軍全權特派使巡按副使陳先沅等。簽押。正月十八日。蜀軍都督。援蜀滇軍巡按副使。蓋印。

附雲南蔡都督來電

滇軍援蜀。志在救災恤鄰。並欲爲武漢後援。固西南屏衛。軍隊所至。父老懽迎。不意土匪未遂劫掠之徒。造謠誣譏。謂滇軍侵略蜀土。以至我瀘全軍政府皆啓衝突。現聞成都發兵至資州自流井一帶。欲與滇軍開戰。誠恐滇人興仗義之師。反貽騷擾之誚。迭經電飭軍中將領。和平辦理。勿啟釁端。然非成都共釋疑團。恐難雙方解決。乞電告成

都都督。顧全大局。勿生內訌。滇蜀幸甚。

又覆南昌馬都督電

真電悉。執事功成身退。得爲自由之民。不勝健羨。軍商挽留。具見功德在民。感人之深。惟人心浮動。一髮千鈞。鎮定維持。惟公是賴。萬一稍有不靖。必須軍隊鎮懾。得電後。再爲酌撥。李君烈鈞。不日來贛。必能和衷商榷也。

附來電

迭奉電示。敬悉。公愛毓寶。勸勉備至。毓寶無以副期望之厚意。惶悚莫名。前以吐血病劇。懇請辭職。業蒙孫總統電飭。贛臨時議會正式選舉。即日議會及九江各界公舉李君烈鈞。接任都督。比經毓寶宣布。委係因病辭職。勸諭軍民歡迎李君。不得另有違言。切實示諭在案。惟冀保全大局。詎現在省垣兵士及商界。仍有多數挽留毓寶。不承認李公。毓寶進退維谷。種種苦衷。末由上達。誠恐一有衝突。地方騷擾。毓寶卽以死殉。亦無以存江西人民。但求秩序不亂。死亦瞑目。惟刻下贛潯兩方面。人心浮動。勢均激烈。糜爛之象。卽在目前。毓寶憂惶萬狀。無所爲計。惟有拚死維持。萬乞副總統俯念危局。

迅賜萬全之策。速電贛潯兩方面。彼此融化意見。共保治安。毋自衝突。擾亂地方。致爲國民公敵。贛省幸甚。毓寶幸甚。除電陳孫總統外。飛此急急待命。迫乞救全賜復。再九江軍隊。自推翻朱司令起。早無毓寶在日。毓寶始終爲顧全大局計。皆忍受之。此中苦情。諒在洞鑒之中。非一語所能伸訴。惟九江以交通要隘。設因衝突致惹交涉。毓寶實難擔此重咎。并聞。

又致上海陳參議宏誥電

電悉。現南北聯合。煙台已無戰事。張振武所購衣物器械。望全數運鄂爲要。

附來電

滬上購取衣物器械及清冊。振武已交宏誥運回。今日開輪。途中因兩次停輪。約七日方能到鄂。青電擬派員來請免。振武定於明日起程。

又覆襄陽季招討使電

佳電悉。遠慮深謀。援古證今。統籌全局。曷勝欽佩。但南宋人心已去。因不能戰而講和。民國軫念同胞。並非恃和而忘戰。且清廷之勢力。迥異金元。民國之共和。貴持人道。倘自相

殘殺。恐蹈鷸蚌相持之覆轍。廣水保定各處早已往復電商中央政府地點。及各部以下重要人員。一面清帝退位。即一面宣布民國政府成立。意見一致。本無南北分立之虞。段軍北退。我軍由漢口進駐孝感。上則奮勇軍與劉公所率軍隊開向南陽。下則麻城迤北俱屯重兵。以及川滇黔湘之兵。多馳秦晉。寧燕之兵。厚集徐淮。南洋艦隊。開赴登萊。本非偷安。惟人民程度不齊。將士意見分歧。則和亦占便宜。本非自蹈危機。共和國問題解決。清帝遜位。中華民國政府成立。土地財產。皆屬民國。從前王公世爵。徒擁虛名。何能有所抵押。借款。暗增兵力。我軍向南陽進發。不過和不忘戰。以備不虞。可援秦晉。可圖鄂疆。倘使秦晉各方。對於北軍能妥爲接洽。與楚豫徐淮無異。即我軍開向南陽。亦當靜鎮以待。不必輕啓釁端。貽誤大局。此次清帝遜位發表。北直旗軍。尙近二鎮。其於項城。恐滋誤會。彼時我各路軍隊。當爲後勁。倘能和平解決。即民國之福。同胞之幸。可進可退。可戰可守。細心籌畫。實資羣力。務望相機策應。顧全大局。盼切禱切。

六四、二月十三日

孫文向南京參議院提出辭職書并推薦袁

世凱爲大總統



二月十三日。接南京來電。謂臨時大總統孫文提出辭職書於南京參議院。略謂清帝退位。專制已除。南北一心。更無變亂。民國爲各國公認。旦夕可期。本大總統當踐誓言。辭職引退。并向參議院推舉袁世凱爲大總統。又云本大總統提出辭表。要求改請賢能之事。原國民公權。本大總統實無容喙之地。惟前使伍代表電北京。約以清帝實行退位。袁世凱宣布政見。贊同共和。本大總統卽當推讓。提議於貴院。亦表同情。此次清帝退位。南北統一。袁君之力實多。其發表政見。更爲絕對贊同。舉爲公僕。必能盡忠民國云云。又孫大總統辭職書末。附有辦法三條。

一、臨時政府地點。設於南京。各省代表議定。不能更改。

二、辭職後。俟參議院舉定新總統。親到南京受任之時。大總統及國務各員。乃行辭職。

三、臨時政府約法。爲參議院所議定。新總統必須遵守頒布之一切法律章程。非經參

議院改訂。仍繼續有効。

是日黎致各省都督及各軍司令電

今日接北京電。清帝已於昨日奉清太后懿旨遜位。宣布共和。合漢滿蒙回藏。爲中華民國

國。所有清帝遜位之旨。及各項條件。容卽電知。

又寄各機關電

昨接北京袁項城電。稱本日上諭。朕欽奉皇太后懿旨。前因民軍起事。各省響應。九夏沸騰。生靈塗炭。特命袁世凱遣員與民軍代表。討論大局。議開國會公決政體。兩月以來。尙無確當辦法。南北睽隔。彼此相持。商輟於塗。士露於野。徒以國體一日不決。故民生一日不安。今全國人民心理。多傾向共和。南中各省。既倡議於前。北方諸將。亦主張於後。人心所嚮。天意可知。予何忍因一姓之尊榮。拂兆人之好惡。是用外觀大勢。內察輿情。特率皇帝將統治政權。公諸全國。定爲共和立憲國體。近慰海內厭亂之心。遠協古聖天下爲公之義。袁世凱業經資政院選舉爲總理大臣。當茲新舊代謝之際。定有南北統一之方。卽由袁世凱以全權組織臨時共和政府。與民軍協商統一辦法。總期人民安堵。海內乂安。仍令滿漢蒙回藏五族完全領土。爲一大中華民國。予與皇帝得以退處寬閒。優游歲月。長受國民之優禮。親見郅隆之告成。豈不懿歟。此旨。宣統三年十二月二十日用寶。內閣總理大臣署名等情。現在國體改更。南北宜視爲一家。民國宜視爲一人。各軍感情。亟

宜聯絡。毋令稍有衝突。以昭大信。尤須派員與豫省並將近情詳告。以免隔膜而生齟齬。

又寄襄陽李招討使電

頃接保定段軍統電。北京已於今日宣布共和。民國不慮。除電知西安張都督全力抵禦外。該軍可速開。率荊州隊伍來襄。以爲後援。段軍統又稱周趙兩統軍餘卽調往北京。抵禦奉熱。合併知照。

又致上海外交伍總長電

真電尙未奉復。段軍統之電。有兩方未取消之先。預籌政府必要人員。及臨時政府。暫設地點。應由兩方公同政府成立之日。庶統治機關。不致中斷。兩方不致陷於於預籌善後綱領各情。全未注意。北方區域甚大。無組織正式共和政府。招集南北各省代表。預籌善後綱領。

六四二月十三日孫文向南京參議院提出辭職書并推薦

總統外。請公通知唐公紹儀轉達袁段諸公是幸。

附來電一

連接陸軍部來電。知各處清軍。與我軍接近者。仍時有衝突。惟今者清帝辭位。清國統治權業已消滅。自此以往。國內所有軍隊。皆中華民國之軍隊。豈宜自相衝突。廷與唐君已電告項城。通飭各處軍隊。一律改懸中華民國五色旗。以示劃一。此後見有一國旗之軍隊。不可挑釁。如見從前清國軍隊。尚未改懸國旗者。應卽通告。囑其遵照項城電命。改懸民國旗。如果始終甘爲民國之敵。則必爲兩方所共棄。謹此電聞。

附來電二

頃接項城來電三件。其一、謂廷所開清帝辭位後優待條件。已照會駐京各國公使。其二、則清帝辭位之詔。其三、爲項城贊成共和宣言書。現在清帝既經辭位。北方秩序。暫由項城維持。與南京臨時政府協商統一辦法。自此合漢滿蒙回藏。同建中華民國。全國一致。悉泯猜嫌。同心協力。以固共和之政體。進國民之幸福。諸君與項城。有造於民國者。至大且遠。謹此佈聞。

附來電三

頃得項城電云。北方一時恐難平靜。京疆須以重兵鎮懾。而奉天已決計宣告反對。軍隊已準備。熱河亦附和。北方甚危險。擬請商南京湖北電知陝西張鳳翔。移軍西向。專防升允。北軍退出潼關。決不西進。酌留隊伍。剿辦土匪。餘均開回北方防堵。奉熱祈速商復云云。祈速酌復爲盼。

又致漢口領袖領事敖康夫電

清帝遜位。已正式發表。合漢滿蒙回藏建中華民國。敵軍政府已飭艦隊於十四號十二句鐘。懸掛國旗。聲砲誌慶。請轉知各國領事知照是荷。

又致九江軍艦轉黎君宗嶽電

聞君現在九江。太王居邠。田橫入海。苦心厚德。佩慰無量。惟欸項一端。必須交代清楚。方不至爲明德之累。將來公論昭彰。何患不披雲見日。重展鴻謨。元洪已爲此事電請大總統派員協同辦理。應請留駐九江。暫待後命。毋庸刻日來鄂。轉滋嫌疑。是所切盼。又致南京臨時政府暨參議院電

漢冶萍公司產業。前因有抵借之說。屢經敝處電請尊處阻止在案。查該項產業。關係民國前途最爲重大。只以盛宣懷於滿清時代。營私舞弊。致喪失一切權利。幾於不可收拾。月前飭由理財部收歸鄂有。意在消除外患。挽回國權。並借以保守物品。留備全國軍民之用。頃聞尊處擬與外人合資開辦。藉資挹注。雖係一時權宜之計。但對外政策種種失敗。實由於此刻下民國新建。事事須確求正當辦法。萬不可再蹈滿清覆轍。致以機會均等利益均霑之說。啓外人干預之漸。此間議會全體及各部處職員。均不敢承認此舉。貴處如果有合資開辦情事。希迅卽設法取消。切勿任少數人顛預之爲。致拂輿情而生惡感。并盼從速電復。以定人心爲幸。

附南京臨時政府來電

漢冶萍欸。原急不擇蔭。前途陸續僅交過欸二百萬。隨到隨盡。現訂僅以此數變爲虛抵。而廢棄合辦之約。一面以招商局借欸成立。卽可盡力濟鄂。前此借欸。因清廷與民國互相抵制破壞。故難成就。今既聯合。後將易辦也。敬復。

同日又接南京孫大總統來電。謂清帝已實行退位。南北兩軍聯絡一氣。民國基礎於以

大定。自茲以往。無復戰爭之事矣。

武昌接清帝退位之電後。即慶祝中華民國共和萬歲萬萬歲。定於明日軍民一致開會舉行。

是晚黎大元帥傳知各軍隊。一律在原地集合。聽候分配。并傳知各兵站部。一律撤銷。

### 六五、二月十四日 武漢開始收束軍事

二月十四日。黎大元帥又傳知援軍。準備各回原省訓練。并將本省所改編之八鎮。分爲八管區。令各區負完全責任。以維持各管區之治安。更請參謀總長吳兆麟計畫收束。於是吳按當時情形。縷陳五節次辦理如下。

第一節次。劃管區以便維持。

第二節次。都督集權。以資統一。

第三節次。縮小範圍。更番訓練。

即將兩協歸併一協。將老弱裁汰。每鎮設一將校研究所。將已歸併之一協軍官。研究學問。以一年卒業後。然後徵兵訓練。再將原有之一協退伍軍官。復入將校研究所。如

此更番訓練。使全省之士農工商。不十年皆知自衛。爲國干城矣。且以八鎮分途合作。名雖八鎮。實則四鎮。既省經費。復成勁旅。兩全之策。孰過於是。況湖北首義之區。黎爲副總統而兼大都督。爲民造福。力德兼施。引政治方針。行正當軌道。更求隱逸。網羅建設賢才。天下治平。不難見之實事。誰敢擁兵割據。爲害蒼生乎。惜黎昏庸。私心太重。卒聽左右奸邪之策。將起義之師。全行裁去。以迎合袁世凱之心理。迨至羽翼盡翦。袁卽促之入京。囚於瀛臺。坐視袁世凱爲所欲爲。釀成洪憲叛國之禍。後來南北爭戰。累國民水深火熱。元氣大傷。庸人誤國。甚於庸醫殺人。

#### 第四節次實行徵兵制。

#### 第五節次逐次計畫練成國家精強隊伍。

是日黎覆清內閣袁總理電

真電敬悉。民國成立。萬衆歡呼。去帝制而進共和。化干戈而講揖讓。大功所在。國人皆稱道我公不置。前因此間大多數人。由元洪專函。特派外交部長王君正廷。前往北京。請駕臨江漢。公同商議正式中央政府一切組織辦法。計尙在途。今電示不能南來情形。仰見



老謀碩畫。無日不爲民國計安全。欽佩曷已。惟人心所屬。物望所歸。亦須別籌辦法。以順輿情。現在組織中央政府。爲刻不容緩之圖。而會集之區。似以漢口爲適中之地。前電段軍統祺瑞。祈轉達此意。倘以爲然。敬請迅速派定北方各處代表南來。會同推定大總統。及中央政府各重要人員。與確定政府所在地點。俟得復電後。卽由敝處電告南京臨時政府。派定南方各省代表。以便會商。國利民福。關係匪輕。區區餘忱。諸惟鑒察。

### 附來電一

共和爲最良國體。世界所公認。今由帝政一躍而躋及之。實諸公累年之心血。亦民國無窮之幸福。大清皇帝。旣明詔辭位。業經世凱署名。則宣布之日。爲帝政之終局。卽民國之始基。從此努力進行。務令達到圓滿地位。永不使君主政體。再行於中國。現在統一組織。至重且繁。世凱極願南行。暢聆大教。共謀進行之法。祇因北方秩序。不易維持。軍旅如林。須加部署。而東北人心。未盡一致。稍有動搖。牽涉各國。諸君洞審時局。必能諒此苦衷。至共和建設重要問題。諸君研究有素。成算在胸。應如何協商統一組織之法。尙希迅卽見教。

## 附來電二

寒電悉。偉論深佩。現在國體已定。我輩既幸得爲共和國民。自當服從輿論。然凱所注目者。急在外交。舊政府業經消滅。新政府尙未得承認。交際上中國已無政府。各國頗多謠疑。且聞有兩國擬乘機思逞者。大局日益危險。尊論在漢口會議辦法。竊慮緩不濟急。昨孫黃二公及同盟會員。電約鄙人赴寧。惟北方軍民意見紛歧。潛滋隱患。在京外交團。向以凱離此爲非。屢經言及。奉江兩省。時有動搖。外蒙各盟。情形複雜。內訌外患。遞引互牽。若因凱一去。變端立見。殊非愛國救民之素志。反復思維。與其孫大總統辭職。不如世凱釋政。蓋就已成之局而謀統一。其事較便。擬商請南京政府。將北方各省及各軍隊。妥籌接收。接收以後。凱立即退歸回里。爲共和之國民。當未接收以前。仍當竭智盡愚。暫維秩序。總之。共和既定以後。當以愛國爲前提。萬不願以個人地位。致壞全局。已請唐使紹儀代表此意。赴寧協商。茲先將鄙意電達。俟王君正廷到京後。再行奉教。尊見如何。仍祈隨時電示。

## 又覆蒙古王公聯合會電

養電敬悉。推舉袁項城任新政府大總統。爲救時之要着。鴻才卓識。欽佩曷勝。敝處同人。亦早籌商及此。曾電段軍統袁項城及南京臨時政府。意欲請南北各派代表會商於漢上。其事件卽以推定大總統爲最先之務。而以項城爲最合資格之人。惟必出於投票公決。一以符共和之政體。一以保項城之聲價。用入行政。至公無私。彼一切爭意見便私圖諸陋習。必掃除淨盡。洪雖不敏。竊願竭我駑鈍。陳說於南北代表之前。以冀大局早日安。全國勢漸臻上理。洪得歸耕田里。享一分和平之福。於願足矣。敢佈區區。諸惟鑒察。

### 附來電

天佑吾國。確定共和。惟時局之艱。已臻極點。補救建設。勢須同時並進。南北合一政府。非得外交軍事聲威顯著之人。難資統理。項城於大同時事。始終苦心孤詣。竭力維持。名實兼施。恩威並洽。卒收轉旋之效。厥功至偉。且政治經驗至富。軍隊尤極推崇。同人僉謂統一政府。臨時大總統一席。必須項城力任其難。方能維繫衆心。保全大局。本會亦可藉手籌助。綏馭蒙疆事務。現已公同議決。由本會代表全體。推項城任統一新政府。臨時大總統。以冀收建設之功。兼保和平之局。公等熱心國事。諒必荷予贊成。除向

項城陳請外。爲此通電諸公。即希察照備案見覆爲盼。

又致南京臨時政府電

二月三號得滬上電。議以招商局抵押借款。不勝詫異。頃復喧傳中央政府將此航權向外人押款千萬。已將簽押。鄂人聞之。羣情憤懣。抗議之聲。達於道路。內河航權。原不能許與外人。亡清外交失敗。此其大端。然猶有招商一局。保留十分之一二。若再落外人之手。交通不靈。影響於政治上甚大。此次光復長江流域。非借招商輪船之運輸。萬不能如斯敏活。援兵時集。餉需常濟。民國肇造。深資得力。此後無論有無戰事。於建設方面。亦不能倚賴無主權之航運。前清屢次抵償。尙顧惜此區區。而不之畀。乃民國新造。反棄此權利。恐滿清遺孽。亦當笑人矣。又漢冶萍係鄂贛菁華。皆屬民國範圍。非如未確定之權利。而不必深顧惜者也。盛宣懷欲保私產。不惜斷送國權。懇祈顧全大局。勿墮奸計。漢冶萍中日合辦之約。決不可允。招商局抵押之議。決不可行。否則國基未固。人心已離。民國前途。不堪復問矣。不揣愚戇。希卽惠納。民國幸甚。

附來電

爲大局計。極力謀補救。漢冶萍合辦之失策。刻因彼方面不能如數交足借款合辦之約。尚可作廢。招商局借款一節。務望貴處贊成。可稍紓貴處及中央政府財政之困難。又致爪哇士甲亞眉保安會電

收到捐款六百元。具見熱心祖國。特電致謝。

六六、二月十五日 南京參議院一致舉袁世凱爲第二任臨時大總統

二月十五日。接南京電。謂參議院開臨時大總統選舉會。到會者十七省。共計十七票。投票結果。袁世凱得十七票。當選爲中華民國第二任臨時大總統。是日黎覆上海實業張總長電

佳電敬悉。前擬請將漢口淮鹽督銷。暫歸鄂省辦理。實有萬不獲已之苦衷。請爲執事陳之。鄂自倡義以來。即受敵兵全力攻擊。劇戰將及兩月。漢口遭焚。漢陽被佔。財源盡竭。求其能如蘇省捐及富戶優娼者。萬不可得。況援兵四集。鄂省餉項浩繁。賴以支持。全恃紙幣。而紙幣能維信用。則全仗鹽務。不寧惟是。此間惡稅苛捐。均先佈告停止。下半年錢糧

豁免。以蘇民困。僅留土膏煙酒糖稅。奈敵兵佔據陽夏。運道中梗。規復荊襄。用兵且多。數月以來。除鹽稅稍沾餘潤外。並無大宗進款。今敵兵雖退。人民尙未盡復業。陰歷年關逼近。商賈亦未見流通。雖經籌議開辦過境銷場稅。不動產契紙登錄稅。或正在與商會磋商之中。或甫在定章公布之際。本年上忙錢糧開徵。尙未及期。目下所處地位。乃青黃不接。前電要求台端。非故梗中央之統一也。且鄂當倡義之初。亦曾協款於湘。助資於贛。今若稍有設法之地。又何敢爲此不情之請。執事高明。當能亮察。所有承示課釐。一俟稅捐開辦。金融稍活。卽當惟命是從。務乞仍照前電稍事寬假。使鄂得救燃眉。無任感禱。

### 附來電

魚電悉。鄂省爲難。竭蹶情形。誠如尊論。但就蘇省論之。其爲難情形。較之鄂省。過無不及。統計各路北伐之師。悉萃本省境內。加之臨時政府。設立南京。雖有統一全權之名。而對於財政。乃不能得各路絲毫之助。蘇省人民。迫於大義。犧牲本省之歲入。悉索敝賦。以供政府。以供北伐。諸軍正供不足。繼以樂輸。富戶不足。募及優娼。人民之力竭矣。除臨時政府外。一省有三都督。其他某軍某隊某司令。更難縷指。計餉無所出。則皆注

目於鹽。日夜環繞於鄙人之旁。而黽索之。鄙人一放手。則揚場存鹽。無論爲官界爲商界。皆將豆剖瓜分。落於不知誰何人之手。然坐是困難。一辭再辭三辭。當事者不令擺脫。不得已爲統籌全局。規定大概辦法。電請四岸都督。冀得同情。今奉來電。大致與敝處不相懸殊。惟敝處辦法。係先繳課釐。而加價復價雜捐。則到鄂後。由鄂征收。照來電辦法。欲一併在貴省征收。微有不同耳。假如悉照尊電。則蘇省產鹽省分。乃絲毫無得。更無可以供給中央矣。姑無論舊章如何。按之人情。亦似未洽。執事芒創大義。中外仰望。鄙人雖未識荆。然欽佩殊切。况鄂省爲首先起義之地。無論何省。皆有共同扶助之義務。鄙人規畫。先收課釐。照章祇八兩四錢八分。而鄂照向章。收加價復價雜捐三項。占十一兩有餘也。至於鄂岸督銷。由敝處派人。亦係向來辦法。但敝處必擇與貴處有密切關係之人。或更將其人名。先行奉商。如執事無異詞。然後再令前往接辦。以期遇事兩方協商。彼此有益。務乞垂念大局。查照歷次電陳各節。准由敝處令各商先繳課釐。其加價復價雜捐。則候到岸後征收。如蒙贊成。請迅賜電示。以便進行。無任盼禱。再敝處因淮南各商。僑居上海。徇商人之請。將鹽政總局事務所。暫設上海。如承賜電。請

逕寄上海。合併聲明。

又致長沙譚都督電

川幫運貨商船。載有桐油雜糧等。經過岳州屬之現風港。被該處糧台官兵。迭次扣留。前已數電岳州。已蒙電復放行。今據川商聚興誠稟稱。有貨船多隻。仍被阻留。祈貴處速電岳州鎮守府。並飭糧台官兵。嗣後商船。一律放行。勿稍留難。並妥爲保護。以便商貨流通。

附來電

刪電悉。川幫運貨商船多隻。被糧台官扣留。已電飭放行矣。

又致西安張都督電

清帝退位。政改共和。各電諒已達到。頃得項城電開。北方一時恐難平靜。京疆須以重兵鎮懾。而奉天已決計宣告反對。軍隊已整備。熱河亦附和。北方甚危險。擬請電知陝西張都督移軍西向。專防升允。北軍退出潼關。決不西進。酌留隊伍剿辦土匪。餘均開回北京。防堵奉熱。祈速商復等語。現在國體已定共和。南北當視爲一家。民國宜視爲一人。升允甘爲民國之敵。則當聯合南北軍隊往剿。除去此等魔障。嗣後諸事。可與項城直接電商。



以便速行。

附來電

函電悉。現在奉電。清帝退位。共和成立。業與潼關兩軍統周趙議和宴會。退出閩鄉。惟升允聞知清帝退位。激而愈橫。於陰歷二十六七八日。正月初一二等日。分兵四出。蹂躪鳳軋岐淳一帶。又陷我醴泉。殺燒姦淫。慘無人理。西北各鄉。幾無人煙。軍火已發。請設法不分星夜。運回接濟爲要。

二月十六日。上海伍廷芳辭議和代表。

是日黎大元帥亦電南京參議院辭臨時副總統職。

同日袁世凱之高等顧問莫禮遜（英探）秘告袁世凱。謂中國人民程度不齊。仍宜以足下之才力君臨之。方能統治。南方真正黨人。大約犧牲迫盡。卽有少數品學兼優之士。必不能見容於權利競爭之時。而貪財愛色之徒。多半以偉人自炫。驕奢淫佚。無甚大志。足下當國。外人皆願投資。若以金錢引黨人入彀。其計未有不售者。袁世凱遂以莫禮遜爲心腹。

是日莫禮遜秘電英政府。謂袁世凱之權力。可治中國。英人當以對埃及之法對中國。Egyptionising China。旋發表於倫敦太晤士報。此後世界各國。仍奴視中國人。不似革命時之刮目相看。僑外華人。至今尙不知其故也。蓋英人之治埃及。仍以埃及之領土獨立爲名。包攬埃及之海關郵政鐵路鑛山。握埃及之財政。操縱埃及人之政權。此莫禮遜所以善爲袁世凱謀也。

是日黎賀袁大總統電

頃接南京來電。昨日參議院開臨時大總統選舉會。我公當選。不勝欣賀。我公望重中外。才貫天人。去專制而進共和。化干戈而爲揖讓。此不獨五族頌胞與之功。卽萬國亦莫不樂和平之福。專此電賀。伏維亮鑒。

附南京參議院通電

民國統一。共和目的完全達到。孫大總統堅請辭職。經本院承認。昨已電達貴處。本日開臨時大總統選舉會。滿場一致。選定袁君世凱爲臨時大總統。已電請袁君來寧就職。袁君未就職前。孫大總統暫不解職。謹此佈聞。

附袁大總統來電一

昨承電商。漢口會議辦法。當復一電。擬請南京政府。勿遽改選。卽就已成之局。早謀統一。頃接南京來電。知參議院業於昨日投票舉定。凱自顧衰庸。恐難勝任。而公義所迫。未敢固辭。祇得暫時承乏。惟俟基礎稍固。仍卽歸田。現孫大總統派專使來京。俟晤商後。再定行止。

附袁大總統來電二

辱電馳賀。惶感交并。此次共和成立。公實倡前。名德卓著。中外翕服。凱謬承國民推舉。自維棉薄。深恐弗勝。諸希隨時惠教。以免隕越。民國全體之幸也。

又致南京臨時政府電

側聞招商局由中央政府抵押外國。鄙見竊以爲不可。查滿清所辦之事。僅電報招商等局。著有成效。而招商局又爲交通之要素。今若將該局抵押。則揚子江流域。概歸外人掌握中矣。明知目下困難。自不應有所阻撓。然兩利相權。則取其重。兩害相權。則取其輕。敢祈別爲設法。以保主權。民國幸甚。迫切惶恐。伏候卓裁賜覆。

## 又覆浙軍朱司令官電

寒電敬悉。遠慮深謀。顧全大局。無任欽佩。早已疊電諸軍。請其互相接洽。以抵和平。現中國各省。除升允等極力反抗。餘均意見相同。特電奉聞。

## 附來電

天眷中國。建造共和。南北一心。共維大局。各軍主將。既經接洽。以後再無衝突。國計民生。實均攸賴。第瑞意國家設置重兵。原爲對外起見。從前爭以武力。解決國體問題。本爲不得已之舉。現今南北各軍。四方奔走。勞師糜餉。動逾數月。元氣傷殘。日甚一日。近時正式政府。正在組織。東三省外人。又有進兵之說。事機危迫。各軍於國防上。正應注重防守之時。而潁州徐州兩方面。尙復彼此屯駐。連營相望。甚無謂也。瑞意南北軍。已經開誠相見。當可各釋猜疑。各任防務。擬請黎副總統。段軍統。轉電袁公。宣示各軍。早定配置地點。俾南北軍立泯相持之勢。鞏固國基。防禦外侮。造福地方。胥在乎此。至南方軍隊。只求共和目的完全達到。決無再蓄野心。瑞率所部。尙能自信。甚願誓守公誠。尊崇人道。皇天后土。實所鑒臨。芻蕘愚忱。伏乞采納。

六七、二月十七日 南京臨時政府派蔡元培汪精衛迎袁南下

### 就職

二月十七日、接南京來電。謂南京臨時政府。派蔡元培汪精衛等爲專使。赴北京歡迎袁世凱來南京就第二任臨時大總統之職。蓋袁世凱憑藉北京。既奪得清廷退位之權。又早見黃興在漢口妄攻之敗。至此已目中無人。離山之虎。智者不爲。南京派使歡迎。實爲袁世凱所竊笑。且停戰以來。南方惟恐戰事重開。委靡不振。北洋六鎮。至此不得不統就袁世凱範圍。京漢綫以段祺瑞壓制武昌。津浦綫以張勳抵抗南京。更命倪嗣冲弄兵淮潁。故爲挑釁。所謂奉熱反對。外交急迫。皆委託之辭耳。

是日孫大總統代表中國國民致祭明孝陵。引起民族觀念。以爲宋亡於元。惟朱太祖成光復之業。明亡於清。此次武昌首義。全國人心響應。又能光復故物。所以勵後世不宜再受亡國之辱也。政府全體人員。及南京軍隊。皆至孝陵。禮極嚴肅。是日黎致南京臨時政府電

漢冶萍礦抵借一節。風聲所播。物議大譁。屢經電達尊處。今來電稱。急不擇蔭。將以已交

之二百萬。作爲虛抵。而棄合辦之約。此所謂知二五而不知十者也。清廷關於財政問題。不知籌畫。不知撙節。一旦應付不及爲之謀。祇知持抵壓之物。求濟於外人。所謂喪失權利不顧也。違反輿情不顧也。推其致此之由。何嘗非急不擇蔭之意乎。敝處自起義以來。四月有奇。大兵屯聚。不下十萬。軍械餉糈。動輒百數十萬。接濟鄰省。尙不在內。非苦心設法。力求撙節。何能支持至今。前某國自願貸與鄂省三百萬。卽欲以漢冶萍礦作虛抵。此間同人。一聞此事。無不憤氣填胸。極力拒絕。誠以漢冶萍礦。於海陸軍前途。關係至重。利權之損失。猶其次也。今合辦之約。可以作廢。卽應將已交之款。設法歸還。以免無窮之輻輳。至以招商局抵押借款。則民國航權亦隨之而去。敝處不敢贊同。我公於國利民福。研究有素。外人之設心。尤所洞悉。務望極力維持。勿僅爲目前之計。勿輕聽他人之言。事關民國前途。當不嫌言之過激也。王君正廷處。請並以此意告知。

又覆長沙譚都督電

咸電悉。正式議會。亟應成立。誠如公言。其選舉法。中央現未頒行。敝處係按照前清舊法。畧爲變更。人數大縣三人。中縣二人。小縣一人。未識明見以爲何如。特覆。

又寄襄陽左翼軍劉司令公電

清帝既已退位。北軍贊同共和。從此南北一家。必無自相攻擊之理。所有該軍北伐二字。應即取消。改名左翼軍。以免北軍誤會。

又致九江軍務司電

武穴地方。編小軍隊密邇。若開演女戲。於地方有百害。於公家無一利。將來闔鎮糜爛。誰任其咎。據稱黎健珊係由貴司派來。是否屬實。務希迅速查明。飛電阻止。以保閭閻。至紉公誼。

二月十八日。聞有前清在奉天協統陳宦至南京。因其同鄉張昉耿觀文李書城何成濬等介紹於陸軍部長黃興。陳宦貌極恭順。心最陰毒。後由黃興薦之袁世凱。爲袁畫策。以除民黨。行帝制。與莫禮遜內外夾輔。民國受害無窮。

是日黎覆瀘州軍政府電

蜀滇軍隊。既已融洽。曷勝欣慰。現在清帝退位。政體改建共和。南北自成一家。所有各軍北伐字樣。應即一律削去。以釋北方之疑。至升允反抗共和。亟宜戮力同心。殲此醜虜。祈

蜀滇聯軍。出師漢中。以平陝甘而維大局。

附來電

庚電敬悉。滇軍第一標團駐叙。已派員前往交涉。謝標團長。允將行政權交出。其第二標團前隊。已抵瀘。李標團長。日內亦可到朝望。已派員接洽。諒滇軍必能恪遵鈞諭。與川人聯爲一氣。共謀北伐。川人亦必盡釋前疑。開誠相與。確敦睦誼。共維大局。以期仰慰廬注。

又覆上海紅十字會電

刪電敬悉。諸公持人道主義。抱和平宗旨。不獨中華民國所倚賴。亦天下萬國所共仰。現南北統一。戰禍永息。特電誌慶。諸希亮察。

附來電

統一已見明文。南北戰禍已息。敝會樂贊和平。曷勝額慶。

二月十九日。黎大元帥見共和已成立。位置已穩固。對於袁世凱極尊敬。實行孫武等主張。將淡視南京政府。



是日黎上袁大總統電

電悉。辱承獎借。愧不敢當。以公之才之學之識。總統中華民國。建設共和政體。未有不成功。唐虞之盛治。駕歐美而上之也。前電請南北各派代表。至漢口會議辦法。實爲切要之圖。想我國地大物博。改建共和。不可爲一時計。當爲久遠計。不可爲一省計。當爲全國計。不專爲對內計。當更爲對外計。如不趁此籌畫妥善。難免不別生阻力。我公識見宏遠。必能慮及。會議之區。似以漢口爲適中。懇通電各處遣派代表來漢。以便組織中央政府。庶免疎虞而固國基。

附來電

自武漢起事。天下從風。共和之基。於斯肇建。今幸得以和平解決。大業告成。非執事毅力精心。諸同志忘身愛國。曷克臻此。除本日遜位諭旨並鄙見所及。另電南京轉達外。特此奉慰。卽維亮察。（不曰起義而曰起事。純爲玩弄之詞。）

又覆開封齊撫台電

洽電敬悉。襄陽派赴新野軍隊。係取道南陽。以便援助陝西防禦。升允並無他意。務望速

飭南陽軍隊。勿得誤會。致起衝突。無任禱盼。至光州李劉軍隊。未知是否寧軍張國威所帶。現已飭查轉知。遵照調回。特覆。

附來電

頃接京電云。各省接南京黃陸軍總長通電。共和業已宣布。國內所有軍隊。皆中華民國之軍隊。豈宜自相衝突。已由伍唐二君電告袁公。通飭各軍。一律改懸中華五色國旗。以示劃一。此後見同一國旗軍隊。不可挑釁等因。查南陽府屬新野縣。爲襄陽軍政分府派隊襲取。卽祈電飭退駐襄界。以免衝突。切禱切盼。再據光州報稱。係貴軍之李劉所帶。兵至光州。襲據南城等因。如李劉果係貴軍。應請迅卽調回。希電復。

又寄施南安撫使馮仁佺電

電悉。施鶴反正。朱君揚武之功居多。殊堪嘉許。惟現在清帝業已退位。政體改建共和。凡百政事。非得適當之人。不足以資佐理。朱君既治軍有方。熟悉該處情形。卽希迅速來省。藉商施鶴善後事宜。所請委充施鶴防營統領一缺。俟朱君到省給札委用可也。

又寄襄陽季司令雨霖電

現在清帝退位。南北已聯絡一致。各處均已接洽妥協。戰事悉泯。所有高仲和組織之北伐團。除一營管帶李明章就原有隊伍仍紮原地外。其餘名目一概取消。

又寄襄陽季司令雨霖電

現清帝已經退位。宣布共和。由南京代表公舉袁項城爲大總統。南北軍隊已成一家。貴軍亟應西折援陝。攻擊升允。所過北軍原駐地點。宜先通知。以免誤會。致傷感情。劉公到時。亦望將此情通告。爲盼。

六八、二月二十日 南京參議院仍一致舉黎元洪爲副總統

二月二十日。接南京來電。謂南京參議院開臨時副總統選舉會。仍一致舉黎元洪爲副總統。

是日黎覆卸任襄陽府李知事步青電

銑電悉。徒手軍隊解散二千餘人。甚慰。現各府知事。除武昌府名稱仍舊外。餘改名爲縣。襄陽既有替人。望速來省贊助一切。

附來電

六八 二月二十日 南京參議院仍一致舉黎元洪爲副總統

咸電敬悉。張國荃徒手軍隊。業商准該協統及部下王毛兩君。於近三日內解散。近二千人。季招討原率隊伍。應如何辦理。步青未便置議。襄陽府知事。季招討早委梁鍾漢君。善後事宜。步青不能奉命。已前稟並聞。

又覆郵傳部梁總長段軍統電

霰電悉。京漢路規復行車。以便中外商旅。極表同情。但此時百端待理。不止鐵道一節。亟應提綱挈領。趕速認定。京都組織中央政府。乃由中央交通部統籌全國鐵路等事。否則無論如何商辦。終恐後有紛更。多費手續。前因章副總管。祔久離職守。鐵路主理無人。特飭鄂交通司就近整理。南局事務。粗有頭緒。軍興以來。南方各省一切要政。均係暫時就近管理。隨時協商聯絡。一面在寧組織中央政府。冀達統一目的。尙未完全成立。京漢路事同一律。當中央政府未確定以前。只得由各省就近整理。隨時協商聯絡。南段附近。鄂軍暨各省客軍駐紮甚衆。非有與各軍感情素孚人員管理。亦恐滋生事端。現漢上華洋貨物堆積待運。車輛太少。請尊處飭章副總管將車輛速即運交南局。即可與鄂交通司商定通行辦法。由該司擔負南段責任。俟中央交通部確定時。一齊交卸。歸部接管。鄙見

如此。卽祈裁奪示復。

附來電

軍興以來。鄂豫交通阻塞。致商業凋敝異常。迭次議復通車。又皆未能就緒。中外各商。皆深焦盼。茲幸全局統一。自應速圖恢復。查京漢路工車輛。失修數月。敗壞不堪。行車秩序。錯雜凌亂。皆須全路通盤籌算。方可設法改良。此外應行興革之事。尙多。亦須脈絡貫通。方能下手。日內擬卽飭令京漢局。聚南路華洋人員。照常管理路務。並責成章副總管祐等。專司其事。迅行籌擬開車事務。以便商民。伏懇我公飭知部下各員。接洽遵照。俾免誤會。此後公有命令該路之事。請卽電知士詒。或逕飭南局人員遵照。此事專候尊處復音定奪。各商日來催問。伏乞早賜電示。曷勝翹盼。

又覆上海伍代表溫汪兩參贊電

自議和以來。往復商榷。將近兩月。千迴百折。頗費經營。如此不辭艱難。不避勞怨。以顧惜無數生命。保全無數財產。卒能和平解決。造成共和之民國。其德無涯。其功無量。此時大局初定。百廢待舉。仍乞大力維持。建設完全共和國。則不獨五族頌締造之功。卽萬國

亦慶和平之福矣。

七〇二

附來電

自議和以來。廷以疎才。謬承重任。深惟今日。共和思想。已普遍於人心。北省同胞。一時未能相喻。致有自相殘殺之慘。幸值停戰議和。正可藉此時機。推誠相與。共泯猜嫌。同謀進取。以南北之合併。成恢復之大功。蓋所謂議和。即與北省同胞和衷商榷之謂。迨前清袁內閣所遣全權代表唐君紹儀至滬。彼此開議。唐君即宣言。欲和平解決。惟以北省軍民。與十四省起義之民軍。情誼或有隔膜。意見自不免參差。如欲一致進行。必宜先避衝突之端。以成共濟之美。因擬彼此息戰。開國民會議。取決多數。以定國體。蓋當時彼此明知全國人心。已趨於共和。特以是爲表示之作用耳。乃事機未熟。枝節橫生。補救調和。費盡心力。由是乃有清帝退位之說。蓋經一次挫折。即多一次進步矣。迨項城布置就緒。而北洋統將段君祺瑞等。全體一致贊成共和。遂以成民國統一之結果。中華民國。自此完全發達於大地之上。誠我五大民族無疆之幸福也。廷惟共和事業。我副總統率十四省之同胞。成之於前。而項城率北省暨滿蒙回藏諸同胞繼之於

後。曾不半載。遂竟全功。此皆由我全體軍民之苦心。毅力磅礴鼓盪。大而且速。故能收此良果。廷受任以來。夙夜儆惕。慮以覆敗。貽羞民國。今幸藉我軍民之力。全國統一。和議告竣。謹辭議和總代表之任。此後仍當盡國民之天職。竭其愚慮。以仰贊高明。伏乞鑒諒。無任禱切。

又上袁大總統電

自軍興以來。南北阻隔。以致紙幣不能流通。市面經濟恐慌。莫可言狀。南北統一。所有官幣。自應一律通行。祈飭理財部。速籌官幣通行辦法。以便商民。

附來電

號電敬悉。深佩盡籌。各省經濟困難。亟待設法回復。流通紙幣。亦爲各重要問題之一。現盡由度支部詳加研究。通盤籌畫。俟準備有著。設立兌換機關。屆時方有確實辦法。目前現狀。仍希盡慮維持至盼。

二月二十一日。湘桂及江西援鄂軍隊。皆準備各回原省。或聽南京陸軍部命令開往南京改編。

是日黎上袁大總統電

准伊犁總司令楊纘緒電開。伊犁我軍倡義。九城皆已光復。惟種類甚雜。故依人道主義。推前將軍廣福爲都督。以息兵端。新撫極力反對等因。如伊新戰禍一開。關係甚大。恐牽動大局。理合電達。懇請轉電新撫與伊犁。彼此妥爲接洽。免起衝突。大局幸甚。

附來電

個電悉。尊見所慮極是。已電致新撫與前將軍廣福接洽。務弭戰禍。以保大局。

又覆郵傳部電

電悉。交通機關。宜聯貫。不宜割截。極佩卓識。已照來電飭遵矣。特聞。

附來電

前電計達。未承賜復。頃接京漢南路洋總段長電稱。武昌派李標爲總辦。令段長等承認等因。查交通機關。宜聯貫。不宜割截。前電業已詳叙。現南北合爲一致。似不宜另設機關。致華洋人員。無所適從。職務多所阻隔。且易滋弊病。應請俯念爲難情形。從速斷定。飭令管轄交通人員。暨沿途兵隊遵照。以免再生阻碍。致失商民盼望。毋任跂禱。



又覆開封齊撫臺電

効弩電均悉。季軍方面。共和宣布之日。早經飛電阻止。第恐綫道行遠。轉手太多。不能確實達到。昨又專員由鐵道趨赴南陽。剴切諭知矣。新店附近之衝突。暨南陽謝鎮之報告。當在敝處函電未達季使以前。頃得該處來電。謂軍隊已全部退回鄂境。當不至再有衝突。西事由貴處派人前往接洽。深盼早得要領。免致生民塗炭是幸。

附來電一

頃接南陽謝鎮電稱。襄陽民軍分三路來攻。中路佔據新野及新店舖。刻探已進至瓦店舖。距宛城僅六十里。又鄧屬之孟家樊。林家扒。於二十七日被民軍佔據。圍攻魯家寨不休等因。查昨得尊處函電。已電阻進攻。今日謝鎮電。應請迅速再飭襄陽張司令季招討阻止進兵。並令退駐原地。免致驚擾地方。至爲感禱。盼復。

附來電二

巧電敬悉。查新店等處。兩軍衝突。事在共和未成立之前。且在停戰期內。應遵如來侵犯竭力抵禦之辦法。現在共和早經宣布。南北一家。理應悉泯猜嫌。聯絡一氣。以謀生

民幸福。所有北攻南陽之兵。萬祈早日調回爲盼。西事已派人前往接洽。如其反抗共和。是有意塗炭生民。無論何人。應爲公敵。並祈電知季使是荷。

又覆煙台藍都督電

電悉。段軍早退出武勝關外。刻下兩軍既表同情。不獨武漢方面已互相接洽。卽皖北各處均泯猜嫌。爲共和前途人道主義着想。尊處宜速派妥員與之接洽。不必過於疑慮。禱切盼切。

附來電

蔚自共和告成。屢經辭職。早已分電在案。十七日奉袁大總統電云。煙台藍都督十四十五兩電悉。執事關心大局。化除意見。深堪嘉尙。取銷都督一節。已電商孫大總統酌量辦理。一面將所部軍隊妥爲收束。其關於關外民黨恤死救生之舉。亦應迅速辦理。已由唐總理撥交奉天聯合急進會代表朱錫麟張英華銀一萬元。並派員赴奉料理。希卽由該都督派員呈明奉天省趙都督辦理。總須力勸黨人消釋前嫌。共謀共和幸福。免資漁利。是爲至要。執事深諳兵事。倚任方殷。前日已電商參議院求其同意。希卽

迅速部署一切。事竣後。來京襄助。大總統袁銑印等。因蔚除電請袁大總統遴員蒞煙料理善後事宜外。合請鈞處同時派員來煙。並懇頒示啟行日期。以便接待。是所至禱。又致南京臨時政府電

鄂省自起義以來。血戰數十日。尸骸枕藉。無算傷殘。幸賴中國紅十字會在武漢設立臨時醫院。救治被傷兵士。並施掩埋。茲查該會已由日本赤十字社社長松方侯爵。特派法學博士有賀長雄來滬。商推修改會章。復承日本介紹。得邀萬國紅十字聯合會公認。該會爲中國正式紅十字會。此次民軍起義。東西南南省。均設立分會。共五十餘處。所費不貲。其功甚巨。如此熱心慈善事業。似不得不特別表彰。伏懇准予立案。揭諸報章。以資提倡。而重觀感。不勝盼禱。

#### 附來電

箇電悉。查民國軍興以來。各戰地將士赴義捐軀。傷亡不少。均賴紅十字會救濟掩埋。善功所及。非特鄂省一隅而已。文實德之。茲接電示。以該會前在武漢設立臨時病院。救傷掩埋。厥功尤偉。後經日本有賀氏安修會章。已得萬國十字會公認。囑予立案等

六八 二月二十日 南京參議院仍一致舉黎元洪爲副總統

由該會熱心毅力。不可無表彰之處。應即令由內務部准予立案。以昭獎勵。

二月二十二日。陝西高田兩代表至武昌。要求黎大元帥致電北京。欲運軍械至西安。假道鐵路。

是日黎致郵傳部段軍統電

頃有陝西代表高正中。田中玉等。在滬購得步槍三千六百枝。機關槍四桿。炸彈二百一十個。子彈一百七十八萬。共計二千二百四十八箱。運在漢口劉家廟。請尊處特派專車來漢。運往洛陽。希即飭知廣水以北之軍隊。及周統領。妥爲保護。并希轉呈袁大總統爲荷。

附段軍統來電

養電悉。已函郵部。即備車到漢運送。並飭李統制周趙兩統領查照。但空車南下。務須切囑廣水以南。毋得阻止。并希與李統制直接接洽。以免誤會。

附郵傳部來電

養電敬悉。陝西代表高正中所購軍火。由漢口運往洛陽。既承鈞座核准照運。已飭京

漢路局於漢口通車後。迅即按照前陸軍部轉運軍火半價計算章程。備車照運。並已電飭汴洛路局照辦。起運時祈派員與車站接洽。或告知黃錫臣君轉飭亦可。漢口通車事。奉個電。承荷分電飭遵。奉日黃錫臣君來電。極述鈞座維持之德意。自本日起。已交由該路局自行接管。後此交通便捷。南北無阻。副總統爲客商造福不小。已飭京漢路局立即照常通車。南下通車之期。至遲不得過二十六日。南段各員司。已電飭速回原差。照常辦事矣。知關垂念。特以奉聞。

#### 又致南京海軍部電

敵處在滬所購辦之軍械。因無船運。尙堆積該埠。聞江元不日修整完全。即行上駛。茲特派參議鄺杰前來。請飭江元就便將敵處存滬軍械裝載。由鄺杰押解回鄂。

#### 又致陝西張都督電

清帝退位。宣布共和。南北統一。孫先生辭職。公舉袁公慰廷爲臨時大總統。從此去專制而進共和。化干戈而講揖讓。滿蒙回藏。共享和平之福。現在新疆亦贊成共和。不知陝甘如何。以後一切善後事宜。可直接電商袁大總統。以便速行。

六八 二月二十日

北京參議院仍一致舉黎元洪爲副總統

## 附覆電

養電悉。武漢起義。敝省首先響應。數月以來。東西苦戰。三輔豪俠之士。六郡從風之子。銷鋒鏑。填溝壑者。何可數計。聞其所圖。無非欲推翻專制。改建共和。何乃首發難端。破家捐軀。而不顧乎。來電稱現在新疆亦贊成共和。但不知陝甘皆贊成否云云。在甘民爲升允所挾制。貿然爲天下公敵。敝省支持數月。心力俱瘁。飛電求援。數十百起。豈尙不能見諒乎。至孫先生辭職。公舉項城爲臨時總統一節。既經各省公認。敝省無不極力贊成。請將詳情示復。

## 又寄襄陽季司令雨霖等電

清帝退位。改建共和。南北已成一家。前已屢電囑勿前進。致傷和氣。何以竟違命令。冒昧爭功。殊屬非是。嗣後只可接洽。萬不可進攻。倘再違令。卽照懲治土匪例辦理。

## 附段軍統來電

頃接齊撫電。謂得諮議局紳奎文電稱。前往南軍接洽。元日到宛城空無守。又電謂新唐鄧三州縣失守。襄軍尙進行不休。豫西將盡糜爛。爲國利民福者。詎忍出此。又接柏

統制電稱。尊處派到胡君翼龍。將往季軍。令其退出新唐等州縣云云。足見洞明時局。關懷民命。瑞前電意謂軍隊程度不齊。迫恐衝突。想已入覽。現在要義。速圖內地治安。共謀對外政策。諒我公必早見及於此。

附袁大總統來電一

頃接南陽急電。新野爲襄陽軍佔據。已派代表劉溫玉往商。何陰歷二十九日唐縣鄧州仍被佔據。現共和一致。自是一家。我重人道。彼擾治安。殊不足以昭信義等語。現應規復秩序。詎可再擾民生。請速飭襄軍立即退回原地。以保大局。至盼。

附袁大總統來電二

來電悉。南陽民軍承屢電阻止。不致再擾民生。仁人用心。無任感佩。奉省初因有人煽惑。頗思反對。熱河亦思附和。嗣迭派員分投宣布。詳細勸釋。均就範圍。趙督並率三省各界電表同情。熱亦同贊成。暫可無慮。北方秩序安謐。惟京鐵聯軍在境。東北逼處兩大。維持手續。必須面面俱到。稍一不慎。卽起巨禍。數日來筋疲力盡。幾不可支。達人遠識。何以教我。

## 附袁大總統來電三

頃得豫撫電稱。據老河口季招討禡電。駐唐縣新野鄧州各軍隊。業已調回襄陽河口。惟升允素主排漢。迭奉黎副總統電飭。並張都督電請往援。霖已部署就緒。尅日前進。惟南陽駐紮之軍隊。及貴省之各軍。須商聯合。勿再自相攻擊。致礙共和前途云云。查該軍由光化援陝。應取道荆紫關龍駒寨達西安。甚爲捷便。若道出南陽。路反迂緩。居民必致驚擾。請轉前途等語。該撫所電。希飭季君查照辦理。

二月二十三日。黎大元帥電南北兩京。謙謝再膺臨時副總統之職。

是日黎覆孫大總統並各機關電

個禡兩電均悉。兩日內連接南京效號卽三電。譯讀之下。殊深慚悚。竊念義軍發起之初。以訖民國完全成立。皆全國同胞共同之力。洪何人斯。敢忝副職。祇以力辭不獲。兵事未終。權從衆志。隨諸公後耳。今南北共和。兵戈永息。項城總國人望攸歸。洪之才力。實難肩隨。謹以臨時之局。暫從公民之命。仍望諸大君子。鼎力建設。奠定國家。洪得待教。庶幾鮮所隕越。一俟端緒就理。仍當歸耕鄉里。爲民國一自由之公民。現派代表旦夕必達。仍望



源源惠賜教言。鶴樓引領。曷勝馳依。

附袁大總統來電

接南京皓電。欣審執事再膺副總統之選。國是大定。人望允孚。頌德歌功。歡騰中外。凱以衰病。謬附同舟。深盼惠示良箴。共謀同胞幸福。特此電賀。

附各部總次長來電

公舉義武漢。天下景從。盛烈豐功。海內同仰。茲聞再膺副總統之選。曷勝歡忭。謹專電祝賀。伏祈鑒察。

附南京參議院來電一

接來電。稱中央政府已準備重行組織。副總統及大元帥之職。應先辭退云云。當經開會公決。謹從鈞意。於二十日開臨時副總統選舉會。特此奉聞。

附南京參議院來電二

二十日午後二時。開臨時副總統選舉會。舉定我公爲臨時副總統。全體一致。羣情歡忭。特此奉聞。

附南京徐衛戍總督來電

本日午後二時。參議院行選舉新副總統典禮。紹楨執行檢票事務。當衆驗票。仍舉我公當選。衆情懽舞。公率義旅。爲天下先。今副項城。肇造區夏。國利民福。詎有涯涘。謹爲民國前途馨香禱賀。

又覆老河口季招討電

皓電悉。大局早定。凡有軍隊。應一律保守秩序。果如來電所云。恐爲共和國所不容。已電阻止。頃接南京轉來大總統效電。奉省一再派員開導。已就範圍。周趙兩統領。仍留秦豫間。辦理土匪。段軍統意。謂回民强悍。新疆萬里。戰端一開。恐無已時。倩與升允善者先爲勸導。期於和平。并派毛繼成西去。與張都督鳳翽晤商。相機辦理。季軍即可緩進。因軍隊太多。萬難一致。已飭謝鎮嚴禁衝突。如豫境土匪。係豫撫謝鎮之責。季軍不必越俎。敢擾害人民之嫌等因。似此援陝及辦理土匪任務。均可付之豫撫謝鎮。我鄂軍隊應一律退守鄂境。以保秩序而安閭閻。切勿再進。致傷和氣。並將各情。一面轉電陝都督。一面阻止唐犧支軍。切勿前進。爲要。

附來電

光復唐鄧新野後。奉副總統電開。清帝退位。共和宣布。飭將各處軍隊調回原地等因。遵即將唐縣新野兩路軍隊撤回襄樊。鄧州軍隊撤回老河口。惟河南奮勇軍在南陽各處肆行搶殺。形同寇盜。皆該軍統帶縱容驅使。應請從速派員查辦。民國幸甚。

又致新疆袁撫台電

北京今已宣布共和。南北統一。以增進民國之幸福。閣下領袖西北。自不忍塗炭生民。招致外侮。且閣下亦爲吾族俊傑。民國初立。尤需長才。聞伊犁已數電就商。願及時有爲。以安大局。特此忠告。希卽諒察。

又上袁大總統並致段軍統電

頃接陝西張都督電。稱升允添兵猛攻。逼近省城。危急萬分。請速設法救援等情。升允若此舉動。恐非開導所能奏效。請速救援。

附袁大總統覆電

漾電悉。西安危急甚念。已電趙周兩統領回援。並令通告蒲州之民軍。就近先往。

附段軍統來電

七二六

援陝聯軍。業由漢中出發。觀變而動。計亦良得。務求收拾人心。現倩人勸導升允。并由回教人等。商其部將馬安良。更將優待條件。撮要信知。但電轉蘭州。恐致稽遲。茲擬逕電西安。分送升馬。昨張都督鳳翽電信。升允連日攻擊。痛害地方。調東援西。力尙能勤。惟餉枯械罄。求爲接濟。此間已籌餉五萬兩。槍千枝。子彈五十萬。運洛轉送。如槍械不足。容再籌撥。已電復。并聞。

二月二十四日。孫大總統通令全國。革除大人老爺等名稱。謂此種階級不平等之稱呼。不合共和國之人民。自今以後。凡對官員稱官職。普通人稱先生。或曰君。是日黎寄老河口季司令電。

梗電悉。溯自起義以來。凡我同人。甘自犧牲身家。不辭勞苦。不避艱險者。原欲改革政體。爲同胞求幸福。爾時陣亡者有之。被傷者有之。操勞成疾者亦有之。非獨君也。君之熱心毅力。同人夙所欽佩。茲共和目的既達。同人可告無罪於同胞矣。然大局初定。尤賴羣策羣力。安民攘逆。以建設完全民國。萬不可稍存退志。自負初心。據稱未給一械。未給一餉。

非不給械也。自兩漢失守。槍械盡失。購辦者至今未到。非不給餉也。計所攜之款。及荆宜所撥之款。尙足敷用。總之。僕等爲民國辦事。自宜互相原諒。不可稍存客氣。致碍利國福民之本旨。現以南北一致。故不得不將北伐招討等字樣取銷。以昭大同。所請將襄陽總司令官兼管鄖陽軍隊事務成命收回等語。碍難照准。希卽遵照。

### 附來電

前奉電。飭充襄陽總司令官。兼管鄖陽軍隊事務。又電。陝西危急。命卽率隊往援。各等因。聞命之下。感悚交集。惟是霖自八月起義至今。將及半載。焦勞國事。未或一日稍安寢饋。雖材質魯鈍。無所建樹。然已心力交瘁。寢成疾病。前此所以不卽辭退。勇爲效命者。正以大敵當前。大局未定。知遇之恩。未酬萬一耳。現在清帝退位。共和告成。霖甚可乘此卸肩。安心調攝。應請收回成命。取消襄陽總司令官名號。並速派員接收經手事宜。以便交替。不勝百拜叩禱。至於陝西危急萬分。霖非不思星夜率隊飛往救援。無如餉項分文未有。槍彈亦於攻擊唐鄧新野等處。耗費殆盡。孤軍遠征。危險萬狀。懇爲設身處地。熟籌深思。速示機宜。以定行止。再霖自出省以來。未蒙給一槍彈。撥一餉項。副

總統捫心思之。當亦爲霖淅然淚下也。

七一八

又致爪哇牙魯中華會館電

諸君殷嚮祖國。深佩熱忱。匯來之壹千元。理財部申報數目。係由夏道南經手轉交。邇因匯處地址不明。未獲電謝。至今歉然。茲承函問。特布歉忱。卽希轉致前途爲盼。又致南京臨時政府電

日人神村送來飛船。業已抵鄂。據稱購價十一萬元。未免過昂。且語多要挾。復詢之飛行家劉君佐成。謂在滬神村以七萬元願售。劉君以別故未買。如神村仍以七萬元願售。敝處購之可也。倘故高價值。敝處斷難吃虧。請設法婉辭爲禱。盼覆。

附來電

飛行船事。前已電告。不知價值貴賤。故請尊處派人與滬接洽。今閣下既知其價昂。卽請要減爲是。已轉電神村矣。

二月二十五日。據外人輿論。皆以中國經此次改革。各省必苦兵多。良善農民。一經爲兵。卽多流蕩。再不願作農民正業。將來中國荒亂。將無可挽回。而劫殺之風。尤爲危險云云。

是日黎致長沙譚都督電

據湘米幫五邑公所首士舒宗衡等稟請發給護照。往湘運米濟鄂。平價助餉。以足軍食。而便民生等因。查鄂省自軍興以來。客軍鬻集。食米有惟日不足之虞。業令該湘幫首士與武昌商會商妥。各往湘運米十萬石。以濟鄂食。除發給護照外。合行電達。務祈轉飭放行。是爲至禱。

又致南京陸軍部電

刻陝西代表高正中。田中玉等。運械抵鄂。懇請電商貴部電飭威武軍護送至秦。現清帝雖已退位。而總督升允。仍復頑強抵抗。且屢擊民軍。該省經戰已久。械兵兩乏。若不及早圖維。後患殊爲可慮。查威武軍將士。秦豫人士居多。志切桑梓。用以運械援陝。必收效果。請貴部電飭該軍就近護送。以濟急用而全大局。

附覆電

二十五電悉。已電命威武軍張鵬翎準備出發往陝。請飭陝西代表等。迅往黃州。與該軍接洽爲禱。

二月二十六日聞蔡元培等在北京。時催袁世凱至南京就職。袁世凱滿口應允。但暗中示意北方各將領及各團體。向蔡元培等剖陳利害。以袁世凱不可南下爲詞。

六九、二月二十七日 袁世凱無意南來 黎元洪通電仍主建

### 都北京

二月二十七日黎大元帥亦以中央政府地點南北爭持不決爲慮。

是日黎上兩大總統並致各機關電

清帝遜位。已經浹旬。組織政府。瞬不容緩。徒以首都地點。南北爭持。遷延未決。人心皇皇。危險萬狀。夫欲爲民國謀統一。規久遠。則臨時政府。自應以地形險要。交通便利。能完全國樞紐者。爲適當之地點。居中馭遠。莫若武昌。有識者類能言之。第值此新陳代謝。情誼未孚。陝疆有戰雲未靖之憂。勝國有死灰復燃之慮。蒙藏諸邊。尤爲岌岌。倘非假因利乘便之勢。從容坐鎮。必不能維持秩序。控制中邊。稍一疏虞。將至人心動搖。鄰邦干涉。內憂外患。迭起叢生。言念及此。深爲焦灼。南中參議院諸公。力持建邦金陵之議。原欲改絃更張。從新締造。宅心未嘗不善。然統籌大勢。默相輿情。兩害相權。必擇其輕。兩利相權。必擇



其重。此中關係。屢詳各省函電中。毋庸贅述。且卽舍北京而論。建業偏安。猶不若武昌形勝。徵諸往史。利害昭然。然且以時勢所趨。不得不力圖治安。勉求讓步。若參議院諸公。必欲膠執成見。事久生變。誠恐以一時未審之謀。貽全國無窮之禍。倘使後人追原罪首。悔將何及。諒熱心愛國者。當不出此。竊謂爲暫時權宜之計。必仍規定燕京。藉消隱患。將來宅中建國。仍在武昌。既足滌三百年舊染之污。亦可闢億萬世奠安之局。折衷定策。莫此爲宜。如蒙允諾。卽請從速組織臨時政府。規畫一切。一面開闢武漢。建築新都。洪雖不敏。願董厥成。俟新都告成之日。卽爲總統移駐之時。勝朝反側。已就範圍。民國感情。亦孚一致。致治之隆。胥操左券。豈惟我北方父老羣相仰望。當亦我南中諸公所樂爲贊成也。洪雖籍隸楚北。忝執鞭弭。爲天下先。特以事機急迫。稍縱卽逝。失此不言。禍患立見。審時立說。概秉大公。既不敢挾權利之心。以便私圖。亦不忍存畛域之見。以誤大局。皇天后土。實鑒此心。臨穎盼覆。神與電馳。

附蘇州莊都督通電（莊蘊寬因程已辭）

頃接中華民國聯合會民社國民協會民立報神州日報時事新報大共和日報公電

稱。頃報載參議院議決建都北京。政府駁令復議。並聞川陝議員相繼辭職等因。查北都關係外交內政甚巨。若捨北取南。勝國有死灰復燃之慮。強敵有乘機侵犯之虞。況立法爲行政所侵。不能保其獨立。民國開此惡例。尤可寒心。望公電抗議。以全大局。伏乞卓裁。

附杭州蔣都督通電一

頃接江蘇莊都督咸電。謂大總統實踐誓言。薄海同欽。惟政府有辦法條件。一臨時政府地點必在南京。一新總統必須親到南京。兩條。期期以爲不可。遂設爲問題三則。一現勢上之觀念。一地理與歷史上之觀念。一外交上之觀念。蓋籌碩畫。悉中肯綮。尊蓋極爲贊同。且公署使館。北京咸備。移之南京。必須更築土木之費。所費不貲。值此時艱。從何取給。是於經濟上之觀念。亦甚有關係。伏乞公決。以維大局。民國幸甚。

附杭州蔣都督通電二

接參議院刪電。謹悉。孫大總統踐誓辭職。舉袁公爲新總統。孫公之德。袁公之功。皆足永留歷史之光。莫名欽佩。惟組織臨時政府地點。來電尙未明言。無從懸揣。江蘇莊都

督通電。尊簋極爲贊同。此事甚有關係。請參議院以公正之眼光。詳加研究爲要。並請將前後會議情形。及兩方主張理由。明白宣布。以釋羣疑。無任禱盼。

附杭州蔣都督通電三

黎副總統經電轉唐君養電悉。建都宛平。新總統蒞寧就任兩事。尊簋已於銑電贊同。頃觀各都督各議會各團體往來電商。於北都殆已多數主張。新總統蒞寧受任一節。唐君所云三害。慮周思遠。豔日宛平之擾。卽其近徵。以後處處可虞。而升允跳梁於甘肅。正在命將往征。新總統發機指畫。北較南便。苟以袁公暫蒞金陵受任。卽行北歸。則亦何必虛勞往返。總之國體粗定。人情始敎。當棄虛文。而崇實事。現在大勢亟宜定都北方。新總統卽在北方接任。庶免死灰復燃之患。而安遠近之心。收全國統一之效。而善外交之策。鄙意如此。祈惠教不吝。

附煙台藍都督通電

共和宣布。南北一家。爲因地點爭執。將近兩旬。尙未建設政府。幾成無政府之國。人心惶惑。大局堪虞。各國鷹瞵。危機四伏。若再猶豫。不堪設想。請速暫以北京作臨時政府。

六九 二月二十七日

袁世凱無意南來

黎元洪通電仍主建都北京

七二三

地點。維持大局。俟國會成立。或南或北。至易取決。今可化除目前意見。無容南北相爭。天蔚附從戎馬。無補時艱。維念民國無統一機關。不覺征衣淚濕。乞各界諸公早定方針。從速成立政府。以安大局。民國幸甚。

附清江浦蔣雁行暨軍界全體通電

頃接蘇州莊都督咸一電。稱建都應在北京。所陳利害。洞中肯綮。卓識偉論。深堪欽佩。今更引伸其說。建都宜在邊陲。故俄由莫司科遷於勝彼得堡。日由西京遷於東京。近俄更有遷都哈爾濱。日更有遷都三韓之說。此中消息。不言可知。請力持建都北京。勿爲浮言所惑。以維大局。禱切盼切。

附長沙譚都督來電

建都南京。只可爲暫時計畫。若爲永久起見。尤須斟酌地勢。準察時宜。今既合漢滿蒙回藏五大族成一民國。則居中馭遠。形勢固在金陵。燕京南達湖廣。北枕蒙疆。東接胡滿。西連回藏。近者鐵道四通。誠得高屋建瓴之勢。此中央政府之地點。所以宜取北京也。

### 附桂林陸都督通電

迭接黎副總統各都督電。國都問題。多主北京。此事體大。將來自應由國會解決。惟查現今時勢。北方多故。袁總統急難南來。臨時政府之組織。又爲存亡所關。刻不可緩。不如請袁大總統即在北京受職。以支大局而安人心。是否有當。統希卓裁。

### 附天津張鎮芳張懷芝張錫鑾暨各司鎮道將領通電

政體更新。總統舉定。南北一致。中外咸孚。民國重新古業。經緯多端。政府地點問題。關係尤重。審時度勢。莫若都燕。謹奉八條。藉申一得。竊維全球大局。恒視形勢爲轉移。近日列強眼光。已漸畧海權而趨大陸。觀於巴拿馬河之開通。貝加爾湖之雙軌。安奉鐵路之浮橋。胥注意於太平洋暨遠東各處。此後文明輸灌。世界大同。北京由陸路直達歐洲。交通便利。是不宜舍北而南者一。近年親貴柄政。招權納賄。一旦失勢。實不甘心。是以有寧送朋友不送奴僕之論。倘總統輕去。無人坐鎮。則專制之餘威再見。刼遷之故智復萌。不特挾天子以令諸侯。抑將借外兵以平內亂。禍機一發。根本動搖。是以不宜舍北而南者二。南北滿內外蒙古。近接鄰國。皆係必爭之地。燕都扼吭拊背。足資控

制。若棄而之他。則雁蹟龍荒。非復我有。是不宜舍北而南者三。中國幅員遼廣。地學家或以建都偏北非之。是但就各省統觀。而未嘗合五洲並計。黃種生齒日繁。無地可以殖民。天留蒙荒。以待開闢。將來鴻規大啓。遷民實邊。遠揚聲威。兼饒畜牧。是不宜舍北而南者四。國基新立。萬端待理。餉源枯竭。着手最難。燕京自前明遷都以還。宮廷廨宇。園囿市廛。締造經營。規模廣廓。近年軍事戎器之富。學校圖籍之儲。凡百增設。甲於全國。祇論已成之局。已非財力所堪。舍此別圖。何從籌舉。是不宜舍北而南者五。共和成立。與民更始。舊時之稅政宜除。而新陳代謝。舉凡制度之見於冊檔者。良有待於鈎稽。此蕭鄧侯之入關。曹武惠之平吳。所以獨有偉畧也。寧都倉卒草創。鮮所憑藉。何物何事。可以接收。是不宜舍北而南者六。自各國締約通使以來。北京使館林立。庚子之後。展擴基址。費亦不資。一旦遷移。微論外人認可與否。而建築各費。何計賠償。此外辛丑通道專約。京奉京漢關係條款。牽涉多端。尤難因應。是不宜舍北而南者七。晉都建業。北服遂淪。宋遷臨安。燕雲坐失。卽法美民主各國。不聞舍舊設新。別營都會。覆車宜鑒。前事可師。是不宜舍北而南者八。以上理由。極爲明顯。海內賢碩。類已透切指陳。外人

旁觀亦復言論同致。新國至計。利害同之。欲爲久大之規模。當取多數之利便。謹本愚見。望速決定。大局幸甚。前途幸甚。

附南京浙軍朱司令瑞粵軍姚司令雨平等通電

自民軍起義以來。犧牲生命財產不可勝數。蓋爲全國謀幸福。非爲個人爭權利。故不惜破壞一切。重行建設。不料宣布共和以來。已逾旬日。因爭持臨時政府地點。以致統治機關不能成立。對內對外。危險異常。言念及此。中心如焚。瑞等睹瘡痍滿目。險象環生。用敢披肝瀝膽。直言布告。誓以國利民福爲前提。捍禦外侮。鎮撫內亂。以盡軍人天職。至統一政府暫設地點。若就現勢。外交經濟地理歷史種種關係言之。自以參議院第一次議決之條爲適當。管見所及。謹電奉聞。

附上海民社通電

建都問題。京不宜南。已成輿論。參議院附和。政府少數人之私見。率定南京爲臨時政府地點。既昧大勢。復拂輿情。此吾黨所絕對不敢贊同者。際南北紛爭之日。新舊暗鬭之時。吾黨似未可加重一方。啟內部黨派之爭。墮外人挑撥之術。折中定制。莫若武昌。

武漢倡義。爲全國人心所歸往。其地居交通之中樞。爲東南之冠冕。西通川藏。北控燕雲。既滌除北京舊染之污。亦免蹈建業偏安之習。況組織中央政府。各省早經認可。重伸前議。必表同情。戰禍方寧。國事叢脞。願我國人割除私見。各盡匡救之責。以收統一之功。大局幸甚。

附雲南蔡都督通電

建都之議。章太炎莊思緘兩君。及各報館所論。已闡發無遺矣。鄙意所尤當慮者。則建都南京後。北邊形勢。當爲之一變。誠恐遺孽有乘虛竊據之虞。而強鄰啓瓜分侵蝕之心。黃河以北。擾亂破裂。甚非民國之利。尙祈早定大計。建都燕京。可以控馭中外。統一南北。大局幸甚。

又寄老河口季司令電

新撫袁大化。現已贊成共和。惟升允尙極力反抗。頃准西安張都督個電開。升允於二月十八日陷我醴泉。焚殺淫擄。慘無人理。又復分兵四出。騷擾鄉村。形同流寇。見民卽殺。刳腸破腹。遇婦輪姦。割舌刖足。以肆淫威。方之張李慘酷。尙不至此。二十二日又進攻洩陽。



距省僅五十里。危急萬分。請速設法援救。並電援陝川滇黔各軍。火速由漢中迅速入鳳翔陽武。擊賊後路。以分其勢等語。查陝西危迫。亟應往援。茲派該總司令爲援陝鄂軍總指揮官。希迅率所部出發。勿稍刻延。是爲至要。

又致成都軍政府電

准西安張都督個電開。升允於二月十八日陷醴泉。焚殺淫虐。慘無人理。二十二日又進攻洩陽。距省僅五十里。危急萬分。請速設法援救。并電援陝川滇黔各軍。速回漢中。入鳳翔陽武。擊賊後路。以分其勢等語。升允反抗共和。民國公敵。頃河南來電。周趙兩統領。已率所部星夜援陝。敝省亦電老河口季軍。尅日往援。望貴省軍隊。迅速出發。勿使星星之火。至於燎原。大局幸甚。

又覆開封齊撫台電

省電悉。河南奮勇軍。係旅鄂豫人集合而成。毫未摻雜他省兵士。前抵南陽。屢飭其退出豫境。而該軍隊貪戀故土。不願返鄂。茲已電囑與我公推商辦法。分別去留。以重軍實而免紛擾。想該軍隊既關心桑梓。必能俯就範圍。請速派員妥籌編練之方。藉資援陝之用。

是爲至禱。

附來電

頃接貴軍劉風同。自南陽來電。稱河南軍奉黎副總統命令北伐。於陽歷二十抵南陽。接到黎副總統來電云。現在清帝退位。民國統一。軍隊勿圖再進。致傷和氣。並請諸事與齊公安商而保治安等情。南陽地面狹小。財政困難。大軍斷難久駐。請卽送協糧食。以安軍心等情。查從前停戰有限約。旋即宣布共和。尊處不至有北伐命令。況接尊處寒個兩電。均言電阻進兵。并言飭退鄂界。又承派胡參議節。持命令前往調回。計已早達。南陽季招討言。係援陝假道。而劉風同南陽來電所言。既非援陝。又無退出之意。請尊處酌奪。電飭退回鄂境爲盼。祈電復。

七〇、二月二十八日

袁世凱秘喉第三鎮兵變焚掠甚慘因藉

口不肯南下

二月二十八日。武昌黃申薌統帶軍隊逐孫武。因孫武專排斥起義同志。結黨營私。故動公憤。武昌幾動搖。

二月二十九日、袁世凱秘命北洋第三鎮曹錕。在北京兵變。并焚燒東安門外及前門外一帶。是晚火光燭天。哭聲遍地。兵士土匪。搶掠達旦。商民被害者千餘家。於是袁世凱卽以北方大局。不得不稍爲坐鎮。南京就職之言。恐事與心違。

是日黎覆梧州軍政分府電

電悉。和議條件。與共和政體。毫無抵觸。務希將利國福民之美意。共相研究。以免塗炭生民。致遭危險。想愛國諸君子。必能顧全大局。委曲求全。以建設完全共和國家也。

又上孫大總統並致各省都督電

前准中央內務部電開。奉大總統令開。中央行政各部。既稱爲部。各省都督所屬之行政各部。應改稱爲司。仰卽分電各省都督。一律照辦等因。現已遵照辦理。從軍務部起。一律改司。除另文咨覆內務部外。特先電聞。

又覆長沙譚都督電

感電悉。武漢米糧。向係仰給湘省。現在大局底定。士商雲集。米食缺乏。前商貴處。尤爲撥濟。當經安定條例。頒發護照。並一面出示曉諭。行知武漢商會。認真經理在案。收回成命。

既多碍難。鄂省米價飛騰。來源阻絕。卽以軍食而論。月需三萬七八千石。計至秋收。非二十餘萬石不可。此次所訂購米簡章。販運額數。以二十萬石爲限。商人請領護照。每名至多不得逾一千石。應納厘捐。仍照鄂省新章。完納過境銷場稅。均經嚴予規定。來電所云。規避影射各弊。似可無慮。仍懇大力維持。俾紓鄂困。旋得長沙譚都督電照允。

三月一日。黎大元帥因黃申薊逐孫武事。已歸平靜。卽發通告以安人心。

是日黎寄本省各軍事機關電

軍務部長孫武事。昨已平和解決。市廛無驚。秩序如常。各機關照舊辦事。望勿輕聽謠譟。仍在該地鎮懾。是爲至要。

又致段軍統電

升允在陝。猖獗愈甚。陷醴泉。逼咸陽。該省危在旦夕。請尊處撥大砲數尊。交洛陽陝西運輸隊高正中運陝。以維西北大局。盼覆。

又上兩大總統並致參議院電

接敵處南京代表時功玖等艷電政府借道勝債百十萬磅。以民國賦稅作抵。定期一年償還。且許以儘先權。議員四十五人。僅有十七人到會。認爲通過等因。閱之殊堪詫異。竊謂政府雖經濟困難。但現在戰事已寧。從容建設。尙可勉力撐拄。況前清借債之失。我輩號呼力爭。言猶在耳。遽自效尤。何以謝我民國父老。且我共和成立。列強均未確認。卽今日南北統一。未臻十分穩固。遽因借債之故。自失租賦之權。而予外人監督之漸。一國得利。各國均霑。民國前途。何堪設想。伏乞從速取銷。免致干涉。元洪困守鄂中。已歷半載。戎馬危急之頃。絕不敢言借債抵稅。以誤國民。敢本此意。爲政府告。並盼速覆。

#### 附袁大總統覆電

東電悉。道勝借款事。前由南京陳財政總長在滬與該行議定簽押。昨據道勝京行經理函稱。因條款過優。不能照辦。已通告南京作廢等語。特復。

三月二日。蔡元培等。由北京連電南京臨時政府及參議院。解說袁世凱不能來南京就職之理由。請速籌善策。以滿北方人民之望。是日黎上孫大總統並致各機關電。

頃據軍界同人呈稱。軍務部正長孫武。不克稱職。請予更換前來。查孫武當起義以前。奔走呼號。尙著勞勩。洎筭軍務。煞費經營。近以心力交瘁。叢脞時虞。不願以疲敝之身。久膺軍寄。迭請解職養病。雖元洪優予慰留。未加允許。而該部長謙挹之懷。終必欲潔身引退。以避賢路。此次僉請更換。既昭各同志之公道。亦遂該部長之初心。元洪亦未便強留。現已遵照臨時政府電諭。改部爲司。委任曾廣大爲軍務司長。并派員敦請樊增祥爲內務司長。姚晋圻爲教育司長。從此羣策羣力。郅治或有可望。至外間傳言軍民暴動。孫武家屬被戕。悉無其事。知關厘注。特此電聞。

附孫大總統覆電

冬電悉。軍務司長孫武辭職。派曾廣大接充。內務教育兩司。亦均得人。商民不驚。市井無恙。極見盡籌碩畫。布置周詳。聞之極慰。

又致羅田姚彥長先生電

現值共和宣布。鄂中教育。急需興辦。先生德譽素隆。衆所仰欽。已被公推爲教育司正長。望先生垂念桑梓。命駕來省。藉聆訓誨。除另具聘書外。特先電請。

## 又致段軍統電

南京援陝威武軍四營。已抵漢口。請速派火車來漢。以便運往洛陽。無任禱盼。

## 附覆電

冬電敬悉。援陝趙鎮。業已率步馬砲五千。初二三到潼。此時業經抵西安。得此大枝隊伍。驅逐升允則有餘。頃接毛繼成自澠池江電。稱升軍被民軍連日迎擊。已退至醴泉。長安無事。晉援軍已抵蒲城。擬即乘勢驅除等語。西陲既有重兵。威武四營。擬請緩行。因豫境軍隊甚雜。免有誤會。

## 七一、三月三日 天津保定駐兵亦繼北京譁變

三月三日接北京來電。謂天津保定駐兵。亦繼北京譁變。人民甚恐慌。是日黎致各省各機關電

清帝遜位。已近二旬。政府尙未組成。鄰邦尙未承認。羣龍無首。岌岌可危。徒以變象未生。偷安旦夕。頃聞京畿煽亂。宗黨操戈。首難雖平。餘孽未靖。禍變之來。尙未有艾。外人對此。極爲激昂。某國並潛謀運兵。入規京輔。設再稽時日。險狀環生。列強眈眈。難保不自由行。

動瓜分之禍。卽在目前。敢伸前請。爲諸公告。國家構立。首由政府。現雖南北和解。戰禍初寧。但新舊機關。雙方對峙。國鈞不顯。郵命無價。爾虞我詐。莫知適從。桀黠之徒。乘機思逞。鳴儔嘯黨。角立爲雄。一隅糜爛。全國隨之。是惟兵亡。天災侵尋。連年飢饉。江淮以南。餓殍載道。滿漢構兵。羣省響應。鄂寧聲鼓。陝晉烽煙。哀我蒸民。流離墊隘。村落爲墟。田園不澮。夫僵海角。婦亡天涯。劫火餘灰。罔知所措。不圖安撫。何以善後。是謂民亡。滿清雖暴。猶可爲國。自舉義旗。倏逾半載。乃大局已定。猶事爭持。高功懷讓。雄才畏禍。遷延不決。人人自危。滿蒙回藏。甫就羈縻。死灰尙然。臥榻久睡。稍一反側。豈復我有。分裂不當。必求平均。莽莽神州。擲此孤注。是謂國亡。四海困窮。民生凋敝。帑枯於上。產匱於下。急圖統一。尙懼失時。設外患一生。兵禍連結。斬木無援。析骸不飽。黑隸紅氓。猶求弗獲。軒黃遺裔。長絕人羣。是謂種亡。凡此數端。皆由於國基未定。有以召之。而究厥原因。仍本於爭都之一念。論者執南北二京。比掣利害。連篇累帙。猶未探原。總之。丁此時機。萬分危迫。舍南京不至亂。舍北京必至亡。金陵形勢。果勝燕京。猶當度勢審時。量爲遷就。況利便之勢。相判天淵乎。元洪非喪心病狂。何敢危言聳聽。特以禍機已見。更無爭意氣之時。其兄彎弓。其弟垂涕。亡



無日矣。不忍不言。伏乞力祛成見。共濟時艱。早定國都。組織政府。庶可收中央統一之効。杜外人干涉之端。其他儘可從容解決。如蒙允許。即請速電北京。決定大計。無任翹盼。臨穎請命。魂電交馳。

### 附北京段姜馮三軍統通電

宣布共和。已逾兩旬。專使到京。亦已七日。而臨時政府。設置何處。袁大總統受任何時。統一政府如何組織。迄無定議。北方秩序。似難維持。滿蒙蠢蠢。將再牽動。使館衛隊。昨已調集。六國發兵。既見電報。上無政府。下有反側。內不統一。外多虎視。一言可決之大計。徘徊審慎。杳無消息。誠令人有不解者。說者謂南有臨時大總統。北有新舉大總統。和衷共濟。維持治安。何得目爲無政府。不知對內而言。則臨時大總統之教令。不能越江而行於北。新舉大總統之教令。不能越江而行於南。歷日稍久。恐不免以統治無權。召致瓜分之禍。對外而言。則新舉大總統未經佈告。臨時大總統未經承認。歷日稍久。恐交涉不能續行。干涉即將踵至。日俄英美調兵。昨到天津。諸君想有所聞。必可爲所欲爲。我將何以待之。對邊而言。則臨時大總統偏居南中。於聯絡控制之方。均有鞭長

莫及之勢。新舉大總統未受公任。既難取信於人。卽難踏實辦事。歷日稍久。恐邊部各謀自立。勾結爲患。而我有唇亡齒寒之憂。在淺見者。或尙靦然以兩政府自豪。而有心者已不免黯然而哭。日日哀號也。雖謂無政府爲國家之至危極險。乃日處此至危極險之地位。猶夢夢而不知悟。豈不大可哀哉。四千年專制餘威。一躍而入共和之局。民國基礎已定八九。若徒事無謂之爭執。功虧一簣。更召滅亡。誰尸其咎。能無遺憾。茲就內情外交邊部各方面觀之。臨時政府必應設於北京。大總統受任。必暫難離京一步。統一政府。必須旦夕組定。敢請主持全局。迅促議決。早日正式佈告列強。鎮定全國。以免眉睫之禍。庶尙有自立地步。否恐五族無噍類矣。情急詞迫。言短意長。伏爲垂察。鵠立候復。

附長沙譚都督通電

黎副總統微電所言。兵亡民亡。國亡種亡。各節沉痛迫切。深中現時危象。北京聯合會支電。尤中肯要。延閣才學淺薄。時切隱憂。建都問題。與新政府之組織。曾於二月銑日及三月江日通電各處。將意見發表。誠以都城爲政治樞紐。非建立燕京。不足以謀五

族之統一。鞏固共和。莊都督咸電實爲顛撲不破之論。袁公既爲北部安危所係。自不能輕去燕京。致啟亂機。諸公關懷大局。務望從速決定。勿再稽延。祇得先將建都問題解決。然後將南京政府各機關移之就北。自不致有枘鑿之慮。惟一乃成。時不可失。伏望諸公立予贊成。免生他變。不勝惶悚待命之至。

又致浙江蔣都督電

頃接杭州樓復民等函。送發起童子會簡章。並祈贊成等語。查各國民法規定。凡男子未達成年。均認爲無法律上之能力。集會結社。雖云聽人自由。而取締極爲嚴密。斷非童子所能勝任。此風一開。於民國教育前途。流弊甚大。相應電請貴都督查照。希即設法禁止。爲要。

七二、三月四日 蔡元培通電主臨時政府設北京袁即在北京

就職 南京參議院決議承認之

三月四日、接南京來電。謂參議院已議決關於袁世凱就職之變通辦法六條。

又接南京臨時政府來電

七二 三月四日 蔡元培通電主臨時政府設北京袁即在北京就職

七三九

頃得北京蔡專使電如下。培等此次奉總統令而來。本止有歡迎被選大總統袁君赴南京就職之目的。顧自抵天津而北京各團體代表之紛紛來見。呈遞說帖者。北方各軍隊首領之馳電相商者。已數十通。僉以袁君不能離京爲言。且無不併臨時政府地點爲一談。元培等以職務所在。無稍事通融之理。且袁君面稱。極願早日南行。惟徇於北方各種困難問題。須妥爲布置云云。是本與培等北來之目的。決無差池。故培等一方面對於諸要求者。撤去臨時政府地點問題。而惟堅執袁公不可不赴寧受職之理。論一方面催促袁公布置北方各事。以便迅速啟行。不意前月二十九日夜。北京軍隊忽起變亂。一般輿論。以袁將南行。爲其主要之一原因。內變既起。外人干涉之象亦現。無政府之狀態。其害不可終日。於是一方面袁君頗不能南行。而一方面則統一政府不可不即日成立。在事實上已有不可易之理由。培等會議數次。全體一致。謂不能不犧牲我等此來之目的。以全垂危之大局。爰於初一初二兩日。疊發公電私電多次。提議改變臨時政府地點。冀得尊處同意。以便改轉交涉之方針。乃兩日間未得一復。而保定天津。相繼擾亂。大局之危。直如累卵。爰於今日午後開會議。準備於袁君爲最後

之交涉。於會提議準備之主旨兩條。(一)消滅袁君南行之要求。(二)確定臨時政府之地點爲北京。共達此主旨之方法。又大略袁君在北京行就職式。而與南京武昌商定內閣總理。由總理在南京組織統一政府。與南京前設之臨時政府辦交代。公遣外務總長或次長到北京任事。其參議院及內閣全部遷北京時。用重兵護衛。以鞏固政府。彈壓內亂。全體贊同。然此事雖爲今日必要之舉。而以培等職務所在。決不能爲此案之提議者。迨唐紹儀汪兆銘與袁君最後熟商之結果。遂與培等準備會議所提出之兩條相同。惟以何等手續。行此兩條。始無窒礙。則非在南京討論不可。嗣定於歡迎團中推數人。袁君亦派親信者數人。同赴南京。儀銘回寓告之培等。培等皆贊同。遂推定教仁永建正廷漢遺四人回南。袁君所應派之人屬儀酌定。紹儀與同人商酌指定唐在禮范源濂二君。已商袁派定同行。將來一切詳細辦法。均由教仁等到南京後妥商。不先贅述。惟約計自啟行以至商定。至早必要十日以外。而北地之人。以恐悞大局者。函電紛至。外人亦嘖有煩言。若不從速解決以安人心。恐至敗壞不可收拾。敢請尊處迅開會議。如贊同袁君不必南行就職。及臨時統一政府設在北京之議。請即電復。

並宣布中外。以拯危局。至培等放棄職務之罪。則敬請執法懲處。蔡元培支云云。特達。  
附南京臨時政府通電

得北京蔡專使等迭次來電報告。北方最近情形。以爲袁總統急欲南來。而統一政府之組織。又不可不爲大局計。應予變通。提出辦法數條。經交參議院。今日決議如下。  
（一）由參議院電知袁大總統。允其在北京受職。（二）袁大總統接電後。即電參議院宣示。（三）參議院接到宣示之後。即覆電認爲受職。併通告全國。（四）袁總統既受職後。即將擬派國務總理及國務員姓名。電知參議院求其同意。（五）國務總理及國務員任定後。即在南京接收政府交代事宜。（六）孫總統於交代之日。始行解職。以上各條。除電復北京外。謹聞。

附杭州蔣都督來電

尊電。早定國都。組織政府。卓識偉論。欽佩無既。蓋謹贊同。除電北京外。謹復。

是日黎覆山東軍政府電

江電悉。赴津進援。事關重大。須電詢中央。或由大總統電調。方可出發。頃得京津數電。皆

云安。證無恙。尙希鎮靜爲禱。

### 附來電

廿九晚北京兵變。蔡公及代表。避亂使館。乃免。此間屢得京津來電。傳聞甚惡。後此統一大局。恐生荆棘。瑛擬留滬軍駐守汴黃。親率陸軍一旅。會同藍都督湯司令赴津進援。五日內出發。相機因應。以鞏固共和之基礎。惟茲事重大。必大總統陸軍總長決定大計。諸公爲謀後援。始能集事。務懇宏謀。迅示機宜。共維大局。爲禱。

### 又覆南陽馬統帶電

有電悉。南北統一。宣布共和。轉瞬春耕農事宜急。所有新兵。着速設法遣令歸田。以裕民食而節餉需。鄂中軍隊將近十萬。已足應用。望速領舊部。保衛桑梓。毋庸來鄂。

### 附來電

接我公來電。令軍隊勿圖再進。致傷和氣。卽逕與齊耀琳妥商。安撫地方。鎮壓土匪。惟南陽財政不充。糧草缺乏。實難久屯大軍。風同充第一軍司令官。雲卿充當辦理地方軍務事宜。請我副總統速示辦法。或將此軍調至汴梁。或調回武昌。以拱衛軍政府。并

祈我公速電汴梁巡撫辦濟糧餉以安軍心祈速覆

三月五日接北京來電謂北方接南京參議院議決請袁世凱在北京就職北洋各軍皆安靖如常

是日黎致南京臨時政府並各機關電

連日接到北京東冬江等密電北京秩序俱已恢復安謐如常勿聽信謠傳等語聞蔡君元培等電知南京派兵赴北京一事並未經告袁公其餘各省亦皆安謐希格外鎮靜並禁謠言以免搖動人心所最亟者首都一日不定則國基一日不立此中危險千鈞一髮江電言之已詳伏希速覆禱切盼切

又致信陽州電

滬軍威武軍司令官張鵬翎所帶之軍二千人已令調赴援陝定於初五日拔隊前往祈轉飭沿途照料爲禱

三月六日聞南京發行軍用票公債外又欲大借外債人民漸不滿意蓋因國民素守勤儉舊道德一旦習染歐美奢侈之風似非所宜



是日黎覆雲南蔡都督電

感電悉。滇蜀兩軍問題。已平和解決。甚慰鄙懷。現以維持地方秩序爲第一要着。滇軍留黔鎮懾土匪甚好。

### 附來電

文號電均悉。滇蜀兩軍問題。已和平解決。惟刻下黔事。聞甚糜爛。現黃澤霖已就戮。牟百麟逃粵西。惟匪氛尙熾。人心未安。迭接紳商文電請援。已飭北伐隊留黔鎮懾。適與尊意相同。特聞。

### 又寄荊州黃知事炳言電

荊州旗民。素無生計。徒恃月餉。光復以後。生靈數萬。凍餒無依。甚至折屋毀垣。變賣度日。此種現象。殊堪憐憫。曾電該知事與荊沙商會。設法賑濟。未知近況何如。望速電覆。再聞。荊州出示剪辮。僅及漢人。殊屬不合共和政體。亟應一體曉諭。以昭大公。並聞。

### 附來電

旗民生計窮蹙。曾商沙市商會。設法賑濟。據稱商務困憊。無款可籌。謹擬工賑授田工

廠辦法三條。於本月六號。呈如蒙核准。懇電示知事。以專責成。至剪髮一節。遵即出示曉諭。

三月七日。黎大元帥令本省各軍隊。分配各區。勤加訓練。

是日黎致南京臨時政府及滬督電

據內務司呈稱。卸任黃梅縣知事李繼沅。捲逃公款。竟將前清公儲錢局及裕寧號摺據。勾結該縣紳士石炳榮等。迫令現任黃知事承認接收。意圖抵塞。查公儲錢局。係李知事個人儲款。裕寧號乃發修該縣同仁堤款。該知事以營利被塌。於人何尤。似此勾結劣紳。強抵公款。實與吞沒無異。現聞該知事已赴上海江蘇一帶。呈請通電各處嚴密緝拿。務獲解鄂。以便覆算勒追等情前來。除批准外。相應據情電達。希即轉飭所屬地方官嚴拿解鄂爲盼。

又致雲南蔡都督電

准貴陽趙都督艷日通電。諒已達覽。貴軍既負有保護隣省安寧秩序之責。萬不可擾害鄰省治安。請電飭貴軍嚴肅軍律。免召不睦。如黔省安靜。祈將貴軍撤回至禱。

附來電

昨接黔省紳商軍學各界公電。稱唐司令繼堯。率兵抵筑。削平匪亂。紀律嚴明。匪黨遁逃。黔省人民重見天日。現公推唐君暫任臨時都督。又接唐君電稱。此次入筑。意在救災卹鄰。留充都督。殊非所願。惟黔局略定。喘息未安。不能不勉從羣情。暫資鎮懾等語。已囑令選舉。黔省士民。妥籌善後。以期一律肅清。庶黔省早復治安。滇軍亦可早卸責任。黔省素瘠。餉糈維艱。反正之初。公私赤立。前已由滇稍籌協濟。現在整理一切。需款尤繁。不能不諒力援助。一俟全境底定。滇軍自應撤還。謹以電聞。

又覆貴陽趙都督電

艷電悉。前屢據電告。貴境不靖。黨派衝突。恐貴軍不能自保安寧秩序。故中央以援鄂滇軍。就便鎮懾。滇軍既爲保護鄰省安寧秩序而來。斷不致擾害鄰省治安。請一面轉飭滇軍司令官嚴肅軍律。免召不韙。一面整頓貴省內部秩序。一俟肅清。即可商之蔡都督。將該軍隊撤回。此覆。

附來電

七二 三月四日

蔡元培通電主臨時政府設北京袁即在北京就職

七四七

滇軍入境。假道赴鄂。沿途擅自行動。所過城鄉。均各自佔領。黔滇素爲唇齒。究非敵國可比。抵省後。其一切舉動。非爲不合軍律。茲畧述如下。一、敵省自受蔡都督電告後。卽出示安民。市廛無驚。照常交易。又特派招待員離城六七十里歡迎。以表敦睦。且備牛酒相犒。又代經理物品。而該軍漠視招待。二、指定所駐地點。第二日卽擅自遷移。並不預商承諾。證之公理。主權何在。三、擅據要隘。儼如臨敵。選定陣地。四、盤踞省垣。出發無期。當此民國新造之初。基礎未固。自不應多種召亂之因。設一旦禍生不測。黔局之破爛當如何。五、所帶銀票。蔡都督雖有電告。該軍到日。並不送驗。竟出示令民一體遵用。市面極形恐慌。民心大爲震動。黔地雖極瘠貧。想各省同胞亦不肯決然舍去。該軍對於黔省如此舉動。人民不能無疑。德全擔此鉅責。不敢不洒血瀝誠。爲黔省七百萬同胞請命。以保大局之和平。特此專電。以備公評。並望速賜對待之策。

又致上海胡子笏電

飛艇合同。載明在鄂試驗。如能合用。再將價銀交清。茲據凌特云。前在鄂有人不准開箱。實無其事。又云後經伍君廷芳訂明來滬試驗。何以伍君並未電知。至伍君所慮。前二層

皆咎在西人。惟後一層。尙屬可議。然鄂省需用此物。是以不惜重價與之購買。乃遲至今日。並不前來。幸而和議告成。設使戰事未停。貽誤事機。殊非淺鮮。總之。該西人能任試驗。則將價銀交清。如不任試驗。則彼此退還。方爲正辦。除逕電伍君外。仍請與之嚴重交涉。

### 附來電

武昌黎副總統鈞鑒。奉逕電往晤凌特。據云。前在鄂有人不准開箱。後經伍廷芳訂明來滬試驗。已另在菲律賓請技手來滬等候。屢經切催。不付。今又月餘。技手已歸。卽寄滬。亦不任試驗云云。瑞霖查該西人狡展若此。非伍公嚴重交涉。不可。旋謁伍公。則云。鈞處前曾有電云。自行修配等因。今欲與之交涉。有三困難。一。該西人在鄂。何以不任試驗。二。自行試驗。何以不令西人共同。三。戰事未停。何以不寄。使彼得轉售他處。有此三層。頗難措詞云云。查此事定價訂合同。均由伍公經手。此時豈能置身事外。然非鈞處再電。渠斷不肯負責。仍懇再電伍公。嚴重交涉。瑞霖回鄂在卽。望速施行。并賜復電。爲盼。

### 又致上海外交伍總長電

頃接胡瑞霖來電。述及公意。計慮甚深。但飛艇抵鄂時。屢催凌特前來試驗。而該西人竟潛身赴滬。遲遲至今。杳如黃鶴。貽誤事機。殊非淺鮮。現在財政困難。豈能購此無用之物。請公與之嚴重交涉。該西人能任試驗。無論如何困難。即將價銀交清。如不任試驗。則彼此退還。望速施行。並希賜覆。

三月八日。江西又舉李烈鈞爲都督。但江西人猶紀念馬毓寶都督不置也。

三月九日。蔡元培等。請袁世凱從速在北京就臨時大總統之職。是日黎致南京臨時政府電。

荷人之苛待華僑久矣。水深火熱。已關洞見。此次共和成立。凡屬中華民國分子。誰不亟欲登之衽席。況華僑蟄伏異域。尤深痛滿清之膜視。冀共和之成功。奔走呼號。犧牲其財產生命而不惜。其所以如此者。不過希得政府完全之保護。而與他國人立於平等之地位。享受平等之權利也。不意荷屬華僑。慶祖國之共和。即遭荷官之凶暴。藉故尋隙。羅織大獄。撕毀我國旗。殺傷我人民。繫累我婦孺。慘無人道。顯干公法。聞之奮氣。言之寒心。且舉行慶典。何國蔑有。升懸國旗。何與治安。乃竟至加調馬步兵隊。圍擄男婦稚子。達於千

數。此等舉動。幾於以待亡國民之行爲待華僑。而藐視我國也。況民國之基礎初立。總統之選任始定。而當頭一棒。即發於荷蘭。倘東西列強。尤而效之。則將若何。彼習見滿清政府待遇華僑種種權利。甘自放棄。今日之事。似故爲嘗試。以覘我民國新政府之意耳。查公法規定。外人私權。有與本國人享同一之權利者。獨我華僑之在荷屬者不然。以云言論。則封禁報館。層見迭出。而今日不惟封書報社。而且禁通電矣。以云訴訟。則以波禮西虜治理華僑。凡華僑因事被逮。不准向尋常裁判所提起訴訟。必先監禁七日。然後提交甲必丹馬腰。任意定罪。不准本人或請律師辯護。定罪後。即爲終審。不准上訴。且公法通例。外人受本國保護。與本國人無異。如有不法之徒。逮捕拘留。外人得抗議之。至於遇內變而受損害。則本國有賠償之責。不與內國人同。今華僑升旗慶祝。既不干該國之法律。而該荷人之殺傷我僑民。復不關該國之內亂。且復逮捕拘留之不已。世界上有此公法乎。夫華僑富有資財。爲民國之外府。自民軍倡義。軍需餉源。悉資取求。其引領內政之振興也。可謂切矣。今民國成立。仍令我熱心之僑民。無辜受荷人之蹂躪。清夜自思。深用悱惻。況大局定後。民困財窮。一切應辦之事。未有不賴其資助。茲當危迫之際。人心激昂。若

無圓滿之保護。不惟失華僑內向之心。亦恐啟外人欺侮之漸。用懇向荷使嚴重交涉。以保僑民。失今不圖。安見後日華僑之受荷人虐待者。不更甚於今日乎。又安見他國之待華僑者。不援以爲例乎。臨電依依。不盡欲言。至於如何交涉之處。請隨時電示。不勝盼切。又致南京參議院電

日前敝省參議員劉成禺時功玖張伯烈等。函電辭職。究厥原因。係因政府以全國賦稅向道勝銀行抵借鉅款。該參議員等恐失國權。提議反對。乃係應行之職權。何議長竟在場呵斥。是否有違議院章程。而失民國參議院性質。至該議員等辭職。敝省決不承認。請轉知該參議員等。仍舊到院辦事。切勿放棄天職爲要。

#### 附來電一

參議員劉成禺張伯烈時功玖三君。儉日在議場聲稱辭職。遽行離院。本院迭次函催出席。執意不來。昨經公決。准其辭職。除一面函知三君外。特此奉聞。請迅即派員接充。

#### 附來電二

佳電敬悉。即遵來命辦理。但恐三君不願就任。仍希我公主持。



## 七三、三月十日 袁世凱在北京行正式受任禮

三月十日、袁世凱遵照參議院辦法。在北京行正式受任禮。并電告誓詞於參議院。誓詞如下。

民國建設。造端伊始。百凡待治。世凱深願竭其能力。發揚共和之精神。滌蕩專制之瑕穢。謹守憲法。供國民之願望。薪達國家於安全強固之域。俾五大民族。同臻樂利。凡茲志願。率履勿渝。俟召集國會選定第一期大總統。世凱即行解職。謹掬誠悃。誓告同胞。是日黎覆安慶孫都督電

接陽庚電。藉悉黎宗獄已走。地方尙獲安靖。解決之速。不致牽動全局。喜慰無量。此後善後事宜。仍希力予維持。俾皖江南北。同臻福利。無任感禱。

又覆上海陳都督電

歌電悉。現在大局粗定。所有軍隊。似宜暫駐原地。免致搖動人心。貴軍祈勿開赴北浦及鎮江。庶免跋涉。固陵已交招商局。礙難應命。乞原。

附來電

現因裝兵赴北浦及鎮江。需船甚急。滬上船已派盡。請速遣固陵輪。迅即回滬。

又致陝西張都督電

據貴省京官雷延壽、雷多壽、晏安瀾、薛寶辰、馬步瀛、周湛元、曹驥觀、閻登龍、吳鴻儒、程光第、張繼宗、李效功、張綬琛、王正寬、王謙炳、張尙齡、景凌霞、劉毓堃等。呈稱。去年十二月內。接上海電。謂該員等力請清兵勦陝。將伊等宣告死刑。又接家信。知陝都督已派兵抄家。拿辦家屬。株連戚族。業懇袁大總統電請免罪釋放。并請敝處轉達。俯賜矜全等情。查民國共和業已統一。凡從前因情形阻隔。以致與民軍有嫌疑衝突等事。早經宣布。概不追究。一體免罪在案。茲該員等事同一律。相應電請貴都督查照袁大總統前電。概行釋免。查還資財。以張我中華民國錫類同仁之盛舉。而潛消意外反側之憂。貴都督公明平恕。諒必樂予恩施。特此佈聞。

又覆南陽奮勇軍馬統帶等電

電悉。現在全國軍力。不可謂不厚。無事多招徒手之兵。致糜餉糈。且同爲國民份子。駐紮豫境。尤應關懷桑梓。節用公款。而減同胞之負擔。祈將衰弱及無槍械者。一律汰除。以免

餉項無着。至軍律尤當嚴肅。勿得擾害地方。所有編制之法。及餉項等事。已電齊撫台安辦。嗣後當與齊撫台直接商承辦法可也。

七四、三月十一日 孫大總統公布臨時約法於南京

三月十一日、孫大總統公布中華民國臨時約法於南京。

## 第一章 總綱

第一條 中華民國。由中華人民組織之。

第二條 中華民國之主權。屬於國民全體。

第三條 中華民國領土。爲二十二行省。內外蒙古、西藏、青海。

第四條 中華民國。以參議院。臨時大總統。國務員。法院。行使其統治權。

## 第二章 人民

第五條 中華民國人民一律平等。無種族階級宗教之區別。

第六條 人民得享有左列各項之自由權。

一 人民之身體。非依法律。不得逮捕拘禁。審問處罰。

七四 三月十一日 孫大總統公布臨時約法於南京

二 人民之家宅。非依法律。不得侵入或搜索。

三 人民有保有財產及營業之自由。

四 人民有言論著作刊行及集會結社之自由。

五 人民有書信秘密之自由。

六 人民有居住遷徙之自由。

七 人民有信教之自由。

第七條 人民有請願於議會之權。

第八條 人民有陳訴於行政官署之權。

第九條 人民有訴訟於法院。受其審判之權。

第十條 人民對於官吏違法損害權利之行爲。有陳訴於平政院之權。

第十一條 人民有應任官考試之權。

第十二條 人民有選舉及被選舉之權。

第十三條 人民依法律。有納稅之義務。

第十四條 人民依法。有服兵之義務。

第十五條 本章所載人民之權利。有認為增進公益。維持治安。或非常緊急必要時。得依法律限制之。

### 第三章 參議院

第十六條 中華民國之立法權。以參議院行之。

第十七條 參議院。以第十八條所定各地方所選派之參議員組織之。

第十八條 參議員每行省。內蒙古。外蒙古。西藏。各選派五人。青海選派一人。其擇派方法。由各地方自定之。參議院會議時。每參議員有一表決權。

第十九條 參議院之職權如左。

一 議決一切法律案。

二 議決臨時政府之預算決算。

三 議決全國之稅法幣制及度量衡之準則。

四 議決公債之募集。及國庫有負擔之契約。

五 承諾第三十四條三十五條四十條事件。

六 答復臨時政府諮詢事件。

七 受理人民之請願。

八 得以關於法律及其他事件之意見。建議於政府。

九 得提出質問書於國務員。并要求其出席答復。

十 得諮請臨時政府。查辦官吏納賄違法事件。

十一 參議院對於臨時大總統。認為有謀叛行為時。得以總員五分四以上之出席。出席員四分三以上之可決。彈劾之。

十二 參議院對於國務員認為失職或違法時。得以總員四分三以上之出席。出席員三分二以上之可決。彈劾之。

第二十條 參議院得自行集會開會閉會。

第二十一條 參議院之會議。須公開之。但有國務員之要求。或出席參議員過半數之可決者。得秘密之。

第二十二條 參議院議決事件。咨由臨時大總統公布施行。

第二十三條 臨時大總統對於參議院議決事件。有否認時。得於咨達後十日內。聲明理由。咨院覆議。但參議院對於覆議事件。如有到會參議員三分之二以上。仍執前議時。仍照第二十二條辦理。

第二十四條 參議院長。由參議員用記名投票法互選之。以投票滿投票總數之半者爲當選。

第二十五條 參議院議員。於院內之言論及表決。對於於院外不負責任。

第二十六條 參議院議員。除現行犯及關於內亂外患之犯罪外。會期中非得本院許可。不得逮捕。

第二十七條 參議院法。由參議員自定之。

第二十八條 參議院以國會成立之日解散。其職權由國會行之。

#### 第四章 臨時大總統副總統

第二十九條 臨時大總統副總統。由參議院選舉之。以總員四分之三以上之出席。得票

滿投票總數三分之二以上者爲當選。

第三十條 臨時大總統代表臨時政府。總攬政務。公布法律。

第三十一條 臨時大總統爲執行法律。或基於法律之委任。得發布命令。并得使發布之。

第三十二條 臨時大總統統帥全國海陸軍隊。

第三十三條 臨時大總統得制定官制官規。但須提交參議院議決。

第三十四條 臨時大總統任免文武職員。但任命國務員及外交大使公使。須得參議院之同意。

第三十五條 臨時大總統經參議院之同意。得宣戰媾和及締結條約。

第三十六條 臨時大總統得依法律宣告戒嚴。

第三十七條 臨時大總統代表全國。接受外國之大使公使。

第三十八條 臨時大總統得提出法律案於參議院。

第三十九條 臨時大總統得頒給勳章。并其他榮典。



第四十條 臨時大總統得宣告大赦特赦減刑復權。但大赦須經參議院之同意。

第四十一條 臨時大總統受參議院彈劾後。由最高法院全院審判官互選九人。組織特別法庭審判之。

第四十二條 臨時副總統於臨時大總統因故去職。或不能視事時。得代行其職權。

## 第五章 國務員

第四十三條 國務總理及各總長。均稱爲國務員。

第四十四條 國務員輔佐臨時大總統負其責任。

第四十五條 國務員於臨時大總統提出法律案。公布法律及發布命令時。須副署之。

第四十六條 國務員及其委員。得於參議院出席及發言。

第四十七條 國務員受參議院彈劾後。大總統應免其職。但得交參議院覆議一次。

## 第六章 法院

第四十八條 法院以臨時大總統及司法總長分別任命之。法官組織之。法院之編制。及法官之資格。以法律定之。

第四十九條 法院依法律審判民事訴訟。及刑事訴訟。但關於行政訴訟。及其他特別訴訟。別以法律定之。

第五十條 法院之審判。須公開之。但有認為妨害安甯秩序者。得秘密之。

第五十一條 法官獨立審判。不受上級官廳之干涉。

第五十二條 法官在任中。不得減俸或轉職。非依法律受刑罰宣告。或應免職之懲戒處分。不得解職。懲戒條規。以法律定之。

## 第七章 附則

第五十三條 本約法施行後。限十個月內。由臨時大總統召集國會。其國會之組織及選舉法。由參議院定之。

第五十四條 中華民國之憲法。由國會制定。憲法未施行以前。本約法之効力與憲法等。

第五十五條 本約法由參議員三分之二以上。或臨時大總統之提議。經議員五分四以上之出席。出席員四分三之可決。得增修之。

第五十六條 本約法自公布之日施行。臨時政府組織大綱。於本約法施行之日廢止。是日接甘肅來電。謂甘肅軍政府成立。以黃鉞爲臨時正都督。

同日外交部以統一政府成立。通電各外交代表。并萬國保和會。

三月十二日。黎大元帥得袁世凱在北京就職之電。甚喜。請秘書饒漢祥速擬電致賀。是日黎賀袁大總統電。

得南中好音。知公於初十日受職。當此存亡呼吸之交。竟得統一車書。奠安磐石。忻慰何既。今日復由參議院代布誓詞。懷保惠鮮。情詞剴摯。顧瞻危局。感極涕零。我公抱開濟之才。丁危疑之會。恩讐不足亂其念。禍福不足撓其志。毀譽不足動其心。錯節盤根。潛旋默運。卒至黃支烏弋。胥化尊親。剩水殘山。頓歸鞏固。固知天下英雄。非使君莫屬也。來日方長。前功未艾。經邦道國。盡仗丕謨。洪敢率鄂中全體將士。爲四海蒼生賀。

### 附覆電

文電敬悉。遠承飾賀。愧不敢當。策勉之詞。曷勝紉佩。現在時局。非急謀統一。不足以混五大族之猜疑。杜五大洲之責望。執事卓識宏猷。萬流鏡仰。惟冀匡其所不逮。助以所

弗能奠國基於苞桑。媿治術於歐美。世凱亦與有榮施矣。佇耳俟教。無任依馳。

又覆袁大總統電

蒸電悉。各部暫行官制。綱領畢具。仰見鴻謀碩畫。欽佩莫名。所擬分官。敝處亦甚贊成。惟既分設專官。似當引用專門人材。方足以資贊襄而成治理。是否有當。尙乞鈞裁。謹覆。

附來電

各部暫行官制。現擬如下。(一)外交部。(二)內務部。此部添設次長一員。專佐理蒙回藏事。(三)理財部。(四)教育部。(五)陸軍部。(六)海軍部。(七)司法部。(八)農林部。(九)工業部。兼管鑛業。(十)商務部。兼管鑛業。(十一)交通部。管鐵路水道並航業。(十二)郵電部。民國初立。自當注重實業。以爲富強基礎。故於農工商鑛航電路郵。特設分官。想亦諸公所樂爲贊成也。

七五、三月十三日

袁世凱從速組織內閣。決以唐紹儀爲國務

總理

三月十三日。袁世凱從事於國務院之組織。國務總理一職。得參議院之同意。令唐紹儀

任之。

三月十四日，接南京來電，謂南京對內閣之組織，主張不一。

是日黎致南京參議院電

據覃君振文電稱。組織內閣一節。殊形困難。現參議院雖決定唐君少川爲總理。而各部閣員。未有定議。有主張放任主義者。有主張首功之說者。似不如以南北聯合內閣爲適宜等語。所陳不爲無見。惟現今政府未成。禍機四伏。無論如何。總宜顧全大局。萬不可盈廷聚訟。釀成亂階。參議院諸公。既公認唐君爲總理。一切組織。似應由唐君擔負完全責任。方可收指臂貫通之效。若必執素不相信之人。強其聯合。將來內閣。必無善果。至首功之說。洪竊以爲不然。我同志諸公。出生入死。萬難不辭。但爲同胞謀幸福。非爲個人謀權位。光明磊落之心。早爲天人所共矚。至破壞建設。二者相資。非富於政治思想之人。不足以革故。非富於政治經驗之人。不足以鼎新。且即以首功而論。倡義與告成。實行與暗助。南北相權。孰輕孰重。此中亦驟難軒輊。以洪愚見。但眎其人之品行才學閱歷何如。能否造民國健全之基礎。達吾人圓滿之目的。無論新舊。皆當竭力贊成。聞袁公已擬定閣員。

指日必提交參議院。請求同意。望乞諸公共抱此心。早維邦本。無任禱切。

三月十五日、袁世凱令北方之總督巡撫。均改稱都督。以示南北一致。

又任張錫鑾署直隸都督。

任趙惟熙署甘肅都督。

任閻錫山署山西都督。（閻督山西乃山西總司令孔庚力爭故發表。）

三月十六日、袁世凱派唐紹儀至南京向參議院商任國務員之同意。

三月十七日、黎大元帥因接奉天趙爾巽都督數電。極爲敬服。

是日黎致奉天趙都督電

文通電及願電。均悉。國是初定。內訌外患。在在堪虞。我公愛國爲懷。視民如傷。國人素所欽佩。意外流言。何足挂齒。周公之優容。子產之鎮定。將爲公馨香祝之。至云官民流離關外。擬咨回籍。自應力任保護。惟東北邊陲。正宜擴張殖民政策。以固疆域而蕃民族。且鄂人舊屬部民。諒邀青眼。如能就旅奉鄂民。分別去留。酌予墾務。似覺一舉兩得。如蒙首肯。請卽賜覆。並電袁大總統。以便籌商辦法。再其中倘有決然欲歸者。請卽發給護照。不勝

感激待命之至。

三月十八日、南京政府。致力於比國借款。以爲善後之費。

是日黎覆福州孫都督電

侵電悉。財力果裕。何分畛域。但鄂省連年水患。財政已覺困難。加以此次軍興。羅掘殆盡。漢口火災。財源告竭。荊州旗民。及各屬生計。艱窘萬分。種種苦情。諒在洞鑒。難副尊囑。敬祈曲原。

### 附來電

敝省連年水災。現值春荒。穀米缺乏。遍地餓殍。滿目流亡。情狀極爲危迫。曷勝悲憫。除照懇孫袁兩大總統設法籌賑外。相應電請我副總統。合力協濟。以恤災黎而昭惠政。

七六、三月十九日 甘肅新疆均宣布承認共和

三月十九日、在烟台之山東都督胡瑛辭職。

是日甘肅新疆均宣布承認共和。

同日黎上袁大總統電

七六 三月十九日

甘肅新疆均宣布承認共和

現在大局粗安。最宜維持秩序。惟查自軍興以來。東南兵隊。招集過多。已苦難於安插。卽以敝省計之。兵力幾逾十萬。支持半載。餉械俱窮。公私交困。欲裁則士馬精研。棄擲可惜。欲留則帑項支絀。應付維艱。稍一失宜。誠恐迫我義兵。流爲潰卒。影響所及。可爲寒心。伏思東三省逼處強隣。人稀地廣。風氣狃僥。兵備單虛。當此民國初基。正宜力控邊陲。藉藩畿輔。再四籌思。似惟移東南之兵。以實東北。較爲兩全之計。湖北前軍務司長張振武。弢略淵深。戰功卓著。且於東省情形。尤爲洞悉。若假以東三省邊防使之任。率兵一鎮。開往駐紮。平時則從事開墾。以盡地利。一有緩急。則以防窮邊而懾伏莽。靖內攘外。莫此爲宜。如蒙允諾。卽請速賜復電。並一面電奉天趙都督知照。事關大局。迫切待命。

三月二十日。黎大元帥秘電袁世凱。欲索大款。以解散湖北軍隊。

三月二十一日。黎大元帥令參謀總長吳兆麟。湖北所有軍隊。皆分駐妥善。籌畫善後之策。

是日黎覆鄖陽府伍知事電

歌電悉。百貨釐稅。改設過境銷場稅局徵收。指定地點。俟老河口稅局開辦後。鄖郡稅關。



應即撤消。以符新章。此復。

又致爪哇三寶瓏國民捐會電

去歲貴處由匯豐交到捐洋四萬元。早經收訖。曾電請滬都督電伸謝忱。茲承函詢。特再電復。以慰盼望。

三月二十二日。黎大元帥因南北爭持。閣員不決。又命饒漢祥擬電催其早日決定。是日黎上兩大總統並致京外各機關電

前以國都未定。曾於江電披瀝詳陳。幸蒙嘉納。迺總統蒞職。已越浹旬。國務各員。猶未決定。夫有政府。然後有國家。有部員。然後有政府。若總統擁虛號。而各部無顓司。是猶五月胚胎。半齡齟齬。形骸不具。其狀與無政府同。方今一髮千鈞。存亡呼吸。直追急起。尙懼失時。十日之間。已非昔比。一之爲甚。豈堪再誤。敢就目前危象。重爲諸公涕泣陳之。自東南各省。首倡義兵。外人商業。損失鉅萬。徒以無隙可乘。含忍未發。迺者京畿構變。波及津保。長衢夾巷。鞠爲邱墟。甲國增兵。乙國接踵。選地屯營。分曹巡市。自由行動。莫敢誰何。陽爲衛商。陰爲滅國。聯軍之象。復見目前。北望燕雲。已成戎索。此對於外交。可爲痛哭者一也。

南北交戰。自秋徂冬。倉卒募軍。率無紀律。以敗爲功。以亂爲正。以囂張爲平等。以迫挾爲自由。名器爲植黨之資。主將爲護符之具。上行下倣。此仆彼興。賞罰不明。號令不飭。省自爲域。軍自爲家。凶颺所傳。如響斯應。始於導綫。終於燎原。豆剖瓜分。憎不顧恤。且長江伏莽。尙梗新朝。勝國羽林。猶沿舊幟。稍失遷就。變起蕭牆。此對於軍政可爲痛哭者二也。滿清叔世。新政繁興。財力困難。已臻極點。借債修路。遂爲讓王。邇者東南軍隊。名目繁曠。江漢一隅。幾盈十萬。調查各省。亦逾曩額。餉械俱窮。公私交困。欲裁則有譁潰之慮。欲留則無應付之方。大局之危。已如累卵。且各司建設。經緯紛繁。匪有鉅貲。尤難擘畫。剝肉醫瘡。必仍借債。抵礦抵路。各不相謀。列強眈眈。蹈瑕思逞。壟斷借款。監督用途。稍一失宜。已制死命。殷鑒不遠。炯在波蘭。此對於財政可爲痛哭者三也。江淮流域。久困水災。家無糴食。道有饑饉。中更兵燹。蕩析離居。迺節屈仲春。猶未安宅。滔滔江水。已漲丈餘。蕪田未除。潰堤未復。及今不救。浩劫已深。弱者化爲游魂。强者趨爲流寇。僵屍疊積。癘疫流行。骨肉相殘。將無噍類。此對於民政可爲痛哭者四也。四民雜處。惟士難馴。嘗平養客。唐宋策科。皆以羈縻。隱爲消納。迺軍事初興。學堂中輟。師徒數萬。齎集城垣。餬口無資。鳴儔橫議。各區

黨派互相舐排。裂冕毀冠。潰坊圯表。洪潮澎湃。山谷爲傾。雖有賢良。亦甘蹈引。夫國無教育。則綱紀頹。士無防閑。則禮義廢。回紇雖滅。猶戴祔祠。身毒雖墟。猶傳佛教。哀我神州。曾彼弗若。誰驅秀民。流爲游士。其行可怵。其境可憐。龜毀櫝中。咎歸主藏。此對於教育可爲痛哭者五也。凡此犖犖諸端。關係存亡。彰明較著。其他險狀。尙有難觀縷數者。而扼要問題。首由於都會之紛爭。繼由於部員之各執。感情所蔽。意見所蒙。遂致將億兆生靈。擲諸孤注。言念及此。不寒而慄。夫以我同志諸公。出生入死。萬禍不辭。但爲同胞謀幸福。非爲個人營權位。光明磊落之心。早爲天人所共矚。中山先生。號召海外。垂三十年。功成身退。嶄然不污。立懦廉頑。尤堪矜式。是吾黨之公言。已不待元洪表襮。至義幟初張。萬流仰鏡。民權主義。昭然揭日月而行。倡憲黨者。既反翊新猷。伐義軍者。亦暗輸同意。現在共和成立。南北一家。起義與加功。實行與暗助。兩面相權。孰輕孰重。此中亦驟難軒輊。竊謂破壞建設。才雖相異。用實相資。當此四面楚歌。事機危迫。國務各員。但須擇學識經驗。確有專長。無論新舊南北。皆當竭力贊成。以漸成立。縱萬一少數部員。全才難得。亦當統權利害。稍示通融。斷不能以一髮之微。牽動全體。一部不職。不過失司。各部未成。立召亡國。此中

關係。無待解人。況彈劾之權。猶操國會。與斷送於今日。寧補救於將來。明達如公。諒必能共體時艱。早決大計。設再遷延不決。禍變日深。十日以外。將有復求於今而不可得者。鷸蚌相爭。漁人得利。彼時受臧獲之慘痛。悔昆弟之爭持。滅種已成。噬臍何及。元洪殘喘。尙存初心。未泯。沈機觀變。戰戰兢兢。誠不忍大好河山。及身割裂。心所謂險。不敢不言。昔楚莊之訓國人。也。曰禍至無日。鬪廉之誡屈氏也。曰師克在和。況在斯時。尤爲危急。近聞滿蒙諸族。猶且力持大體。緩派議員。卓識公忠。同深欽佩。矧我同族。反事稽延。生何以謝遺黎。死何以對烈士。伏乞互相敦促。廣爲開導。俾民國政府。早日觀成。振領提綱。猶可爲治。功魁禍首。爭此須臾。倘得邦本奠安。主權恢復。馨香尸祝。定仰元勳。元洪雖受妄言之罪。亦可以瞑目矣。臨穎雪涕。不知所云。

### 又上袁大總統電

鄂財支絀。實到萬分。下月軍餉。卽已難敷。再四籌維。無從着手。查漢口京漢鐵路。售票每日可收二萬餘元。現尙統存該棧。北京用度雖繁。來源較寬。請暫將此項撥借數十萬到鄂。以救燃眉。再湖北金融窘迫。全賴紙幣流通。車站售票處。專收銀洋。於金融界大生窒

碍。并請飭該處兼收紙洋。以資周轉。是否可行。統希賜復。

### 附覆電

尊處需款。廿三日。已飭撥一百萬存滙。至京漢鐵路。自軍興後。進款銳減。積欠甚多。本月須付贖路借款利息十二萬五千餘鎊。此外尙欠漢口各商號回費二十餘萬。料價五十餘萬。另每月開支二十餘萬。皆屬急迫之需。百方羅掘。苦難足數。現北路進款已竭澤而漁。專恃南路挹注。未便再飭挪撥。至紙幣一層。將來各省應有盡一辦法。容飭該管統籌核辦。

三月二十三日。據偵探報告。謂雲南大軍。將由川東下。黎頗恐慌。是日黎致雲南蔡都督電

頃據宜昌來電。稱駐蜀滇軍。日內由渝下駛等語。不勝驚異。共和宣布。無須用兵。鄂軍十鎮。川軍五鎮。均足自衛。陝事復將和平。請飭該軍尅日回滇。保衛地方。切勿下駛。至盼附覆電

漾電敬悉。敝省援蜀軍隊。已分道撤還。由渝歸者已至畢節。由瀘叙歸者已至大關。並

無由渝下駛之事。或係護運滇銅。人數當亦無多。請釋厯注。

三月二十四日、內閣總理唐紹儀至南京。與參議院磋商。并及接收南京政府手續。惟黃興力保陳宦。蔣作賓。湯薌銘等。務請重用之。

三月二十五日、接劉公司令自襄陽來電。幾與河南軍隊發生誤會。是日黎覆襄陽劉司令公電。

漾電悉。准開封齊都督箇電。前已電請馬雲卿等。速將所部儘力裁汰。酌編防軍一營。開駐新野。以舒餉而便民。并派員接洽等語。是馬軍已歸齊都督節制。南陽唐縣。地屬河南。該軍自應退駐襄陽境內。且共和宣布。先鋒隊名目。亟應取消。萬勿輕信南陽報告。致啟兵端。至要。

# 附來電一

頃接南陽報告。汴撫齊以重兵直侵南陽。佔據唐縣。逼本軍先鋒隊退三十里安營。現既南北統一。彼此軍隊。均宜謹守原駐地點。何得遽施兵力。野蠻強權。顯係背約。請急電詢齊撫。何故進兵。

附來電二

來電奉悉。已轉知南陽諸君矣。公自出發以來。迭經豫省各省呈請速臨。祇以未奉電示。未敢擅動。此後尙希時授機宜。俾資遵守。用收臂指之效。

又寄江陵縣知事黃炳言電

唐司令已委第七鎮統制萬城堤工。責成該知事妥爲辦理。舊有人員暫勿更換。該知事改充江陵縣知事。不另設縣知事。仰卽會同各縣妥辦堤工。並將無生計旗民人數查明。速覆。

附荊州唐司令電

竊查萬城大堤。統長二百餘里。爲荊郡及下游各州縣保障。命賦所在。關係極重。現屆興築之期。各屬紳商紛紛稟請前來。犧支一再調查。前清政府向派大府及荊州府督理。所有經費。先期籌墊。於歲征土費項下撥還。現在裁府留縣。府堤責任。實在本部。勢不得不派專員會同地方官紳挪款趕修。以顧大局。查有前湖北候補道朱純經。堪充總理。卸署歸州知州實缺枝江縣余鼎元。堪充協理。該二員久官荊鄂。熟悉情形。辦事

諳練。並兼委以荊旗善後之籌畫。事關民政。當務爲急。除分別委任設局開工開徵外。謹先電請鈞示。餘呈詳。

附江陵紳商學界來電

江陵縣知事黃告病請委。本縣紳商學界全體決意公留。因李高黃朱。任免廢時。堤工徵收。遲之又遲。再易生手。恐一切要政。無日爲矣。求勿准黃所請。電飭仍舊。

附沙市商會來電

江陵黃知事。人地相宜。現在堤工徵收一切要政。開辦在即。治理方幸得人。該知事告病請委。若易生手。窒碍恐多。祈勿准所請。電飭仍舊。

三月二十六日。黎大元帥因見漢冶萍公司。自武昌起義以來。停工已久。亟欲整理之。以維工人生活。但無力實行。

是日黎上袁大總統電

查漢冶萍公司。倡自張文襄。本屬官辦性質。嗣因成效未著。召盛宣懷承辦。數年以來。漸臻起色。然以個人承辦之故。魄力薄弱。既難展布。借債又陷重息。且凡百事業。必先規模。



宏具。然後出產旺而獲利豐。若枝節爲之。勢必不能發達。盛氏信用久失。國內所增之殷實股份。毫無着落。外商合資。復召危險。語其流弊。不可勝言。衆議紛乘。亦無足怪。竊聞歐美各國。煤鐵事業。多歸國有。即使民辦。取締亦嚴。國家命脉所關。斷無許外人插足者。漢冶萍公司。充其能力。足雄世界。即使盛氏慚於清議。謝絕外人。爐錘再興。狹隘如昨。何如收歸國有。大事擴張。當此民國初建。百廢待興。軌道輪舟。槍砲機械。在在皆資煤鐵。及今改良。或者利權不溢。國力可充。且一歸國有。即可立時開辦。三萬工人。均全生計。消弭隱患。莫此爲尤。其利一。且停工日久。機械銹蝕。鑛穴淹沒。洋工程師。日事閒散。坐糜薪資。若一經興辦。即不至再虞損失。其利二。據最近調查。但得五十萬兩。已足敷開辦之費。至該公司基金。共三千三百萬兩。其中股票一千萬兩。日本借款一千萬兩。陸續所借中外零債。共一千三百萬兩。此種零債利息重大。受虧甚深。設開辦之後。再籌得大宗借款。二千五百萬兩。償還零債之餘。作爲擴充之費。假以二十五年。所有債務。皆可清償。則公司發達。自可操諸左券矣。事關重大。謹就愚見所及。電達左右。伏候卓裁。

又覆袁大總統電

漾電悉。疊據重慶成都電稱。前與滇軍訂立條約。川人每月擔負餉銀十萬兩。先交四十萬。往復磋商。備銀三十萬。已交二十萬。餘十萬允滇軍拔完時交畢。川省屢受損失。公私告竭。請嚴飭滇軍迅即撤回各等語。查川省現已編練四鎮。足敷分布。僅瀘州請留滇軍。不足代表全川。已電達雲南都督。將駐蜀滇軍調回原省。保護地方矣。特復。

附來電

據四川紳商學界。由瀘州來電。稱成渝軍政府。命令不行。盜賊四起。藉援川滇軍之力。稍資鎮懾。現滇軍須回滇省。四民號呼挽留。請電飭滇軍留川整理等語。查川省內地情形。因郵電久阻。頗難詳悉。尊處相去較近。查明辦理。聞重慶以下。未甚殘毀。若峽路可通。似尙不至無着手之處。川鄂關係尤密。應速設法撫輯。以保上游財富之區。是爲至要。

三月二十七日袁大總統委任張鎮芳署河南都督。

是日黎上袁大總統電

疊接烟台濟南急電。深爲駭愕。現在共和成立。胡越一家。況同隸省域。尤當共策進行。力

圖補救。迺竟以各戴都督之故。藉武力爲後援。雖諸公熟忱義憤。或睠懷桑梓。或保護閭閻。未嘗不光明正大。然殺機一開。龍蛇起陸。牽一髮而動全身。合九洲而鑄大錯。各省效尤。列強乘釁。雖有賢智。亦無所施設。大陸神州。竟從此釀瓜分之禍。我山東最親愛之同胞。將何以謝天下乎。胡都督賢勞國事。奔走拘囚。海內同志。久深景仰。自武漢起義。贊助外交。東南半壁。倚爲長城。元洪飲水思源。尤深私感。乃因政體統一。竟請取銷重任。歸隱故園。視富貴若浮雲。愛共和如性命。此等人格。真當鑄金事之。設諸公堅執成見。必欲強仙鶴於樊籠。役神龍於輪輦。明德爲累。令聞不彰。揆諸君子愛人之心。豈忍出此。至張都督內清伏莽。外固邊防。其功原不可沒。然甘露窟於徧施。明月窮於普照。牧民者或有叢怨於上之慮。防匪者或有變本加厲之虞。當此十手交乘。高明神惡。雖是非要可共禡。而人地究似不宜。再四思維。惟有哀懇大總統。將胡都督准予辭職。張都督調離東省。逕命一資望最優之人。迅速赴任。毋庸由雙方推舉致啟爭端。將來憲法規定。再行遵照辦理。似於劃一政權之道。仍示服從輿論之心。度張都督視民如傷。當必不以此介介。一面仍開導兩軍。使悉蠲意見。共納範圍。閱牆雖凶。終是昆弟。與長淪於異族。寧暫屈於同胞。倘

再有一矢先加。恃強不服。義旗所指。咎有攸歸。洪雖鷲鈍。願隨南北諸都督之後。以征不庭。我兩軍諸將士。素持大體。值民國肇造之初。豈忍以偉烈豐功。甘爲戎首。事關危急。星火燎原。敢貢忠言。伏希鑑察。

### 附覆電

黎副總統感電。情詞迫切。令人傾倒。自鄂軍起義。南北分離。世凱生長兵間。晚而歸隱。值神州鼎沸。漁利相乘。嗟我同胞。水深火熱。不忍視五族人民。萬劫不復。入手辦法。卽以尊崇人道爲宗旨。驚風駭浪。一意孤行。排難解紛。智盡能索。實賴明達。鑒此愚忱。同贊共和。亟謀統一。正欲合南方英傑。修好釋嫌。同室有鬪。則披髮纓冠。其兄關弓。則垂涕而道。若復各分畛域。無事補苴。豆剖瓜分。同歸於盡。犧牲一身。誠不足惜。其如我四百兆神明之胄何。大局岌岌。險象潛生。言財政。則高築債臺。仰人鼻息。一有渝約。仰室難籌。言軍政。則傳染惡風。如撫驕子。一有譁變。全局俱搖。加以饑饉洊臻。瘡痍滿目。函電交馳。中心如擣。九京之下。尙有匄泉。若隕深淵。靡知所屆。山東爲南北樞紐。胡都督潔身思退。足爲世道鍼砭。惟因時事艱難。不願賢者作山林之想。借重之地方多。仍望

同舟共濟。張都督人地不宜。業經調離東省。諸君洞明大局。必不令世凱一身。獨旁皇於漩渦之中也。閱牆急難。人同此心。來電所云。與長淪於異域。寧暫屈於同胞。金玉之言。誠爲龜鑒。所願共襄大義。無殘同類。臨風雪涕。敢以告哀。

又覆沙市施鵠軍務科長沈嶽喬電

感電悉。二月陝電告急。卽備哈乞開司子彈三萬顆。麥利夏槍四十支。子彈三千一百一十顆。於二月十五日發交陝甘代表王卓午。竇法源等運秦。並有咨文。特復。

附來電

頃甘肅代表竇法源輪運槍砲子彈來沙。稱係鄂督咨發運秦等語。是否屬實。希卽電示。

又寄鄖陽府知事伍銓萃電

頃據房縣紳民報告云。該縣現有委員三人。迫令該縣捐款四十萬。限四十日守提。該縣地瘠民貧。此項捐款。果屬何名。前經通飭。不准假借名目。日事擾民。今又如此。實屬不法已極。仰飭停止。以重民命。

## 附覆電

省電敬悉。去歲臘底。因奉招討使電令。軍隊北伐。餉需缺乏。支持數月。無從接濟。斷非  
鄖縣一屬所能擔任。會議攤派之法。委任員紳。分赴外五屬。酌量籌備。俟軍務平定。撥  
還。此係全城軍紳商學各界公同籌議辦法。嗣據赴派紳士趙永清羅訓英稱。與新任  
知事周君兆璜接洽。並不承認分文。該紳空手回鄖。已有多日。並無迫令情形。更無派  
該縣捐四十萬之說。似此造謠聳聽。殊爲駭聞。現招討使派有駐鄖軍事民事參議官  
曾吳羅三君。籌辦鄖陽全屬善後事宜。地方倘有擾民舉動。必不共安緘默。伏乞派員  
澈查虛實。並轉致季招討使。賜示至盼。

三月二十八日、袁大總統任周自齊爲山東都督。

是日黎覆南陽馬統帶等電

徑電悉。貴軍已歸汴都督節制。應據實呈報汴都督。設法維持。或派人至第六鎮疏通。意  
見。勿輕用兵至要。

## 附來電

雲卿駐紮南陽地方。恪遵命令。保守秩序。刻第六鎮李統制純。飭令該鎮統帶吳金彪。劫進宛城。利用土匪逃兵。焚殺搶掠。殘害生靈。宛民何辜。獨受共和後之慘禍。雲卿應如何對待。懇速電示。

又覆襄陽司令官劉公電

電悉。張國荃軍隊。業已電飭回省編制。毋庸歸君節制。至君所率軍隊。務希保持前狀。萬不可添招。致糜餉項。刻下湖北經濟困難。已達極點。君所稔知。所有軍隊。均已陸續汰除。以減我鄂同胞之負擔。想君駐節父母之邦。必能格外節省費用。保護地方。爲鄉人造無窮之福也。

附來電

襄陽第十一協張國荃軍隊。向歸季雨霖節制。季軍去襄。卽將該協名冊移開前來。謹予節制。目下軍政府劃定區域。左軍屯駐襄樊。事權首宜劃一。名義尤貴分明。該協軍隊。應否歸公節制之處。敬乞電飭祇遵。庶權限劃清。裨益全局。

七七、三月二十九日 唐內閣各部總長通過臨時政府決四月

## 二日北遷

三月二十九日、內閣總理唐紹儀。列席南京參議院。發表政見。提出各部總長名單。請求同意。并得多數贊同。且經參議員多數議決。定於四月二日將臨時政府遷至北京。參議院亦同移北京開議。

## 是日黎致南京臨時政府電

禍電諒已達覽。國務各員。聞唐總理已商定交院。元洪曾爲此問題。聲嘶腸斷。陳情議院。至再至三。殘破之餘。獲聞吉語。遠方逃聽。喜極涕零。惟是大局顛危。瞬息千變。京津一帶。徧駐外兵。合約簽名。分圖繪色。漁人收利。顧盼自豪。遼瀋以西。尤爲怵目。設我議未宣。而彼機先發。亡國滅種。卽在崇朝。尙乞早催解決。迅予發表。以安人心。而迴天步。千秋一刻。功罪攸關。惟公式圖之。狂瞽瀆陳。伏希立覆。

三月三十日、黎大元帥接唐紹儀組成內閣之電如下。

## 附唐總理自南京來電

昨提國務員名。咨交參議院。頃准咨開。所有外交總長陸徵祥。內務總長趙秉鈞。陸軍



總長段祺瑞。海軍總長劉冠雄。財政總長熊希齡。教育總長蔡元培。司法總長王寵惠。農林總長宋教仁。工商總長陳其美。均多數同意。惟交通總長梁如浩。多數不同意等語。因交通總長尚未通過。致難發表。現由儀暫行代理。以免濡滯。謹聞。儀卅。

三月三十一日。接北京來電。謂昨日袁大總統已將參議院通過。諸閣員正式發表。并任黃興爲參謀總長。兼統兩江軍隊。

是日黎覆成都尹張兩都督電

銑電悉。現西北一律反正。趙惟熙充甘肅都督。袁大化任新疆都督。升允已經解散。貴省援陝軍隊。請速調回。保護地方秩序。爲盼。

### 附來電

前於上月迭據西安敬電。曾經先遣一梯團馳往救援。已助漢中反正。並陸續增兵一鎮在途。茲於三月十六日接西安張都督銑電稱。現在甘省紳民。贊成共和。馬安良彭英民。業經議和。退出乾醴。惟鳳岐敵人。尙負固不服。敝軍尙能支持。援師抵漢。無任感佩。請卽調回收息等語。查西安解嚴。敝軍自應遵電撤回。惟甘肅已否反正。敝省并未

接電。應否旋師援甘。請公迅電示。以便組織進行。至盼。

### 七八、四月一日 孫大總統解任

四月一日、孫大總統公布參議院法而後解任。并至參議院行解任禮。卽在院演說。其詞如下。

本大總統於中華民國元年一月初一日。來南京受職。今日四月初一。至貴院解職。自一月一日至四月一日。爲期適三個月。在此三個月中。均爲中華民國草創之時代。當中華民國成立以前。純然爲革命時代。中國何爲發起革命。實以聯合四萬萬人。推倒惡劣政府爲宗旨。自革命初起。南北界限尙未化除。不得已而有用兵之事。三月以來。南北統一戰事告終。造成完全無缺之中華民國。此皆全國國民及全國軍人之力所致。在本大總統受職之初。不料有如此之好結果也。不料以極短之時期。而能建立如此大事業。本大總統於一個月前已提出辭職書於貴院。當時因統一政府未成故。雖已辭職。仍執行大總統事務。今國務總理唐紹儀組織內閣。已經成立。本大總統自當解職。今日特到貴院宣布。但趁此時間。本大總統尙有數語。以陳述於貴院之前。中華民國國民。均有國民之

天職。何謂天職。卽促進世界之和平是也。此促進世界的和平。卽爲中華民國前途之目的。依此目的而行。卽可鞏固中華民國之基礎。蓋中國人民居世界人民四分之一。中國人民若能爲長足之進步。則多數共躋於文明。自不難結世界和平之局。況中國人種以愛和平著聞於世。於數千年前。已知和平爲世界之真理。中華民國有此民習。登世界舞臺之上。與各國交際。促進和平。卽是中華民國國民之天職。本大總統與全國國民同此心理。務將人民之智識習俗。及一切事業。切實進行。力謀善果。本大總統解職之後。卽爲中華民國之一國民。政府不過一極小之機關。其力量不過國民極小之一部分。大部分之力量。仍全在吾國民。本大總統今日解職。并非功成身退。實欲以中華民國國民之地位。與四萬萬國民協力。造成中華民國之鞏固基礎。以冀世界之和平。望貴院與將來政府。勉勵人民。同盡天職。從今而後。使中華民國得爲文明之進步。使世界人民均得享和平之幸福。固不第一人之宏願也。

詞畢。以臨時大總統印。交還參議院。於是參議院致辭曰。

中山先生發宏願救國。首建共和之議。奔走呼號。於專制淫威之下。瀕於殆者屢矣。而毅

然不稍輟。二十年如一日。武漢起義。未一月而響應者。三分天下有其二。固亡清無道所致。亦先生宣導鼓吹之力實多。當時民國尙未統一。國人急謀建設臨時政府於南京。適先生歸國。遂由各省代表公舉爲臨時大總統。受職纔四十日。卽以和平措置。使清帝退位。統一底定。迄今未忍生靈塗炭。遽訴之於兵戎。雖柄國不滿百日。而五大民族所受賜者。已靡有涯際。

孫大總統卽發解職令如下。

附南京臨時政府通電

臨時大總統孫令。前由參議院議決。統一政府辦法第六條。孫大總統於交代之日。始行解職。今國務總理唐君南來。國務員已各任定。統一政府業已完全成立。於本月初一日。在南京交代。本總統卽於是日解職。是用宣布周知。此後國中一切政務。悉取決於統一政府。本處各部辦事人員。仍各照舊供職。以待新國務員接理。勿得懈忽。致多曠廢。本總統受任以來。慄慄危懼。深恐弗克負荷。有負付託。今幸南北一家。共和確定。本總統藉此卸責。得以退逸之身。享自由之福。私心自慶。無以逾此。所願吾百僚執事。

公忠體國。勿以私見害大局。吾海陸軍士。謹守秩序。勿以共和昧服從。吾五大族人民。親愛團結。日益鞏固奮發。更爲宣揚國光。俾吾艱難締造之民國。與天壤共立於不敝。本總統雖亦得以公民資格。勉從國人之後。爲幸多矣。此令。

是日袁世凱任黃興爲南京留守。仍轄兩江各軍。卽以徐紹楨爲參謀總長。

眞史氏曰。自武昌起義。至袁世凱接收南京政府。卽開漢奸亂國之端矣。陳宦至北京。迎合袁世凱之心理。專用目不識丁之武人。暗增軍隊。以爲爪牙。先以逼走黃興。博袁歡。次則羈縻黎元洪。除袁心腹之患。次則羈縻蔡鍔。使邊疆無擁兵之人。乃使張昉奔走於津浦間。而黃興果中其計。棄留守而作同孚路二十一號之寓公。使覃師範奔走京漢路上。黎元洪亦入彀而受無形之禁於瀛臺。用范希績奔走於雲南。蔡鍔亦不得不入京而受袁氏之挾制。黃也黎也蔡也。皆袁氏眼中釘也。釘盡拔。袁氏可以自豪矣。於是莫禮遜以滅埃及之法滅中國。利用洪憲以實行民國之亂無已時矣。容當一一記出。以爲實錄。民國十六年丙寅春間。余至漢搜集辛亥革命眞史材料。並晤同志吳君兆麟。將辛亥民軍與清軍陽夏之戰。以至北伐之役。一切戰報命令。及陣中日記。檢出交余。編爲革命實

錄。備軍事之參稽。吳君謂余不明戰時次第。當不交。據云。刻辦樊口隄閘兼辦襄河隄工。忙碌極矣。無暇清理。俟秋間稍閒。檢出交之。余於是在漢一面等候。一面徵集他種史料。迨七月下旬。不意南軍圍武昌城。四十日不拔。其時吳君在樊口工次。旋至漢。不克入城。憂甚。恐城中屋被焚。一切底稿化爲灰燼也。及武昌城破。遣人往探。據報屋尙如故。惟什物被劫多次耳。余當謂吳君云。所劫者不過衣物。書類一切文件。當不在被劫之列。復遣人往運物。詎知屋被第七軍留守處占住。竟不許運物。幸留守諸員中有鄭副官與吳君共事有年。當留守處他遷。卽由電話通知。吳君當遣陳有耀熊國斌往守屋。並專清檢文件。是晚熊國斌果拾碎紙兩網籃來漢。而革命紀事命令戰報并吳君任狀等。尙存三分之二。各部隊陣中日記。僅存鄂軍第二協之一份耳。餘與辛亥工程營暨諮議局同志名冊。均失去不可復得。惜哉。余是時請吳君勿一誤再誤。卽將幸而未失各要件。交余携至崑山。俾與其他真史彙編付梓。庶幾因革命殉身諸先烈得不湮沒。其正氣可永貞於人心而不息也。真史氏又記。

武昌革命史  
正編

曹亞伯著